

清 張廷玉 等撰





中 華 書 局

卷二九二至卷三〇三(傳)第二五册

明史卷二百九十二

列傳第一百八十

忠義四

王紹正 張允登 常存畏 乳景嵩 劉定國 郭應響 何承光 張光奎 高 楊于楷等 日臨等 龐瑜 李中正 董三謨等 馬足輕等 尹夢鼇 方國儒

趙士寛等 盧謙 張有俊等 襲元祥 子炳衡 姚允恭 王信 史記言

李君賜等 梁志仁 單思仁等 王國訓 胡爾 純等 黎弘業 馬如蛟等

張國勛等 王燾 魏時光 蔣佳徵 吳暢春等 徐尚卿

張紹登

王時化等 阮之鈿 郝景春 子鳴鑾等 張克儉 鄭日廣等

徐世淳 子肇梁 余塙等

張允登,漢州 人。 萬曆三十八年進士。 歷知咸寧、咸陽,有善政。 其成進士,出湯賓尹

列傳第一百八十 忠義四

七四七九

之門,賓尹弗善也,而 通 延歲飢,亟遭盜,允登拊循備至,士民德之。 殺 知 縣郭永固,劫餉。 東林以賓尹故、惡之。 允登力禦,不敵死。 崇禎四年閏十一 舉卓異,得刑部主事,累遷河西兵備副使。 廊人素服迎其喪,哭聲震十里,罷市三日。 月督餉至甘泉,降卒潛與流賊 鄜

景嵩死之。明年二月陷鄜州,兵備副使郭應響死之。 當是時,流賊日熾,總督洪承疇往來奔擊,日不暇給。 逾月陷宜君,又陷葭州,僉事郭

光祿寺少卿、諡忠烈、予祭葬、廕一子入監讀書。 至是,混天猴率衆夜突至,應響登北關,集士卒拒守,手殺三賊,力不支遂死。事聞,贈 應響,福淸人,萬曆丙午舉鄉試第一。寧塞餘賊來犯,應響禦之,斬賊常山虎等十五

自安等率衆固守八日,援兵不至,城陷,並死之。 下,擊斬數百人,礮盡無援,一 人吳開先爲將,使擊賊,戰澤州城西。 張 光奎,澤州人。 仕至山東右參政。 軍盡沒。 賊敗去,從沁水轉掠陽城 賊乃再犯 崇禎 五年,流賊躪山西,監司王肇生以便宜署歙 |澤州,光奎方里居,與兄守備光璽、千總劉 澤,大州也,遠近爲震動。 開先恃勇渡沁,戰北 事聞,贈光祿 留 墩

|梁人,由選貢生爲||平順知縣。 六年四月,賊來犯,設策守禦,城破不屈死。 居昌平副使樂濟衆被傷,不屈,投井死。贈于楷光祿少卿,濟衆太僕少卿。 城陷,于楷被執,罵賊死。呈章、友程及舉人趙一亨、侯標並死之。明年六月,賊陷和順,里 是歲,紫金梁等寇遼州,里居行人楊于楷與主事張友程,佐知州信陽李呈章拒守,力屈 有徐明揚者,浮

設備。 减 奮擊,衆寡不敵,力戰死。 初,謝病歸。 李中正,盧氏人。萬曆末,舉會試,以天啓二年赴廷對,授承天府推官,遷兵部主事。崇 驟聞賊至,吏民惶駴,知縣金會嘉棄城遁。十二月,賊入城,中正勒家衆及里中壯士 六年, 羣盜大亂河北。 其冬, 乘冰渡河, 遂由澠池犯盧氏。 賊縱掠城中,執舉人斯謙書,使跪,不屈,大罵而死。 中州承平久,不

縣傅世濟、李佩玉,上蔡劉 實許煇,新安劉君培、馬山、李登英,偃師裴君合,陝州張我正、張我德,孟津孫挺生,日清 賊以是冬始入河南,自是屢陷名城,殺將吏無算,鄉官舉貢多被難。 一時寵輩,則先後以布衣抗節顯 其宜陽馬足輕,靈

投崖 以 振,焚券千餘。 崇禎六年冬,流賊渡河而南,挈家避之石龍崖。 死。 足輕,性孝友。 足輕被執,厲聲大罵。 弟惑婦言,迫分產,乃取田磽薄者自予。」萬曆末,歲大凶,出粟六百石 賊怒,并三子殺之。家衆皆遇害,惟存次子<u></u>酸一人,後登鄉 三女皆殊色,慮賊汚, 悉

薦。煇爲縣陰陽官,爲賊所掠,大罵見殺。

君培有義行,攜子及從孫避難,道遇賊,欲殺其從孫。 君培曰:「我尚有男,此子乃遺

孤,幸舍之而殺我。」賊如其言,二子獲免。

山性剛直,土寇于大中陷新安,獲山,使負米。叱曰:「我天朝百姓,肯爲賊負米邪」」大

罵而死。登英亦以罵賊死。

君合幼孤,母苦節,孝養惟謹。賊至,聚衆保沙岸寨。攻圍十晝夜不克,說之降,大罵

不從。寨破,被磔。

奮 臂 獨戰。 我 正素豪俠,集衆保郷里,一方賴之。 賊愛其勇,欲生致之,詬罵自刎死。 十四年勒衆禦賊,馘三人。俄賊大至,衆悉奔, 我德知賊至,恐妻子受辱,驅一家二十七人

登樓自焚。

夫徇義之秋也。」夫婦對泣、詬賊而死。 挺 生 精 星 一術,預卜十五年有寇禍,編茅河渚以居。 世濟與兄世舟並爲土寇于大中所執,將殺之。 **賊蹤跡得之,語其妻梁氏** 曰:「此匹 兄弟

相抱泣、賊議釋其一、世濟卽奪賊刀自殺、世舟獲免。

賊後,奪其輜重。 佩玉者,御史興元孫也。崇禎末,中州盡殘,佩玉結遺民捍鄉井,與鄰寨相掎角,往往尾 贼憚之,不敢出其境。後大舉圍別寨,佩玉往救,力戰而死,里人聚哭之。

賊陷城,其父宗祀以年老不能行,命之速避,遂自殺。

時寵慟哭,刺殺

子、三女,夫婦並自剄。 其妹適歸寧,亦從死,一家死者八人。

時寵有孝行。

知縣° 出禦,力不支,城遂陷。亡何,賊退,國儒還入城。 方國儒,字道醇,歙縣人。 流賊大入湖廣,將吏率望風先奔。 四歲失父,奉母以孝聞。 保康小邑素無兵,七年正月賊至, 踰月復至,督吏民固拒。 天啓元年舉於鄉。 崇鴯間,授保康 國儒急率鄉兵 賊至益衆,復

陷。國儒官服坐堂上,被執大罵,身中七刃死。

口死。 賊陷竹溪,訓導王紹正死之。 他賊犯興山,知縣劉定國堅守。 穀城舉人常存畏會試赴京,道遇賊,欲劫爲首領,罵不絕 城將陷,遣吏懷印送上官,罵賊死。

淧 | 夔門 吏民固守,力竭 何 承光 犯夔 州 貴 州 城陷。 副使周士登在涪州 鎭遠人。 承光整冠帶危坐,賊入殺之,投屍於江。 萬曆四十年舉於鄉。 ,城中倉猝無備,通判、推官、知縣 崇禎中,歷夔州同知。七年二月,賊由 事聞、贈承光夔州 悉遁。 承光攝 知 府事 荆州 府。

自 賊 起陝西,轉寇山西、畿輔、河南、北及湖廣、四川,陷州縣以數十計,未有破大郡者

至是天下爲震動。

兵敗被執, 其 他部自漢中犯大寧, 大罵不屈, 賊碎其體焚之。 知縣高日臨見勢弱不能守,齧指書牒乞援上官,率 訓導高錫及妻女,巡檢陳國俊及妻,皆遇害。 衆禦之北 日臨

字儼若,鄱陽恩貢生。

四月,守備郭震辰、指揮田實擊 賊 陷夔州 他 賊卽 以 次日 陷 ,賊百丈關,兵敗被執,罵賊死。 巫山, 通江巡檢郭續化陣沒, 通江指揮王永年力戰死。 至

貢生. 一授京山 龐瑜,字堅白,公安人。 訓導。 崇禎七年擢 家貧、躬耕自給。 陝西崇信 知縣。 夏轉 縣無城, 水灌 田 兵荒, 執 書從牛後, 貧民止百餘戶。 朗 誦 不 瑜 輟。 知 賊 由 必 歲

盡圯。 敢辱官長!」拔刀脅之,罵益厲。 至,言於監司陸夢龍,以無兵辭。 賊掩至,瑜急解印遣家人齎送上官,端坐堂上以待。 賊掠城中無所有,執至野外,剖心裂屍而去。 **瑜集士民築土垣以守,流涕誓死職。** 賊至, 捽令跪。 閏八月天大雨,土垣 瑜罵曰:「賊奴 贈固原知州。

時賊盡趨秦中,長吏多殉城者。

山 陽 陷, 知縣董三謨,黎平舉人也,及父嗣成、弟三元俱死之,妻李氏亦攜子女偕死

贈光祿丞,立祠,與嗣成、三元並祀,妻女建坊旌表。

死。 陷,北面再拜曰:「臣雖小吏,嘗食祿於朝,不敢以謝事逃責。」大罵死之。 教諭李之蔚、鄉官魏炳亦不屈死。 吉永祚, 輝縣人。 爲鳳縣主簿,謝事將歸。 永祚贈漢中 會賊至, · 衞經 歷,餘贈恤有差。 知縣 棄城遁, 永祚倡義拒守。 子士樞、 士模皆 城

婁琇知涇州。閏八月,城陷死,贈太僕少卿。

蒲 來 舉 知甘泉。 **賊來犯,守備孫守法等擁兵不救。** 城破,來舉 手刃一賊,傷六賊而後

死。贈光祿少卿。

呂 鳴 世 ,福建人。 由恩貢生爲麟游知縣。 兵燹後,拊居民有恩。 城陷,賊不忍加害,自

絕食六日卒。

列

有宋緒湯者,耀州諸生,被獲,大罵死。

遂投城下烏龍潭死,弟姪七人皆死之。 丈,城上人皆走,止之不可。 流賊大至,立馳還。 廷傳請先據之,夢鼇以爲然。 尹夢鼈、雲南太和人。萬曆時舉於鄉。崇禎中知潁州。 賊已抵城下,乃偕通判趙士寬率民固守。 夢鼈持大刀,獨當城壞處,殺賊十餘人,身被數刃。 而廷傳所統皆市人, 不可用。 賊遂據樓以攻, 八年正月方謁上官於鳳陽,聞 城北有高樓瞷城中,諸生 且鑿城,頹 賊衆畢登, 劉

絕,口授友人方略,令繕牘上當事,旋卒。 廷傳者,故布政使九光從子,任俠好義,亦罵賊死。 九光子廷石分守西城, 中賊刃未

賊死。 生白,訓導丁嘉遇,舉人郭三杰,諸生韓光祖等,皆死之。 三百里返州。 士寬,字汝良,掖縣人。 鄉官尚書張鶴鳴、弟副使鶴勝、子大同,中書舍人田之穎, 城陷,率家衆巷戰,力竭,亦投烏龍潭死。 由門廕爲鳳陽通判,駐潁州。 妻李攜三女登樓自焚,僕 以正 旦詣郡城, 知縣劉道遠,光祿署正李 聞警,一 王丹 日 夜 亦 馳

光祖,進士獻策父也,被執,賊捽使跪。 叱曰:「吾生平讀書,止知忠義。」遂大罵。 賊殺

策、孫日 曦 罵賊死,獨獻策獲存。 時被難者共一百三人,城中婦人死節者三十七人,烈女八 之,碎其屍。 妻武偕一妹、一女並獻策妻李赴井死。 妾李方有娠,賊剖腹剔胎死。 次子定

人。潁州忠烈,稱獨盛云。

潁 州 衛隸河南,流賊至,指揮李從師、王廷俊,千戶孫升、田三震,百戶羅元慶、田得民

王之麟俱乘城戰死。 賊旣陷<u>潁州,</u>屠其民。 其別部卽以是月由壽州犯<u>鳳陽</u>

岳光祚,千戶陳弘祖、陳其忠、金龍化等,以兵三千逆賊上窰山,多斬獲。 如蝟,遂敗,國相自刎死,餘皆陣沒。 賊遂犯皇陵,大肆焚掠 鳳陽故無城,中都留守朱國相率指揮袁瑞徵、呂承廕、郭希聖、張鵬翼、周時望、李郁 俄賊數萬至,矢集

知府顏容暄 囚服匿於獄,釋囚獲之,容暄大罵,賊杖殺之。 血浸石堦,宛如其像,滌之

不滅。士民乃取石立塚,建祠奉祀。

何縶此賤隸?」賊遂釋之。 「若索官,何爲? 推官萬文英臥病,賊索之。 我卽官也。」賊繁之。 元亨乃極口 。子元亨,年十六,泣語父曰:「兒不得復事親矣」」出門呼曰: 顧 大罵。 見其師萬師尹亦被繁,紿賊曰:「若欲得者, 賊怒, 斷脛死, 文英獲免。 官爾

人,諸生六十六人。 容喧 一,漳浦 文英,南昌 舉 人蔣思宸聞變,投繯死 人。 皆進士。 時同死者,千戶陳永齡、百戶盛可學等四十

列傳第一百八十 忠義四

後給事中林正亨錄上其狀,贈夢鼈光祿少卿,士寬光祿丞,餘贈卹有差。

命服,危坐中門。賊至,欲屈之,罵曰:「吾朝廷憲臣,肯爲賊屈邪?鼠輩滅亡在卽,安敢無 政,引疾歸。 崇順八年二月,流賊犯廬江,士民具財帛求免,賊偽許之。 俄襲陷其城,謙服 」,財怒殺之,投屍於池,池水盡赤。舉人張受、畢尹周亦不屈被殺。 盧謙,字吉甫,廬江人。萬曆三十二年進士。三授永豐知縣。 擢御史,出爲江西右參

是年正月,賊陷霍丘,縣丞張有俊,教諭倪可大,訓導何炳,鄉官田旣庭、戴廷對,

二月犯太湖, 知縣金應元據城東大濠以守。奸人導賊渡濠, 執應元,斫之未殊, 自經

賊陷巢縣,知縣嚴覺被執不屈,一門皆死。

死。訓導扈永寧亦死之。

王毓貞死焉。

謙贈光祿卿,餘贈卹如制。 覺,歸安人。 應元,浙江山陰人。 皆舉人。

襲元祥,字子禛,長洲人。 舉於鄉。 崇禎四年爲霍山教諭,厲廉隅,以名教自任, 與訓

斂其屍,卽自縊,適令至,解免。 何敢辱我!」賊怒,執之去,罵不絕口,遂遇害。 爾。」及賊陷城,元祥整衣冠危坐。賊至,侃侃諭以大義。賊欲屈之,厲聲曰:「死卽死,賊輩 勸之避,元祥曰:「食祿而避難,不忠。 導姚允恭友善。八年,賊陷鳳陽,元祥偕縣令守禦。 日忠孝,以其子配。 允恭亦被旌。 越日,賊復入,允恭卒死之。事聞,贈元祥國子助敎,建祠 臨危 [而棄城,不義。 吾平日講說者謂何?倘不測,死 子炳衡號呼罵賊,賊又殺之。閱五日,允恭 賊掩至,令逸去,元祥督士民固守。

由 :歲貢生除靈壁訓導,遷眞陽知縣。八年二月出撫土寇,會流賊猝至,被執,使諭 信大罵不從,斷頭剖腹而死。 王信,陝西寧州人。 父殁,廬墓三年。 閱四日,其子來覓,猶舒指握子手。贈光祿丞,建祠奉祀。 母歿,信年已六十,足不踰閾者三年。 降羅山、眞 崇禎

募士,聘少室僧 史記言,字司直,當塗人。 訓練 之。八年冬十一月,三流賊犯陝, 崇禎中舉人,由長沙知縣遷知陝州。 記言禦之,斬數十級,生擒二十餘人。 陝當賊衝、記言出私財

道泰、阮我疆、鎭撫陳三元,亦不屈死 州 兩僧掖之出曰:「死此,何以自明?」乃越女牆下。 也 回 !| 遂被殺。 回憤,率數萬人攻城,不克,乘雪夜來襲,而所練士方調他郡,城遂陷。 指揮李君賜殺數賊而 死。 訓導王誠心,里居教諭張敏行、姚良弼, 賊追獲之,令降,叱曰:「有死知州,無降知 記言縱火自焚,

記言贈光祿少卿,餘贈卹有差 是月,賊陷盧氏,知縣白楹自剄。 十年九月陷湿池,知縣李邁林死之。

持長 賊大擾湖廣,志仁日夕儆備。 俟其去,當取之。」 八年二月猝攻城。 ,聞之,馳至羅田,斬其別核,曰:「奈何擅害長者」」以錦繡斂其夫婦屍。 矛巷戰 , 焚之。 梁志仁,南京人,保定侯銘之裔也。 ,殺六賊。 妻唐被逼,大罵,奪賊刀不得, 會邑豪江猶龍與 志仁急偕典史單思仁、教諭吳鳳來、 力屈被絷,抑使跪。 羅汝才謂 、賊通, 左 萬曆末年舉於鄉。 右曰:「羅 罵曰:「我天子命官,肯屈膝賊輩邪 志仁捕下獄。 口齧 賊手,遂遇害。 田 城 訓導盧大受督民守禦。 小易克,然梁君長者,吾不 **猶龍知必死,潛導汝才別** 崇禎六年授衡陽 思仁等亦不屈死。 知 」、賊怒,碎其 縣, 城陷, 校 忍 調 汝才在 來攻。 加 羅 兵。 田

鳳來,福建舉人。大受,寶慶貢生。 韶贈志仁蘄州知州,思仁羅田主簿,鳳來國子助教,

大受學錄,廕子,祭葬有差。

之,補調扶風。 史陳紹南、教諭張弘綱、訓導陳繻嬰城固守。 王 國訓, 字振之,解州人。天啓二年進士。歷知金鄉、壽張、滋陽、武淸。 國訓性剛嚴,恥干進,故官久不遷。 閱兩月,外援不至,城陷,罵賊死。 崇禎八年秋,賊來犯,偕主簿夏建忠、典 坐大計,久 建忠等亦

不屈死。贈國訓光祿少卿,建忠等皆贈卹。

,殺知縣薄匡宇。 當是時,大帥曹文詔、艾萬年等並戰歿,賊勢益張, 尋陷咸陽,殺知縣趙躋昌。 關中諸州縣悉殘破。 八月,賊陷水

其 時 長 吏以死聞者, 隴州 知州胡爾純, 自經死。 延長知縣萬代芳與教諭譚恩、驛丞羅

禄丞,妻妾建坊旌 文魁協力守城,城陷皆死之。 表。 恩等亦賜祭。 代芳妻劉、妾梁從死。 爾純,山東人,贈光祿少卿。 代芳贈光

有孫仲嗣 膚施 由貢生爲階州學正。 當事知其才,委以城守。 賊大至, 盡瘁死

列

府、大計罷歸。 贼攻城,佐有司禦贼以死,贈恤如制。 城破,與妻子十餘人並死之。贈國子博士。又有楊呈秀,華陰人。 由進士歷官順慶知

死。」 賊入,傷數刃而死。 贈太僕少卿,任一子。 女四人繼之。弘業北面慟哭再拜,自刎未殊,濡頸血大書曰:「爲臣盡忠,爲子盡孝,何惜 官以累母,奈何!」母李泣諭曰:「汝勿以我爲意,事至此,有死而已。」遂自縊。妻楊、妾李及 至,與鄉官馬如蛟募死士,登陴固守。城將陷,弘業繫印於肘,跪告其母曰:「兒不肖,貪微 黎弘業,字孟擴,順德人。由舉人知和州。崇禎八年,流賊犯和州,禦却之。十二月復

汪、子婦章赴水死,贈國子監丞。 判官錢大用偕妻妾子婦俱死。 訓導趙世選不屈死,贈國子學錄 吏目景一高被創死。 學正康正諫,祁門人,舉人。 偕妻

事,永革其弊。 史, 劾罷 馬 如 魏忠賢黨徐紹吉、張訥。 蛟,字騰仲,州人。天啓二年進士。授浙江山陰知縣,有淸操。 還朝、監武會試。 武舉董姓者,以技勇聞於帝,及入試,文不中程,被黜。帝 出按四川,蜀中奸民悉以他人田產投勢家, 崇禎 如蛟 元年徵授御 列上十

城。 司判官如蚪、諸生如虹及家屬十四人皆死。事聞,贈太僕少卿,官一子。 佐弘業固守。塵壯士出擊,兩戰皆捷。 怒,黜考官,如蛟亦落職。八年論平邦彥功,復故官,以父憂未赴。流賊至,如蛟傾貲募士, 如蛟急下令,能擊賊者,予百金,須臾得百餘人。 賊將奔,會風雪大作,不辨人色,守者皆潰,賊遂入 巷戰,賊多傷,力屈,逐戰死。兄麼運

官。 其忠,以冠帶覆屍,埋堂側。 賊去, 邑侍郎王瑊之子權結怨於族黨, 怨家潛導賊復來攻。 以出,賊乘間登南城。 饒可久悉力禦之。 副將鄧祖禹來救,守西南,國勛守東北,紹登往來策應。 張紹登,字振夫,南城人。 國勛曰:「賊不一創,城不易守。」 率壯士出擊,力戰一日夜,斬獲甚衆。 紹登還署,端坐堂上,賊至,奮拳擊之。 崇禎中舉人,知應城縣。 九年,賊來犯,偕訓導張國勛、鄉官 國勛佐紹登力守,而乞援於上 會賊射書索權,權懼,斬北 羣賊大至,乃被殺。 賊渠歎 關

國 勛於烈焰中。 國勛,黃陂歲貢生。 祖禹亦不屈死。 贼旣入,朝服北面拜,走捧先聖神主,拱立以待。 賊遂焚文廟,投

可久, 幼狐 ,事母孝,舉於鄉。 知大興縣。崇禎初,疏請更三朝要典,時奄宦擅權,謫光

也。」于是妻女相對自經。 祿典簿。 遷應天府推官、刑部主事,歷知府,丁艱歸。 可久被執,賊强之拜,曰:「頭可斷,膝不可屈也」」遂遇害。 賊入,語妻程曰:「臣死忠,婦死節,分 城為

事聞、贈紹登尚寶少卿、國勛國子學正。

賊支解

祖 母 及母惟謹。 王燾,字濬仲,崑山 萬曆末,舉於鄉,由敎 人。 少孤貧,九歲爲 諭歷隨州知 人後。 州 族人有謀其產者,燾舉以讓之, 州經羣盜焚掠,戶不滿千。 煮訓民 迎養嗣

兵,繕守具。土寇李良喬爲亂,殲滅之。

賊望見駭走。 風雪,守者多散。 十年正月,大賊奄至。 已,覓州印,得之燾所立尺土下。 **燾知必敗,入署,整冠帶自經。** 燾且守且戰,擊斬三百餘人。賊攻益力,相持二十餘日。 事聞、贈太常少卿。 賊焚其署,火獨不及燾死所,屍直立 福王時, 賜諡 烈愍, 示仆, 天 大 建

雙忠祠,與同邑蔡懋德並祀

有魏時光者,南昌人。 善舞雙刀。 崇禎九年夏,為廣濟典史。 邑遭殘破,長吏設排兵

弟死,吾獨不能表暴之乎」具牘力陳,乃奏聞。 不屈死。 數賊,賊不敢逼。俄賊大至,部卒皆散,時光單騎據高坡,又殺數人。賊環繞之,靷斷被執, 三百人,委之教練。其冬,賊據蘄州河口,憚時光不敢渡。 其兄陳於上官,却不奏。 兄憤發病死,友人收殮之,哭盡哀,曰:「弟爲國死,兄爲 贈廣濟主簿,予恤典。 時光益募死士,夜襲其營,手殺

死。 宜賜諡廕,以植倫常。 至 「,訓民爲兵。 十年秋,賊果來犯,設伏要害,親率兵往誘,賊殲甚衆。 母聞之,亦投繯死。 蔣佳徵,灌陽 人。天啓四年舉於鄉。 乃建表忠祠,幷母奉祀。 兵部議贈奉訓大夫、尚寶少卿。 崇禎中,知盱眙縣,有聲。 未幾,巡按御史言佳徵子忠母義, 縣故無城,佳徵知賊必 **賊怒,環攻之,力戰**

賊,被執不屈死。 至,夜設燎,大驚去之。 同時江北死難者,有吳暢春。 贈迪功郎、安慶府經歷,廕子所鎭撫 踰年,賊再至,暢春死守,力屈,仰天歎曰: 「吾得死所矣」」手刃數 崇禎八年爲潛山天堂寨巡檢,練鄉兵防賊。 明年冬,賊

見步卒陋弱,詫曰:「曩戚將軍練浙兵,聞天下,今若爾邪」督敎之,卒始可用。 又有王寅、錢塘人。 膂力絕人,舉武鄉試,以父征播功為千戶。崇禎中,擢撫標守備。 十年遷龍江

列

傳箔

斬其 都 可 先鋒一人。 ,翻赴泗州 護祖陵。 戰自午迄申,賊來益衆,與守備陳正亨陷陣死。 賊來犯,寅曰:「賊衆我寡,及其未集,可破也。」捲甲疾趨,至盱眙, 贈鎭國將軍、都指揮僉事

正亨贈昭勇將軍、指揮使。、並官一子。

英俊從之。賊遂長驅陷江油、彰明、安縣、羅江、德陽、漢州,吏民皆先遁。尋掠郫縣,主簿 張應奇死之。 「城必不能守,若輩速去,吾死此。」衆泣,請偕去,尙卿不可。閱二日,城陷,投繯死,吏目李 川,大將侯良柱敗歿於廣元,遂攻陷昭化,知縣王時化死之。尚卿知賊必至,集士民泣曰: 徐尚卿,南平人。舉於鄉,知劍州。崇禎十年十月,李自成、惠登相等以數十萬衆入四 陷金堂,典史潘孟科死之。四

按察司知事,孟科將仕郎,並賜卹典。 是月也,賊陷州縣三十六,以死事聞者四人。 時化,湖廣人,舉鄉試第一。 事定,贈尚卿右參議,時化光祿丞,應奇

阮之鈿,字實甫,桐城諸生。 崇禎中,下詔保舉人才,同郡諭德劉若宰以之鈿應,授穀

城知縣。

應,曰:「官司不給餉耳,得餉自止。」由是村民徙亡殆盡,遂掠及闤闠 脅。 四 挫士氣。」時不能用。 H 令,實贅 所要求之地 有死者,一 郊,居民洶洶 臣守土牧民之官,至無土可守, 十一 (員爾。 年正月,之鈿),實兵餉取 城大囂。 欲竄 乃廟堂之上專主撫議,臣愚妄謂撫剿二策可合言,未可 賊衆漸出 之鈿 道 未至,張獻忠襲陷其城,據以求撫。 監軍僉事張大經奉文燦令來鎭撫,亦不 咽喉,秦、蜀交會 至, 野外行劫,之鈿執之以告其營將,稍置之法。 盡 心 調 無民 劑,民稍安,乃上疏言。「獻忠虎踞邑城,其謀 可牧。 脈絡, 今皆爲所據。 庫藏 殫虛,民產被奪, 總理熊文燦許之,處其衆數萬於 能禁。 奸民甘心效用,善良悉爲迫 '分言, 稍拒,輒 無賦 可徵。 及再告,皆不 致損 挺刃 國 名雖 相向, 威,而 叵測 縣

憂憤成 有 垂 異論 名竹帛。 明 病 年 ,之鈿請以百口保。 ,獻忠反形漸露,之鈿 ,題數語於壁,自誓以死,遂不 且不 見劉將軍 國能乎。天子手詔 何嫌何 往說 疑,而 之曰:「將軍始所爲甚悖, 視 復懷他志。」 事 進官,厚賚金帛,此赤誠效也。 獻忠素銜之鈿,遂惡言極罵之。 今幸得爲王臣, 將軍若疑天朝 當從軍立功, 之鈿

旋縱 至五 月,獻忠果反,劫庫縱 火焚公署,骸骨為燼。 囚,毁其城。 而大經爲賊劫去,不能死。 之鈿 仰藥未絕,獻忠遣使索印,堅不予,賊遂殺 迨瑪瑙山戰敗,偕賊將曹威等

出 降,士論醜之。 之鈿後贈尚寶少卿。

事,量移黃州照磨,攝黃安縣事。 郝景春,字和滿,江都人。舉於鄉,署鹽城教諭,坐事罷歸。 甫三日, 羣賊奄至, 堅守八日夜, 始解去。 起陝西苑馬寺萬安監錄

上津,而自與貴、雲祥居房縣之野。當是時,鄖陽諸屬邑,城郭爲墟,獨房賴景春拊循,粗 春單騎入其營,偕汝才及其黨白貴、黑雲祥歃血盟。汝才詣軍門降,分諸營於竹谿、保康、 及大衆雜處,居民日惴惴。 崇禎十一 年,擢知房縣。羅汝才率九營之衆請降於熊文燦,文燦受之。 景春乃與主簿朱邦聞、守備楊道選修守具,輯諸 汝才猶豫,景

才佯諾。 城當 城乞援於文燦,凡十四往,不報 , 賊衝, 而嬴卒止二百, 城何以守。」乃擐甲詣汝才曰: 「若不念香火盟乎。 愼毋 明年五月,張獻忠反穀城,約汝才同反。 鳴鑾覺其偽,歸與道選授兵登陴,而獻忠所遣前鋒已至,擊斬其將上天龍。 景春子鳴鑾,諸生也,力敵萬夫,謂父曰:「吾 從亂。」汝 遣使

『以城讓我, 而 贼大至,獻忠 保無他也。」 兵張白幟,汝才兵張赤幟,俄二幟相 獻忠又以張大經檄諭降,景春大罵碎之。 雜,環城力攻。 鳴鑾且守且戰, 貴、雲祥策馬 閱 呼

縋

列傳第一百八十 忠義四

贈 典 聞,贈景春尚寶少卿,建祠奉祀,道選等亦贈卹。 使汝才說景春降,怒不答。 間 日 太僕少卿。 入賊 史、一守備恐之,卒不屈,與鳴鑾俱被殺。 ,賊多死。 壘,陰識獻忠所臥帳,將襲擒之。 乃負板穴城,城將崩,鳴鑾熱油灌之。又擊傷獻忠左足,殺其所愛善馬。 三錫後爲官軍所獲,磔死 問庫藏儲蓄安在,叱曰:「庫藏若有物,城豈爲汝陷」,賊怒,殺 指揮張三錫啓北門揖汝才入,道選巷戰死。 僕陳宜 已,帝召見輔臣賀逢聖,備述其死事狀, 亦死之。 邦聞及其家人並不屈死。 大經 乃用 事

鶚 召對,稱旨 戦 死,遂 張克儉,字禹型,屯留人。 犯 輝縣。 克儉乘城固守,賊不能下,屯百泉書院, 崇禎 四年 進士。 授輝縣 知縣。 三日而 六年春,贼犯武安, 去。 遷兵部主事,被薦 守備曹 鳴

民中。 莫肯散,自擇便地,連營數百里。 也,小秦王、渾 十二年擢湖廣僉事, 克儉深 一憂之,上書嗣昌曰:「襄陽自古要區,本朝筦鑰獻陵,眎昔尤重。 世王、過天星等皆降,嗣昌處之房、竹山中, 監鄖、 襄諸軍。 時河南、北大饑,流民就 楊嗣昌鎭襄陽,深倚仗之。 食襄、漢者日數萬,降卒多闌 命克儉安輯。 張獻忠、羅汝才之敗 而 諸賊得冤死牌, 近 兩河饑民 入流

賊功,加右參議,監軍如故。 曰:「昔高仁厚六日降賊百萬,迄擒阡能,監軍 立,降營棊置,奚啻放虎 雲集,新 養降丁 逼 處其間 自 ز 衞。 未幾,以本官移守下川南道,鄖陽巡撫袁繼咸奏留之。 夫叫呼,即足致亂。 紫、漢、西、興、初無重門之備,何恃不恐。」嗣昌不以 何怯耶。」及嗣昌入蜀,委克儉以留務。 況秦兵以長、武之變,西歸鄖 、房。 爲 軍府 意,報 錄破 粗

儉不能辨,夜分,賊從中起,焚襄王府。 李大覺、游擊黎民安死焉。 十四年二月擢右僉都御史,巡撫河南。 克儉倉皇奔救,爲賊所執,大罵死。 未聞命,獻忠令人假督府軍符 誑 推官鄺日廣 入襄陽城。

克

縊 夏邑王承曾遁免。 死,妻子女俱遇害。 |死堂上。|民安,大覺同縣人。城中火起,率所部千餘人搏戰,矢盡被縛,抗罵死。 廣,番禺 人。 崇禎十年進士。居官有守。奉檄覈軍儲於荆州,甫還任而難作,中刃 大覺,字覺之,金谿人。 由鄉舉知穀城,兼署襄陽縣。 聞 變,繫印於肘, 獨知府

鰲等脫桎梏恣飲。 獄。 承曾年少輕佻,每夕托問賊中情形,與獻忠二妻笑語。 初,獻忠敗於瑪瑙山,其妻敖氏、高氏被獲,他將搜山,又獲其軍師潘獨鰲,皆緊襄陽 嗣昌移牒戒之,承曾笑曰:「是豈能飛至耶。」及是,獨鰲果從獄中起,承 獄吏又多納賊金,禁防盡弛,獨

啓初 純臣 侍郎,以拾遺罷 弊十一事,悉允行。 奏除齊泰姻 受贓 ,以右僉都御史督操江軍。 徐世淳,字中明,秀水人。 吏財,當大計日,必達進狀請黜純臣,面揖之退,一座大驚。 戚子孫軍籍二十六家。累遷東部考功 歸,卒。 進少卿,巡漕御史孫居相以船壞不治,請雇民船濟運,必達爭止之。 父必達,字德夫,萬曆二十年進士。 白蓮賊將窺徐州,必達募銳卒會山東兵擊破之。 郎 中,與吏科給事中儲純臣同 知溧水縣,築石臼湖隄, 遷光祿丞,陳白糧 遷兵部右 領 察 事 利

過隨 集士民誓以死守。 索餉,世淳授兵登陴,而單騎入見軍帥曰:「軍食不供,有司罪也。 師。」帥氣奪,斂衆去。 世淳,崇禎中舉人。 會歲大荒,士多就食粥廠,嘆曰 十三年冬,歷隨州知州。 一一可使士以餒失禮乎。」分粟振之。 州嘗被賊、居民蕭然。 殺我足矣,請械我以 世淳知賊必復至, 潰兵

鶴遣 兵來援,爲監司守承天者邀去。 明年三月,張獻忠自襄陽來犯,世淳寢食南城譙樓,曉夜固守,告急於巡撫宋一鶴。 列 傳 第 百 八 + 忠 義 四 校 守月餘, 援絕力窮, 賊急攻南城, 而潛兵墮北城以入。 勘 記

駡,賊將殺之,呼州人告以薤印處,乃死。 世淳命子肇梁雍印廨後,勒馬巷戰,矢貫頤,耳鼻横斷,墜馬,亂刃斫死。肇梁奔赴,且哭且 世淳妾趙、王及臧獲十八人皆死。 後贈太僕少

卿,建祠,以肇梁祔。

隨自十年正月陷,及是再陷,至七月復陷,判官余熇死焉。 三陷之後, 城中幾無孑遺。

校勘記

(一) 孟津孫挺生 孟津,原作「孟澤」, 據明史稿傳一六七季中正傳改。 按本書卷四二地理志,孟津

屬河南河南府,與傳文地域相符。

(三) 萬曆三十二年進士 三十二年,原作「三十三年」,據本書卷二一神宗紀、明史稿傳一六七盧謙

傳、明進士題名碑録甲辰科改。

== 」八年冬十一月 本書卷二三莊烈帝紀、懷陵流寇始終録都繁破陝州於八年十月。

29 典史潘孟科死之 潘孟科,本書卷三〇九李自成傳、明史稿傳一六七徐尚卿傳作「潘夢科」。

明史卷二百九十三

列傳第一百八十一

忠義五

武大烈 徐日泰等 錢祚徵 盛以恒 高孝誌等 顏日愉 艾毓初等

潘弘 劉振世等 陳豫抱 許宣等 劉振 之 杜邦舉 費會謀等

李乘雲 余爵等 關永傑 侯君擢等 張維世 姚若: 時等

王世琇 顔則孔等 許永禧 高斗垣等 李貞佐 周卜曆等

魯世任 張信等 劉醰 陳顯元等 何變 左相申等 趙興基 鄭元綬等

官四川巡撫張論協力捍禦。 烈痛懲之。 武大烈,臨潼人。 十三年十二月,李自成自南陽陷宜陽, 舉天啓七年鄉試。崇禎中,授永寧知縣。 論歿,子吏部郎中鼎延及從父治中讚繼之。 知縣唐啓泰被害,遂攻永寧。 奸人倚萬安郡王恣不法,大 有獄囚勾賊入,都 大烈與鄉

傳第一百八十一 忠義五

列

敎 不 司 諭 馬 屈,索印又不予,乃燔 任 有義 維清、守備王正己、百戶孫世英並不屈死。 棄 城走。 烈 、鼎延等固守三日,賊夜半登城,執大烈。 灼以 死。 鼎延匿眢井免。 萬安王采輕亦被害。 讚及子國學生 一祚延 自成以同鄉 死 之。 主簿 欲活之,大烈 魏國輔

賊 移攻偃師,一日而陷。 知縣徐日泰大罵不屈,爲賊臠割死。 啓泰,掖縣人。 日 金

谿人。並起家鄉舉。

及 人馬體健 **減** 養數人俱死,與由城並贈僉事 明年 死之。 正 月,賊陷實豐,知縣朱由椷死之。 由城,益府鎭國將軍常澈子,敏汀亦宗室,並由貢生。 陷密縣,知縣朱敏汀及里居太僕卿魏持衡、舉 敏汀妾張,一女一孫

鐵索 保障。及城陷,縊死西城戍樓。 舉 郊民舍,顧見其友,謂之曰:「賊勒我以官,我義不受辱,恨母老子幼,死不瞑目爾。」賊聞,燒 節 死。 加 鄉,爲昌樂知 是月,陷洛陽, 其脛,終不從,遂被殺,幷其母劉、妾吳及幼子俱殺之。 秉衡,天啓四年舉於鄉,未仕。城陷,為賊將劉宗敏所執,令易服,欲官之,不可。 羈南 縣。解官 鄉官來秉衡、劉芳奕、常克念、郭顯星、韓金聲、王明、楊萃、荀良翰等抗 歸,歲大歉,人相食,傾橐濟之。賊漸! 克念舉進士,爲平陽推官,有聲。 芳奕,慷慨 逼,集義 顯星舉於鄉,爲翰林待詔 士爲干 負智略, 城 社 與秉衡 佐 有司 同

寇大敗。 竊據山 錢祚徵,字錫吉,掖縣人。 中。 乃令民千家立一大寨,有急鳴鉦相救,寇勢衰息,其魁逐降。 祚徵欲先除土寇,募壯士千人訓練,而遣人爲好言招撫,夜半取間道直搗其巢, 崇禎中,由鄉舉歷官汝州知州。 汝爲流賊往來孔道,土寇又

焚,城遂陷,罵賊而死。 十四年正月,李自成驟來犯,祚徵乘城守, 汝人立廟祀之。 身中流矢,守益力。 月餘,大風霾,礮炸樓

乃被執、罵賊不屈、爲賊支解。孫覺及典史呂維顯、教諭曹維正皆死。 射賊十七人墜馬,賊怒,併力攻,矢中以恒右額,猶聚創拒敵。 洪胤衡、馬剛中、段增輝共城守。二月中,賊奄至,適雨雪,守者凍餒不能戰。 張 獻忠陷襄陽,鄰境大恐。以恒已遷開封同知,將行,士民懇留之,乃登陴,與鄕官楊所修、 盛以恒,潼關衞人。崇禎十三年舉人。知商城縣。視事月餘,流賊突至,却之。 賊登北城,家衆巷戰死且盡 以恒督家衆 明年,

列

傳

進士。 ,行取授檢討,乞假歸。 所修,故魏忠賢黨也。 歷官陽和 兵備副使,分守北門, 賊入,大罵,被磔死。 歷左副都御史,入逆案,贖徒爲民,至是罵賊死。 力戰死。 增輝,字含素,爲諸生以學行稱。 剛中,字九如 崇禎七年進士。 胤衡、萬曆中 除大同 朝廷下保 知

賊旣陷 商城,口即疾驅犯信陽。 城陷,知州高孝誌,訓導李逢旭、程所聞,里居靜海知

遇變,罵賊死。

令,被薦,不樂爲吏,擬除教授,未謁選歸。

縣 張映宿 死之。 其陷光山,典史魏光遠亦死之。 所司請贈卹,未報。

科。 贈如故,至是始改贈外僚云。 者,率贈京卿,廕錦衣世職,賜祭葬,有司建祠。 始贈京卿。 若概援天啓間例,優予贈廕,何由旌勸勞臣。 五. |年七月,帝下韶曰:「比州縣有司不設守備,賊至卽陷,與衝鋒陷陣,持久力詘者殊 著爲令。」乃贈以恒副使,孝誌參議,維顯等贈卹有差。 崇禎初,改廕國子生,俾之出仕, 自今五品以下,止贈監司,四品及方面, 天啓中, 州縣長 而京卿之 吏殉難

罷。 部民爭詣闕訟冤,乃獲敍用。 顏 日愉 ,字華陽,上虞 人。 萬曆中,舉於鄉。崇禎初,除知葉縣,有惠政,爲 後爲靜寧知州。 羅賊亂,馳請固鎭五道兵合剿。 上官所惡,劾 而先率

復 敢死士數人招諭之,賊弛備,遂遣精卒擣其營,賊倉皇潰,斬數百級。 大破 之。 遷開封同知。 流賊勢方熾,上官以南陽要衝,舉日愉爲知府, 黎明,五道兵繼至, 大治守具,人心

中 十四年五月,賊猝至,百餘人冒雨登城。 日愉擊殺之幾盡,餘賊引去,城獲全。 日愉 手

稍固

矢,頭項被二刃,死城上。 賊旣不得志去,遂縱掠旁近州縣。其冬再圍南陽,攻陷之,參議艾毓初死焉。 事聞,贈太僕卿。

絕,毓初題詩城樓,遂自縊。 官猛如虎等堅守。 陽,與日愉却賊有功。 帝怒,悉逮下法司,而敕禮部申典制。 **陲,習戰事。六年冬,流寇來犯。埋大礮名「滾地龍」者於城外,城中燃線發之,賊死無算,** 遂解去。 明年冬,唐王聿鍵上言:「祖制,親王所封地,有司早晚必謁見。 毓初,字孩如,米脂人,戶部侍郎希淳曾孫也。 內鄉與鄰邑淅川多深山邃谷,爲盜窟,民居懔懔。 賊攻入南門,會總督楊文岳援軍至 自成用宋獻策計,欲取南陽以圖 南陽知縣姚運熙、主簿門迎恩、訓導楊氣開亦死之。 已而王被逮,毓初獲補官。 崇禎四年進士。 ,賊引退。 關中,復率大衆來寇。 毓初至, 爲設守備, 民得少安。 文岳去, 贼復攻之, 食盡援 屢遷至右參議,分守南 今艾毓初等皆不謁。」 授內鄉知縣。 毓初偕總兵 生長邊

列

守, 死。」自題樓壁曰:「千古綱常事,男兒肯讓人。」明日,城陷,擲樓下以死。 舉 明 人劉 年十月 恩澤初嘗以策干當事,多見用。 自成再陷南陽,知府丘懋素罵賊不屈,闔門被害。 縣令騃不解事,恩澤痛哭曰 是月, "「吾不幸從木偶人 賊過扶溝, 衆議 城

弘 善射,屢却賊。 亦問發,弘數討敗之。 諭 賊索印,弘不予。 士民共拒。 潘弘,字若稚,淮安山陽人。 諸生潛遣人約降,賊復至。弘作告先聖文,自誓必死。諸生潛開門,縛弘以 諸生慮賊屠城,請委曲紓禍,弘叱之去。賊薄城,發礮擊之,多斃。 脅降,怒罵不屈,乃支解之。子澄瀾痛憤大哭,投井死。 明年十一月,李自成、羅汝才旣陷南陽,縱兵覆所屬州縣,將攻舞陽, 起家貢生。崇禎十三年爲舞陽知縣。時流賊披猖,土寇 有小校

李錫 執,罵賊死。 時鄧州、鎭平、內鄉、泌陽、新野相繼陷。鄧州知州劉振世,吏目李國璽,千戶余承廕、 諸生丁一統、張五美、王鍾、王子章、海寬、傅彥皆抗節死。 內鄉知縣南昌襲新、新野知縣四川韓醇,並不 屈死。 鎭平知縣成縣鍾其碩被

王士昌懷印端坐,被縛,謾罵死。 泌陽 凡 再陷。 是年五 一月,張獻忠破信陽,獲左良玉旗幟,假之以登 臨昌姚昌祚代之,甫數月,復陷。 昌祚手斬數賊,力屈死。 城。 知縣雲南

忠所破,知州孫澤盛、同知薛應齡皆戰死,至是亦再陷云。 典史雷晉暹率捕卒戰死。 又有武職王衍范、錢繼功、海成俱死難。 而鄧州於十年春爲張獻

崇禎十四年,流賊陷舞陽,母先赴井,三子從之。 陳豫抱,舞陽人。母段早寡,撫豫抱及其弟豫養、豫懷,皆爲諸生,力田好學,善承母 豫抱妻黃攜其子默通,豫養妻馬攜子

默恒、默言俱從之。三世九人,一時盡節

皆詈賊被殺,宮妻鍾、宋妻陳並自經,其妹亦罵賊被殺。 弟結里中壯士,直入其城,擒爲官,堅守許家寨。賊怒,攻破之,宗從母常先投井死,宣、宮 時郡邑諸生死者甚衆,錄其著者。內鄉許宣及二弟寀、宮,慷慨好義。賊陷鄧州,宣兄 時稱「許氏七烈」。

氏,與邦紀妻高並從死。 **馪、王光顯、喬國屏、王邦** 赴井死。 賊之攻偃師也,張毓粹率二子佐有司固守,城陷,大罵,俱被殺。妻藺與三女、二孫悉 賊殺武同芳母,同芳噴血大罵,支解而死。 紀、藺相裔、張一鷺、張一鵬、牛一元皆抗節死。 鷺、一鵬 父亦罵賊 死 劉芳名、劉芳世、藺之粹、喬于昆、藺完 芳名、完馪妻皆張

唐縣許曰琮,早喪父。 母歿,廬墓三年。 城破,遁居南山。 賊徵之不出,脅以死,鐫其

列傳

第

百八十

忠義五

背曰「誓不從賊」,遂嘔血而死。

陷,振之秉笏坐堂上。 賊索印,不與,縛置雪中三日夜,罵不絕口,亂刃交下乃死。 典史杜邦舉曰:「城存與存,亡與亡,人臣大義,公言是。」振之乃與集吏民共守。 賊大至,城 李文鵬、王應鵬皆死。自許以南無堅城。 陵知縣。 劉振之,字而强,慈谿人。性剛方,敦學行,鄉人嚴重之。崇禎初,舉於鄉,以教諭遷郿 十四年十二月,李自成陷許州。 有奸人素通賊,倡言城小宜速降,振之怒叱退之。 知州王應翼被害,都司張守正,鄉官魏完眞,諸生

財、不好色、不畏死」三語也,其立志如此。 初,振之書一小簡,藏篋中,每歲元旦取視,輒加紙封其上。及死,家人發篋,乃「不貪 贈光祿寺丞。

降之,邦舉罵曰:「朝廷臣子,豈爲賊用」」賊抉其舌,含血噴之,遂遇害。 邦舉,富平人。許被屠,鄢陵人恟懼,守者或遁走,邦舉捕得,斬以徇。 及城陷,自成欲

開封屬邑多陷,殉難者,有費曾謀、魏令望、柴薦禮、楊一鵬、劉孔暉、王化行、姚文衡

賊死。 化行,知商水,城陷,被殺。代者文衡,蒞任數月,賊復至,攜印赴井死。 城 調 以 陷,大罵死。 太康。寇至,固守不下。 城降,可免屠戮。」北向再拜,抱印投井死。令望,字于野,武鄉人。舉進士,授商丘 會謀,鉛山人,少師宏裔也。 孔暉,邵陽人。舉天啓元年鄉試,知新鄭,固守不能支,遂死之。 一鵬,河津人。 賊怒, 攻破之, 屠其城, 令望闔門自焚。 薦禋, 江山舉人, 知 舉崇禎九年鄉試,爲尉氏知縣,甫數月,政聲四起。 由鄉舉知通許,甫四旬,賊猝至。曾謀召父老曰:「我死,若 士民祀之子產祠 城破,罵 |洧川, 知縣,

等,汜水舉人張治載、馬德茂,皆死之。 其小吏,則臨潁千總賈廕序、長葛典史杜復春,鄉居則長萬舉人孟良屏、諸生張範孔

贈光祿卿。 鄢陵、陳留諸縣,遂寇禹州。乘雲誓死固守,賊多斃於礮。 乘雲怒叱賊,賊捽而 魁,衆遂遁。 乘雲,高陽人,舉於鄉。 州 屢遷山 先有徽王府、嘉靖時、王載倫有罪、爵絕、而延津等五郡王皆被難 杖之, 西僉事。 大罵不絕聲。 十四年秋,以才調河南大梁道,駐 崇禎初,言 縛諸樹攢射之, 罵不已, 斷其舌, 知浮山縣。 流賊數萬來寇,乘雲手發一矢斃其 俄以十萬衆攀堞登,執乘雲使跪, 禹州。 十二月,李自成連陷 亂刃交下而死

列傳第

百八

+

忠

義

H.

明年,賊犯開封,監軍主事余爵、監軍僉事任棟先後戰死。

大威破賊平峪,再破之鄧州。 進秩, 與巡撫謝璉爲賊所誘執,棟與同知寇化、掖縣知縣洪恩炤助大帥楊御蕃力拒 棟,永壽人,由貢生爲萊州 屢遷保定監軍僉事。 十四年從總督楊文岳南征,鳴鼻鎭之捷,與 明年正月,從解開封圍。 通判。 崇禎四年,李九成等叛,棟佐知府朱萬年共守。 尋戰郾城, 大捷。 八有功。 後從援開封,會左 尋與總兵虎 圍 解, 萬年 論 功

良玉大潰於朱仙鎭,賊來追,棟力戰,歿於陣。

請爵以故官參謀軍事。 河南,破賊鄧州。 **|棟贈太僕卿,爵太僕少卿。** 余爵,禹州人。 十五年,開封圍急,監左良玉軍往援,戰敗被執,罵賊死。 崇禎元年進士。 嗣昌入蜀,命與張克儉 歷知撫寧、章丘。 同守襄陽。 遷職方主事,罷歸。 城陷,爵脱走, 從督師丁啓睿於 姪敦華亦遇害 楊嗣昌出 督師,

偉, 類世人所繪壯繆侯像。 關 永傑,字人孟,鞏昌衛人。 崇禎 四年會試入都,與儕輩遊壯繆 世官百戶。 永傑好讀書,每遇忠義事,輒書之壁。 祠。 有道士前曰:「昨夢 狀貌奇 神

推官, 告:『吾後人當有登第者,後且繼我忠義,可語之。』」永傑愕然,頗自喜。 强植不阿,民畏愛之。憂歸,起官紹興。遷兵部主事,督師楊嗣昌薦其才,請用之軍 已果登第,授開封

前,乃擢睢陳兵備僉事,駐陳州。陳故賊衝,歲被蹂躪,永傑日夜爲儆備。

十五年二月,李自成數十萬衆來攻,永傑與知州侯君擢、鄉官崔泌之、舉人王受爵等率

角。 劾周延儒,延儒屬保定知府摭宗昌罪。知府以屬泌之,泌之曰:「殺人媚人可乎!」知府愧且 縛、罵不絕口死。泌之,應邑人。進士。知雄縣,調清苑,多所建豎。舊令黃宗昌爲御史, 民分堞守。賊遣使說降,斬其頭,懸之城上。賊怒,攻破之,永傑格殺數賊,身中亂刃而死。 會巡之遷戶部主事,知府謂其侵隱錢糧三萬,不聽行。御史行部至,巡之直前與知府 被擒,不屈。受爵亦擊殺數賊,大罵。並死之。 御史以聞,下獄遣戍,久之釋還。至是,遭變,用鐵杖斃賊數人,自剄死。 君擢,字際明,成安人,起家舉人。城圍時,身先士卒,運木石擊賊,城濠皆滿。後被 守備張鷹揚

贈永傑光祿卿,君擢右參議,泌之復故官。 受爵,宛平知縣。

有襲作梅者,年十七,父母俱亡,殯於舍。 賊火民居,作梅跪柩前焚死。

累官右僉都御史,代陳新甲巡撫宣府,視事甫旬日,坐失防,削籍遣戍,已而釋還。 五年二月,李自成陷睢州,犯太康。維世佐知縣魏令望竭力拒守。 張 維世 一、太康 人。萬曆四十四年進士。 歷平陽知府,捕治絳州奸猾數十人,遷 城陷,抗節死。 副使。

淮安同 子婦王 召前 寇陷澠池,父子挺身罵賊死,子婦與孫亦赴井以殉。 報父讎,數請兵討賊。 前 鳳陽 項城教諭 時 亦死。 知萬大成投井死。 中州縉紳先後死難者甚衆。十三年,登封土寇李際遇因歲饑倡亂, 通判姚若時居魯莊,被執,誘之降,大罵死。 睢州陷,太平知府杜時髦不屈死。 王多福 欲官之,堅拒不赴。 賊執之於路,亦抗罵死。陝州趙良棟,仕蓬萊教諭,罷歸,寓 商水陷,臨汾知縣張質抗賊死。西平陷,懷仁知縣楊士英死之, 賊逼之,投緩死 時髦,字觀生,崇禎七年進士。 族諸生不顯亦死之。 陝州之陷,平定知州梁可棟大罵 若時子諸生 旬日間衆數萬。 息縣陷,賊 一城,思 澠池。 而 死,

難 州楊汝經,崇禎十年進士。 討林縣偽官。 行超 其後 拜汝經右僉都御史、代之。 以國變死者,有洛陽阮 遇賊,戰敗被執。 授戶部主事,擢井陘兵備僉事。 泰,知廣靈,解職歸。 係官釋其縛,屢說之降,不從,斃之獄 行次林縣,聞京師陷,將赴南京,至東明,率壯士百餘騎還 聞京師陷,不食死,妻朱氏從之。 十七年,甘肅 陷,巡撫林 日瑞 殉 雕

列傳第一百八十一 忠義五

堅守。 入, 世 妻石 以樟中賊 也 自 成 陷陳州 逐 亦 王 绣、則孔 與同 自 賊 世 攻 可, 刎。 琇,字崑良,清苑人。 崇禎十年進士。 圍 知顏則 ,乘勝犯 久而復甦,妻張及子女僕從皆死,以樟竟獲免。 並遇害。 七日,總督侯恂家商丘,其子方夏率家衆斬關出,傷守者,衆 孔、經歷徐一源、商丘知縣梁以樟、教諭夏世英、里居尚書周 歸德。 則孔女聞之,卽自縊。 世琇將行,僚屬邀共守,慨然曰:「久官其地, 一源分守北城,殺賊多,城陷,巷戰,罵賊死。 授歸德推官,遷工部主事。 世英持刀罵賊,死於明倫堂, 臨 難 十五年二月,李 遂亂。 而 士樸等誓衆 去之,非誼 賊乘之

等八人,國學生侯悰、沈倜等四人,諸生吳伯裔、張渭、劉伯愚等一百十餘人。試,商丘人, 儒 簿 世英,祥符人。 大學士鯉之孫。 孔亮死之。 及舉人徐作霖、吳伯胤、周士美等六人,官生沈佖、侯晙等三人,貢生侯恒、沈誠、周士貴 同 死者,尚書士樸,工部郎中沈試,主事朱國慶,中書侯忻,廣西知府沈仔,威縣知縣張 士僕自有傳。 作霖、 伯胤、伯裔、渭、伯愚,皆郡中名士。 賊旣破歸德,尋陷鹿邑,知縣紀懋勛死之。 則孔,忻州人。 陷虞城,署縣事主 一源,海鹽人。

李自 |禧嘆曰::「賊勢披猖,彈丸邑豈能守,吾一死盡職而已!]衆皆泣。 成遣數騎抵城下,脅降,永禧卽督吏民城守。 許永禧,曲沃人。 由鄉舉爲上蔡知縣,多惠政。 賊大呼曰:「今日不降,明 性耿介, 嚬笑無所假。 明日,賊果大至,守者驚 崇禎十五年春, 日屠」衆懼,永

賊黨賀一龍掠地上蔡。 鯁, 義,奪還之。 以淸愼得名。城陷,被執不屈死。 會左良玉駐城南,兵士恣淫掠,衆始入城依篆。 時西平、遂平先後皆陷。西平知縣高斗垣,繁峙人。 永禧具袍笏,北面再拜,據案秉燭端坐。 賊入,遂自剄。 上蔡旣陷,有官篆者,以汝寧通判往攝縣事。城中民舍盡燬,篆廣招流亡,衆觀望不敢 悍卒挾弓刃相向,篆坦腹當之,不敢害,民獲完家室者甚衆。 譌傳土寇剽掠,篆出禦之,陷陣死。 篆,膠州人,起家任子。 遂平知縣劉英,貴州貢生,誓衆死守。 村民遭難來愬,篆卽入良玉營,責以大 崇禎十二年由貢生授官。 是年冬,汝寧陷, 城陷,罵賊死 爲人孤

除 充 **〔餉,時出郊勞耕者,月課士。邑有姊妹二人抗賊死,拜其冢,祀以少牢。民王錫胤有孝** 知郟縣。 李貞佐,字無欲,安邑人。少受業同里曹于汴之門,以學行著,後舉於鄉。 初,李自成焚掠至郟,土寇導之,害前令邵可灼。 貞佐至,則練鄉兵,括土寇財 崇禎十四年

行,造廬禮之。士民大悅。

間,用巨石擊殺之,賊遂盡殺郟人。 奠,廣其冢至二畝餘。贈河南僉事。 死,母喬亦死。 執之去,大罵。 人乞留以助之。 明年二月,自成復來寇,貞佐集衆死守。汝州東目顧王家,仁和人,撫賊有功,當遷,汝 見賊殺人,輒厲聲曰:「驅百姓固守者,我也,妄殺何爲」」財割其舌,支解而 城陷,貞佐走拜其母曰:「兒不忠不孝,陷母至此。」有勸微服遁者,不可,賊 友人王昱,相隨不去,賊義之。昱收葬貞佐於南郊。 王家亦大聲叱賊,賊亂刃斫死。 歲寒食,鄉人傾邑祭 子國誘賊發金墟墓

陷郟,執兩人欲官之,心學不從被殺。 人 以利己,仁者不爲。」賊怒,幷殺之。 郟 有 陳心 學者,授知縣,不謁 選而歸。 自成謂卜曆 其友周ト暦 曰:「爲我執知縣來,可代汝死。」曰:「戕 舉鄉試,知內黃,以父 喪 歸 里。 自成

汝所轄四 邑並陷 寶豐 知縣張人龍,遵化人。 城陷,不屈死。 妻年少,悍奴四人欲亂

列傅

第

百八十

忠

義

曲 有惠 草人。 政。 妻飲 賊薄城,以守禦堅,解圍去。 **練總詹思鸞與進士宗麟祥等謀不** 以 酒 俾極 歡,潛遣婢告丞尉,捕 他日有事 殺 軌, 奴, 呈芳捕 汝陽,道 乃扶櫬旋 斬之。 遇賊,被執,亦不 里。 城陷, 魯山 知縣 死。 楊 屈 伊陽 呈芳, 死。 知 山海 縣 孔 貞 衞

舉 將 刺之,賊覺,被殺。 人 ,賊所至獲舉人,即授以官。 寶豐之陷也, 舉人李得笥短 或告賊 曰:「此舉人也。」 衣雜衆中 得笥終不自言,賊莫知其爲 ,爲所執。 賊懼,棄其屍 賊謀主牛金星者,故舉人 而 去。 舉人也,役使之,不肯,伺賊寐 (也,勸 賊 重用

王者琯 畤 中州舉 光山 胡 人盡節者,南陽 植,嵩縣王翼 明,並 張 鳳 罵賊死。 鄰、王明物 ,洛陽張民表,永城夏云醇,商城余容善,光州

醇儒 聞 任 . 勒民兵禦之河干,戰敗自剄死。 ,堪繼薛瑄、陳獻章之後。 年秋,給事中范士髦薦世任 魯世 天啓末舉於鄉。 任,字魄尹,垣曲人。 崇禎 十年 乞召試平臺,置左右備顧問,不報。 性端 知 及臨城諸生喬己百、內丘太原 鄭州,建天中書院,集 士民祀之書院中。 方,事親孝。 從安邑曹于汴學,又交絳州辛全,學日有 士子講肄其中,遠近從學者千人。 通判 喬 十五年,流賊來犯, 中和於 朝,稱爲德行 世

其年正月,賊陷襄城,知縣曹思正被殺,訓導張信罵賊不屈死,典史趙鳳豸拒賊死。 復

陷 西華,知縣劉伯驂懷印投井死。 明年,汜水陷,知縣周騰蛟亦死焉。

之,登陴死守。 伯 驂,河間人。 賊驅其下爲十覆迭攻之,城遂陷,抗節死。 由歲貢生得官。賊信急,遣妻奉母歸。 及城被困,有勸出降者,立斬

投於河。賊退,人從河濱獲其屍,印懸肘間。 未幾,賊大至,持十餘日,勢且不支,砦臨河,可渡以免。騰峻曰:「吾何忍舍衆獨生」」遂自 城。騰蛟聞,力請於上官,救兵至,始解去。騰蛟念故城難守,遷縣治於摩天砦以扼賊衝。 吳邦淸等於城南立七砦相掎角,摩天砦最險。土寇李際遇伺騰蛟往河北,急據之,遂攻縣 騰蛟,香河舉人。邑兵荒,撫宇有術,以其間釐定徭役,民甚便之。城孤懸河畔,縣人

陰陽觀望。 遇,汝寧則沈萬登,南陽則劉洪起兄弟,各擁衆數萬,而諸小寨悉歸之。或附賊,或受朝命, 遙寄治他所。 破,有再破三破者。 河南凡八郡,三在河北,自六年蹂躪後,賊未再犯。 獨洪起嘗官副總兵,頗恭順。 其遺黎僅存者,率結山寨自保,多者數千人,少者數百。最大者,洛陽則際 城郭丘墟,人民百不存一。 其後諸人自相吞併,中原禍亂於是爲極。至十六 朝廷亦不復設官。間有設者,不敢至其地, 其南五郡十一州七十三縣,靡不殘

者不次擢用,然事已不可爲矣。 年 四 月,帝特下 詔 鐲五郡賦三年,諭諸人赦其罪,斬僞官者受職,捕賊徒者賚金, 復城獻俘

劉 **禋**,字誠吾,中部人。 祖仕,刑部郎中,以諍大禮廷杖。 後與定李福達獄,下吏遣戍。

穆宗朝起太僕少卿,不說。 父爾完,歷知商丘、名山 ,有學行。

寇爲 欲降之, 禮叱曰: 「豈有奕世淸白吏, 肯降賊耶」」自成義之, 遣賊將反覆說, 禮執彌厲, 乃見 朗 誦 贈僉事。 亂 ,俟父熟寢乃已。崇禎四年,賊陷中部,禋負父走免。十四年由鄉舉授登封知縣 | 脛性孝,母歿于名山,四千里扶櫬,過劍閣雲棧,以肩任之。 、十五年,李自成陷其城,禋被縛。 父少寐,愛聽史記,脛每夕 自成 以同郡故 土

殺。

寨中人,顯元叱曰:「守寨者,我也。」百姓何辜,寧殺我!」賊怒,遂支解而 士民 入保闕門寨。 陳 顯元者,由副榜授新安知縣。 賊檄降,立碎其檄。 惡衣糲食,徒步咨疾苦。 及來犯,死守月餘,力竭而陷。 以城堞傾頹,寇至不能守,率 見賊怒罵。 賊大殺

列傳第一百八十一 忠義五

奉詔 幾什之五六。 國學生趙得庚、楊道臨等,諸生趙重明、費明棟、楊應禎、李士諤等,皆死之。 葉榮蔭、張承德、李衍壽、閻忠國,皆力戰死。 茂表皆死之。汝寧之陷,武臣則遊擊朱崇祖,千戶劉懋勳 人。蔭長,吳橋人。並由鄉舉。南陽之陷,則葉縣知縣張我翼被害,新野先後知 彭士奇,大使徐陞、閻生白皆死之。 王蔭長,通判白守文,訓導張道脈、靈寶知縣朱挺,或被執不屈,或陷 ·錄上,凡二百四十九人。 當是時,河南被賊尤酷,故死事者尤多,其傳錄未詳者,開封之陷,則同知蘇茂均,通判 後因國變,諸籍散佚。 士奇、高要人、由鄉舉。 崇祖妻孫、永基母王亦死之。 蓋武職及州縣末秩、舉貢諸生,所遺者 、楊紹祖、袁永基 河南之陷,則先後知府亢孟檜、 城自盡。 歲貢生林景場, 同子世蔭,百戶 巡按御史蘇京 縣陳公、丘 孟檜,臨汾

賊魁二人, 刳其腸示衆, 撫降者數千人。十五年二月, 李自成陷河南, 居民望風逃竄, 城空 不能守。 民死徙過半。變盡 何變,字中理,晉江人。舉於鄉。崇禎中,知亳州。州自八年後,寇賊交橫,益以饑饉, 賊至,執變欲降之,罵不屈,斷足剖胸而死,懸首市上三日,耳鼻猶動。 心拊循,營戰守具甚備。未幾,山東、河南土寇迭至,變戰盧家廟,生擒 賊遂縱兵

四出,霍丘、靈壁、盱眙皆陷。

去。 靈璧知縣唐良銳,全州舉人。城陷,抗罵死。盱眙,先被陷,賊至,士民悉走,獨主簿胡淵不 縣故無城,淵持戟至龜山寺力鬭,殪數人。賊駭欲遁,會馬蹶被執,奮罵而死。 霍丘,八年春嘗陷,至是再陷。 知縣左相申率兵巷戰, 力屈死之。 巡檢吳姓者, 關死。 淵,冰

年人,起家貢生。

英山,知縣高在崙抗賊死。十二月陷潛山, 之,並不屈死。 山,暑入秋出以爲常。 趙興基,雲南太和人。崇禎初,「三以鄉舉通判廬州。賀一龍、左金王等五部據英、霍 所安子亦死焉。 督師楊嗣昌遣監軍僉事楊卓然招之,受侮而返。十四年六月襲陷 知縣李胤嘉、典史沈所安素苛急,奸民導賊執

知縣 例, 中不能知。 據之。 潘登貴、指揮同知趙之璞、里居參政程楷 十五年,張獻忠爲左良玉所敗,走與諸部合,遂以三月攻舒城。 遣其黨分掠旁邑,游騎日抵廬州城下。 五月,提學御史徐之垣以試士至,獻忠遣其徒僞爲諸生,襲儒冠以入,夜半舉 分門守。 興基與知府鄭履祥、 監司 蔡如蘅貪戾,民不附 踰月城陷, 經歷鄭元綬、合肥 ,贼諜滿城 改爲得勝

礮,城中大擾。 入, 之垣、 如蘅及履祥、 登貴並縋城走。 興基時守水西門, 死, 聞變, 挺刃下戍樓 東 門, 巷

戰死。 與 鬭 斬 數 被創死。 元綬、 楷 共守南薰 門, 元綬 力關 楷不屈死。 之璞 守

沈鴻起、訓導婁懋履並死焉。 賊 乘勢連陷含山、巢縣、廬江及無爲、六安,又陷太湖。 知縣楊春芳、典史陳知訓、敎

諭

是以計得之。 廬州 城池高深。 履祥、登貴懼罪,委之興基。 八年春,賊百方力攻,知府吳太樸堅守不下。回後屢犯,終不得志,至 總督史可法察其冤以聞,乃治守令罪,而贈 興基

河南僉事,楷光祿卿,元綬亦贈卹。

部淫掠,士民遂叛降賊。 方賊攻舒城,縣令適以憂去,里居編修胡守恒與遊擊孔廷訓督民兵共守。 城將陷,悍卒殺守恒。 事聞,贈少詹事,諡文節。 會遊擊縱所

校勘記

賊旣陷 商城 商城,原作「南城」,據上文及明史稿傳 六九盛以恒傳改。

CH〕 崇禎初 明史稿傳一六九李乘雲傳作「崇禎中」。

C N 〕 崇禎初 明史稿傳一六九趙興基傳作「崇禎中」。

刷

傳

第

樸」,疑是。

知府吳太樸堅守不下 吳太樸,明史稿傳一六九趙興基傳、國権卷九四頁五六九六作「吳大

七五二四

明史卷二百九十四

列傳第一百八十二

忠義六

徐學顏 楊暄 張鵬翼 陳萬策 夏統春 簡仁瑞 朱一統等 李毓英等 李開先 薛聞禮等 何相劉等 歐陽顯字等 唐時明 許文岐李新等 司五教 陳美 馮雲路 劉熙祚 薛應玢 郭裕等 熊雳 張鳳 翮 王孫蘭 唐夢鯤 謎 吉 臣 明睿 郭以重 都任 易道暹 段復興 程良籌 王家錄等 張國勳等 岳壁 傅可知 郭金城 程道壽 靳聖居等 祝萬齡 盧學古 蔡道憲 周二南等 崔文榮 黄世清 朱士 王徴等 完等 朱士鼎

夏統春,字元夫,桐城人。 列 傳 第 百八 + F-2 忠 爲諸生,慷慨有才志。 羲 六 用保舉授黃陂丞,嘗攝縣事,著廉能

陳璸

周鳳岐

王徵俊

宋之儁等

1

泰運

尙大倫等

統春 十五 i 度 賊 目怒視,皆欲裂,賊又剜其目。猶以頭觸賊,遂支解之。 必必 統春指賊魁大罵,賊怒,斷其右手。復以左手指賊罵,賊又斷之。 年,賊犯黃陂。 再至,而衆已疲甚,休於家。 統春已遷麻陽知縣,未赴,乃督衆拒守,凡十五晝夜, 閱五日,賊果突至,城遂陷。 統春巷戰,力竭被執, 罵不已,乃割其 賊忽解去。

設偽官爲士民殺死,聞禮曰「禍大矣」,令士民遠避,而己獨留以當之。俄賊至,將屠城。聞 禮挺身曰:「殺僞官者,我也。」賊欲活之,詈不止,乃見殺。 所知得千金,以代民逋。十六年,張獻忠陷黃陂,愛聞禮才,挾與俱去,暮卽亡歸。會賊所 有薛聞禮者,武進人。由府吏官黃陂典史。 歲歉,民逋漕粟。聞禮奉使過漢口,貸於

賊愛其勇,欲留之,叱曰:「我雖小東,亦朝廷臣子,肯爲賊用耶!」遂被害,二僕亦死。 從,拘於家。 瑞日,陝西人,爲固始巡檢。 死。 寺,將招流移爲守禦計。 日諸人。宗孔,紫陽典史。十一年五月,流賊再陷其城,死之。 達,興山典史。 當是時,賊延蔓中原,覆名城不可勝數。其以小吏死難,有何宗孔、賈儒秀、張達、郝瑞 日,朝勳置酒宴羣賊,醉臥,瑞日潛入其室,殺之。 。十四年二月,張獻忠自蜀來攻,都司徐日耀戰歿,達被縛,罵賊不屈死。 未踰月,賊遣僞官至,土寇萬朝勳 羅山爲賊陷,上官令瑞日攝縣 事。 與之合。 儒秀,商南典史,城陷,抗節 單騎攜二童以往,至則止僧 將奔鳳陽 誘執瑞日,說之降,不 ,雨阻,復見繁。

炳謂 之。 思成曰:「我二人必報弟譬。」三人率衆奮擊,賊解去,城獲全。 明年,賊復至。 有朱耀者,固始人。與父允義、兄炳、思成並以勇力聞。 耀出戰,手馘數十人,追之,陷伏中,大罵死。 八年, 允義 財來犯,耀 日 我 必報子讐。 父子力戰却

按御史上其功,獲敍錄。撫治都御史王永祚以六等課所部有司,美居上上。薦於朝,未及 穀城,人情益懼,美安輯備至。 陳美, 字在中,新建人。崇禎時由鄉舉知宜城縣。兵燹之餘,民生凋瘵。及張獻忠據 襄陽陷,賊兵來犯。 美偕守備劉相國迎擊,賊中伏敗去。 巡

擢用

拒 知 州 八晝夜。 蔡思繩、福州通判宋大勛殉節。 十五年冬,李自成長驅犯襄陽,左良玉先奔,永祚及知府以下俱遁。 城陷,抗罵不已,爲賊磔死。 賊分兵寇宜城、棗陽、穀城、光化、均州。 訓導陽城田 世福亦死之。 賊入城,鄉官羅平 美守宜城,固

去。 棗陽 至是,賊將 知 縣郭裕,清江 劉 福 來攻,裕發礮石,擊傷多。 舉人。 甫視事 ,張獻忠至。 賊憤,攻益力,城陷。 左良玉屯近邑,裕單騎邀 身被數槊,大罵。 與共禦,賊却 賊支

列傳

第

百

八

+

忠

義

六

解之,闔門遇害。

年 人。 全。 郎,未行,遇難。 知州胡承熙被執不屈,與其子爾英俱死。承熙有能聲,永祚課屬吏,亦列上上,遷刑部員外 鄉官韓應龍,舉人,歷長蘆鹽運使,不受僞職,自縊死。 光化 惟壇,曹縣人。 知縣萬敬宗,南昌人,貢生,到官以死自誓。 賊犯鄖陽, 俱 貢 生。 同知劉璇死之。 |保康陷, 賊薄城, 遂自盡。 知縣萬惟壇與妻李氏俱死之。 穀城知縣周建中亦殉節。 賊義之,引去,城獲 璇,永 均州

驅上馬,曰:「我失守封疆,當死此,更安往。」乃見殺。」福王時,贈太僕寺丞。 去。 知 縣。崇禎十五年十二月,李自成陷襄陽,其黨賀一龍陷德安。吉臣急遣孥歸,身誓死勿 明年正月、雲夢陷、被執、不食累日。賊臨以兵、吉臣乞速死。賊壯之,授以官,不屈。 諶吉臣,字仲貞,南昌人。父應華,萬曆時,以參將援朝鮮,戰歿。吉臣由舉人爲雲夢

大哭,爲賊所執,大罵不屈,支解死。妻子十餘人皆殉節。 **賊分兵犯旁邑,應城陷,訓導張國勳死之。國勳,黃陂人。城將陷,詣文廟抱先師木主**

| 袁啓觀者,雲夢諸生也。 賊據城,啓觀立寨自守。 賊執去, 出題試之。 啓觀曰:「汝旣

知文,亦知亂臣賊子,人人得而誅之耶。」賊怒,殺之。

|應|山 諸生 |廖應元守益堅。奸人執送旺,旺問:「汝欲何爲?」厲聲曰:「欲殺賊耳 舉人劉 安陸城陷, 申錫養死士百人,城陷,謀恢復。 知縣 分水濮有容一 門十九人皆死。 兵敗,爲旺所殺,百人皆戰死。 鄉民結案自保,賊將白旺連破數十寨, | 賊怒,射殺之。 沔陽陷,同知

馬鹺

死之。

攻四日,無援,城陷。學古罵賊不絕口,剖腹而死。郊芳、之奇亦不屈死。 荆門,學古誓死守。學正黃州張郊芳、訓導黃岡程之奇亦盟諸生於大成殿,佐城守。 盧學古,夏縣人。舉人。歷承天府同知,攝荆門州事。 崇禎十五年十二月,李自成寇 賊環

所 賊破承天,長驅陷潛江。

士完被執,械送襄陽,道由泗港,齧指血書己盡節處,遂自經。

賊 過焚燬,士完所題壁獨 有朱士完者,潛江舉人。鄉試揭榜夕,夢黑幟墮其墓門,粉書「亂世忠臣」四字。 存。 至是,

集 旅保鄉曲 彭大翮者,竟陵之青山人。 邀斬 賊 過當。 賊怒,雨夜襲之。 賊逼承天,大翮出所著平賊權略上之當事,不能 大翮太息曰:「吾子孫陣亡已盡,吾何用生 用。 遂自

列傳

爲!」赴水死。

奔,士 死。 被執,抗罵死 諸生王維藩 賊 絳縣人。 民遂開 旣 陷 荆 門迎 闸, 賊 率 賊。 遂向 大 妻朱及二女避難,爲賊所掠。 索 訓導撖君錫 荆州 縉 紳, 巡撫 故相張居正子尚寶丞允修不食死。 正衣 陳睿謨急渡江 冠端坐明倫堂。 維藩令妻女赴井死,遂見殺。 入城, 賊 奉惠王常潤南奔,引 至,欲屈之,詬罵而 戶 部 員 八外郎李 監 死。 諸生王 司 友蘭 君 以 錫,字 下 圖 不 皆 南 屈

民悉歸附,調元獨率部卒格關,陷重 夷陵李雲,由鄉舉知潁 語於牖 以自警。 及城陷,不屈。 川州,州 人祠祀之。 執 圍 中。 至江 陵, 招之降,大罵,死亂刀下。 謝事 絕食死。 歸。 流賊熾,大書「名義至」 呂調元者, 歸州 千戶 重, 也。 鬼神難 城陷

使 自 具 成 ?」夜自經。 據襄陽 書幣徵之。 陳萬 策,江 ,設僞官。 賊使至開先家,開先瞋目大罵,頭觸牆死。 陵人。 萬策隱龍灣市,賊使至,歎曰:「我爲名誤,旣不能奮身滅賊, 其東政府侍郎石首喻上猷,先爲御史,降賊,薦 天啓中,與同邑李開先先後舉於鄉,並有時名。 福王時,俱命優卹 兩人賢可用。 崇禎十六年正月,李 尙可 惜 自成 頂 遣 踵

遷黃州知府,射殺賊前鋒一隻虎,奪大纛而還。獄有重囚七人,縱歸省,剋期就獄,皆如約 |岐, 崇禎七年進士。 歷|南京職方郎中。 許文岐,字我西,仁和人。祖子良,巡撫貴州右僉都御史。父聯樞,廣西左參政。 賊大擾江北,佐尚書范景文治戎備,景文 甚倚之。

,乃請於上官貸之。

相得,兵民洶洶。 兵百餘人奪門遁,一龍追獲盡斬之,一軍肅然。楊富旣久鎭蘄, 文岐重之。嘗共宿帳中,軍中夜呼噪,文岐曰「此奸人乘夜思遁耳」,堅臥不出。 黨張雄飛將南渡,命遊擊楊富焚其舟,賊乃却。 十三年遷下江防道副使,駐蘄州。賊魁賀一龍、藺養成等萃蘄、黃間,文岐設備嚴。 文岐會二將,以杯酒釋之,始無患。 巡撫宋一鶴上其功。 一鶴復遺參將毛顯文至,不 副將張一龍善馭兵 質明,叛 賊

舉兵來攻,文岐發礮斃賊甚衆。夜將半,雪盈尺,賊破西門入,文岐巷戰。雪愈甚,礮不得發, 遣妻奉母 握督糧參政當行,文岐歎曰:「吾爲天子守孤城三載矣,分當死封疆,雖危急,奈何棄之。」 十五年,左良玉潰兵南下大掠。文岐立馬江口迎之,兵莫敢犯。時警報日急,人無固志, 歸,檄富、顯文出屯近郊,爲固守計。無何,荆王府將校郝承忠潛通張獻忠。明年大

列

傳第

百

八十

忠義六

者、志滅賊耳。今事不成、天也。」含笑而死、時文岐陷賊中已七十餘日矣。事聞、贈太僕卿。 營多烏合,凡此數萬卒皆被掠良民,若告以大義,同心協力,賊可殲也。」於是陰相結,期四 月起事,以柳圈爲信。謀洩,獻忠索之,果得柳圈,縛文岐斬之。 遂被執。獻忠聞其名,不殺,繫之後營。時舉人奚鼎鉉等數十人同繫,文岐密謂曰:「觀賊老 將死,語人曰:「吾所以不死

中,爾輩方爲厮養,今日肯屈膝厮養耶!賊怒,新抱父屍就刃。 諭 定遠蕭頌聖、蘄水訓導施州童天申。 賊旣陷蘄州,遂屠其民。 鄉官陝西僉事李新舉家被執,賊欲屈之。 其時屬吏死節者,惟麻城教 新叱曰:「我昔官秦

矣。」賊如其言。 去,堅不從。 曰:「朝家畀我十三葉金紫,不能易一 郭 以重,黄州人。 露刃懾之,乃好謂賊曰:「從汝非難,但抱小兒者,吾妻也,汝爲我殺之,吾無累 以重卽奪賊刀擊斬一賊,羣賊擁至,遂赴水死 世爲衞指揮。 死哉!吾將先殺汝。」妻乃不敢言。 崇禎十六年,城陷,自他所來赴難。 旣至,遇賊欲脅之 其妻欲 止之, 叱

先是,蘄州破,指揮岳壁自屋墮地,不死。 賊執至城上, 欲降之。 厲聲曰:「我世臣也,

城亡與亡,豈降賊」財刃之,仆地。 氣將絕,瞋目曰:「我死爲鬼,當滅汝!」時大雪,血流丈

餘,目眦不合。

三日,突圍不得出,被執。 同時,郭金城爲羅田守將,賊逼城,率所部五百人戰,斬級百餘,追之英山。 賊大集,困 脅降不從,見殺。

崔文榮,海寧衞人。世指揮僉事,舉武會試,授南安守備。崇禎中,臨、藍盜起,逼桂

陽,桂王告急。文榮督所部會剿,却賊四萬人。以功,擢武昌參將。

十六年四月,張獻忠犯漢陽,文榮渡江襲斬六百級。已而城陷,武昌震懼。

巡撫宋一

衝,偕故相賀逢聖協守,賊攻之不能 當 兵入城,以他將代守。 曰:「守城不如守江、團風、煤炭、鴨蛋諸洲,淺不及馬腹,縱之飛渡,而坐守孤城,非策也。」 傳旣死,承天新任巡撫王聚奎未至,武昌素不宿重兵,城空虚。

或議撤江上兵以守,文榮 事不從。賊果從團風渡江,陷武昌縣。縣無人,賊出營樊口,文榮軍洪山寺扼之。 賊全軍由鴨蛋洲畢渡,抵洪山,守將亦退入城。文榮以武勝門當賊 下。 旣,斂

監軍參政 王揚基時已擢右僉都御史,巡撫承天、德安二郡,未聞命,尚駐武昌。 見勢

蘄、黃潰卒及賊間諜、至是開文昌、保安二門納賊。 急,與推官傅上 瑞詭言有事漢陽,開門遁去,人情益洶洶。先是,楚王出資募兵,應募者率 文榮方出鬭還,闔城扉不及,躍馬大呼,

殺三人。賊攢槊刺之,洞胸死。

罵,賊斷其右手,乃以左手染血灑賊,賊又斷之,不死。賊退,令人縛筆於臂,能作楷字。 集舊卒,訓練如常。 有朱士鼎者, 起家武進士, 為巡江都司。 城陷被執, 贼喜其勇敢, 欲大用之。 戟手大

招

維 叩諸公卿莫爲雪,將置重辟。學顏號泣爭於刑部,不能得,至齧臂血濺於庭,乃獲釋歸。 所居大宅讓其弟,尚義疎財,族黨德之。一崇禎三年建東宮,詔舉孝友廉潔、博物洽聞可勵俗 之,得荆瀝,疾遂愈。父爲中城兵馬指揮,忤權要人下吏。學顏三疏訟冤,所司格不上,徧 風者,有司以學顏應,寢不行。十二年以恩貢生授楚府左長史,引義匡輔,王甚敬之。 十五年冬,諸司長官及武昌知府、江夏知縣並以朝覲行,學顏攝江夏事,繕修守具。 徐學顏,字君復,永康人。母疾,禱於天,請以身代。夜夢神人授藥,旦識其形色,廣覓 推

府新募兵,即令學顏將之。 明年五月晦,新軍內叛,城陷。 學顏格鬭,斷左臂,大罵不屈,爲

賊支解,一 家二十餘人殉之。 通判固安李毓英亦舉家自 縊

節死。 不屈 ,腰斬。 武昌知縣鄒逢吉被害。 事聞,學顏贈僉事,毓英等贈卹有差。 賊旣陷武昌,分兵陷屬邑,於是嘉魚知縣霍山王良鑑、蒲圻知縣臨川曾栻俱抗 同死者,武昌衞經歷汪文熙、巡檢戴良瑄及僧官一人,俱罵賊

諸生汪 逢聖曰:「在內,以寧湖爲止水。 桴入寧湖。 書數百卷。崇禎三年,巡按御史林鳴球薦其賢,幷上所著書,不用。及賊將渡江,雲路貽書 馮雲路,字漸卿,黃岡人。好學勵行,年三十,即棄諸生從賀逢聖講學,遂寓居武昌,著 延陛亦死焉 賊遣使來聘,遙應曰:「我平生只讀忠孝書,未嘗讀降賊書也。」遂投湖死。從游 在外,以漢江爲汨羅。」寧湖者,雲路談經處也。 城旣陷,乘

撰 日 ·性理格言、圖書懸象、大易參諸書付其季弟,曰:「善藏之。」 城破前一日,貽書雲路,言「明 當覓我某樹下。」及期行樹傍,賊追至,躍入荷池以死。 其 同邑熊雳,字渭公,亦移居武昌。 喜邵子皇極書,頗言未來事。 十六年元旦,盡以所

傳第一百八十二 忠義六

列

苟活者」 . 「吾今曠然無累矣。」從容榜諸門,赴井死,時人號爲明井。 有 諸生明睿者,江夏人。 語家人:「速從我入井,否則速去。」於是妻及二子、二女幷諸婢以次投井。 城破,賊獨不入其門。 睿慨然曰:「安有父母之邦 覆, 而偷生 睿笑

色叱賊,賊怒殺之。 道暹攜幼子為璉擔書以行。 逼,道暹惜所積書,又以己所著書多,不忍棄,逡巡未行。及賊至,子爲瑚急奉母走靑峰巖, 曰:「若旣知我,當聽我一言,愼毋殺人焚廬舍。」 賊曰:「若身不保,尙爲他人言耶」道暹厲 先是,賊陷黃岡,諸生易道暹者,字曦侯。 爲璉請代,賊幷殺之。 遇賊,紿曰:「余書賈也。」 賊笑曰:「汝易曦侯,何給我。」 未幾,爲瑚亦被殺。 好學尙氣節,居深山中,積書滿家。 賊氛漸 道暹

耶!延頸就刃,賊殺之。 陂陷,被執,可知年已踰八十。 時黃陂諸生傅可知亦以叱賊死。 賊憫其老不殺,俾養馬, 叱曰: 「我爲士數十年, 肯役於賊 可知幼喪父,臥柩下三年。六十喪母,啜粥三年。

罪而任之。盜方劫富家分財,收者已至。召富家還所失物,皆愕不知所自。惡少年閉戶謀 蔡道憲,字元白,晉江人。崇禎十年進士。爲長沙推官。 地多盜,察豪民通盜者,把其

謝遣之。 抗聲曰:「今四海鼎沸、寇盜日滋。 爲盜,啓戶,捕卒已坐其門,驚逸去。吉王府宗人恣爲奸,道憲先治而後啓王。 王不愛民,一旦鋌而走險,能獨與此曹保富貴乎。」王悟, 王召責之,

沙援。若棄岳,長沙安能獨全。」聚奎不從。賊果以八月陷岳州,直犯長沙。 塞,乃赴岳州。及賊入蒲圻,卽遁去。湖廣巡撫王聚奎遠駐袁州,憚賊不敢進。 移岳,聚奎不得已至岳,數日卽徙長沙。道憲曰:「賊去岳遠,可繕城以守。 「岳,非我屬也。」 道憲曰:「棄北守南,猶不失爲楚地。 若南北俱棄,所屬地安在。」 揚基語 道憲請還駐岳州,曰:「岳與長沙唇齒也,幷力守岳則長沙可保,而衡、永亦無虞。」揚基曰: 十六年五月,張獻忠陷武昌,長沙大震。承天巡撫王揚基率所部千人,自岳州奔長沙。 彼犯岳,猶憚長 道憲亦請

官尹先民等扼羅塘河。 先是,巡按御史劉熙祚令道憲募兵,得壯丁五千訓練之,皆可用。 聚奎聞賊逼,大懼,撤兵還城。道憲曰:「去長沙六十里有險,可栅 至是親將之,與總兵

以守,毋使贼踰此。」又不從。

聚奎 道憲命守卒射之斃。 詭 時 出 知府路胤錫入覲未返,通判周二南攝攸縣事,城中文武無幾。 戦 ,遽率所部遁。 越三日 道憲獨拒守,賊遶城呼曰:「軍中人知蔡推官名,速降,毋自苦。」 ,先民出戰,敗還。 賊奪門入,先民降。 道憲被執,賊啗以官, **賊薄城**,士 民 盡 竄。

列傳

殺我,毋害我民。」賊知終不可奪,磔之,其心血 嚼 齒 大罵。 釋其縛,延之上坐,罵如故。 賊曰:「汝不降,將盡殺百姓。」道憲大哭曰:「願速 直濺賊 面

日二 然日 二十九,贈太僕少卿,諡忠烈。 :「願瘞主屍而死。」 賊許之,乃解衣裹道憲骸,瘞之南郊醴陵坡,遂自刎。 爾主不降,爾輩亦不得活。」國俊曰:「我輩畏死亦去矣,不至今日。」賊幷殺之, 健卒林國俊等九人隨不去,賊亦令說道憲降。 國俊曰:「吾主畏死去矣,不至今日。」財 道憲死時年 四卒

奮

二南,字汝爲,雲南人。由選貢爲長沙通判,盡職業,與道憲深相得。 擢岳州知府,士

民固留,乃以新秩還長沙,後亦死。

死。 老僧伏地哭請免。 犯耒陽,諸生謝如珂拒戰死。 邑中舉人馮一第走湘鄉,將乞師他所,賊繫其母與兄招之。 賊乃去其兩手置營中, 一夕死,母兄獲免。 賊陷東安,舉人唐德明仰藥 一第歸就縛,賊將斬之,一

張鵬翼,西充人。崇禎中,由選貢生授衡陽知縣。 十六年八月,張獻忠逼衡州,巡撫王

李乾德及監司以下皆遁,士民盡奔竄。 鵬翼獨守空城, 賊至卽陷。 脅使降, 戟髯詬

詈,贼縛而 投諸江,妻子赴水死。

節 可鏡 醴陵縣事,城破 鈺 息 號 抗 ",官給· 慟奔赴,遇害。 屬不屈,斷其兩手殺之。 府教授永明蔣道亨攝武陵縣事 賊之趨岳州也,巴陵教諭 事 中,丁艱歸,降賊 亦死之。 衡州 既陷, 長沙府照磨莫可及,宜興人,攝寧鄉縣事, 湘陰陷,知縣大埔楊開率家屬十七人投水死。 桂陽 ,賊用爲湖廣巡撫。 屬縣衡山亦失守, 歐陽顯字時攝縣事,死焉。 ,抱印罵賊, 見殺。 及賊棄湖廣入四川,李乾德復還長沙,執 知縣富順董我前、教諭分宜彭允中,皆 其他文武將吏, 其趨臨湘 殉城死。 非降則 也, 其丞賴萬耀攝 知縣莆田林 二子若鼎、若 逃。 長沙史 盡

可鏡,加榜掠,械送南都伏法。

圖關, 食。 永 南。 輒先避,長沙、衡、永皆隨陷。 明 已而 主 時武昌已陷 乾德者,亦鵬翼同邑人。 復重慶。 立,擢兵部 惡 展 捧箱 韜及 ,乾德守岳州 侍郎,巡撫 殺 武 之,據 大定久駐 川南。 嘉定,蜀人咸不直乾德。 獻忠 崇禎 獻忠攻急,乾德棄城走 重 四年 入四川,乃還長沙, 慶, 乾德入蜀 食 進士。 盡 ,其鄉邑已陷 十六年歷右僉都御史撫治鄖陽,未赴, 乾德 說 嘉定守將楊展與大定結爲兄弟,資之 會劉文秀自雲南 以失地, 長沙,岳州 ,父亦被難, 謫赴 遂 督 陷。 至,擒韜,陷嘉定 師王應熊 乃說諸將袁韜攻 轉徙衡、永,賊至, 軍前 自効。 改湖 佛

列

傳

第

百

八

+

| 徳乃驅家人及其弟御史| 升德,俱赴水死。

知縣。 劉 奸民啖斷腸草,脅人財物。 熙祚,字仲緝,武進人。 父純仁,泉州推官。 熙祚令贖罪者必以草,以是致死者勿問,草以漸少,弊亦 熙祚舉天啓四年鄉試。 崇禎中,為興寧

止。課最,徵授御史。

寇甘明揚等助之。熙祚馳至常德,擊斬明揚。 二月抵岳州,檄諸將分防江滸,偏沅、鄖陽二撫聯絡形勢。 十五年冬巡按湖南。 李自成陷荆、襄諸郡、張獻忠又破蘄、黃、臨江欲渡。 五月還長沙。 會賊馬守應據澧州,窺常德,土 熙祚以明年

逐陷 祚乃遣部將護三王走廣西,而已返永州拒守。 守。 焚劫,王及吉、惠二王皆登舟避亂。 王 聚奎乃撤守長沙,賊遂長驅至。聚奎率潰將孔全彬、黃朝宣、張先壁等走湘潭,長沙不能 惠王避地至長沙,與吉王謀出奔,熙祚奉以奔衡州。 及武昌、岳州相繼陷,急令總兵尹先民、副將何一德督萬人守羅塘河,扼要害。而巡撫 永士民聞之, 空城逃。三王至永州, 三聚奎繼至, 越日全彬等亦至, 劫庫金去。熙 熙祚單騎赴永州爲城守計。 賊騎追執之,獻忠踞桂王宮, 叱令跪,不屈。 衡州,桂王封地也,聚奎兵至,大 未幾,聚奎復走祁陽,衡州

贼羣歐之,自殿城曳至端禮門,膚盡裂。 使降將尹先民說之,終不變,見殺。 事聞、贈太常

少卿,諡忠毅。

粤,賊窟其中,綿祚請會剿。 牛峒,大破之。 積勞得疾,請告歸卒。 兄弟三人並死王事。 入城,仰藥死。弟綿祚,字季延。 弟永祚,字叔遠,由選貢生屢遷興化同知,擒賊曾旺。後以副使知興化府事。 賊怒,率衆攻。 崇禛四年進士。爲吉安永豐知縣。 綿祚出擊,三戰三捷。 賊益大至,綿祚伏兵黃 鄰境九蓮山, 大清兵 界閩

王聚奎旣失永州,後伺賊退,潛還武昌,爲代者何騰蛟所劾,夤緣免。

樂昌 檄將 接壤。 州 內 二府。 江 一王第。 、乳源 至。 王 一孫崩, 孫蘭乞援督府,不應,最後以七百人至,一宿復 孫崩 連州 、仁化,逋竄一 孫崩撫諭 字畹仲, 仰天歎 **瑤賊爲亂,馳剿,三戰皆捷。** 日:「失封 之,乃解。 無錫人。 空。 連州守將先據城叛, 疆當 父憂,服闋,起官紹興,修荒政。 崇禎四年進士。 死,贼陷城又當死, 十六年,張獻忠大亂 累遷成都知府。 韶士民聞 調去。 吾盍先死乎」 及賊陷衡州,肆屠戮。 之,空城逃, 湖南,湖南 遷廣東副使,分巡南雄、韶 蜀宗人虐民,民相聚將焚 逐自縊 而 之郴州宜章與韶 賊 所設偽官傳 旣死,賊竟 韶 所 轄

列

傳

不至,朝廷憫其忠,予贈卹。

鄉故,甚倚之。正郎久缺不推補,同列多忌,朝論亦少之。長庚用推舉失當削籍,良籌亦下 仕而除名,前此未有也。 **更遣戍,久乃釋歸。** 程良籌,字持卿,孝威人,工部尚書註子也。 御史王士英劾其爲趙南星、李三才私黨,忠賢遂矯旨幷良籌除名,永不敍錄。未出 崇禎元年起官,歷文選員外郎,掌選事。 麻城李長庚爲尚書,以同 天啓五年進士。時註爲太常少卿,不附魏

籌令止外兵,不從。 掎角進兵。其冬,遂復孝感、雲夢。十二月,進薄德安,兵敗,退保白蓮寨。 忠所陷,四面皆賊,獨白雲孤處其間,賊頗患之。已,武昌爲官軍所復,良籌號召遠近諸寨, 爲內應,良籌遂被執。 敗使說降,良籌毀其書。 賊怒, 設長圍攻之,相持四十餘日,解去。 時漢陽、武昌亦爲張獻 十六年,李自成犯承天,孝感亦陷。良籌以白雲山險峻,與同邑參政夏時享築壘聚守。 贼棄城去,逼良籌偕行,又不從,遂被殺。 說降,不屈,羈之密室。明年正月,左良玉遣將攻德安。 贈太常少卿。 寨中人素通賊, 賊懼,擁良

殺掌 旅 程 道壽者,良籌里入也,嘗爲來安知縣。 賊 復 至,杖之,繫獄,令爲書招良籌。 賊陷孝感,置掌旅守之。 道壽曰:「我不能助白雲滅汝,肯助汝耶。」遂 道壽結里中壯士,擊

見殺。

清一子方幼,屬友人養之,誓身**殉** 皆入保城 其地,有二卒撾門,榜以徇。 檶 滸墅關,有淸操。 黄世淸,字澄海,滕縣人。父中色, 中。 而客兵所過淫掠,民苦兵甚於賊。 歷員外郎,屢遷右參議,分守商、雒,駐商州 督撫發兵,誠毋犯黃參議令。 吏部員外郎。 世淸下令兵不得闌入城。 世清登崇禎七年進士,除戶部主事, 李自成蹦荆、襄,遠近 ó 城屢遭兵,四野 未幾,關中兵經 震動。 蕭然,民

効死, 礮矢蓋, 繼以石, 石盡, 婦人 掘街砌繼之。 有奸民投賊,至城下說降,世淸佯與語,發礮斃之,懸其首城上曰:「懷二心者視此!」士民皆 十六年十月,自成敗孫傳庭軍,長驅入關,遣右營十萬人從南陽犯商州。 世淸憑城守,

無禮〔〕賊批其頰,化鳳聲色愈厲。 城陷,世清坐堂上,麾其僕朱化鳳去,化鳳願同死。 執至賊帥袁宗第營,世淸植立。 賊牽世清下,化鳳叱曰:「奴才不得 賊欲屈之, 化鳳曰:「吾

列傳

第

百八十二

忠

袭六

光祿卿。

主堂堂憲司,肯拜賊耶」」賊先殺之,授世淸以防禦札。 罵不受,與一家十三人皆遇害。 贈

妻女被掠皆自殺。賊遂抵渭南。暄已擢兵部主事,未行,與訓導蔡其城同守。會舉人王命 年冬,李自成入潼關,兵備僉事楊王休降。敎授許嗣復分守上南門,城破,持梃鬭,詈賊死, 楊暄,高平人。崇禎十三年進士。授渭南知縣。歲大凶,畢力拯救,民稍獲安。十六

肥,令家人擴井口以待。會衙兵叛,奪印趣迎降。||統瞋目叱曰:「吾一日未死,印不可得!」 家七世衣冠,安可臣賊。」或言他州縣甲榜者皆已納款,一統曰:「此事寧論資格耶。」以體 日暮,左右盡散,從容赴井死。 **贼遂陷西安,咸陽知縣趙躋昌被害。屬邑望風降。** 縣丞沁源姚啓崇亦死焉。 蒲城知縣朱一統獨謀拒守,曰:「吾 一統,平定人,起家乙榜。

手弓射賊,與學官魏歲史、劉進並被難。 有朱迥滼者,瀋府宗室也,由宗貢生爲白水知縣。 明習吏事,下不敢欺。 賊潛入城,猶

屋曰:「吾主求賢若渴,君至西京,不次擢用。」時明叱曰:「我天朝命吏,肯臣賊耶」」金星令 大掠,西人無固志。及自成據西安,分兵來寇,典史董尚質開門迎賊,時明被執。 復其故。 唐時 由國子學正屢遷鳳翔知府。十六年十月聞李自成入潼關, 明,字爾極,固始人。舉於鄉。 崇禎中,爲長垣教諭。 子路墓祀田爲豪家奪,時明 亟治戰守備。 偽相牛金 俄潰兵

死。 改寶雞,賊已過潼關,星馳抵任。 坐累,謫池州經歷,攝貴池縣事。 寶雞知縣唐夢鯤,番禺 鳳翔旣陷,屬城叛降。 舉人。 隴州同知薛應玢,武進人。時攝州事,勒兵守城。 賊逼縣,知不可守,自經死。 左良玉擁兵下,鄉民奔入城,守者拒,夢覷令悉納之。 歷知仙居、天台、富川、分水四縣。 在富川, 城陷,詈戝 有撫瑤功。 及

尙質說降, 厲聲責之。

賊令縛赴西安,時明託妻子於友人,至興平,乘間

自縊

據西安,傳檄諭降。 勢不支。 段復興,字仲方,陽穀人。崇禎七年進士。 拜辭其母,聚妻妾子女於樓,置薪其上,復乘城督戰。 城陷, 趨歸 復興裂其檄,集衆守。 踰月,賊薄城,圍數匝,發礮石殺賊滿濠。 歷右參議,分守慶陽。十六年十月,李自成 火其樓,母亦赴

火死。 乃持鐵鞭走北門,擊殺數賊,遂自刎。士民葬之西河坪,立祠祀之。

殺之。 城破被執,罵不絕口死。繼登,南畿人。起家選貢,涖任未浹歲卽遘變,見賊求速死,賊 士,歷知濟源、萊陽二縣。 屢謫復起, 涖慶陽時, 已授刑部主事, 未行, 遇賊, 佐復興死守。 同時死難者,慶陽推官靳聖居、安化知縣袁繼登。聖居,字淑孔,長垣人。 崇禎元年進

新鍱碎之。 其陷寧州也,知州董琬死之。宗室朱新鍱者,以貢生授中部知縣。自成使人持檄招降, 敷曰:「城小無兵,空令士民受禍,計惟自靖耳。」令妻妾子女盡縊,乃投繯死。

至,乃召所活死囚數輩,謂之曰:「吾昔嘗生汝,汝亦有以報我乎。」皆對曰:「唯命。」卽托以 社,欲何之? 也,吾去,誰與守。」衆遂去。 王不從。 王及監司以下官謀遁走。仁瑞謁韓王曰:「長安有重兵,訛言不足信。 簡仁瑞,字季麟,榮縣人。 是夕,其護衞卒課,挾王及諸郡王、宗室斬關出奔,脅仁瑞行。 縱賊壓境,延、寧、甘、涼諸軍足相援,必不能支,同死社稷,亦不辱二祖列宗。」 仁瑞乃撤四關居民入城,以土石塞門爲死守計。 由舉人歷官西安同知、遷平涼知府。十六年冬,賊入關,諸 殿下輕棄三百年宗 仁瑞曰:「吾平涼守 未幾,賊傲

幼子,令衞出。 明日,賊抵城下,士民數人草降書,乞愈名署印。 仁瑞怒叱責之,正衣冠,自

經堂上。

「吾輩委質爲臣,安可以賓師自待。」乃率諸生共守,及城陷,與教諭皆殉難 平涼旣陷,屬城悉降。 華亭教諭鄒姓者,援曾子居武城義, 欲避去。 訓導何相劉止之

民固守。 兵,佐長東拒守有功。遷城固 賊悉兵攻四日 司 五. 教,字敬先, 有諸生謀內應,捕斬之,竿其首城上。 而 城陷,旣見執,厲聲罵賊。 內黃人。 知縣,剿山寇滅之。 篤學有志行。 賊去其冠帶,輒自取冠之,罵益厲,乃被磔 崇禎 十六年冬,賊據關中 無何,偽帥田見秀擁兵至,五敵且戰且守。 時,以歲貢爲內丘 那縣 訓導。 風 十一年, 靡,五教激士 邑被

十五五 諸 請召還給事中章正宸,不納。 臣泄泄沓沓,徒糜數百萬金錢。」帝納其言,敕兵部飛騎勒熊文燦進兵,而張獻忠已叛矣。 年遷浙江 鄉官 張 鳳翩,字健沖。天啓五年進士。 . 右參政,未任而罷。 出按雲南,還朝,言「陛下議均輸再征一 賊陷城,脅之仕,不屈死。 崇禎中官御史,極論四川巡撫王維章貪劣,而 年,民力已竭,討賊

都任,字弘若,祥符人。萬曆四十一年進士。 授南京兵部主事,進郎中,屢遷四川右參

政。 天啓五年大計,左遷江西愈事,復屢遷陝西左布政使。

月朔,同僚朝晉王,任據會典爭,不赴。巡按御史張孫振誣劾提學僉事袁繼咸,任數慰問繼 崇順 五年又謫山東右參政。再遷山西按察使。 任性剛嚴,多忤物,數謫徙,終不變。

懼,詭言討河套寇,率所部遁去,楡林益 城陷,任猶巷戰,力不支,被執。 等數十人誓死守。 外郎王家錄、副將惠顯等議城守。 還,遠近震恐。 贐 其 行。 十六年九月,巡撫崔源之罷去,代者張鳳翼未至,總兵官王定從孫傳庭出關,大敗奔 孫振怒,復中以大計,貶秩歸。後復起,歷右布政使兼副使,飭楡林兵備 李自成遂據西安,遣其將李過以精卒數萬徇三邊,延安、綏德相繼陷。 賊遣使招降,任斬以徇。 欲降之,大罵不屈,遂見殺。 城中多廢將,任以尤世威知兵,推爲主帥,率諸將王世欽 一字虚。 賊大衆麕至,十一 任急集軍民,慷慨流涕,諭 月望,城被圍,至二十七日 世威等皆死,詳見世威傳中。 以大義,與督餉 定

錄 令婦人運水灌城,氷厚數寸,財不能攻。 家錄,黃岡人,舉於鄉。 時已擢關南兵備愈事,未行,與任協守。 及城陷,家錄自剄死。 圍急,男子皆乘城,家

義昌、沈濬、沈演、白拱極、白含章罵賊死,張連元、連捷、李可柱、胡一奎、李廕祥自經死。 楊正韡、柳永年、馬應舉,旗鼓文經國,守備尤勉、惠漸、賀大雷、楊以偉,指揮李文焜、文燦。 在官死事則遊擊傅德、潘國臣、李國奇、晏維新、陳二典、劉芳馨、文侯國,都司郭遇吉,中軍 用、百戶廷弱奮力殺賊,同死。千戶賀世魁偕妻柳氏自縊死。參將馬鳴節聚妻子室中,自焚 死。 而 副將常懷、李登龍,遊擊孫貴、尤養鯤,守備白愼衡、李宗敍,亦以守鄉土遭難。 重 觀 里居戰死則山海副總兵楊明、定邊副總兵張發、孤山副總兵王永祚、西安參將李應孝。 同營李光裕趣家人死,亦自刎死,張天敍焚其積貯,自縊死。 自焚死,傅佑與妻杜氏自縊死。中軍劉光祐罵賊死。 時 同死者,里居戶部主事張雲鶚,知州彭卿、柳芳,湖廣監紀趙彬,皆不屈死。 材官李耀,善射,矢盡, 指揮黃廷政與弟千戶廷 諸生則陳 指揮 自 刎

忠,志不少挫,無一屈身賊庭,其忠烈又爲天下最。事聞,天子嗟悼,將大行褒恤,國亡不果。 楡林爲天下雄鎭,兵最精,將材最多 一,然其地最瘠, 餉叉最乏, 士常不 宿飽。 乃慕義殉

城之中,婦女死義者數千人,井中屍滿,賊遂屠其城。

祝 萬齡,咸寧人。 **父世** 有至行,以父遠遊不歸,年十五卽獨身訪求,瀕死,歷數千

列

里,卒得之。後由選貢通判南康,以淸愼著。

下書院,萬齡憤。 萬齡師鄕人馮從吾,舉萬曆 逆黨李魯生塗劾萬齡倡訛言,謂天變、地震、物怪、人妖,悉由毀書院所 四十四年進士。 累官保定知府。 天啓六年,魏忠賢盡毁天

致,非聖誣天實甚。

萬齡遂落職

州 王肇生 崇禎初, 輝縣之北 合兵擊,六戰焚其巢三百餘,賊遂平。 用薦起黃州知府,集諸生定惠書院,迪以正學。 與 山西陵川之南,有村日水峪, 回賊竊據數十年, 錄功,加右參政。 居三年,遷河南副使,監軍 大爲民患。 萬齡與 山西監 磁

長安徐方敬 哭拜先聖,投繯死。 湯開遠訟其冤,不納。久之,廷臣交薦,未及用,而 流賊自山西入河北,掠新鄉。 、芮城知縣咸寧徐芳聲、舉人宗室朱誼眾及席增光皆里居,城破,並抗 **愈事涇陽王徵、太常寺卿耀州宋師襄、懷慶通判咸寧寶光儀** 萬齡邀擊之, 賊走 西安陷。 陵川。 萬齡深衣大帶, 已,復大至,坐失事, 趣至 一關中 、儀封知縣 節 削籍歸 死 書院

右參議,分守湖南,討平八排賊。 陳 璸 漳浦人。 天啓五年進士。授慈谿知縣。 十六年,張獻忠陷長沙,圍參政周鳳岐於澧州。 崇禎十年爲袁州推官,拒楚賊 有功。屢遷 璃督兵往

救,軍敗,被執。欲降之,不屈,斷手割肝而死。

沒,城遂陷。 故官,進四川副使。 鳳岐、永康 賊帥親解其縛、說以降,怒罵而 人。 萬曆末年進士。 苗人爭界,爲立碑畫疆以定之。 歷工部郞中,掌節愼庫, 忤奄人, 落職歸。 死 改右參政,分守澧州。賊來犯,援軍敗 崇禛初,起

不屈,繫之獄。 及徵俊,乃量 坐大計,謫 徵俊,字夢卜,陽城人。天啓五年進士。 歸 移滕縣知縣。 德照磨。 士民爭頌其德,賊乃釋之。 巡按御史李日宣薦於朝,給事中呂黃鐘請用天下必不可少之人,亦 累官右參政,分守寧前,以憂歸。 抵家北 授韓城知縣。 面 再拜,投繯 十七年二月, 賊陷陽城, 被執 崇禎初,流賊來犯, 卒 禦却之。

城陷 胃 賊 撞階 ,自縊死。 其時士大夫居家盡節者,靈石宋之儁、翼城史可觀、陽曲 死。 使,忤巡按謝三賓,互訐於朝,落職歸。 女斂屍畢,拔簪刺喉死。 慎鏤,晉府宗室,攝靈丘 郡王府事。 可觀,太常少卿學遷子。 三賓亦貶秩。 賊陷太原,冠帶祀家廟,驅家人入廟中, 朱愼鏤。 及遇變,之儁受刑死。 官中書舍人,加 之儁舉進士,歷官登 鴻臚 少卿。 妻喬

焚之,已亦投火

死。

列傳

第

被執。 樂。 同抵寧郭驛。 二月,賊將劉方亮自蒲坂渡河。 叛將陳永福引賊至,京即迎降。 丁泰運,字孟尚,澤州人。崇禎十三年進士。 助擁見方亮,使跪不屈,燒鐵鎖炙之,亦不從,乃遇害。 俄兵變,化熙被傷走。 巡按御史蘇京托言塞太行道,先遁去,與陝西巡撫李化熙 兵執京,披以婦人服,令插花行,稍違,輒抶之以爲笑 賊逐逼懷慶,監司以下皆竄。 除武陟知縣,調河內,著廉直聲。 泰運獨守南城,力不支, 十七年

夢謙以救黃道周繫獄,大倫議寬之,忤尚書意,遂罷歸。 自成,道憤恨不食死。 子師易,皆死之。 賊旣陷懷慶,尋陷彰德。 又有王辉徵,由鄉舉歷官蒲州知州,件豪宗,謝事歸。 安陽 人尙大倫,字崇雅。 由進士歷官刑部郞中。 城陷,抗節死。 參將楡林王 爲賊所執,傳詣李 有國學生白 楽 及其

校勘記

三王至永州 惠王常潤南奔 三王,原作「二王」,據本書卷一二〇惠王常潤傳改。 惠王,原作「瑞王」,據本書卷一二〇惠王常潤傳、國権卷九八頁五九五四改。 下同。

明史卷二百九十五

列傳第一百八十三

忠義七

何復 邵宗元等 張羅俊 弟羅彥等 金毓峒 韓東明等 湯文瓊 范筬聽等

許琰 曹肅等 王喬棟 張繼孟 陳其赤等 劉士斗 沈雲祚等

王勵精 劉三策等 尹伸 莊祖誥等 高其勳 王士傑等 張耀 吳子騏

米壽圖 馬乾 孔師程等 羅國職等

耿廷籙 席上珍 徐道興

劉廷標 王運開 王運閎

會異撰等

功。 月擢保定知府。 忤上官,被劾謫戍。後廷臣多論薦,起英山知縣,累遷工部主事,進員外郞。十七年二 何復,字見元,平度人。邵宗元,字景康,碭山人。復,崇順七年進士。 宗元,由恩貢生歷保定同知,有治行。 知高縣,有却賊

列 傅 第一 百八十三 忠 義 七

復曰:「公部署已定,印仍佩之,我相與僇力可也。」乃謁文廟,與諸生講見危致命章,詞氣激 朱永康,後衞指揮劉忠嗣及鄉官張羅彥、尹洗等,議城守。 徐標反,遣使迎賊,人情益洶洶。 講畢,登城分守。 李自成陷 Щ 西,遺爲副將軍劉方亮由固關東犯,畿輔震動。 宗元時攝府事,亟集通判王宗周,推官許曰可 復聞,兼程馳入城,宗元授以印。 及真定遊擊謝嘉福殺巡撫 ,清苑知縣

婦人衣,言:「所過百餘城,皆開門遠迎,不降卽屠。且京師已破,汝爲誰守。」 城上人聞之, 髮豎眥裂。 賊環攻累日,宗元等守甚堅,賊稍稍引却。 都城陷之次日,賊使投書誘降,宗元手裂之。明日,賊大至,絡繹三百里。 有數十騎服

怒,厲聲叱呼,且舉尚方劍脅之。或請啓門,宗元曰:「脫賊詐爲之,若何。」衆以御史金毓 峒嘗監建泰軍,識建泰,推出視之信,乃納之。 示之,宗元等曰:「荷天子厚恩,御門賜劍,酌酒餞別。今不仗鉞西征,乃叩闟避賊耶。」建泰 督師大學士李建泰率殘卒數百,輦餉銀十餘輛,叩城求入。宗元等不許。建泰舉敕印

泣。 印 厲 羅彥前曰:「邪說勿聽,速擊賊。」復自起爇西洋巨礮,火發,被燎幾死。 聲曰:「我為朝廷守土,義不降,欲降者任為之。」大哭,引刀將自刎,左右急止之,皆雨 建泰入, 賊攻益厲。 建泰倡言曰:「勢不支矣,姑與議降。」 **書**牒,迫宗元用印。 宗元抵 賊攻無遺力,雉

出降, 鼻支解死。 處一室,俱以弓弦縊殺之,復登城拒守。 建泰率日可、永康 堞 盡 傾。 賊蜂擁而 俄賊火箭中城西北樓,復遂焚死。 上。 出降。 建泰中軍副將郭中杰等爲內應,城遂陷。 忠嗣分守東城,城將陷,召女弟適楊千戶者歸,與妻毛、子婦王同 城破被執,怒詈,奪賊刀殺二賊。 南郭門又焚,守者多散。 宗元及中官方正 南城守將王登洲縋城 賊麕至,剜目劓 化 不屈死。

祉 動、趙世貴、劉本源、侯繼先、張守道 元靖、呂九章、呂一照、李一廣, ,把總則 晝夜戮力。 有呂應蛟者,保定右衞人,歷官密雲副總兵,謝事歸。 時武臣死事者,守備則張大同與子之坦力戰死。指揮則文運昌、劉洪恩、戴世爵、劉 郝國忠、申錫,皆殉城死。 城破,短兵鬭殺十餘賊而 中軍則楊儒秀,鎭撫則管民治,千戶則楊仁政、李尙忠、紀 了百戶則劉朝卿、劉悅、田守正、王好善、强忠武、王爾 死。 賊至,總監正化知其能,延與共

張羅俊, 字元美,清苑 人。 **父純臣**, 由武進士歷官署參將、神機營左副將。 生六子:羅

列傳第一百八十三 忠義七

俊、羅彥、羅士、羅善、羅喆、羅輔。

不問。 著功。 進士。 獨無所染。 嗣昌數借封疆事引用匪人,羅彥多駁正。 羅俊娶瞽女,終身不置妾。羅彥,字仲美,舉崇禛二年進士。 給事中時敏奉使過其地,夜半欲入城、 而 羅彥少從父塞上,習兵事。 秩滿,遷光祿少卿,被誣落職歸。 初官行 帝疑吏部行私、廠卒常充庭、曹郎多罹譴者、羅彥 人,奉使旋里,鄉郡三被兵,佐當專守禦, 羅彥不許。敏劾其擅司鎖鑰,羅彥疏辯,帝 羅俊以十六年秋舉進士,羅輔亦以是年舉武 累遷吏部文選郎中。

下曰:「欲降者,取我首去。」後衞指揮劉忠嗣挺劍曰:「有不從張氏兄弟死守者,齒此劍。」 怒目,髮上指。 其城守悉屬公。」羅彥曰:「諾。」詰旦,侶果殺妻孥十一人,率師去。 馬岱謁羅彥曰:「賊分兩道,一出固關,一趨河間。 羅俊守東城,羅彥西北,羅輔爲游兵。公廩不足,出私財佐之。賊遣騎呼降,羅俊顧其 十七年二月,賊逼京師,衆議守禦。羅彥兄弟與同知邵宗元等歃血盟,誓死守。總兵官 聞者咸憤厲,守益堅,賊爲引却 吾當出屯蠡縣扼其衝,先殺妻子而後往, 羅彥等糾鄉兵二千分牌

|元曰:「小民無知,非鼓以大義,氣不壯。」乃下令人綴|崇順錢一枚於項,以示戴主意。 已,聞京師變,衆皆哭,北向拜,又羅拜相盟誓。而賊攻益急,城中多異議。 羅彥謂宗 敗謂

羅彥主謀,呼其名大詬,且射書說降,羅彥不顧。賊死傷多,攻愈力。李建泰親軍爲內應, 士張羅俊也」,遂遇害。羅彥見賊入,急還家,大書官階、姓名於壁,投繯死,子晉與羅俊子 城遂陷。 羅俊猶持刀砍賊,刀脫,兩手抱賊齧其耳,血淋漓口吻間。 賊至益衆,大呼「我進

伸並赴井死。

無死節之士。」妻高攜三女投井死,羅善亦投他井死。 羅善,字舜卿,爲諸生,佐兩兄守城。城將陷,兩兄戒勿死,羅善曰:「有死節之臣,不可

羅輔多力善射,晝夜乘城,射必殺賊。城破,與羅俊奪圍走,羅俊不可,羅輔連射殺數

人,矢盡,持短兵殺數人乃死。

待。 給以汲井,推幼女先入,己從之。羅俊再從子震妻徐,巽妻劉,亦投井死,一門死者凡二十 王亦縊死。羅俊伯母李罵賊死。羅彥妻趙、二妾宋、

錢及晉妻師,當圍急時,並坐井傍以 賊入、皆先羅彥投井死、獨趙不沈、家人出之。羅輔妻白在母家、聞變欲死、侍者止之、 張氏兄弟六人,羅士早卒,其妻高守節十七年,至是自經死。惟羅喆從水門走免,其妻

賢。 + 四 叉請 年 金 面 鯍 陳 渙發德音,自十五年始,蠲除繁苛, 峒 漕務, 字雅: 鶴 稱旨, ,保定 授御史。 衞 人。 **父銓**,戶部員外郎。 疏論 兵部 與海內更新 尚書陳新甲 鯍 庸才 峒舉崇禛七年進士。 因言復社一 悞 國,戶部尚 案,其人盡縫掖,不 書李待問 授中書舍人。 積病妨

獨 謂 將 明 年 驕 出 卒悍,未可 按 陝西。 輕戰,抗 孫 傳庭治兵關中,吏民苦征繕,日夜望出關,天子亦屢詔督趣。 疏 争。 帝不納,師果敗 毓 峒

可以一

夫私

怨開

禍端。

帝多探納

城,散家貲千餘金犒士,其妻王亦出簪珥佐之。 月 召對,命監李 十六年冬,期滿得代,甫出境,而賊入關。 建泰 軍。 馳赴山西,抵保定,賊騎已逼,遂偕邵宗元等共守。 復還至朝邑,覈上將吏功罪而後行。 毓 峒

明年三

分守西

見桂春,亦投井死。 仆 城上,大呼曰:「我金振 牌 地,自墮井死。 **令擊賊者自取。** 京師變聞,賊射書說降,衆頗懈。 妻聞,即自經。其從子振孫有勇力,以武舉佐守城。賊至,衆皆散, **肖孫匿毓峒二子,爲賊搒掠無完膚,終不言,二孤獲免。** 衆爭奮,斃賊多。 孫 ,前日殺數賊魁者,我也。」**羣**賊支解之。 城陷,一賊挽毓峒往謁 毓峒厲聲曰:「正當爲君父復讐,敢異議者斬」 懸銀 其帥,且駡且行,遇井。 振孫兄肖孫、子婦陳與侍 獨 推 立 賊

爾翬、孫從範, 同 時 守城殉難者,邠州知州韓東明、武進士陳國政赴井死。 不 屈 死。 舉人高經 負母避難, 遇賊求 釋母, 母 獲釋而 平涼通判張 經被 執, 維綱, 乘間 赴 舉人張 水

二十九 酒 貢 亦不屈死。 盡節者一百十五人。 會家 生郭 鳴世寢疾,聞城陷,整衣端 人,布衣劉宗向、田 人,飲達旦。 賊揭其首於竿,書曰:「據城抗節,惡官逆子。」見者飮泣。 城破,偕妻齊及三子、二女入井死。 他若都給事中尹洗、舉人劉會昌、貢生王聯芳,以城陷次日爲賊收獲, 印名 、劉自重等二十人,或自經,或溺,或受刃,皆不屈死。 坐。 賊至,持棒奮擊而 諸生韓楓、何 死。 諸生王之珽,先城 一中、杜 日芳、王法 陷 日, 婦人 置 等

之位,心存文丞相之心。」投繯而 其友曰:「吾雖布衣,獨非大明臣子耶? 湯文瓊、字兆鰲、石埭人。授徒京師、見國事日非、數獻策闕下、不報。 卒。 安忍見賊弑君篡國。」乃書其衣衿曰:「位非文丞相 京師陷,慨然語

匹夫,乃能抗志捐生,爭光 ,梁兆陽、楊觀光、何瑞徵爲從逆獻謀之首,其他皆稽首賊庭, 福王時,給事中熊汝霖上疏曰:「北都之變,臣傳詢南來者, 日月。 賊聞其衣帶中語,以責陳演, 即斬演於市。 乞憐恐後。 確知魏藻德為報名入朝之 而 文瓊 文瓊布衣死 以閭閻

列

節,賊猶重之,不亟表章,何以慰忠魂,勵臣節。」乃贈中書舍人,祀旌忠祠。

時都城以布衣盡節者,又有范箴聽、楊鉉、李夢禧、張世禧輩。 福王建國,喪亂益甚,且

見聞不詳,未盡表章。

師陷,攜二子赴井死。 |夢禧,負志節,與妻杜、二子、二女、一婢俱縊死。 |世禧,儒士也,亦與 允禛或倨見他客,箴聽至,輒斂容。 賊入,置一棺,偃臥其上,絕食七日死。 鉉,善寫眞。京 二子懋賞、懋官俱縊死。 **箴聽,端方有義行。高攀龍講學都下,受業其門。魏國公徐允禛延爲館賓,數進規諫。**

欲死難,汝能之乎。」妻曰:「能。」遂先死。一奇遇瘞畢,服藥死。 又有周姓者、悲憤槌胸、嘔血數升而死。而柏鄉人郝奇遇、居京師、聞變、謂妻曰:「我

許琰,字玉仲,吳縣人。 幼有至性,嘗刲臂療父疾。 爲諸生,磊落不羈。 聞京師陷,帝

殉 大詬曰三今何日,我輩讀聖賢書,尚縱酒如平日耶」拂衣徑去。 社稷,大慟,誓欲舉義兵討賊。 走告里薦紳,皆不應。 端午日過友人,出酒飲之,琰擲杯 已,聚哭明倫堂,琰衰杖擗

拯之出 踊, 國 庭中稽首號 號泣 而哀詔猶 ,詢其故 盡哀。 慟, 未頒。 ,嗟嘆良久。 幷不復言,以六月三日卒。 御史謁文廟,猶吉服。 **琰益憤慟,趨古廟自經,爲人** 識琰者掖以歸,家人旦夕守,不得死,遂絕粒。 琰率諸生責以大義,御史惶悚謝罪去。 鄉人私諡曰潛忠先生。 所解,乃步至胥門,投於河。 南中贈五經博 尋聞 及南都頒監 潞王 哀韶至,即 士,祀旌 一舟至,

是時諸生殉義者,京師則曹肅、藺衞卿、周讜、李汝翼, 大同則李若葵, 金壇則王明灝,

丹陽則王介休,雞澤則殷淵 ,肥鄉則宋湯齊、郭珩、王拱辰。

之。 亦罵賊,被磔死。 鄧並自縊。 託故走二十里外,投水死。介休,不食七日死。 肅 ,曾祖子登,仕爲甘肅巡撫。 **衞卿止一幼女,託其友,亦自縊。 灩被執,罵賊不屈死。** 若葵與親屬九人皆自縊,題曰一門完節。明灝聞變,日夕慟哭,家人解慰 賊入,肅與祖 日母姜、母脹、嫂李及弟持敏、妹持順、弟婦 汝翼,布政使本緯子。

欲 ,誅賊所置官。 報父讐。 淵,字仲弘。 及賊破雞澤,謀起兵恢復。 父大白,官監軍副使,爲楊嗣昌所殺。 爲令秦植踉蹌走,乃入城,行哭臨禮,義聲大震。 俄聞京師陷, 即同諸生黃祐等悲號發喪, 淵負奇氣。 爲奸人所乘,被殺,遠近 從父兵間,善技擊,嘗 約山 一中壯

悼之。 湯齊 珩 、拱辰亦起兵討賊,爲賊將張汝行所害。

教授, 嚴徵 ,喬棟時駐興國州。 王喬棟,雄縣人。 累遷湖廣參政。 喬 棟 不忍,封印 於庫 舉進士,授朝邑知縣。 城爲賊陷, 楚中大亂,諸道監司多不至,喬棟兼綰數篆。 而 去。 自經城樓上。 巡撫怒,將劾之。 縣人王之宋為魏忠賢黨所惡,坐以贓,下喬棟 士民擁署號呼,乃止。 乙酉夏,李自成據武 崇禎 初,起 順

者咸指目繼孟爲東林。 道重而南都輕。 對,詔詰責之。 籌邊六事,末言己被抑南臺,由錢神世界,公道無權,宜嚴禁餽遺。 張繼孟,字伯功,扶風人。萬曆末年進士。 左都御史趙南星言:「今天下進士重而舉貢輕,京官重而外官輕,在北 乞因繼孟言,思偏重之弊。 尋以不建魏忠賢祠,斥爲邪黨,削奪歸。 敕下吏部極力挽回,於用人不爲無補。」於是忌 知維縣。 天啓三年擢南京御史,未出都,奏 帝令實指,繼孟 以 之科 風 聞

崇禎二年起故官,上言:

者, 無其 近見冢 事而 臣 借名也。 王永光「人言踵至」一 世揚與楊漣、左光斗同 疏,語語謬戾。 事同 رنا، 其日「 但未同 惠世揚等借題當議」。夫云借 死耳。 今楊、左業有定

議,世揚方昭揭於天下後世,奈何以借名之,謬一。

耳。 發奸,謬二。 鴻訓 又曰「高捷、史些發奸已驗,特用宜先」。 輔 政, 止 此一事快人意。 其後獲罪以納賄, 夫捷、整之糾劉鴻訓也,爲楊維垣等報響 非以捷、遊劾也。 **今指護奸者**

又曰「諸臣所擁戴者,錢謙益、李鵬芳、孫愼行」。 夫謙益本末,陛下近亦洞然。 至

騰芳、愼行,天下共推服。 又曰「欲諸臣疎一面網,息天下朋黨之局」。 會推之時,永光 身主其議。 信斯言也, 乃指公論為擁戴,謬三。 則部議漏張文熙等數

人,是為疎網,而陛下嚴核議罪,反開朋黨之局乎?謬四。

先爲崔呈秀、徐大化,今則霍維華、楊維垣、張文熙,其賢不肖可知矣。 且永光先爲御史李應昇所糾,今又爲御史馬孟正、徐尙勛等所論。 而推轂永光者

後 **久亂未靖,繼孟設計酖之,一方遂安。** 又劾南京兵部尚書胡應台貪污。 帝並不納。 稍遷浙江鹽運使,忤視鹽內官崔璘,左遷保寧知府。 永光深疾之,出爲廣西知府。 普名聲

尋進副使,分巡川西。

城陷被執。 十七年八月,張獻忠寇成都,與陳其赤、張孔教、鄭安民、方堯相等佐巡撫龍文光協守, 獻忠僭帝號,欲用諸人備百官。 繼孟等不爲屈,乃被殺,妻賈從之。

其赤,字石文,崇仁人。 崇禎元年進士。 歷兵備副使,轄成都。 城陷,投百花潭死,家

人同死者四十餘人。

知。 踰年母詣以衡書室,見副使周夢尹請孔教卹典疏,隕絕,罵以衡曰:「父死二載,我尙偸 孔教,字鲁生,會稽人。舉於鄉。歷四川僉事,不屈死。子以衡,奉母孔南竄,匿不使

生,使我無顏見汝父地下!」遂取刀斷喉死。 安民,浙江貢生,歷蜀府左長史。 賊圍成都,分守南城,城陷,不屈死。

堯相,字紹虞,黃岡人。官成都同知,監紀軍事,兵食不足,泣請於蜀王,王不允,自投

於池,以救免。 次日城陷,被殺於萬里橋下。 總兵劉佳胤亦盡節。

|西按察司知事,擢||成都推官。 劉 士斗,字瞻甫,南海人。 十六年,御史劉之勃薦爲建昌兵備僉事。 崇禎四年進士。 知太倉州,有政聲。 忤上官,中計典, 明年八月,賊將入 謫江

境,之勃促之行。 日 一一、此敗也,公不可少屈」獻忠怒,命捽以上,士斗又返顧之勃,語如前,遂闔門被殺 士斗曰:「安危生死與公共,復何往。」城陷被執,見之勃與張獻忠語,大呼

饋食,以刃脅降,不屈,遂遇害。 於王,不聽。 說之曰:「成都危在旦夕,而王府貨財山積,不及今募士殺賊,疆場淪喪,誰爲王守。」至淥言 設策捕戮之。 同時,沈雲祚,字子凌,太倉人。 崇禎十三年進士。知華陽縣。 賊迫成都,王始出財佐軍,已無及。 賊破變門,成都大震,雲祚走謁蜀王,陳守禦策,不聽。 城陷,獻忠欲用之,幽之大慈寺而遣其黨 有奸民爲搖、黃賊耳目, 聞內江王至淥賢,往

減價糶。富人聞之,爭出粟,價遂平。遷景慶知州,多善政。 王勵精,蒲城人。崇禎中,由選貢生授廣西府通判,仁恕善折獄。歲凶,毀銀帶易粟,

火,火發,觸刃貫胸而死。 國成仁取義四語於壁,登樓縛利刃柱間,而置火藥樓下,危坐以俟。俄聞賊騎渡江,卽命舉 人建祠奉祀,祀甫畢,壁卽頹,遠近歎異。 十七年,張獻忠陷成都,州人驚竄。 賊歎其忠, 斂葬之。 勵精朝服北面拜,又西向拜父母,從容操筆書文信 其墨迹久逾新,滌之不滅。後二十餘年,州

列

典史ト大經 知 縣顧繩貽 先是,十三年賊犯仁壽,知縣鄱陽劉三策拒守,城陷不屈死, 遇害。 與其僕俱縊 賊陷郫縣,主簿山陰趙嘉煒守都江堰,賊誘降,不從,投江死。 死,鄉官戶部郎中刁化神亦死之。 贈尚寶司丞。 及是再陷, 陷緜竹,

夢眉 奉鲫,由進士歷御史,劾督師丁啓睿諸疏,爲時所稱。 、中江教諭攝劍州事單之賓,皆殉難。 他若榮縣知縣漢陽秦民湯、蒲田知縣江夏朱蘊羅、興文知縣漢川艾吾鼎、南部知縣鄭 夢眉夫婦並縊。 時里居,并及於難。 蘊羅、 吾鼎闔家被難。 宗室侏

知府 參將 范邦雄破走之,逐北至三盆河。 突圍歸,坐奪官,戴罪辦賊。 官,分守貴州 、陝西提 尹伸、字子求、宜賓人。萬曆二十六年進士。授承天推官。 學副使、蘇松兵備參政。公廉强直,不事媕阿,三任皆投劾去。 威清道。 貴陽 圍解,巡撫王三善將深入,伸頗贊之, 四年,賊圍普安,伸赴援,賊解去,遂移駐 總督蔡復一上其功,免戴罪,貶 監軍 屢遷南京兵部郎中、西安 其地。 西 秩視 征 事 賊 天啓時,起故 三善敗歿, 復來攻, 率 |伸

分義,工詩善書,日課楷書五百字,寒暑不輟。 崇禎 五. 年歷 河南右布政使,以失禦流賊 罷歸。 張獻忠陷敍州,匿山中,搜得之,罵不肯行 伸所至 一與長 吏 迕, 然待 A 有始終, 篤

贼 重其名,不殺。 至井硏,罵益厲,遂攢殺之。 福王時,起太常卿,伸已先 死。

則 義 工 一部主 兵討賊,不克死 蜀 中 事蔡如蕙 士大夫在籍死難者,成都則雲南 ,郫縣則舉人江騰龍。 按察使莊 而安岳進士王起峩 祖 浩 廣元 渠縣禮部員外郎李含乙, 則 戶科給 事中 吳字英, 資縣

禦武定。 高 其勳,字懋功。 及沙定洲再反,分兵來攻。 初襲千戶,後舉武鄉試,爲點國公標下中軍。 固守月餘,城陷,衣冠望北拜,服毒 吾必奎反,擢參將,守 死。

王 時有陳正者,世爲大理衞指揮,未嗣職。 承憲者,襲祖職爲楚雄衞指揮,擢遊擊,爲副使楊畏知前鋒。定洲 沙賊陷城,督衆巷戰,手馘數賊而 來攻,凡守禦備悉, 死。

畏知深倚之。 贼去復至,承憲偕土官那籥等出城衝擊,贼皆披靡, 俄爲流矢所中死。弟**承**

塡力戰死,一軍盡歿。

賊進圍大理時,太和縣丞王士傑佐上官畢力捍禦,城陷,死城上。 、經歷楊明盛 及子一甲、司獄魏崇治。 而故永昌府同知蕭時顯,解任, 同死者,大理府教授 以道阻 寓居

列傳第一百八十三 忠義七

大理,亦自經。

大成倡義助守、罵賊死、楊憲偕妻女、子婦、姪女、孫女、弟婦一門自焚死。 士人同死者,舉人則高拱極投池死,楊士俊同母妻妹自焚死。 諸生則尹夢旗、夢符、馮 楊瑟旣死復甦,

妻竟死。人稱太和節義爲獨盛云。

單國祚者,會稽人,爲通海典史。 城陷,握印坐堂上,罵賊被殺,印猶在握。 縣人葬之

諸葛山下。

詈益甚,賊殺之,幷其家屬十三人。 秦人,說之曰:「公若降,當用爲相。」耀怒詈不屈,賊執其妾媵怵之曰:「降則免一家死。」 民守禦, 官貴州布政使。 張耀,字融我,三原人。 巡撫以衆寡不敵難之。 張獻忠死,其部將孫可望、李定國等率衆奔貴州。 萬曆中,舉於鄉。 俄賊衆奄至,耀率家衆乘城拒擊。 知聞喜縣,慈惠撫民,民爲立祠。 耀急言於巡撫, 城陷被執,賊帥與耀皆 崇禎中,歷 請發兵 耀

時鄉官吳子騏、劉琯、楊元瀛等率鄉兵敗賊,賊來益衆,戰敗被執,俱不屈死。

在城內,倉皇藥官歸。 子騏,字九逵,貴陽人。 萬曆中,舉於鄉,知興寧縣。 天啓時,安邦彥圍貴陽,子騏以母 總督朱燮元屬子騏詣

六廣,走書召諸目,曉以利害,果乞降。 崇禎十年,蠻賊阿烏謎叛,陷大方城,逐守將。 變元上其功,優旨獎賞。

1 百戶部主事,元瀛府同知,並起家鄉舉。 同時譚先哲,平壩衛人,子騏同年生也。 官戶

大罵而死。 部 郎中。 有顧人龍者,定番州人,嘗出仕,解職家居。 賊陷其城,與里人石聲和皆闔家殉難。 可望寇安平,僉事臨川曾益集衆拒守,城陷死之。 流賊來犯,率士民拒守,殺賊甚衆。 聲和,天啓中,舉於鄉,官寧前兵備參議。 城破,

集衆登陴守,城陷,自焚死。 津進士程玉成、貢生襲茂勵謀曰:「州據盤江天險,控扼滇、黔,棄之不守,事不可爲矣。」遂 曾異撰,榮昌人。舉於鄉, 知永寧州。 可望旣陷貴州,將長驅入雲南。 異撰與其客江

米壽圖,宛平人。 崇禎中,由舉人知新鄉縣。 土寇來犯,督吏民破走之,斬首千二百餘

級。以治行徵授南京御史。

十五年四月極論監軍張若騏罪,[1]言:「若騏本不請軍旅,諂附楊嗣昌,遂由刑曹調職

方。 謨、廣西巡撫林贄貪黷。 今封疆不靖,遇卿貳則爭先,推督撫則引避。 死 **恃鄉人謝** 。陞亦除名。 督臣 洪承 陞爲 內援。陞奸險 ·疇孤軍遠出,若騏任意指揮,視封疆如兒戲。虛報大捷,躐光祿卿,冒功罔上, 初,嗣昌倡練兵之議,擾民特甚。壽圖疏陳十害,又言:「往時督撫多用京卿, 帝納其言。 小人,非與若騏駢斬,何以慰九廟之靈。」會廷臣多糾若騏,遂論 宜嚴加甄別,內外兼補。」因劾偏沉巡撫陳睿

獻忠所據,命吏部簡堪任監司守令者從壽圖西行。 諸將,號召遠近,漸復川南郡縣。 十七年五月,福王立,馬士英薦用阮大鎭,壽圖論劾。七月,出按四川。 至則與督師王應熊、總督樊一蘅等聯絡 時川地已為張

奔沅州。 唐王立,擢右僉都御史,巡撫貴州。 十一月,三元州亦陷,壽圖死之。 大清順治四年,獻忠遺黨孫可望等陷貴陽,壽圖出

政,言:| 將 小怨必報,何不大用於斷頭飲血之元兇,私恩必酬, 耿 廷籙 *Ź* , 臨安 不 若將良,兵多不若兵練, 河西 天啓四年舉 一於鄉。 **餉多不若餉核。」又言:「諸臣恩怨當** 崇禎 中,知耀州 何不廣用於鵠面鳩形之赤子。」 有能 聲。 十五 志, 年 廉 夏,疏 恥 優旨褒 当 陳時 勵

納。擢山西僉事,改監宣府軍。

不屈 作 由 建昌 亂 死。 一蜀 十 七年 入川討賊。 地亦盡失,遂止不行。 ,京師 陷,走南都。 明年三月,四川巡撫馬乾罷, + -後李定國掠臨安 月以張獻忠亂四川,命加太僕少卿赴雲南監沙定洲軍, ,過河西, 即拜廷籙右僉都御史代之。 廷籙聞之赴水死。 未 妻楊被執,亦 赴, 而定洲

其城。 都陷,巡撫龍文光死,蜀人共推乾攝巡撫 府 及獻忠死,其黨孫可望等南奔,大清兵追至重慶,乾戰敗而死。 近,協力討賊。 事 馬乾者,昆明人。 督師王應熊劾乾淫掠,奪職提訊。 張獻忠攻圍二十餘日,固守不下。 廷舉旣敗去,賊遣劉文秀等以數萬衆來攻,乾固守。曾英等援兵至,賊敗還。 舉崇禎六年鄉試,爲四川廣安知州。 事。 會蜀地大亂,詔命不至,乾行事如故。 督師楊嗣昌兵至,圍始解。 賊陷重慶,留 其將劉廷舉戍守。 夔州告警,巡撫邵捷春檄乾攝 擢川東兵備 乾擊走之,復 : 僉事。 乃傳檄遠 成

席上 姚安 崇禎 中,舉於鄉。磊落尙節義,聞孫可望、李定國等入雲南,與姚州知

列

傳

第

明。 州 何思、大姚舉人金世鼎據姚安城拒守。 可望呵之,上珍厲聲曰:「我大明忠臣,肯爲若屈耶!」可望怒,命引出斬之,大罵不絕, 思亦不屈死。 可望遭張虎攻陷之,世鼎自殺,上珍、思被執至昆

遂磔於市。

余繼善、耿希哲助陽春城守,亦殉難。 奄至,師程遁,晉寧知州石阡冷陽春、呈貢知縣嘉興夏祖訓並死之。 有孔師程者,昆明人,以從軍得官。 至是糾合晉寧、呈貢諸州縣,起兵拒賊。 晉寧舉人段伯美,諸生 定國率衆

亦自經。 賊陷富民,貢生李開芳妻及二子俱赴井死。開芳走至松花壩自經,其友王朝賀掩埋訖, 在籍知縣陳昌裔不受偽職、爲賊杖死。

楚雄舉人杜天禛,初佐楊畏知拒沙賊,頻有功。 後畏知督兵擊可望敗績,天旗聞之卽

自 盡。

臨安之陷,進士廖履亨赴水死。

破 山靖。 徐道興,睢州人。 巡按羅國瓛方按部其地,與知府焦潤生被執。 崇禎末,官雲南都司經歷,署師宗州事,廉潔愛民。孫可望等入雲南, 可望欲降之,國瓛不屈,攜至昆明,

自焚死。 潤生亦不屈死

之曰:「一以賜汝,一買棺斂我。」僕大哭,請從死。 行,道興厲聲曰:「封疆之臣死封疆,吾將安之!」 道 興 見賊逼,集士民諭之曰:「力薄兵寡,不能抗賊,吾死 道興大罵,擲酒杯擊之,罵不絕口,遂被殺 衆雨泣辭去。 道興曰:「爾死,誰收吾骨。」 僕叩頭 分也。 舍中止一 若等可速去。」民請偕 僕, 出 俸 金二錠 、號泣 授

潭源 州同 國瓛,嘉定州 知,解職歸。 人,崇禎十六年進士。 可望等兵至,與其妻馮並縊死,子諸生耀葬親訖,亦縊死。 潤生,修撰竑子。同時張朝綱,廣通人, 由貢 (生授

乃去。

及賊入署,令出迎其將。

劉廷標,字霞起,上杭人。 王運開,字子朗,夾江人。 廷標由貢生歷永昌府通判。 運開

舉於鄉,授永昌推官。

標,廷標亦不可,衆 家人走騰越。 司事,延標攝府事,方發兵守瀾滄,而天波將遣子納款,諭兩人以印往。兩人堅不予,各遣 沙定洲之亂,點國公沐天波走永昌。及孫可望等入雲南,馳檄諭天波降。 永昌士民聞賊所至屠戮,號泣請運開納款紓禍,運開不可,慰遣之。又詣廷 大哭。 廷標取毒酒將飲,乃散去。 兩人相謂曰:「衆情如此,吾輩惟一死 時運開 攝監

列 傅 第 百 八十 Ξ 忠 輚 七 校 勘 記

自靖耳。」是夕,運開先自經。 廷標聞之曰:「我老當先死,王乃先我。」遂沐浴,賦詩三章,亦

自經。兩家子弟自騰越來奔喪,厝畢復返。

弟可異趣耶!吾死,若收吾骨與兄合葬。」遂躍入江死。 可望等重兩人死節,求其後,或以運開弟運閎對,即聘之。 行至潞江,謂其僕曰:「吾兄

校勘記

極論監軍張若騏罪 張若騏,明史稿傳一七二米壽圖傳及懷宗實錄卷一五崇禎十五年四月壬

戌條都作「張若麒」。

三〕十一月,原作「十一年」,據明史稿傳一七二米壽圖傳改。

明史卷一百九十六

列傳第一百八十四

孝義

由之不泯,氣化賴以維持。 之微賤,行修於閨闥之中,而名顯於朝廷之上。觀其至性所激,處天地,動神明,水不能濡, 惻然動念。 造,荒盜流離,誓九死以不回,冒白刃而弗顧。 火不能蒸,猛獸不能害,山川不能阻,名留天壤,行卓古今,足以扶樹道敎,敦厲末俗,綱常 敦行義爲正風俗之首務。 孝弟之行,雖曰天性,豈不賴有敎化哉。 故史氏志忠孝義烈之行,如恐弗及,非徒以發側陋之幽光,亦以覘世變,昭法戒 旌勸之典,賁於閭閻,下逮委巷。 是以君子尙之,王政先焉。至或刑政失平,復讐洩忿,或遭時不 自聖賢之道明,誼辟英君莫不汲汲以厚人倫、 時則有司之辜,民牧之咎,爲民上者,當爲之 布衣之甿、匹夫匹婦、兒童稚弱

焉。

列

請旌者,歲不乏人,多者十數。 待報,得去官。 明 大祖 餘援唐書例、臚其姓氏如左。 詔 舉孝弟力田 割股臥冰,傷生有禁。 之士,又令府州縣 激勸之道,綦云備矣。實錄所載,莫可殫述, 其後 遇國家覃恩海內,輒以詔書從事 正官以禮遣孝廉士至京師。 百官聞父母 今採其尤者輯 有司 上 喪,不 一禮部

爲

祝崑 祁陽 北 臨 廣 平 武 桂李文選。 郝安 衞 東安王 ,上元徐眞童、李某女 其 陳禮 事親盡孝,或萬里尋親,或三年廬墓,或聞喪殞命,或負骨還鄉者,洪武 な童、山 重 關 ,遵化張拾, 而鈞州張宗魯以瞽 東寧海姜瑜,汶上侯昱, 桃源 張注,江浦 龍江衛 保定顧 張二女勝奴,上海沈德,溧陽 |子有孝行,十七年被旌。 仲禮,樂亭 丁歪頭,懷寧曹鏞 孟縣李德, 社仁 義妻韓氏, 鞏縣給 鏞 妻王氏,徐州 事 史以仁,丹徒 中魏敏,登封王中,舞陽 昌平劉 驢兒, 王僧兒,廣德姚觀壽 唐川 保定 時,則有麗水 邳州 新城 李英, 周炳, 王興,

氏 志 漢府 妙蘭、儀眞韓福緣、江陰衞徐佛保、府軍衞浦良兒、府軍後衞王保兒、潘丑兒、水軍右衞黃 小 、保、周 永 樂間、則有大興王萬僧奴、東光回滿住、金吾右衞 左護衛 冏 狗 千戶許信男斌,江寧浦阿住、沈得安、嚴分保,上元馮添孫、邵佛定,上海沈 ,錦州衞趙興祖,旗手衞周來保,大寧前衞滑中,保安衞徐宗賢,羽林 何黑厮,金吾後衞包三,武功中衞 前 衞 孫

阳 提 舉 回 司 廣 匠 武 張 衞 貴 百 胡 戶 佛保 劉 玉 聶 蘇州 廣 衞 永新 張 泗 左 童, 興 兒 廣 洋衛 湾湾 陽 鄭 張 小奴, 思 名 大河 泰安張 衞 朱 翼, 呵 金 肥 城 興武 趙 讓 衞 ", 安邑 張 彦昇 張普圓 龍江

永 寧 王 仕 能 陽 武 劉 大, 靈寶 賀 貮 鈞 州 袁節,膚施 陳七 見,鳳翔 梁準。

洪熙間,則有江陰趙鉉。

敏 徐 宣 州 德 衞 間 張 文 則 友 有 慶都 歸德 邊靖,南樂康 衞任 貴 浮梁洪信文, 祥、 楊鐸、 堂邑趙 內黃崔 克昇 巖,汶上 江 馬威 寧張 繼宗, 翼城 定遠 劉 原真, 王絅, 太康 舒 城錢 順

陳智,鈞州楊鼐,延安衞指揮王永、安岳、李遇中。

良 金暠 弘, 葛子成,樂安孫整,冠縣 王約 顯 鄭州 武 新樂孫禮 王 正 驤 高 統 邢恭、 豫 左 平王 間 衛成貴 桐 一定興 則 起孝、 `祥符 城 有大 檀 ,江寧顧陽,舒城吏部主 郁 李斌,鳳翔 魏整,交河田 大僕 興劉 歸德衛 陳勉,臨淸 丞王 懷義 璲, 石 ,元城谷眞,那臺 呂仲 玫, 畯,柏鄉張本,歸德楊敬, 介休楊 賈貴 和 膚施劉友得、張信, , 麻城 智, 郯城郭秉,東平 事胡 趙 興縣 說 紀 劉 鏞 、御史王紹 郭安, 聊城裴俊、陵縣 獻縣崔 張琛 邠州 朔州 井陘 一。廬江 鑑 郭元, 衞 ,德州張泰,平 畢鸞,永年楊忠 吳順 通州 張 虎賁左衞經 延 政, 左 安衛 杞 一衛總旗 武進胡 縣 高 薛廣, 陰王 朗, 孫雄 永清 歷 長寧, 福緣 張讓 蘭州 太康 一昌 右 猗 費 黎侯 徐州 軒 衞 氏

州 衞 蔡興 泰 間 龍 則 泉 有 顧 佛 成 安 僧 八張憲 龍 游 威威 常 州 縣 傅海 通判 徐珙 邳 州 武昌 , 衛吳綬, 鳳陽 李忠, 靖州 徐州 衛方觀 朱 環 宿 鄆 州 城李逵, 郭 興、李寬, 朝城 泗

禮,聊城朱舉,洛陽昌黎訓導閻禹錫。

西安前 綸 和 平 州 山 東昌許 獲 衞 天 衞 嘉 房鎭 順 張軫 間 知 通 縣薛良,上元 忠義 則有 ,臨汾續鳳 ,延安衞指 宛 衞 總旗 平龔然勝, 絳州 揮柏 龍景 鍾通 英、太 陳 華 , 潼 遷安蔣 璽 , 關 杭州 衛楊順 和 鄢 楊寧 陵 姚文、 盛 解 , ,金齒 禮、 永清 通 姚得, 、順素,蒙城汪泉,六合胡琛,合肥 順孫 賈 衞 懋,任丘 徐訥 張縉 平湖夔州 Ŀ 黄文,唐縣 蔡朱儉, 知府沈 琮, 司 寇林、 州侯智, 金華宗祉 大寧指 高 醴 興、張俊, , 泉張璉 揮 德州 張 英 尹

諲,六安黃用賢,沭陽支儉, 吳友直 何 王 劉 周 文 達 哲 尙 平 平 玘, 文,武 成 一、路車 化 潼 鄉 Щ 間,則 清 光 關 張 、張棟,山陽楊旻、順 禄 衞 翺 柳芳,玉 署 有 、史諫、史誼、永平秦良、朱輝 千戶藍瑄 丞李傑,莘縣李志 神機營指揮方榮,太醫院 田 李茂, 一、遼東定遼左衞劉定、東寧衞 休寧吳仲成,懷寧吳本清,沛縣蔡清, 無極 孫王鋐,滁州 李皚, 及子忱,邢臺井 開 生安陽 州 ,武平衞 任 黄正 勉 陳璋 郭本,順天舉人萬盛,順 澍, 豊潤 成 長洲 序班 綱、楊昇, 、愈事! 朱灝 劉鼎 馬敬, 侯英及弟侃 無錫秦永孚、仲孚,合肥 隆慶左 江 歸德衛沈忠,杭州 柏 寧 郷高明, 福 衞 建 天東安昌 參議盧雍 衞 副 瑾, 定州 使甘澤,贊皇 宣府 竇文眞 1樂訓 右衞金 徐 左 衞 導

列傳第一百八十四 孝義

脉 舉 倫 羅 屯 徐 祥 瑹 洪 黄 Щ 衞 洲 保安李 大同 湘 奉 蕭 王 王 巖 聊 陰 化 盛 賓 經 楊 城 邵 陸 項 , 端 弘 茂 茂 王 敏 衞 許 洪 農 安、 輝 州 楊瑞 合州 餘 富 東 衛 徐 何清 孫 昌 干 陽 習 寧 陳伯 、焦鑑 良, 張 桃 何 潤 ', 郟 銳 汜 源 訥 歷 、萃縣 剛 涇 縣 水 訓 城 浙 陽 張俊 導 劉 , 渾 臨桂 湖 趙 濟 江 源 張 扎 廣 西 謐 一西平 慶都 憲 信陽 布 昭 劉 安 、駱森、 , 本 、趙全 永 政使王允 錦 縣丞王 小豐呂盛、 尹冕 王綱 衣 姚 百 州 趙 ., 新鄉 恩縣 袁洪 戶 穟 誠 土官高 一,晉江 , 鄭得 高平 曹州 王弘 同 王 州 汲 , 紫 興 史 黄表、張 李 張 縣 汶 麗 、潼賜 惠 八鼎,洋 確 振 張 水 上 琛 民, 平 Щ 葉 張 ,封丘 倫 伯 劉 溪 縣武 鄜 平 政 臨 汪 廣 、堂邑王 陽 浩 , 陳 淸 全,甘州 長 衞 海 江 瑛 劉 葛 寧董 指 端 蒙陰 夏 揮 懽 光 傅 僉事 謙 左 州 壽 實 訓 陽 衞 太 陽 浙 導羅 楊輔 穀 毛 吳宗 平 周 江 錢 綱 璽 通 建 貴 道 華 剉 安 潞 監 德 劉 陽武 陰周 蔡 東 州 單 利 進 中 張 縣 劉 廷

州 廣 周 開 妻錢氏 寧 權 州 潁 甘潤 右 弘 Ŀ 治 衞 楊 王 李周 、馬宗 間 輔 翊 餘 姚 , 則 鳳 績 黄濟之, 霍 範 有 溪 陽 丘 大興錢福 許 衞 薊州孟 一徐汝 欽 張 桐 全, 英山 楫 振 廬 海州 鳳 ,宛平序班 王 ,遷安韓廷玉 . 段弘 陽張欽 瑁 定邊 , 仁 江 . 西 ,六安張 王 衞經 夏琮 一樂安謝紳 澄 一元氏 歷徐謐 ,嘉定縣 青縣張俸, 時厚, 王 ,南昌 邳 懋,深州王寧,天津 蕭 沈 輔 沝 縣 左 南和 、沈珵 唐鸞 T 衞黃 友,懷遠徐本 張 一,崑山 璉, 南 彪 傑 2 安 曲 徐協 福 銭塘朱 周 衞 劉 趙象賢 忠 鄭海 珍 祥 劉 , , 昌 ٠, 豐 豐 澄 武 , 縣 城 長垣 不衞 宣 余壽 周潭 和 一城吳宗 陳 王 王 , 矩 湖 徐

錦 |祺, | 嵩 徐瑛 錦 性 鄒 廣 宁 屯 寧鄉 成成 车 及子 辛恕、 一个多 寧 留 縣 澤、澤 同 杜 舉 衞 知 ,堂邑李 端 李清 人 趙澄,澤州 劉端 一、裕州 楊 子 柄 時敷ご 儀 ,湘陰甘準 · 尚質 大太 劉宗 封 涇陽 和 宋 謝 ,益都冀琮,文登 楊謫 甫 周 欽 が祥符 熊玻、 、裴春、舉人 一,祁陽 閿鄉 仙,靖安陳伯瑄 陳鎧、 張憲 薛 張機,閩 璋 李用, 洛陽 周府 隴 一致仕 西 縣高惟 李 護 儀 及子 縣 興縣白 琦 賓 衞 丞 、史經 ,甘州後衞 軍 恩 劉 一,龍溪王 餘章瀚 鑑,臨 好 一西平 古, 鈞 淸 張文佐 徐行, 解州 季, 王 州 祐 陳 李 濟南 • 博羅 希 錦 , 寧海 河 全, , 序班谷珍 南 陽 何 州 字新, 曲 新 唐 ト懷, 薛敬 鄭 縣 李 張 , 雲南 逐, 擴 萃縣 陵 楡]]] 内 郟 登 次 徐 城 縣 封 趙 河 復 黄 王

純、侯官 王 承芳. 得 時, 正 新新 德 黃文 靑陽 間 鄭 會, 李 則 王科,蒲 ·希仁、 有 邵 高 武 邑湘潭驛丞 永康 謝 城 思 雷 長 瑜 歸 德訓 嵩 山 許 董玹,藁城劉强,定州趙鵬 明 導應剛 陳大 嗣 聰,聊城 , 進賢趙氏郡 梁瑾 一,曲 阜孔 珍 承 宜春易直 ,吳橋段興, 夏, 日照 , 善化 張旻, 直 隸 陳大 新 臨汾李 城 用 李 瑟, 大經 湘 陰 沙 及 蘇 河

臣 工工晁 ,六安順 嘉 靖 孫 以後,國史不詳載,姓名所 孫李 堪 、樓堦、丘敍、吳燧,江 九 疇,望江 順 孫龍 湧 可考者,嘉靖間, 西余冠雄、曾柏, ,太湖呂腆 沛 縣 楊冕 福建吳毓嘉、孫炳、 則 有直隸趙進、黃流 潁 上 王 敷 政, 丘子能,莆田 華亭徐 張 節 億 冀州 浙 舉 江 E 襲 國

方 重杰 , 山 東宮守禮、王選,河南 馮金 玉 劉 魁 信陽 趙謨, 孝婦韓氏、安氏 17 起縣 邊雲鵡

陜 西 黃 驥 張 琛 李實 環縣 趙璋 ,新會容璊 四川 李應麒,嘉 定州 舉 人王 表,祿 豐唐文炳、文

蔚 ,蒙化舉 隆 慶 間 人范 則 有 運吉、黃巖。 大 興李彪 叉有 旌 周一念、 表天下孝子鮑燦、陸爻、徐億等,俱軼 周斐、遷安楊騰, 松江 舉人馮行可, 其 鄕 新鄉張登元 里

興業何世錦,崇善何珵。

曹必和 余鑰 江 衢 不詳 茂 寵 ,舞陽 | 韋起宗,山東馬致遠,冠縣申一琴、一攀,岳陽 勳 邳 邑里 、徐信,都昌曹珊,萬安劉靜,新建樊儆、舒泰, 并研 州 曆 楊 張縝 湖廣 間 愈光 曾海 則 實 ,直隸華亭楊應祈、高承順 應進 7. 汜水 ,大姚金鯉,蒙化范潤 有 直隸韓錫,深州林基,井陘張民望,淸豐侯燦,河間吳應奎,平山舉人 、光化蔡玉、蔡佩 王 謙 淅川 劉待徵,陝西 ,黄岡 ,四川孝女解氏。 ,太湖顧槐,盱眙蔣臚,六安何金,遂安毛存元,江 唐治, 劉燧,涇陽韓汝復 王 浦城徐彪,泉州訓導王嬉及嬉子文昇,晉 會昌 應科,河南侯鶴齡, 歐于復,鄱陽李岐,奉新周勃, 又有馬錦、張浩、杜惠、孝女楊氏等, 寧州 周大賢,成都後衞楊 歸德賈洙,密縣陳邦 邢雲 西

旌 江 天 景宗 啓 間 則 Щ 有安州 . 陽 張 致 邵 中 , 一、棗强 歙縣吳榮讓、孝童女胡之憲、玉娥,慈谿 先 自正 一,晉州 張蘭, 高邑 孫喬 , 上海 馮 張 象臨,吉水 秉介,高淳 郭元達,宜 至

列

僔

第

百

八

+

四

李義

郭 禹 春 和 城給 安福 鍾名 肖,虞城呂桂芳,淅川 事中楊士衡,泰安范希賢, 孝婦 峽 王三重妻謝氏 江 黄 國 賓 う 臨 川 何大縉 傅合, 孝威施文星 一華州 曹縣王治寧,曲阜孔弘 萬載彭夢瑞, 孫繩祖 ,福建李躍龍 ,梁山李資孝,又有王 南康! 甌 楊可幸, 傳,德州紀紹堯,聞喜張 寧陳 榮, 萬安羅 晉江 一錫光 應贅, 丘應賓 不詳邑里 江 西 學孔 浦城 [樂安 吳昂, 陳州 〈曹希

捷、孔 "忻州 崇禎間,則 維章、浦某、褚咸、孫良輔等,不詳邑里。 趙裕心,稷山 有 應天王之卿,故城李華先,仁和沈尚志,江 舉人史宗禹,淳化高起鳳 皆以孝行旌其門。 ,雲南趙文宿。 西王之範,福建吳宗烜,山 叉有 王宅中、任萬庫、武 東朱

彦恭 鄭元 女二十三人,太平楊乙六累世同居。天啓間,南城吳煥八世同居。皆旌曰義門。 蒲 東蘇 同居 圻李玘,句容戴睿,饒陽耿寬,俱七世同居,石首王宗義五 う、陵川 勒 六世同居。 ,泰州王玉 其 游 同居敦睦者,則有洪武時龍游夏文昭,四世同居。 徐梁,安東朱勇,五 城韓錦、李昇、永州 八世同爨。正德間,山陽丁震五 萬曆間,蕭梅 七世同居、滁州盧守一、長治仇大、六世同 世同居,慶都黃鍾,定邊衞 唐汝賢, 豐城 劉志淸,俱六世同居。 世同居。 韓鵬,俱六世同居,孝威程昂七世 嘉靖間,石偉十一世同居,遂安毛 成化間,霸州秦貴, 世 同爨,宿遷張賓 弘治間,密雲李琚,合肥 居,先後得節烈貞 八八世 建德何永敬, 同爨,安

列傳第一百八十四 孝義一

安常。 世潔、黎金球,山西孫光勳、高自修,亳州李文明, 隆慶間,永寧王潔、胥瓚。 Ш 仲英,山陽 寬 王 必通、溧陽陸旺、餘干舒彥祥、溫州李倫、鄒有眞,四安何仕能、王淸。 其 浮梁范孔孫、楡次于敏、邳州 、輸財助官振濟者,則有正統間千戶胡文郁,訓術李昺,訓科劉文勝,吉安胡有初、 天順間、潮陽郭吾、太原栗仲仁、代州李斌。弘治中、歸善吳宗益、宗義及宗義子璋。 鮑越,懷遠廖冠平、張簡,石州張雷,淮安梁辟、李成、兪勝、徐成,潞州李廷玉,羅 萬曆間,少卿吳炯,浙江董欽等,臨淸張氏,江西胡士琇、丁果、婁 鞏得海、岑仲暉、高 順義楊惟孝。 興、葉旺、高宗泰,沐陽葛禛 天啓間南城吳煥。 景泰間,江陰陳 清河 崇順間 謝 \pm

孝義一

席本楨等。

皆旌爲義門,或賜璽書聚勞。

稍 劉 崔 鄭 紳 敏 謹 濂 劉 王 向 李德成 化 鎬 澄 陸 顧 徐允讓 尙 琇 質 沈 周 德 麴 琬 石永壽 祥 几 虞宗濟等 謝定住 錢瑛 伍 會鼎 包實夫 洪 劉 姚 文煥 蘇奎章 玭 朱 丘 煦 鐸 權 危貞 謹 李茂

昉

銘當主家政,以兄子渭宗子也,相讓久之,始受事。 至正中卒,渭繼。渭卒,弟濂繼。 財,鼓以利害折之,引去。明兵臨婺州,鼓挈家避,右丞李文忠爲扃鑰其家,而遣兵護之歸。 慟哭三日,髮鬚盡白。元末兵起,大將數入其境,相戒無犯義門。樞密判官阿魯灰軍奪民 法,代以一人主家政。文融卒,嗣子」數繼之,嘗刺血療本生父疾。 文嗣,旌爲義門,載元史孝友傳。 鄭濂,字仲德,浦江人。 其家累世同居,幾三百年。七世祖綺載宋史孝義傳。 弟文融,字太和,部使者余闕表爲 銘受業於吳萊。銘卒,弟鉉繼。父喪, |飲卒, 弟距繼。 距卒, 弟 東浙第一家。 鄭氏家 六傳至

訓,不聽婦言。」帝稱善,賜之果,濂拜賜懷歸,剖分家人。帝聞嘉歎,欲官之,以老辭 濂受知於太祖,昆弟由是顯。濂以賦長詣京師,太祖問治家長久之道。對曰:「謹守祖

自往辨。」二人爭入獄。太祖召見曰:「有人如此,肯從人為逆耶。」 宥之,立擢湜為左參議, 兄弟六人爭欲行,濂弟湜竟往。時濂在京師,迎謂曰:「吾居長,當任罪。」湜曰:「兄年老,吾 者數百家,湜言於諸將,盡釋免。居一歲,入覲,卒於京。 時富室多以罪傾宗,而鄭氏數千指獨完。會胡惟庸以罪誅,有訴鄭氏交通者,吏捕之, 南靖民爲亂,詿誤

十九年,濂坐事當逮,從弟洧曰:「吾家稱義門,先世有兄代弟死者,吾可不代兄死乎。」

吏自誣服,斬於市。 洧,字仲宗,受業於宋濂,有學行,鄉人哀之,私諡貞義處士。

復 庶 里 別謝去。 子。 王氏亦倣鄭氏家法。」乃徵兩家子弟年三十上者,悉赴京,擢濂弟濟與王懃爲春坊左、右 濂卒,弟渶繼。二十六年,東宮缺官,命廷臣舉孝弟敦行者,衆以鄭氏對。 後又徵濂弟所,自白衣擢禮部尚書,年餘,致仕。 濂從子幹官御史,棠官檢討。 他得官者復數人,鄭氏愈顯。濟、棠皆學於宋濂,有 永樂元年入朝,留爲故官。 太祖曰「其 未幾,

十年,有司奏鄭永朝世敦行義,復旌以孝義之門。 字賜之。 五貯兵器備不虞。使者至,所發皆經史,置其半不啓,乃免於禍,人以爲至行所感云。 初,漢嘗仕元爲浙江行省宣使,主家政數年。 燕兵旣入,有告建文帝匿其家者,遣人索之。 建文帝表其門,漢朝謝,御書「孝義家」三 漢家廳事中,列十大櫃, 五貯經史,

增九十二則,至濂弟濤與從弟泳、澳、湜,白于兄濂、源,共相損益,定爲一百六十八則,刊 自文融至漢,皆以篤行著。 文融著家範三卷,凡五十八則,子飲增七十則,從子鼓又

行焉。

王澄,字德輝,亦浦江人。歲儉,出粟貸人,不取其息。 有鬻產者,必增直以足之。

澄生三子子覺、子麟、子偉,克承父志。 義門鄭氏風,將終,集子孫誨之曰:「汝曹能合食同居如鄭氏,吾死目瞑矣。」子孫咸拜受敎。 子覺生應,即爲鄭是所舉擢參議者。子偉生懃,即

又有王燾者,蘄水人,七世同居,一家二百餘口,人無間言。 洪武九年十一月,詔旌爲 與鄭濟並擢庶子者。義門王氏之名,遂埓鄭氏。

孝義之門。

若能焚吾夫,則無憾也。」賊許之,潘聚薪焚夫,投烈焰中死。賊驚歎去,安獲全。洪武十六 年,夫婦並旌。 曰:「寧殺我,勿殺我父」」賊遂舍安殺允讓。將辱其妻潘,潘紿曰:「吾夫已死,從汝必矣。 徐允讓,浙江山陰人。元末,賊起,奉父安走避山谷間。遇賊,欲斫安頸。允讓大呼

同時石永壽者,新昌人。負老父避賊,賊執其父將殺之,號泣請代,賊殺永壽而去。

錢瑛,字可大,吉水人。生八月而孤,年十三能應秋試。 及長, 值元季亂, 奉祖本和及

之,旣就縛,擲袖中鞵與姑,訣曰:「婦無用此矣。」且行且睨姑,稍遠卽罵賊不肯行。 母 急,罵猛厲,賊怒,攢刃刺殺之。 而 避難,歷五六年。 兩釋之。 遇賊,縛本和 事定,有司知瑛賢,凡三薦,並以親老辭。 ,瑛奔救,幷縛之。 本和哀告貰其孫,瑛泣請代不已,賊憐 子遂志成進士, 賊持之

鼎跪 設學。 攜其母子入營療治,獲愈。行省聞其賢,辟爲濂溪書院山長。 而 同 ·時曾鼎,字元友,泰和人。祖懷可、父思立,並有學行。 泣請代。 鼎好學能詩,兼工八分及邵子數學。 賊怒,將殺母,鼎號呼以身翼蔽,傷頂肩及足,**控母不舍**。 洪武三年,知縣郝思讓辟教 元末,鼎奉母避賊。 賊魁繼至, 憫之, 母被執,

官山東僉事

間以免,乃奉母過湖、淮。後母疾思食魚,暮夜無從得,家養一鳥,忽飛去攫魚以歸。 「兵至,吾誓不受辱。」遂沉於水。班急投水救之,負母而出。已,數遇盜,中矢,班佯死伏屍 初,行省聞其賢,辟之,以親老不就 姚玭,松江人。元至正中,苗帥楊完者兵入境。班奉母避於野,阻河不可渡。 母泣曰:

列傳第一百八十四 孝義一

表、森,森爲國子生。茂卒,兄弟同廬於墓。弘治五年旌。表子俊亦國子生,表卒,俊方弱 朝夕悲泣。天大雨,懼衝其墓,伏墓而哭,雨止乃已。父卒,廬墓如之。成化二年旌。二子 冠,廬墓終喪。母卒,亦如初。正德四年旌。 從祖父母居故鄉者八人,貧不能自存,鐸悉迎養之。有姑年十八,夫亡守節,鐸養之終身。 輒繞墓號曰:「兒在斯!兒在斯」」山深多虎,聞鐸哭聲避去。 母卒,哀慟幾絕。 後有李茂者,澄城諸生也。母患惡瘡,茂日吮膿血,夜則叩天祈代。及卒,結廬墓旁, 丘鐸,字文振,祥符人。元末,父爲湖廣儒學提舉。值兵亂,鐸奉父母播遷,賣藥供甘 葬鳴鳳山,結廬墓側,朝夕上食如生時。當寒夜月黑,悲風蕭瑟,鐸 時稱眞孝子。鐸初避寇慶元,

者。 以居。 復還陝,訪諸親故,始知父殯所在,乃啓攢負骸歸。 崔敏,字好學,襄陵人。 元季寇亂,母及兄俱相失。 生四十日,其父仕元爲綿竹尹,父子隔絕者三十年。 亂定,入陝尋母不得。 時稱崔孝子。 由陝入川,抵綿竹,求父塚,無知 敏依母兄

知葬處。 鰝畫夜環哭,一蒼頭故從其父,已轉入|交||此。 忽暮至,若有憑之者,因得塚所在。 貧,不能返柩,居常悲泣。父友憐之,言於廣西監司,聘爲臨桂訓導。 同時劉鎬,江西龍泉人。父允中,洪武五年舉人,官憑祥巡檢,卒於任。 尋假公事赴憑祥,莫 鎬 以 道 遠 家

日,不勝喪而死。 诱奔赴,負母骨行數千里,寢則懸之屋梁,涉則戴之於頂。 有顧琇者,字季粟,吳縣人。洪武初,父充軍鳳翔,母隨行,留琇守丘墓。越六年,母 **父釋歸卒。水漿不入口五**

刺血驗之良是,乃負歸葬。

安用生爲,願就死以贖父戍。」帝復怒,命縛赴市曹,琬色甚喜。帝察其誠,卽赦之,親題御 屛曰「孝子周琬」。尋授兵科給事中。 命斬之,腕顏色不變。帝異之,命宥父死,謫戍邊。琬復請曰:「戍與斬,均死爾。父死,子 周琬,江寧人。洪武時,父爲滁州牧,坐罪論死。宛年十六,叩閣請代。帝疑受人教,

同時子代父死者,更有虞宗濟、胡剛、陳圭。 宗濟謂兄曰:「事涉徭役,國法嚴,往必死。父老矣,兄冢嗣,且未有後,我幸產兒,可 宗濟、字思訓,常熟人。 父兄並有罪, 吏將

列傳第

之,以風勵天下。」刑部尚書開濟奏曰:「罪有常刑,不宜屈法開僥倖路。」乃聽」主代,而戍其 罪當死,乞原父使自新。」帝大喜曰:「不謂今日有此孝子,宜赦其父,俟四方朝覲官至,播告 省,立河上竢渡。聞之,卽解衣泅水而往,哀號泣代。殷憫之,奏聞,詔宥其父,幷宥同罪者 八十二人。」主,黃巖人。父爲鸞人所訐當死,主詣闕上章曰:「臣爲子不能諫父,致陷不義 代死。」乃挺身詣 剛,浙江新昌人。洪武初,父謫役泗上,以逃亡當死,敕駙馬都尉梅殷監刑。 吏, 白父兄無所預。 **吏疑而訊之,悉自引伏。** 洪武 四年竟斬於市,年二十 剛時方走

律何可貸。 理 卿鄒俊議,曰:「子代父死,情固可嘉。 十七年,左都御史詹徽奏言:「太平府民有殿孕婦至死者,罪當絞,其子請代。」章下大 與其存犯法之父,孰若全無罪之兒。」詔從其議。 然死婦繫二人之命,冤曷由申,犯人當二死之條,

哭訴求代。母曰:「汝往必死,莫若吾自當之。」洪曰:「安有子在而累母者。」遂行,竟死 母老不復仕。 伍 洪,字伯宏,安福人。洪武四年進士。授績溪主簿,擢上元知縣。丁外艱,服除,以 推資產與諸弟,而己獨隱居養母。 有異母弟得罪逃,使者捕弗獲,執其母,洪

於市。

Ų 時有 所司上其狀,命宥之,則兄已死矣。 劉文煥者,廣濟人。 與兄文煇運糧愆期,當死。 太祖特書「義民二二字獎之。 兄以長坐,文煥詣吏請代,叩頭流

兩人皆引頸就刃,帝大嗟異,欲幷其兄貰之。 至今日。 時京師有兄坐法,兩弟各自縛請代。 兄當死,弟安敢愛其生。」帝陽許之, 太祖遣使問故,同詞對曰:「臣少失父, 左都御史詹徽持不可,卒殺其兄。 而戒行刑者曰:「有難色者殺之,否則奏聞。」 非 兄無以

訴,等死耳,萬一父緣訴獲免,卽戮死無恨。」卽具狀叩闕。 煦惶懼不敢頃刻離。 京師築城。 朱煦,仙居人。父季用,爲福州知府。 季用居官僅五月,亦被逮,病不 時訴枉令嚴,訴而戍極邊者三人,抵極刑者四人矣。 ·能堪,謂煦曰:「吾辦一死耳,汝第收吾骨歸葬。」 洪武十八年詔盡逮天下積歲官吏爲民害者,赴 太祖憫其意,赦季用,復其官。 煦奮曰:「訴不

浦。 露之疾,貽臣父終天之恨。 貞昉詣闕上疏曰:「臣父絓吏議翰作,筋力向衰,不任勞苦。 有危貞昉者,字孟陽,臨海諸生。父孝先,洪武四年進士。 臣犬馬齒方壯,願代父作勞,俾父獲歸養,死且不朽。」詔從之。 官陵川縣丞,坐法輸作江 而大母年踰九十,恐染霜

列

貞昉力作不勝勞,閱七月病卒。

復歸悉鬻其產畀兄子,始獲奉其父還,孝養終身。 十六以上,嫡長男始許代。時謹未成丁,伯兄先死,乃歸家攜兄子往。兄子亦弱未能自立, 閱六月抵其地,遇父於逆旅,相持號慟。俄父患瘋痹,謹告官乞以身代。法令戍邊者必年 南指之,輒朝夕向之拜。年十四,矍然曰:「雲南雖萬里,天下豈有無父之子哉」」奮身而往, 劉謹,浙江山陰人。洪武中,父坐法戍雲南。謹方六歲,問家人「雲南何在。」家人以西

丈,恍惚若見其母,而他處堅凍如故。 長,娶婦王氏。摶土爲父母像,與妻朝夕事之。方嚴冬,大雪,氷堅至河底。德成夢母曰: 「我處氷下,寒不得出。」覺而大慟,旦與妻徒跣行三百里,抵河濱。臥氷七日,氷果融數十 李德成,浹水人。幼喪父。元末,年十二,隨母避寇至河濱。寇騎迫,母投河死。 **外之,**乃歸。

洪武十九年舉孝廉,屢擢尚寶丞。二十七年旌爲孝子。 建文中,燕兵逼濟南。 德成往

武二十六年被旌。 同 旌。 沈德四,直隸華亭人。祖母疾,刲股療之愈。已而祖父疾,又刲肝作湯進之,亦愈。 葬授太常贊禮郎。 上元姚金玉、昌平王德兒亦以刲肝 愈 母 疾,與德四 洪

得已而臥氷割股,亦聽其所爲,不在旌表例。」制曰:「可。」 無依,宗祀永絕,反爲不孝之大。皆由愚昧之徒,尙詭異,駭愚俗,希旌表,規避里徭。 不已,至於割肝,割肝不已,至於殺子。違道傷生,莫此爲甚。自今父母有疾,療治罔功,不 得為也。至臥氷割股,上古未聞。倘父母止有一子,或割肝而喪生,或臥氷而致死,使父母 年。今小民無知,滅倫害理,亟宜治罪。」遂逮伯兒,杖之百,遣戍海南。因命議旌表 母 疾瘳,願殺子以祀。已果瘳,竟殺其三歲兒。」帝大怒曰:「父子天倫至重。禮父服長子三 禮臣議曰:「人子事親,居則致其敬,養則致其樂,有疾則醫藥籲禱,迫切之情,人子所 至二十七年九月,山東守臣言:「日照民江伯兒,母疾,割脇肉以療,不愈。 禱岱嶽神, 例。

永樂間,江陰衞卒徐佛保等復以割股被旌。 而掖縣張信、金吾右衞總旗張法保援李德

成故事,俱擢尚寶丞。迨英、景以還,卽割股者亦格於例,不以聞,而所旌,大率皆廬墓者矣。

米十石、鈔二百錠,旌其門。 武,虎還齧母足。 定住奮前擊之,虎逸去。 謝定住,大同廣昌人。年十二,家失牛。 定住復取石擊,虎乃舍去,母子三人並全。 取弟抱之,扶母行。 母抱幼子追逐,定住隨母後。虎躍 虎復追齧母頸,定住再擊之,虎復去。 永樂十二年,帝召見嘉獎,賜 出噬 其母, 行數

|夫拜請曰:「吾被食、命也,如父母失養何。」虎卽舍去。 先是,洪武中,有包實夫者,進賢人。授徒數十里外,途遇虎,銜衣入林中,釋而 後 人名其地為拜虎岡 蹲。 實

其後,嘉靖中,筠連諸生蘇奎章,從父入山,猝遇虎。 |奎章倉皇泣告,願舍父食己,虎曳

尾徐去。後爲岷府敎授。

權謹,字仲常,徐州人。十歲喪父,卽哀毀,奉母至孝。 永樂四年薦授樂安知縣,遷光 記

天下爲子者,他非卿責也。」尋扈從皇太子監國南京。 闕,出其事狀,令侍臣朗誦大廷,以示百僚,卽拜文華殿大學士。 宣宗嗣位,以疾乞歸,改通政司右參 |謹辭,帝曰:「朕擢卿以風

議,賜白金文綺致仕

子倫,舉永樂中鄉試。 養親二十年,親終不仕。 |倫子|字,父母卒,皆廬墓。 成化十二年

亦獲旌。

身下救,河流湍悍,俱不能出。明日屍浮水上,紳兩手抱父臂不釋。宣德五年旌其門。 趙紳、字以行、諸暨人。父秩、永樂中爲高郵州學正、考滿赴京、至武城縣墮水。 紳奮

有向化者、靜海衞人。父上爲衞指揮,墮海死。 化號泣求屍不得,亦投於海。忽父屍

浮出,衣服盡脫。天方晴霽,雷雨驟作。旣息,化首頂父衣,浮至一處。衆異而收葬之。

陸尚質者,山陰人。父渡江遇風,飄舟將入海。 尚質自崖見之,卽躍入濤中,欲挽舟近

岸。 **父舟獲濟,而尙質竟溺死。** 里人呼其處為陸郎渡。

本國。 中,與使臣偕來,上疏言:「臣夙遭俘掠,抱釁痛 夫豈由人。 或 人,召侍左右,改名元貴,遂仕其國,有妻子,然心未嘗一日忘中國也,屢諷王入貢。 ,字景德,永平人。 伏乞賜歸侍養,不勝至願。」天子方懷柔遠人,不從其請,但許給驛暫歸,仍還 永樂中,父亮爲金山衞百戶。 心,流離困 祥年十四,被倭掠。 傾, 艱苦萬狀。 今獲生還中國 國 王知爲中 宣德

十年,又有|華夷之限,竟得遂其初志,聞者異之。 去,至日本,啓以帝意。 祥抵家,獨其母在,不能識,曰:「果吾兒,則耳陰有赤痣。」驗之信,抱持痛哭。 國王允之,仍令入貢。 母子相失二 未幾別

校勘記

改。

蘭州吳仕坤 蘭州,原作「南州」,按地理志無「南州」,吳仕坤蘭州人,據明史考證攟逸卷三四

明史卷二百九十七

列傳第一百八十五

王俊 劉準 楊敬 石鼐 任鏜 史五常 周敖 鄭 韺 築瑄 葉文榮

何麟 孫淸 宋顯章 李豫 劉憲 羅璋等 容師 偃 劉靜 傅檝

楊

成章

謝

用

何競

王原

黄璽

歸

鉞

族子

繡

兪孜 張震 孫文 崔鑑 唐儼 丘緒 張鈞 張承 相等 溫鉞 王在復 王鍲等

夏子孝 阿寄 趙 重華 謝廣 王世名 李文詠 王應元等

孔金 子良 楊通照 弟通杰 浦邵等 張清雅 白精忠等

側。 野火 王俊, 延爇將 城武 人。 及,俊叩首慟哭,火及塋樹而止。 父爲順天府 知事。 母卒於官舍,俊扶櫬還葬,刈草萊爲茇舍,寢處塋 正統三年被旌。

列 傳 第 百 八 + 五 孝 義 =

七五九七

劉 [準者,唐山諸生。父喪,廬墓。冬月野火將及塚樹,準悲號告天,火遂息。 正統六年

旌表。

殁,柩在堂。 楊敬者,歸德人。父歿於陣,爲木主招魂以葬。 鄰家失火,烈焰甚迫,敬撫柩哀號,風止火滅。 每讀書至戰陣之事,輒隕涕不 正統十三年旌表。 母

石鼐,渾源諸生。 父歿,廬墓。墓初成,天大雨,山水驟漲。 鼐仰天號哭,水將及墓,忽

分兩道去,墓獲全。弘治五年旌表。

任鏜,夏邑人。 嫡母卒,廬於墓。 黄河衝溢,將齧塋域。 **蹚伏地號哭,河即南徙。** 嘉靖

二十五年旌表。

歿, 廬墓致毀, 旣終喪, 往迎父櫬。 比長,奉母至孝,常恨父不得歸葬。 史五常,內黃人。父萱,官廣東僉事。 時相去已五十年,寺沒於水久矣。 母語之曰:「爾父杉木櫬內,置大錢十,爾謹 卒,葬南海和光寺側。 五常方七歲,母攜以歸。 五常泣禱,有老人以 志之。」母

杖指示寺址。 發地,果得父櫬,內置錢如母言,乃扶歸,與母合葬,復廬墓側。 正統六年

旌表。

書別 十斛、白金一斤。 ·墅,聞父死,慟哭奔歸,以頭觸庭槐亦死。 鄉人異之,聞於州。 周敖,河州衞軍家子也。正統末,聞英宗北狩,大哭,不食七日而死。 路妻方氏,厲志守節,撫子堂成立,後爲知縣。 知州躬臨其喪,賻麥四 其子諸生路方讀

家實無金也,戰遂被殺。廉州知府張岳建祠祀之。 壘,紿之曰:「吾欲丐吾母,豈惜金,第金皆母所瘞,願代母歸取之。」賊遂拘職而釋母,然其

將將殺琇,瑄趨至,叩頭流血,泣請曰:「兄以母故陷賊,母老家貧,恃兄爲命,愿殺瑄存兄養 避。 遇賊,琇謂瑄曰:「我以死衞母,汝急去。」瑄從之,琇與母遂陷賊中。官軍至,琇被執。主 樂瑄,瓊州人。三歲而孤,與兄琇並以孝聞。 天順四年,土賊據瓊城,瑄兄弟扶母走

七六〇〇

母。」主將不察,竟殺瑄。

後有葉文榮,海寧人。 弟殺人論死,母日悲泣不食。 文樂謂母曰:「兒年已長,有子,請

代弟死。」遂詣官服殺人罪,弟得釋,而文榮坐死。

進士。弘治中,授行人,出行寒府。半道聞母病,請入京省視再往竣事。禮部尚書劉春曰: 傳懺,宇定濟,泉州南安人。祖凱,父浚,並進士。爲部郎。懺年十六舉鄉試,二十成

「無害於若,而可敎孝。」奏許之。

去。久之,偵一奴逃德化縣,傭巨姓家。人機微行往伺奴出,袖鐵椎擊殺之,而其一不可跡矣。 職不欲見繼母,葬父畢,號慟曰:「父讐尚在,何以爲人」」乃裂衣冠,屏妻子,出宿郊墟 沒後遷山東鹽運司同知。娶繼妻,私其二奴。沒聞將治之,遂暴卒。檝心疑未發,奴遽亡

或詰之,則垂涕曰:「我不能爲子,敢爲父乎」繼母卒,乃歸。蓋自廢自罰者三十五年,又十 間,蓬首垢面,饑寒風雨,不知就避。親戚故人率目之爲狂,檝終不自明也。子燾卒,不哭。

五年而卒。

章長授之。 歲,泰卒。 楊成章,道州人。父泰,爲浙江長亭巡檢。 何將扶櫬歸,丁氏父子之子,而奪其母。 越六年,何臨歿,授成章半錢,告之故。 妻何氏無出,納丁氏女爲妾,生成章。 成章嗚咽受命。 母乃剪銀錢與何別,約各藏其半,俟成 既冠,娶婦月餘,即執 甫四

半錢之浙中尋母。

母先已適東陽郭氏,生子曰珉,而成章不知也。

編訪之,無所遇而還。

部臣言:「成章孝行,兩地已勘實,登之朝觀憲綱,珉言非謬。 章已爲諸生,乃令珉執半錢覓其兄。 東陽、母子始相聚。自是成章三往迎母不遂、棄月廩、赴東陽侍養。及母卒、廬墓三載始返。 联母憶子狀。成章亦往尋母,遇珉於江西舟次。兄弟悲且喜,各出半錢合之,益信,遂俱至 至嘉靖十年,成章以歲貢入都,珉亦以事至,乃述成章尋親事,上之吏部,請進一官。 弘治十一年,東陽典史李紹裔以事宿珉家。珉母知爲道州人,遣珉問成章存否,知成 會有會稽人官訓導者,嘗設教東陽,爲珉師,與成章述 昔朱壽昌棄官尋母,宋神宗詔

錄,賜珉花紅羊酒。」制曰:「可。」 令就官。 今所司知而不能薦, 臣等又拘例而不請旌, 眞有愧於古誼。 請量授成章國子學

用。 水貞還,大恨,抱用歸,寄乳隣媼。汪氏收而自鞠之,踰年亦生子,均愛無厚薄。 ,字希中,祁門人。 父永貞。 生母馬氏方姙,永貞客外,嫡母汪氏妒而嫁之,逐生

家,有寡嫗出問曰:「若爲誰。」用告以姓名,及尋母之故。 同居,訖無間言。 年四月也。 「若非永貞之子乎。」曰:「然。」媼遂抱用曰:「我卽汝母也。」於是母子相持而哭,時弘治十五 用旣冠,始知所生。 用歸告父,幷其同母弟迎歸,居別室。孝養二母,曲盡其誠。 密訪之,則又改適,不知其所矣。用逼覓幾一載。 曰:「若母為誰。」曰:「馬氏。」曰: 後汪威悔,令迎馬 一夕宿休寧農

學御史廉其孝,列之德行優等,月廩之。 永貞卒,用居喪以孝聞。隣人失火,延數十家,將至用舍,風反火息。 用時爲諸生,督

鄒魯者,當塗人。亦以御史謫官,稍遷蕭山知縣,貪暴狡悍。舜賓求魯陰事託之,兩人互相 章並下所司覈治。魯隱其文牒,詭言舜賓遇赦無驗,宜行原衞查核。上官不可,駁之。 縣中湘湖爲富人私據,舜賓發其事於官,奏覈之。富人因奏舜賓以戍卒潛逃,擅自冠 何競,字邦植,蕭山人。父舜賓,爲御史,謫戍廣西慶遠衞,遇赦還。好持吏短長。有

國寺,夜以濕 會舜賓門人訓導童顯章爲魯所陷論死,下府覆驗,道經舜賓家,入與謀。 舜賓乃敢 竄 重囚。」發卒圍其門,輒捕舜賓,徑 衣閉其口,壓殺之。 魯復捕舜賓妻子。 解慶遠。又令爪牙 競與母逃常熟,匿父友王鼎 吏屛其衣服。至餘干,宿昌 魯聞之,大詬曰

散。 案上,含血噀翀面,一堂皆驚。 日 乃與魯 中 :「必欲殺我,我非畏死者。 坐,競出叩首哭以請,皆踴躍願效命。 仆其輿,裸之,杖齊下,矐兩目,鬚髮盡拔。 而 連鎖赴按察司,而預令族父澤走闕下訴冤。 魯遷山 西僉事,將行。 顧人孰無父母,且我已訟於朝,非公輩所得擅殺。」噬臂肉擲 競乃潛歸與族人謀,召親黨數十人飲之酒,爲舜賓稱冤。 乃各持器伏道旁,同魯過,競袖鐵鎚奮擊,騶從駭 競拔佩刀砍其左股,必欲殺之,爲衆所止。 競大言

者 年。 縣官。」競曰:「競知父讐,不知 故屛人衣食至死,競部民毆本屬知縣篤疾,律俱絞,餘所逮數百人,擬罪有差。 撾登聞 報 傷 法 會競疏已上,遣刑部郎中李時、給事中李舉,會巡按御史鄧璋雜治。 一而 司 鼓訴冤,魯亦使 議競 解役任寬慷慨首實,且出舜賓臨 遺 成,且曰「魯已成篤疾,競爲父報讐,律意有在,均俟上裁。」帝從其議,戍 人馳訴,乃命大理寺正曹廉會巡按御史陳銓覆治。 縣官,但恨未殺之耳。」廉以致死無據,遺縣令揭棺 命所付血 書。 於是衆皆辭伏,改擬 諸人持兩端,擬魯 廉日 魯 ...「爾等何 競母朱氏復 斬 ·驗之。 ,競徒三 驗

至死,凡十六年,服衰終其身。

競福寧衞,時弘治十四年二月也。 後武宗登極肆赦,魯免死,競赦歸,又九年卒。 競自父歿

可知。 僧素知爲<u>文安</u>人,謂之曰:「若同里有少年來尋父者,若倘識其人。」 珣出見原,皆不相識。 有寺曰夢覺,原心動。天雨雪,寒甚,臥寺門外。及曙,一僧啓門出,駭曰:「汝何人。]曰: 附子,肉和之,附子膾也。求諸南方,父子其會乎。」原喜,謝去,而南踰洛、漳,至輝縣帶山 覺。原告之夢,請占之。老父曰:「若何爲者。」曰:「尋父。」老父曰:「午者,正南位也。莎根 「文安人,尋父而來。」曰:「識之乎。」曰:「不識也。」引入禪堂,憐而予之粥。 珣方執爨竈下, 「幸有婦陪母,母無以兒爲念,兒不得父不歸也。」號泣辭母去,遍歷山東南北,去來者數年。 跡。 久之無所得。 旣娶婦月餘,跪告母曰:「兒將尋父。」母泣曰:「汝父去二十餘載,存亡不 乃設肆於邑治之衢,治酒食舍諸行旅。遇遠方客至,則告以父姓名、年貌,冀得父踪 王原,文安人。正德中,父珣以家貧役重逃去。原稍長,問父所在。母告以故,原大悲 一日,渡海至田橫島,假寐神祠中,夢至一寺,當午,炊莎和肉羹食之。一老父至,驚 且若父甿耳,流落何所,誰知名者。無爲父子相繼作羈鬼,使我無依。」原痛哭曰:

我無顏復歸故鄉矣。」原曰:「父不歸,兒有死耳。」牽衣哭不止。 問其父姓名,則王珣也。 **珣亦呼原乳名。** 相抱持慟哭,寺僧莫不感動。 寺僧力勸之,父子相持歸, 珣曰:「歸告汝母,

夫妻子母復聚。

後原子孫多仕宦者。

訊,則其兄也,遂奉以歸。 震適過之曰:「此吾鄉之傘也。」循其柄而觀,見有「餘姚黃廷璽記」六字。方疑駭,璽出問 香陵行詩也,春陵今道州,曷往尋之。」璽從其言,旣至,無所遇。 一日入厠,置傘道旁。 伯 至衡州,禱南岳廟,夢神人授以「纏綿盜賊際,狼狽江漢行」二句。 黃璽,字廷璽,餘姚人。兄怕震,商十年不歸。璽出求之,經行萬里,不得踪跡。 一書生告之曰:「此杜甫 最後

大杖與之,曰:「毋傷乃翁力也。」家貧,食不足,每炊將熟,即諓諓數鐵過,父怒而逐之,其母 子得飽食。 歸鉞,字汝威,嘉定縣人。早喪母。父娶繼妻,有子,鉞遂失愛。 鉞飢困,匍匐道 中。 比歸, 父母相與言曰:「有子不居家, 在外作賊耳。」 輒復杖 父偶撻鉞,繼母輒索

列傳

弟,而己有饑色。 年,大饑,母不能自活。 之,屢瀕於死。 及父卒,母益擯不納,因販鹽市中,時私其弟,問母飲食,致甘鮮焉。 弟尋卒,鉞養母終其身,嘉靖中卒。 **鉞涕泣奉迎,母內自慚不欲往,然以無所資,迄從之。** 鉞得食,先母 正德三

衣必三襲,日"「二叔無室、豈可使郎君獨暖耶。」里人稱爲歸氏二孝子。 族子繡,亦販鹽,與二弟紋、緯友愛。 緯數犯法,繡輒罄貲護之,終無慍色。 |編妻朱,製

無預 不幸不若郅惲,陛下寬仁之量亦遠遜光武也。」疏入,帝怒稍解,廷杖六十,釋還,餘不問。 惲能守法而賞之。今小臣欲守郅惲之節,而陛下乃有不敬之誅。臣恐天下後世以爲 臣之 警蹕之詔,白龍魚服,臣下何由辨焉。 卽聖怒不測,麟一身獨當之。」及抵京,上疏曰:「陛下巡幸晉陽,司城門者實臣麟一人,他官 中官逮守臣不啓門者,巡撫以下皆大懼。麟曰:「朝廷未知主名。請厚賄中官,麟與俱往 也。 何麟,沁水人,爲布政司吏。武宗微行,由大同抵太原,城門閉,不得入。 臣不能啓門迎駕,罪當萬死。但陛下輕宗廟社稷而事巡游,且易服微行,無清道 昔漢光武夜獵,至上東門,守臣郅惲拒弗納,光武以 怒而還京,遺

巡撫以下郊迎,禮敬之。

孫淸,睢陽諸生也。幼孤,事母孝。母歿未葬,流賊入其境,居民盡逃,淸獨守柩不去。

賊兩經其門,皆不入,里人多賴以全。

不受賊污,憤罵見殺。冰陽諸生沈麟以知府劉祥、縣丞程儉爲賊所執,挺身詣賊,開陳利 正德九年四月,河南巡按御史江良貴奏聞,幷言「清同邑徐儀女雪梅、嚴凊女銳兒皆

害,願以身代。賊義之,二人獲釋。凡此義烈,有關風化,宜如制旌表。」章下禮官。 先是,八年二月,山東巡按御史張璿奏,賊所過州縣,有子救父,婦衞夫,罹賊兵刃者,

費。 旌,但用珪前議,幷給銀建坊之令亦不復行,而旌善之意微矣。 在旌善亭側,建二石碑,分書男婦姓名、邑里及其孝義、貞烈大略,以示旌揚,有司量給殯殮 凡百十九人,皆宜旌表。 厥後地方有奏,悉以此令從事。」帝可之。至是,良貴奏下,劉春代珪爲禮部,竟不請 時傅珪代費宏爲禮部,言:「所奏人多,費廣。 宜準山西近例,於所

多賴以全。 當是時,濮州諸生宋顯章、淅川諸生李豫,皆以孝行著聞,流賊過其門不敢犯,里人亦 而顯章之死也,其妻辛氏自縊以殉。 知州李緝爲建孝節坊, 並 祠 祀。 嘉靖七

列傳第

百八十五

孝義

年,豫獨被旌。

城,憲負母避之城外。賊追至,欲殺母,憲哀告曰:「寧殺我,毋害我母。」賊乃釋之,行至嶺 劉憲、靈石諸生也。父先亡。母年七十餘,兩目俱瞽,憲奉事惟謹。 正德六年,流贱入

後,憲竟爲他賊所殺。賊縱火焚民居,獨憲宅隨爇隨滅。

後賊追至,璋力捍賊,久之力疲,竟被執。賊憤甚,剜心剖肝,裂其屍。並正德中旌表。 同時羅璋,遂寧諸生。大盜亂蜀中,母爲賊所獲,璋手挺長鎗,連斃三賊,賊舍母去。

器擊仆賊,母得逃,而壯丁竟爲賊所殺。 奮擊,母得脫。 前行復遇五賊,一賊縛其母,母大呼曰:「兒速去,毋顧我!」 壯丁憤,手提鐵 有李壯丁者,安定縣人。嘉靖中,北寇入犯,從父母奔避山谷。遇賊縛母去,壯丁取石

羣賊笑曰:「皆好人也。」並釋之。 亦至,泣曰:「兄年長,願留養母而殺我。」智方與爭死,而母復請曰:「吾老當死,乞留二子。」 正德中,賊掠鉅鹿,執趙智、趙慧之母,將殺之。 智追至,跪告曰:「母年老,願殺我。」慧

者急,父麾使遯,泣曰:「父子相爲命,去將安之。」俄被執,賊灼其父,師偃號泣請代。 容師偃,香山人。 父患癱疾,扶持不離側。 正德十二年,寇掠其鄉,師偃負父而逃。 財從 追

之,父得釋,而師偃焚死。

求代死。 後 有劉靜者,萬安諸生。 賊怒,攢刃殺之,猶抱母不解,屍閱七日不變。 嘉靖間,流賊陷其縣,負母出奔。 萬曆元年旌表 遇賊,將殺母,靜以身翼蔽

罵不輟。 賊怒,支解以忧<u>餓</u>。 蔡天佑令景淸密捕首惡,戮數人,其黨恨之。 父,而使我言其處,是我殺父也。 軍府効命者。 又有溫鉞者,大同人。父景淸有膽力。嘉靖三年,鎭兵叛,殺巡撫張文錦。 景淸深匿不出,遂執鉞及其母王氏以去,令言景淸所在。鉞曰:「爾欲 鉞大哭且罵,幷被殺。 如讐不可解,則殺我舒憤足矣。」賊不聽,逼母使言,母大 '十二年復叛,[1] 殺總兵李瑾,因遍索昔年爲 事平,母子並獲旌。 其後,巡撫 殺 我

外。 兪孜,字景修,浙江 |鐸毒殺華,亡走。 政扶櫬歸,誓必報讐,縱跡數十郡不可得。 山陰人。 爲諸生,敦行誼。嘉靖初,父華充里役, 後聞已還鄉,匿其甥楊氏 解流人徐鐸至口

七六〇九

俱,夜半驟率卒入楊氏家,呼鐸出見,縛送於官,置諸法。

孜自是不復應舉,養繼母以終。 刀結力士十數人,佯爲賣魚,往來偵伺,且謁知府南大吉乞助。大吉義之,遣數健卒與

馬出,友以田器擊之,卽死。震喜,走告父墓。已而事發,有司傷其志,滅死論戍,遇赦歸。 忘。」震長而指瘡不愈,母告以故,震誓必報。其友謂曰:「汝力弱,吾爲汝殺之。」未幾,譬乘 斷鄉曲。 孫文,亦餘姚人也。幼時,父爲族人時行箠死。長欲報之,而力不敵,乃僞與和好,共武 有張震者,餘姚農家子也。 時行坦然不復疑。 一日,值時行於田間,即以田器擊殺之。坐戍,未幾,遇赦獲釋。 生周歲,父爲人所陷將死,齧震指語曰:「某,吾讐也,汝勿

[鑑曰:「汝等不信,請問凶器安在。」自出刃示之,衆乃釋母、繁鑑置獄。事聞,下刑部讞。尚 趨歸,父果訴於官,將繫其母矣。鑑至,告捕者曰:「此我所爲,非母也。」衆見其幼,不信。 鑑 自學舍歸,問之,母告以故。鑑曰:「母無死。」卽走至學舍,挾刃還。娼適掃地,且掃且詈。 日,娟惡言詈母,母復之,娼遂擊敗母面。 一拔刃刺其左脅,立斃,乃匿刃牖下,亡走數里,忽自念曰:「父不知我殺娼,必累我母。」急 崔鑑,京師人。父嗜酒狎娼,召與居。娼恃寵,時時陵鑑母,父又被酒,數侵辱之。 母不勝憤,入室伏牀而泣,將自盡。 鑑時年十三,

歿, 嚴廬墓三年。 嘉靖四年貢至京, 有司奏旌其門。 馳歸,則無恙久矣,拜其妻曰:「此吾分也,當急召我,何自苦如此!」妻曰:「子事父,婦事姑? 藥。昔夫子以臂肉療吾舅,吾獨不能療吾姑哉。」於是割脅肉以進,姑疾亦愈。儼聞母疾, 及父殁,哀毁如成人。其後游學於外,嫡母寢疾。 也。 唐儼,全州諸生也。父蔭,郴州知州,歸老得危疾。儼年十二,潛割臂肉進之,疾良已。 方危急時,召子何及。且事必待子,安用婦爲。」儼益歎異。嫡母歿二十年,而生母 嚴妻鄧氏年十八,奮曰:「吾婦人,安知湯

革,與訣曰:「我卽死,汝無忘若母。」 時母被逐已二十年矣。 復相聞。 丘緒,字繼先,鄭縣諸生也。生母黃,爲嫡余所逐,適江東包氏。未幾轉適他所,逐不 緒年十五,父殁,事除至孝。除疾,謹奉湯藥,不解衣帶者數月。除重咸其孝,病

夕,夢人告曰:「若母在台州金鰲寺前。」覺而識之。次日,與一人憩於途,詰之,則包

僔

百八

十五

義二

遺書囑訪 氏 故 養 馬 平,久之未得。 厮 也。 加 以 母 所向, 日,有避雨於邸門者,其聲類鄞人,叩之,即 曰:「有周平者曾悉其事,今已戍京衞 矣。」緒姊壻謁選在京, 周平也,言黃已適台

州

李副

使

子。

子 緒 駭 丘. 經 以 儒 媒 氏耗, ·,且多負。 緒意。 福 之,棺已殯寺旁矣。緒以其言與夢合,信之,行且泣,牛觸之墜於溝,則輿夫馬長 而出,問所從來。 生吳秉朗家,語之故。 **始王四**,日已再適仙居吳義官。 物 緒 色,無所遇,倀倀行委巷中。 得 則緒母 報, 叔母者,黃故主母也,頗憶前事,然不詳所往。 緒還取金償之,幷迎翁以歸,備極孝養。 即之台,而李已殁,其嗣子漫不知前事。 也 緒以情告。 抱持而哭,閭里皆感動。 生感其意,留止焉。 長曰「吾前輿一婦至縉雲蒼嶺下,殆是也。」輿緒至其處。 吳,仙居巨族也。 一媼立門外,探之,知爲鄭人,告以所從來。 有叔母聞所留者異鄉人也,恚而 寺旁棺者,蓋其姒氏云。 緒至,歷瞷 緒徬徨掩泣於道,有傷之者, 嘉靖十四年,知縣趙民順入覲,疏聞 呼舊蒼頭問之,云金鰲寺前,去歲 數十家,無所遇。 所適陳翁,貧而 咻之。 已而 嫗亦轉詢 之門也。 導謁老 生告 抵 無

朝,獲旌表。

鄕。 城中馳一騎號泣赴救。 以親老亦不仕,讀書養親,遠近皆稱其孝。 張鈞、石州人。父歲、國子生。以二親早亡、矢志不仕、隱居城北村。 寇射中其肩,裹瘡疾馳,至則父已被殺。 嘉靖二十年,俺答犯石州。 鈞隕絕,盡餂父血,水漿不 鈞慮父遭難,自 鈞,正德末舉於

入口三日,不勝悲痛而卒。

越二年,有司上其狀,獲旌。

與鈞同被旌。 石州吏也。父爲寇所逐,永安持梃追擊之,傷二賊,趣父逸去,而身自後衞之,被數十創死。 泣求母。 殺之,抱母首死。博二歲而孤,奉母盡孝。寇抵城下,博方讀書城中。母居村舍,亟下城號 爲諸生,養母二十餘年,以孝聞。寇至,負母出逃,爲所得,叩頭號泣,乞発其母。寇怒,幷 是時殺掠甚慘,石州爲親死者十一人,而張承相、于博、張永安尤著。 母已被執,遇諸途,博取石奮擊寇。寇就剖其心,母得逸去,年止十有八。永安, 承相少孤,及長

城避難,以父殯不肯去。寇至,與叔父淵等力禦,擊傷一賊,中矢死柩旁,淵等皆死。亦與 有溫繼宗者,沁州諸生。父卒,不能葬,日守柩哀泣。嘉靖二十一年,寇入犯,或勸出

速行 不聽,拔刃擬其父,在復以身蔽之,痛哭哀求。 , 中 道 遇 王在復, 太倉 賊,遂相失。 人。 年二十一,從父讀書城外。 在復 走二里許,展轉尋父。 贼怒,并殺之,兩首墜地,而手猶抱父不釋。 倭寇入犯,父子亟奔入城。 聞父被執,急趨賊所,叩 頭 父體肥不能 求 逸。 賊

時嘉靖三十三年五月也

望,丹徒人,事親孝。倭犯京口,父被掠,士望請代死。賊笑而試之,火炙刀刺,受之怡然, 所在、堅不從、遂見殺。一一鐸不知兄死,明日持重貲往贖、幷見殺。嘉靖三十八年旌表。 贼 人,與弟元鐸並孝友。倭犯無錫,入元銳家,兄弟急扶父升屋避匿。 母頸,大呼曰:「寧殺我,毋殺我母」,賊如其言,母獲全。俱嘉靖三十五 鍲 向敍、無錫蔡元銳、丹徒殷士望。 兩釋之。 而 釋顯。 當是時,倭亂東南,孝子以衞父母見殺者甚衆,其得旌於朝者,在復及黃巖王鍲、慈谿 嘉靖四十三年旌表 **敍爲慈谿諸生。倭入寇,以縣無城,掖母出避。** 鍲隨父顯避賊。 顯被執,將殺之。 遇賊,踣敍而斫其母,敍急起 而元銳爲賊執,令言父 鍲巫趨前 年旌表。元銳,無錫 請代,財逐 抱 殺

定諸生。 索母珥環 其他未及旌表者,又有陳經孚、龔可正、伍民憲。經字,平陽人。倭至,負母出逃,遇賊 負祖母避賊,天雨泥濘,猝遇賊。 ,欲殺之。 經学以身翼蔽,賊怒,揮刃截耳及肩而 賊惡見婦人,欲殺其祖母,叱可正去。 死,手猶抱母頸不解。 可正跪泣 可正,嘉

民憲右手。 請代,賊不從。可正以身覆祖母,賊並殺之。民憲,晉江人。扶父避難,遇賊,長跪哀告曰: 「勿驚我父,他物任取之。」戝不聽,竟殺其父。民憲憤,挺身殺二戝,傷數賊。 臥草中,猶一手執戈,呼其父三日而絕。 賊至益多,斷

督學御史胡植即令入學爲諸生,月廩之。 先夢王祥來謁, 詰旦而縣牒至, 詫曰:「孺子其|祥後身耶。」 召見, 易其舊名「恩」曰「子孝」。 許,調羹以進,父食之頓愈。翌日,子孝痛創,父詰其故,始知之。 嘉靖末,父卒,廬墓,獨居荒山,身無完衣,形容槁瘁。 夏子孝,字以忠,桐城人。六歲失母,哀哭如成人。 麟復屬貢土趙簡授之經 九歲父得危疾,禱天地,刲股六寸 後歷事王畿、羅汝芳、史桂芳、耿 里老以聞於官,知府 胡麟

定向 追 將死,命其子曰:「葬我父墓側。」 ,獲聞聖賢之學。 定向爲督學御史,將疏聞於朝,固辭曰:「不肖不忍以亡親賈名。」乃

阿寄者,淳安徐氏僕也。 徐氏昆弟析產而居,伯得一馬,仲得一牛,季寡婦得阿寄,時

策營生,示可用狀。 年五十餘矣。 寡婦泣曰:「馬則乘,牛則耕,老僕何益。」寄嘆曰:「主謂我不若牛馬耶」」乃畫 寡婦盡脫簪珥,得白金十二兩,界寄。

爲寡婦嫁三女,婚二子,齎聘皆千金。又延師敎二子,輸粟爲太學生。 寄入山販漆,期年而三倍其息,謂寡婦曰:「主無憂,富可致矣。」歷二十年,積資巨萬, 自是,寡婦財雄一

縕掩體而已。 「以此遺兩郎君,可世守也。」旣歿,或疑其有私,竊啓其篋,無一金蓄。所遺一嫗一兒,僅敝 及寄病且死,謂寡婦曰:「老奴牛馬之報盡矣。」出枕中二籍,則家鉅細悉均分之,曰:

父果過此,今吾之來月日正同,可卜相逢矣。」 遂書其後曰:「萬曆六年十二月十二日,趙廷 子巖,巖陰有字曰:「嘉靖四十四年十二月十二日,趙廷瑞朝山至此。」重華讀之,慟曰:「吾 其背曰「萬里尋親」。 趙重華,雲南太和人。七歲時,父廷瑞遊江湖間,久不返。重華長,謁郡守請路引,榜 別書父年貌、邑里數千紙,所歷都會州縣徧張之。 過丹陽,盜攫其資,所遺獨路引。 西禱武當山,經太 且行且乞,遇了

老僧呼問其故,笑曰:「汝父客無錫南禪寺中。」語訖忽不見。 重華急趨至寺, 果其父, 出路

引示之,相與慟哭。留數日,乃還雲南。

乘間復脫去。 廣跋涉四方者垂二十年,終不得父,聞者哀之。 是時,有謝廣者,祁門人。父求仙不返,廣娶婦七日卽別母求父,遇於開封逆旅中。父

闋,爲諸生。 父像懸密室,繪己像於旁,帶刀侍,朝夕泣拜,且購一刃,銘「報讐」二字,母妻不知 屍,不忍就理,乃佯聽其輸田議和。凡田所入,輒易價封識。俊有所餽,亦佯受之。而潛繪 迎擊之,立斃。 王世名,字時望,武義人。父良,與族子俊同居爭屋,爲俊毆死。世名年十七,恐殘父 及生子數月,謂母妻曰:「吾已有後,可以死矣。」一日,俊自外醉歸,世名挺刃 出號於衆,入白母,卽取前封識者詣吏請死。時萬曆九年二月,去父死六年 也。服

訊。 待六年。 世名請死,大受曰:「檢屍有傷,爾可無死。」曰:「吾惟不忍殘父屍,以至今日。 知 縣陳某曰:「此孝子也,不可置獄。」別館之,而上其事於府。 乞放歸辭母乃就死。」許之。 歸,母迎而泣。世名曰:「身者,父之遺也。 府燉金華知縣汪大受來 以父之遺 不 然,何

列傳

而死。 舁柩去,將白上官**免檢屍,以全孝子。世名曰:「此非法也,非法無君,何以生爲。」遂不食** 异致父棺,將開視之。 爲父死,雖離母,得從父矣,何憾。」頃之,大受至,縣人奔走直世名者以千計。 世名大慟,以頭觸堦石,血流殷地。 大受及旁觀者咸爲隕涕,乃令 大受乃令人

妻兪氏,撫孤三載,自縊以殉,旌其門曰孝烈。

抱出,而榱棟盡覆,父子俱焚死。火息,入視,屍猶覆其父,父存全體,文詠但餘一股。 李文詠,崑山諸生。父大經,沂水知縣。萬曆二十七年,父寢室被火。文詠突入,將父

|王應元,||武隆人。力農養父。父醉臥,家失火。|應元自外趨 烈 焰 中,竟不 能 出,抱

曆中旌表。 出,泣曰:「父柩在此,我死不出。」火息,後堂巋然獨存,柩亦無恙,而治竟熏灼伏柩死。」萬 唐治,黃岡人。父柩在堂,鄰居火,治盡出資財募人舁柩,人各自顧,無應者。或挽之

許恩,蘄水人。夜半鄰家失火,恩驚出,偏尋母不得,復突入,遂與母俱焚。

火中負出。 馮象臨,慈谿諸生。 再入負父,幷挾一弟以出,半體已焦爛。 家被火,偏覓父母,烟焰彌空,迷失庭戶。 聞妹尚留臥內,母號呼,將自入, 象臨大呼,初得母,卽從 亟止

之,觸烈焰攜妹出,竟灼爛而 死。 事聞、賜旌。

後有襲作梅者,陳州 人。 年十七,父母俱亡,殯於舍。 闖賊火民居,作梅跪柩前焚死。

約卒,言夤緣免。 夜號泣。里人劉淸等陳其事於府,知府張守約異之,召閭族媒氏質實,坐言大辟。未幾守 長,屢訟於官,不勝。 孔金,山陽人。父早亡,母謝氏,遺腹三月而生金。 金子良亦有孝行,父病,刲股爲羹以進,旋愈。 金復號訴不已,被箠無完膚。 言行賄欲斃金,金乃乞食走闕下,擊登聞鼓訴冤,不得達。 已而撫按理舊牘,仍坐言大辟,迄死獄中。 比卒,廬墓哀毀。 母爲大賈杜言逼娶,投河死。 萬曆四十三年,父子 還墓所,畫

楊通照、通杰,銅仁人。 列 傳 母周氏有疾,兄弟爭拜薦,求以身代。閱三年,不入內室。 並得旌。

萬

縶母,大罵,聲震山谷,橫擊萬衆中,爲賊所磔死。 曆三十六年,羣苗流劫,至其家,母被執去。二人追鬭數十里,被傷不顧。 通照年二十五,通杰年二十二。泰昌元 至鬼空溪,見賊

年,巡撫李橒、巡按史永安上其事,旌曰雙孝之門。

其繼 因引去,城賴以全。皆萬曆四十三年旌。 母李氏出城,上元從城上持鎗一躍而下,直奔賊壘,刺死二人。 時 無錫民浦邵,賊縛其父虞,將殺之。 邵以首迎刃而死,父得觅。 賊避其鋒,立出李氏, 寧化民林上元,賊掠

<u>崇</u>順七年,流賊陷竹溪,執知縣余霄將殺之。子諸生伯麟請代,乃舜。

不去。 手,仆地。 張淸雅,潛山人。家貧,力學養親。 無何,父卒。斂甫畢,賊入其家,疑棺內藏金銀,欲剖視之。清雅據棺哀泣,賊斷其 幼子超藝年十六,號哭求代。 崇禎十年,張獻忠來犯。 賊復砍之,父子俱死,而棺得不剖。僕雲滿,具兩 清雅以父年老臥病,守之

棺斂之,亦不食死 時有白精忠者,潁州 人。 五歲而 孤,母袁氏撫之。

忠知之,每餐必先啖其惡者。 天啓中,舉於鄉。 崇禎八年,流賊陷潁州,家人勸逃匿。 家貧,母食糠覈,而以精者哺兒。 精忠 精

以母年老,不忍獨去,遂遇害。

州有檀之槐者,護母柩不去。與賊格鬭,殺數人,被磔死。

又有李心唯,素敦孝行。賊至,泣守母喪。賊掠其室,將縛之,不出,被殺。子果,見父

死,厲聲罵賊,賊又殺之。

有余承德者,無爲人。崇禎十五年,流賊突至,掖其祖母劉氏、母魏氏及妻楊氏、妹玉

賊將犯玉女,玉女大罵,堅不從,寸磔而死。

女出避。祖母、母行遲,爲盜所獲,欲刃之。承德號呼救護,並遇害。

楊氏見之,急投河死。

校勘記

[1] 十二年復叛 十二年,原作「十三年」。按總兵官李瑾被殺事,本書卷十七世宗紀及世宗實錄

卷一五五嘉靖十二年十月乙亥條都繫於十二年,據改。

列傳第一百八十六

隱逸

韓愈言:「蹇之六二日『王臣蹇蹇』,而蠱之上九曰『高尚其事』,由所居之時不一,而所

係所遭逢,豈非其時爲之哉。 廷矣。其抱褒材,蘊積學,槁形泉石,絕意當世者,靡得而稱焉。由是觀之,世道升降之端, 不乏人。迨中葉承平,聲教淪浹,巍科顯爵,頓天網以羅英俊,民之秀者無不觀國光而賓王 蹈之德不同。」夫聖賢以用世爲心,而逸民以肥遯爲節,豈性分實然,亦各行其志而已。 明太祖興禮儒士,聘文學,搜求巖穴,側席幽人,後置不爲君用之罰,然韜迹自遠者亦

凡徵聘所及,文學行誼可稱者,已散見諸傳。茲取貞節超邁者數人,作隱逸傳。

張 介福 倪瓚 徐舫 楊 恒 陳洄 楊引 吳海 劉閔

楊黼

孫一元

沈周

陳繼儒

革,謂其友曰:「吾志希古人,未能也。惟無汚於時,庶幾哉。」遂卒。 聞而欲致之,不可。使其弟往問,答曰:「無樂亂,無貪天禍,無忘國家。」饋之,力辭。 面 能具夾襦,或遺以紵絮,不受,纖介必以禮。張士誠入吳,有卒犯其家,危坐不爲起。 ,仆地,醒復取冠戴之,坐自若。卒怪,以爲異物,走去。 張介福,字子祺,自懷慶徙吳中。少受學於許衡。 二親早終,遂無仕進意。 介福恐發其先墓,往廬焉。 家貧,冬不 已,病 |士||誠

離手。 縈繞其外,高木修篁,蔚然深秀,故自號雲林居士。 清國,幽迥絕塵。 倪瓚,字元鎭,無錫人也。 俗客造廬,比去,必洗滌其處。 藏書數千卷,皆手自勘定。 家雄於貲,工詩,善書畫。 求縑素者踵至,瓚亦時應之。 古鼎法書, 時與客觴咏其中。 名琴奇畫, 陳列左右。 四方名士日至其門。 爲人有潔癖,盥濯不 所居有閣曰 四時卉木,

至正初,海內無事,忽散其貲給親故,人咸怪之。 未幾兵興,富家悉被禍,而瓚扁舟箬

抶幾斃,終無一言。及吳平,瓚年老矣,黃冠野服,混迹編氓。 費又斥去。 笠,往來震澤、三泖間,獨不罹患。 士信恚,他日從賓客遊湖上,聞異香出葭葦間,疑爲瓚也,物色漁舟中,果得之。 張士誠累欲鈎致之,逃漁舟以免。 洪武七年卒,年七十四 其弟士信以幣乞畫,

詩人耳,可羈以章紱哉。」竟避去。 派,舫悉取步驟之。 滄江散人。 去,學爲歌詩。陸故多詩人,唐有方干、徐凝、李頻、施肩吾,宋有高師魯、滕元秀,號陸州詩 徐舫,字方舟,桐廬人。 旣乃遊四方, 交其名士, 詩益工。行省參政蘇天爵將薦之, 舫笑曰: 「吾 幼輕俠、好擊劍、走馬、蹴踘。旣而悔之,習科舉業。 築室江皐,日苦吟於雲烟出沒間,翛然若與世隔,因自號 已,復棄

濂初未相識,以問。基曰:「此徐方舟也。」濂因起共歡笑,酌酒而別。舫詩有瑤林、滄江二 侵之。基望見,急延入舟中。踩、溢競讙謔,各取冠服服之,欲載上點川,其人不可乃止。 年六十八,丙午春,卒於家。 宋濂、劉基、葉琛、章溢之赴召也,舟溯桐江,忽有人黃冠鹿裘立江上,招基而笑,且語

文峻潔,有聲郡邑間。 楊恒,字本初,諸暨人。外族方氏建義塾,館四方遊學士,恒幼往受諸經,輒領其旨要。 浦江鄭氏延爲師,閱十年退居白鹿山,戴椶冠,披羊裘,帶經耕烟雨

間,嘯歌自樂,因自號白鹿生。

道。 政有缺失,輒貽書咨訪。後唐鐸知紹興,欲辟起之,復固辭。 太祖旣下浙東、命欒鳳知州事。 鳳請爲州學師,恒固讓不起。 宋濂之爲學士也,擬薦爲 鳳乃命州中子弟即家問

國子師,聞不受州郡辟命,乃已。

恒性醇篤,與人語,出肺肝相示。 事稍乖名義,輒峻言指斥。 家無儋石,而臨財甚介,

鄉人奉爲楷法焉。

舷而歌,悠然自適。 白鹿裘,不復與塵事接。 時有陳洄者,義鳥人。 宋濂俱爲之傳。 所居近大溪,多修竹,自號竹溪逸民。 幼治經,長通百家言。 初欲以功名顯,旣而隱居,戴青霞冠,披 常乘小艇,吹短簫、吹已,叩

示人曰:「吾教自有養生術,安事偃仰吐納爲。」乃節飲食,時動息,迄老視聽不衰。旣歿,安 我,不可久居此矣。」復以纂修徵,亦不就。其教學者,先操履而後文藝。嘗揭論語鄉黨篇 楊引 太祖喜,問誰教者,賢以引對,立召見,賜食。他日,賢以褻服見,引太息曰:「是其心易 ,吉水人。好學能詩文,爲宋濂、陶安所稱。駙馬都尉陸賢從受學,入朝,舉止端

扁劉球稱其學探道原,文範後世,去就出處,卓然有陶潛、徐穉之風。

頒之天下,民間非此不得輒藏,坊市不得輒粥。 賊,稗官野乘,正史之賊,支詞豔說,文章之賊。上之人,宜敕通經大臣,會諸儒定其品目, 朝,力辭免。旣而徵詣史局,復力辭。嘗言:「楊、墨、釋、老,聖道之賊,管、商、申、韓,治道之 才,豈曰小補。」因著書一編日書禍,以發明之。 吳海,字朝宗,閩縣人。元季以學行稱。值四方盜起,絕意仕進。洪武初,守臣欲薦諸 如是數年,學者生長不涉異聞,其於養德育

虚懷樂善,有規過者,欣然立改,因顏其齋曰聞過。爲文嚴整典雅,一歸諸理,後學咸宗仰 與永福王翰善。翰嘗仕元,海數勸之死,翰果自裁。 海教養其子偁,卒底成立。平居

列傳第一百八十六 隱逸

有聞過齋集行世。

母歿,卽送田還官,廬墓三年。弟婦求分產,閱闔戶自撾,婦感悟乃已。 人莫不欽重。副使羅璟立社學,搆養親堂,延閱爲師。提學僉事周孟中捐俸助養。知府王 於母,出之,獨居奉養,疾不解衣。母或恚怒,則整衣竟夕跪榻前。祭享奠獻,一循古禮,鄉 之。祖母及父喪未舉,斷酒肉,遠室家。 劉閔,字子賢,莆田人。生而純慤。早孤,絕意科舉,求古聖賢禔躬訓家之法,率而行 訓鄰邑,朔望歸,則號哭殯所,如是三年。婦失愛

致仕 能涵育薫陶,裨益睿質。」時不能用。其後,巡按御史宗彝、饒瑭欲援詔例舉閱經明行修,閔 衣,處之晏如。 侍郎謝鐸、太僕少卿儲巏、[I]光祿少卿楊廉,可備講員。 其資序未合,德行可取者二人,則 |副使曹時中、布衣劉閔是也。 閔,臣縣人,恭愼醇粹,孝行高古。 弘治中,僉都御史林俊上言:「伏見皇太子年踰幼學,習處宮中,罕接外傅,豫敎之道似 知府陳效請遂其志,榮以學職。 今講讀侍從諸臣固已簡用,然百司衆職,山林隱逸,不謂無人。 以臣所知,則禮部 監司劉大夏、徐貫等恒敬禮之。臣謂可禮致時中爲宮僚,閔以布衣入侍,必 正德元年,遙授儒學訓導。 日無二粥,身無完

列傳第一百八十六 隱逸

供甘膬 理性 十餘年,壽至八十。 取水,硯池忽滿,自是爲常,時人咸異之。父母歿,爲傭營葬畢,入雞足,棲羅漢壁石窟山 一命,理 楊黼,雲南太和人也。好學,讀五經皆百遍。 ,但求親悅,不顧餘也。注孝經數萬言,證羣書,根性命,字皆小篆。 外物耶。」庭前有大桂樹,縛板樹上,題曰桂樓。 子孫迎歸,一日沐浴,令子孫拜,曰:「明日吾行矣。」果卒。 工篆籀,好釋典。 偃仰其中,歌詩自得。 或勸其應舉,笑曰:「不 所用硯乾,將下 躬耕 數畝

蹤跡奇譎,烏巾白恰,攜鐵笛鶴瓢,遍遊中原,東踰齊、魯,南涉江、潍,歷荆抵吳越,所至賦 詩,談神仙,論當世事,往往傾其座人。。鉛山費宏罷相,訪之杭州南屏山,值其晝寢,就臥內 或曰安化王宗人,王坐不軌誅,故變姓名避難也。一元姿性絕人,善爲詩,風儀秀朗, 孫一元,字太初,不知何許人,問其邑里,曰:「我秦人也。」嘗棲太白之巓,故號太白山 送之及門,了不酬答。宏出語人曰:「吾一生未嘗見此人。」

時劉麟以知府罷歸,龍霓以僉事謝政,並客湖州,與郡人故御史陸崑善,而長興吳珫隱

居好客,三人者並主於其家。 施侃雅善一元,妻以妻妹張氏,生一女而卒,年止三十七。 珫等葬之道場山 成因招一元入社,稱「苕溪五隱」。一元買田溪上,將老焉。

邑人陳孟賢者,陳五經繼之子也。 巡撫侍郎崔恭。面試鳳凰臺賦,援筆立就,恭大嗟異。及長,書無所不覽。 顧 仲瑛。 沈周,字啓南,長洲人。祖澄,永樂問舉人材,不就。 、蘇軾、陸游,字仿黃庭堅,並爲世所愛重。尤工於畫,評者謂爲明世第一。 伯父貞吉,父恒吉,並抗 隱。 周少從之遊,得其指授。年十一,遊南都,作百韻詩,上 **搆有竹居,兄弟讀書其中,工詩善畫,臧獲亦解文墨。** 所居曰西莊,日置酒款賓,人儗之 文摹左氏,詩擬

年,匿跡惟恐不深,先後巡撫王恕、彭禮咸禮敬之,欲留幕下,並以母老辭 「若不知母氏以我爲命耶?奈何離膝下。」居恒厭入城市,於郭外置行窩,有事一造之。晚 充牣錯列,四方名士過從無虛日,風流文彩照映一時。奉親至孝。 郡守欲薦周賢良,周筮易,得遁之九五,遂決意隱遁。 所居有水竹亭館之勝,圖書鼎彝 父歿,或勸之仕,對曰:

「往役,義也,謁貴遊,不更辱乎!」卒供役而還。已而守入覲,銓曹問曰:「沈先生無恙乎。」 郡守徵畫工繪屋壁。里人疾周者,入其姓名,遂被攝。 或勸周謁貴遊以免,周曰:

十矣。又三年,以正德四年卒。 還,謁周舍,再拜引咎,索飯,飯之而去。 守不知所對,漫應曰:「無恙。」見內閣,李東陽曰:「沈先生有牘乎。」守益愕,復漫應曰:「有 而未至。」守出,倉皇謁侍郎吳寬,問「沈先生何人。」寬備言其狀。 周以母故,終身不遠遊。 母年九十九而終,周亦八 **詢左右,乃畫壁生也。** 比

椽,焚香晏坐,意豁如也。時錫山顧憲成講學東林,招之,謝弗往。親亡,葬神山麓,遂築室 東佘山,杜門著述,有終焉之志 師友。 其昌齊名。 陳繼儒,字仲醇,松江華亭人。幼穎異,能文章,同郡徐階特器重之。長爲諸生,與董 繼儒通明高邁,年甫二十九,取儒衣冠焚棄之。隱居崑山之陽,搆廟祀二陸,草堂數 太倉王錫爵招與子衡讀書支硎山。 王世貞亦雅重繼儒,三吳名下士爭欲得爲

獎掖 家言,靡不較覈。或刺取瑣言僻事,詮次成書,遠近競相購寫。 足跡罕入城市。 士類,屢常滿戶外,片言酬應,莫不當意去。 工詩善文,短翰小詞,皆極風致,兼能繪事。 其昌爲築來仲樓招之至。黃道周疏稱「志尙高雅,博學多通,不如繼儒」, **暇則與黃冠老衲窮峯泖之勝,吟嘯忘返,** 又博文强識,經史諸子、術伎稗官與二氏 徵請詩文者無虛 日。 性喜

列

傳

第

百

八十六

隠逸

校勘

記

故事。 其推重如此。 屢奉詔徵用,皆以疾辭。卒年八十二,自爲遺令,纖悉畢具。 侍郎沈演及御史、給事中諸朝貴,先後論薦,謂繼儒道高齒茂,宜如聘吳與弼

校勘記

(一) 儲巏 原作「儲瓘」,據本書卷二八六儲罐傳及明史稿傳一七四儲罐傳改。

七六三二

明史卷二百九十九

列傳第一百八十七

方伎

用,亦先聖之緒餘,其精者至通神明,參造化,詎曰小道可觀已乎。 仙荒忽,亦備錄不遺。范蔚宗乃以方術名傳。夫藝人術士,匪能登乎道德之途。然前民利 論者謂之浮夸,似矣。而史記傳扁鵲、倉公,日者,龜策,至黃石、赤松、倉海君之流,近於神 左氏載醫和、緩、梓愼、裨竈、史蘇之屬,甚詳且核。下逮巫祝,亦往往張其事以神之。

爲私智自用,乃足以名當世而爲後學宗。今錄其最異者,作方伎傳。 官,亦本周官遺意。攻其術者,要必博極於古人之書,而會通其理,沈思獨詣,參以考驗,不 張中、袁珙,占驗奇中。 明初,周顯、張三丰之屬,踪蹟秘幻,莫可測識,而震動天子,要非妄誕取寵者所可幾。 夫事有非常理所能拘者,淺見尠聞不足道也。醫與天文皆世業專 眞人張氏,道家者流,

七六三三

傳 第

百八十七

方 伎

而世蒙恩澤。其事蹟關當代典故,撮其大略附於篇

吳傑 張三丰 滑壽 許紳 葛乾孫 袁珙 王綸 子忠徹 呂復 凌雲 李玉 戴思恭 倪維德 李時珍 繆希雍 盛寅 周漢 卿 皇甫仲和 王履 周述學 周顚 全寅 張 中

張正常 劉淵然等

醫也 張仲景、劉守眞、李明之三家而會通之,所治疾無不中。 度等爲十類,類抄而讀之。 而 缺誤亦多。 滑壽,字伯仁,先世裏城人,徙儀眞,後又徙餘姚。 壽從之學,授素問、難經。旣卒業,請於師曰:「素問詳矣,多錯簡。 恩將本其義旨,注而讀之可乎。」居中躍然稱善。 難經又本素問、靈樞 ,其間榮衞藏府與夫經絡腧穴,辨之博矣**,** 幼警敏好學,能詩。 自是壽學日進。 愚將分藏象、經 京口王居中,名 壽又參會

穴。 著十四經發揮三卷, 諸經滿 既學鍼法於東平高洞陽,嘗言:「人身六脈雖皆有係屬,惟督任二經,則苞乎腹背,有專 而溢者, 此則受之,宜與十二經並論。」乃取內經骨空諸論及靈樞篇所述經脈 通考隧穴六百四十有七。 他如讀傷寒論抄、 診家樞要、痔瘻篇叉採諸

書本草爲醫韻,皆有功於世

晚自號攖寧生。江、浙間無不知攖寧生者。年七十餘,容色如童孺,行步蹻捷,飲酒無

天台朱右摭其治疾神效者數十事,爲作傳,故其著述益有稱於世。

李姓者,中州名醫,官吳下,與應雷談論,大駭歎,因授以張、劉書。自是江南有二家學。 乾孫體貌魁碩,好擊刺戰陣法。後折節讀書,兼通陰陽、律曆、星命之術。屢試不偶, 葛乾孫,字可久,長洲人。父應雷,以醫名。時北方劉守眞、張潔古之學未行於南。 有

手足動,能出聲。 目瞪不能食,衆醫治罔效。乾孫命悉去房中香奩、流蘇之屬,掘地坎,置女其中。久之,女 乃傳父業。然不肯爲人治疾,或施之,輒著奇效,名與金華朱丹溪埓。富家女病四支痿痹, 投藥一丸,明日女自坎中出矣。蓋此女嗜香,脾爲香氣所蝕,故得是症

其療病奇中如此。

之,因得其古先禁方及色脈藥論諸書,試輒有驗。乃盡購古今醫書,曉夜研究,自是出而行 呂復,字元膺,鄞人。 少孤貧,從師受經。 後以母病求醫,遇名醫衢人鄭禮之,遂謹事

歷舉仙居、臨海教諭,台州教授,皆不就。 奇眩、切脈樞要、運氣圖說、養生雜言諸書甚衆。浦江戴良採其治效最著者數十事,爲醫案 公、華佗、張仲景至張子和、李東垣諸家,皆有評騭。所著有內經或問、靈樞經脈箋、五色診 册元誥、六微旨、五常政、玄珠密語、中藏經、**聖濟經等書,皆有辨論**。 世 取效若神 其於內經、素問、靈樞、本草、難經、傷寒論、脈經、脈訣、病原論、太始天元玉 前代名醫如扁鵲、倉

大觀 正 、李杲三家書讀之,出而治疾,無不立效 以來, 倪維德,字仲賢,吳縣人。 醫者率用裴宗元、陳師 祖、父皆以醫顯。 文和 劑局方, 故方新病多不合。 維德幼嗜學,已乃業醫,以內經爲宗。 乃求金人劉完素、張從 病

盛架閣妻左右肩臂奇癢,延及頭面,不可禁,灼之以艾,則暫止。診之曰:「左脈沉,右脈浮 診之曰:「兩手脈俱沉,胃脘必有所積,積則痛。」問之果然,以生熟水導之,吐痰涎數升愈。 之曰:「此手足少陽經受邪也。」飲之藥,踰月愈。 智,脾慢則智短。」以疏風 周萬戶子,八歲昏眊,不識饑飽寒暑,以土炭自塞其口。診之曰:「此慢脾風也。 助脾劑投之,即愈。 顧顯卿右耳下生癭,大與首同,痛不可忍。 劉子正妻病氣厥,或哭或笑,人以爲祟。 脾藏

增 且 劇 盛 ,此滋味過盛所致也。」投以劑,旋愈。 夜 涼 及 酮 則 否, 如是者二年。 診之曰:「此七情內傷,陽氣 林仲實以勞得熱疾,熱隨日出入爲進退,暄盛則 不 升, 陰火 漸熾。 故 溫 則

進,涼

則退。」投

以

東垣

內傷之劑,亦立愈。

他所療治,多類

此

武 執 十年卒,年七十五。 說。常患眼 劉張 科雑出 二氏 方論、無全書、著元機啓微、「」又校訂東坦試效方、並刊行於世。 多主攻,李氏 惟調護中氣主補,蓋隨時推移,不得不然。」 故其主方不

洪

如臂。 醫謂 而 下之,有物 寸許,口 可鍼 走,或歌或 係絡已損不可治。 周 也 刺 漢卿、松陽人。 眼 其 爲翻 如 悉具,痛旋止。 笑。 金魚,病良已。 ,砉然鳴 睛刮翳,歘然辨五色。 漢卿 叉 醫兼內外科,鍼尤神。 刺其十指端,出 漢卿 馬氏 刺 永康 其 封 二亦 婦 以神膏,越三日復故。 人腹 有 娠, 如 族,疴 武城 血而痊。 之,加以 十四四 人 人樓行。 月不 病胃痛,奮擲 鄉人蔣仲良,左目 按摩,疾遂 錢塘王氏女生瘰癧, 產, 漢卿解衣 尩 華州 且黑。 愈 乞死。 陳明遠瞽十年。 視 長 之, 漢卿曰:「此中蠱,非娠 爲馬所踶,睛突出 山 漢卿納藥於鼻,俄 徐 氣 環 嫗 衝 頭 癎 起 及腋, 疾,手 腹 漢卿 間者二, 足顫 凡 視之, 如桃。 十九竅 噴赤蟲 掉,裸 其大 也。 他

列

僔

第

百

八 +

七

方

伎

諸鹽黃生背曲,須杖行。他醫皆以風治之,漢卿曰:「血澀也。」刺兩足崑崙穴,頃之投杖去。 有塊、捫之如罌。漢卿曰:「此腸癰也。」用大鍼灼而刺之,入三寸許,膿隨鍼迸出有聲,愈。 竅破白瀋出 其捷效如此。 如瓜大,醉仆階下,潰血不能止。疣潰者必死。漢卿以藥糝其穴,血卽止。義烏陳氏子腹 ,將死矣。 漢卿爲剔竅母深二寸,其餘烙以火,數日結痂愈。山陰楊翁項有疣

後 ·厥陰篇無囊縮,必有脫簡。 乃取三百九十七法,去其重複者二百三十八條,復增益之,仍爲 病鈎玄二十卷,醫韻統 三百九 乃備常與變,作傷寒立法考。 人不能出其範圍。且素問云「傷寒爲病熱」,言常不言變,至仲景始分寒熱,然義猶未盡。 王履,字安道,崑山人。學醫於金華朱彥修,盡得其術。 十七七 法。 極論內外傷經旨異同,併中風、中暑辨,名曰泝洄集,凡二十一篇。又著百 百卷,醫家宗之。 又謂陽明篇無目痛,少陰篇言胸背滿不言痛,太陰篇無嗌乾, 嘗謂張仲景傷寒論爲諸家祖,

自滑壽以下五人,皆生於元,至明初始卒。 履工詩文,兼善繪事。 嘗遊華山絕頂,作圖 一四十幅,記四篇,詩一百五十首,爲時所稱。 |祖往視||顚,||顚無饑色。乃賜盛饌,食已閉空室中,絕其粒一月,比往視,如故。諸將士爭進 汗而已。太祖異之,命寄食蔣山僧寺。已而僧來訴,願與沙彌爭飯,怒而不食且半月。 長有異狀,數謁長官,曰「告太平」。時天下寧謐,人莫測也。後南昌爲陳友諒所據,顯避 「告太平」。自是屢以告。」太祖厭之,命覆以巨缸,積薪煅之。薪盡啓視,則無恙,頂上出微 太祖克南昌,頗謁道左。洎還金陵,頗亦隨至。一日,駕出,顚來謁。問「何爲」, 周 顧,建昌人,無名字。年十四,得狂疾,走南昌市中乞食,語言無恒,皆呼之曰顚。 及 太 日

酒饌,茹而吐之,太祖與共食則不吐。

仙去。 太祖與之食,食已,卽整衣作遠行狀,遂辭去。 命牽舟進,須臾風大作,直抵小孤。太祖慮其妄言惑軍心,使人守之。至馬當,見江豚戲 眎天,正容曰:「天上無他座。」<u>太祖</u>攜之行,舟次<u>安慶,無風,遣使問之。曰:「行則有風。」遂</u> 水,歎曰:「水怪見,損人多。」守者以告。 |太祖將征||友諒,問曰:「此行可乎。」對曰:「可。」曰:「彼已稱帝,克之不亦難乎。」顚仰首 洪武中,帝親撰題顯仙傳,紀其事。 太祖惡之,投諸江。師次湖口,顚復來,且乞食。 |友諒旣平,太祖遣使往廬山求之,不得,疑其

列

傳第

中。 對曰:「未也。旦夕此地當流血,廬舍燬且盡,鐵柱觀亦僅存一殿耳。」未幾,指揮康泰反,如 其言。尋又言國中大臣有變,宜豫防。至秋,平章

邵榮、參政趙繼祖伏甲北門爲亂,[1]事 太祖下南昌,以鄧愈薦召至,賜坐。問曰:「予下豫章,兵不血刃,此邦之人其少息乎。」 張中,字景華,臨川人。 少應進士舉不第,遂放情山水。 遇異人,授數學,談禍福,多奇

丙戌」。 流矢死,降其衆五萬。 孤 命從行,舟次孤山,無風不能進。乃以洞玄法祭之,風大作,遂達鄱陽。 [舟深入,敵舟圍之數重,衆憂之。 曰:「無憂,亥時當自出。」已而果然。 陳友諒圍南昌三月,太祖伐之,召問之。曰:「五十日當大勝,亥子之日獲其渠帥。」帝 報至,乃乙酉,蓋術官算曆,是月差一日,實在丙戌也。 自啓行至受降,適五十日。始南昌被圍,帝問「何日當解」,曰「七月 其占驗奇中,多若此。 大戰湖中,常遇春 連戰大勝,友諒中

爲 人狷介寡合。與之言,稍涉倫理,輒亂以他語,類佯狂玩世者。 嘗好戴鐵冠,人稱爲

鐵冠子云。

巖壑、語人曰:「此山、異日必大興。」時五龍、南巖、紫霄俱燬於兵、三丰與其徒去荆榛、辟瓦 或數月不食。 頎 而 偉,龜形鶴背,大耳圓目,鬚髯如戟。 張三丰,遼東懿州人,名全一,一名君寶,三丰其號也。 書經目不忘,游處無恒,或云能一日千里。善嬉諧,旁若無人。 寒暑惟一衲一蓑,所啖,升斗輒盡, 以其不飾邊幅, 或數日一食, 又號張邋遢。 嘗游武當諸

當,歷襄、漢,踪跡益奇幻。 頌而逝,縣人共棺殮之。 太祖故聞其名,洪武二十四年遣使覓之不得。後居寶雞之金臺觀, 及葬,聞棺內有聲,啓視則復活。 乃遊四川,見蜀獻王。復入武 日自言當死,留

礫,創草廬居之,已而舍去。

賜名太和太岳山,設官鑄印以守,竟符三丰言。 命工部侍郎郭璡、隆平侯張信等,督丁夫三十餘萬人,大營武當宮觀,費以百萬計。旣成, 永樂中,成祖遣給事中胡濙偕內侍朱祥齎璽書香幣往訪,遍歷荒徼,積數年不遇。

年,英宗賜誥,贈爲通微顯化眞人,終莫測其存亡也。 或言三丰金時人,元初與劉秉忠同師,後學道於鹿邑之太清宮,然皆不可考。天順三

袁珙,字廷玉,鄭人。高祖鏞,宋季舉進士。元兵至,不屈,舉家十七人皆死。父士元,

翰林檢閱官。

夜 目 中燃兩炬視人形狀氣色,而參以所生年月,百無一謬。 盡眩,布赤黑豆暗室中,辨之,又懸五色縷牕外,映月別其色,皆無訛,然後相人。 跌生有異禀,好學能詩。嘗遊海外洛伽山,遇異僧別古崖,授以相人術。 先仰視皎日 其法以

爲張 進,爲異代臣,官二品,其在荆、楊間乎。」凱後爲禮部尚書、湖廣行省參政。 嘗相陶凱曰:「君五岳朝揖 但冷笑無情,非忠節相也。」徐於一年後拜兵部侍郎,擢尚書。又二年降於明,爲吏部侍郎 南臺大夫普化帖木兒,由閩海道 司 空有赤氣,到官一百十四日當奪印。 士誠逼 珙 在元時已有名,所相士大夫數十百,其於死生禍福,遲速大小,幷刻時日,無不奇中 取印綬,抗節死。 而氣色未開,五星分明而光澤未見,宜藏器待時。 見江西憲副程徐曰:「君帝座上黃紫再見,千日內有二美除。 見珙。 然守正秉忠,名垂後世,願自勉。」普署臺事於越,果 珙曰:「公神氣嚴肅,舉動風生,大貴驗也。 其精 不十 類 如 年 但印堂 此。 以文

召至北平。 洪武 中,遇姚廣孝於嵩山寺,謂之曰:「公,劉秉忠之儔也,幸自愛。」 王雜衞士類己者九人,操弓矢,飲肆中。 跌一見即前跪曰:「殿下何輕身至此。」 後廣孝 薦於燕王,

也。年四十、鬚過臍、卽登大寶矣。」已見藩邸諸校卒、皆許以公侯將帥。王慮語洩、遣之還。 及 九人者笑其謬,珙言益切。王乃起去,召珙宫中,諦視曰:「龍行虎步,日角插天,太平天子 、卽位,召拜太常寺丞,賜冠服、鞍馬、文綺、寶鈔及居第。 帝將建東宮,而意有所屬,故久

樂八年卒,年七十有六。賜祭葬,贈太常少卿。 甚多。爲人孝友端厚,待族黨有恩。所居鄞城西,遶舍種柳,自號柳莊居士,有柳莊集。 不決。」珙相仁宗曰:「天子也。」相宣宗曰:「萬歲天子。」儲位乃定。 跌相人卽知其心術善惡。人不畏義,而畏禍患,往往因其不善導之於善,從而改行者

永

決。 忠 督耿瓛顴骨插鬢,色如飛火,僉都御史景淸身短聲雄,於法皆當刑死。王大喜,起兵意益 面 方耳大,身短氣浮,布政使張昺面方五小,行步如蛇,都指揮謝貴擁腫蚤肥 及爲帝,卽召授鴻臚寺序班,賜賚甚厚。 子忠徹,字靜思。幼傳父術。從父謁燕王,王宴北平諸文武,使忠徹相之。 而氣短,都 謂都督宋

藍,驚憂象也,收午門榜可愈。帝從之,太子疾果已。 凡 東宮所處分事,悉不行。 遷尙寶寺丞,已,改中書舍人,扈駕北巡。 太子憂懼成疾,帝命蹇義、金忠偕忠徹 駕旋,仁宗監國,爲讒言所中,帝怒,榜午門, 帝嘗屏左右,密問武臣朱福、朱能、張 視之。 還奏,東宮面色青

列 傅 第

百

岫 李 福,後皆驗。 遠、 柳 升 九載秩滿,復爲尚寶司丞,進少卿。 陳懋、薛祿,文臣姚廣孝、夏原吉、三憲義及金忠、呂震、方賓、吳中、李慶等

許行服,衍聖公誥宜改賜玉軸,聞者韙之。 忠徹於藩邸,故待之異於外臣。忠徹亦以帝遇己厚,敢進讜言,嘗諫外國取寶之非,武臣宜 怒,命曳二內侍杖之,且曰:「忠徹哭我,我遂死耶。」忠徹惶懼,趨伏階下,良久始解。 之輒痰壅氣逆,多暴怒,至失音,中外不敢諫。忠徹一日入侍,進諫曰:「此痰火虛逆之症, 實靈濟宮符藥所致。」帝怒曰:「仙藥不服,服凡藥耶。」。忠徹叩首哭,內侍二人亦哭。 以來,遂建靈濟宮於都城,祀之。 禮部 郎周訥自福建還,言閩 帝每遘疾,輒遣使問 人配南唐徐知諤、知誨,其神最靈。 神。廟祝 詭爲仙方以進,藥性多熱,服 帝命往迎其像及廟祝 帝益 帝識

中 ·,復坐事下更休致。二十餘年卒,年八十有三。 宣德初,覩帝容色曰:「七日內,宗室當有謀叛者。」漢王果反。 嘗坐事下吏罰贖。 正統

隙,即緣相法於上前齮齕之。 頭一。 忠徹相術不殊其父,世所傳軼事甚多,不具載。 相于謙,謂「目常上視,法曰望刀眼」。 頗好讀書,所著有人相大成及鳳池坠藁、符臺外集,載元順帝 後果如其言。 其相王文,謂「面無人色, 然性陰險,不如其父, 法曰瀝血 與羣臣有

瀛國公子云。

傳,又學醫於宋內侍錢塘羅知悌。 戴 思恭,字原禮,浦江人,以字行。 知悌得之荆山浮屠,浮屠則河間劉守眞門人也。 受學於義烏朱震亨。 震亨師金華許謙,得朱子之

學大行,時稱爲丹溪先生。 愛思恭才敏,盡以醫術授之。

思恭曰:「汝仁義人也,毋恐。」已而太祖崩,太孫嗣位,罪諸醫,獨擢思恭太醫院使。 「臣前奉命視王疾,啓王曰:『今卽愈,但毒在膏肓,恐復作不可療也。』今果然矣。」諸醫由是 細蝗也。 用藥良是,念何以不效,乃問王何嗜。 洪武 思恭時已老,風雨輒免朝。 晉王疾,思恭療之愈。 中,徵爲御醫,所療治立效,太祖愛重之。 已,復發,卽卒。 太祖不豫,少間,出御右順門,治諸醫侍疾無狀者,獨慰 曰:「嗜生芹。」思恭曰:「得之矣。」投一劑,夜暴下,皆 太祖怒,逮治王府諸醫。 燕王患瘕,太祖遣思恭往治,見他醫所 思恭從容進曰:

諧書,皆檃括丹溪之旨。又訂正丹溪金匱鈎玄三卷,附以己意。 護送,賚金幣,踰月而卒,年八十有二,遣行人致祭。 永樂初,以年老乞歸。三年夏,復徵入,觅其拜,特召乃進見。其年冬,復乞骸骨,遣官 所著有證治要訣、證治類元、類證用藥 人謂無愧其師云。

出,竊 笑曰:「吾固無所吝,君獨不能少屈乎?」 盛寅,字啓東,吳江人。 發其書以去, 遂得其傳。 受業於郡 將死,無子,以授寅。 人王賓。 濱謝曰:「吾老矣,不能復居弟子列。」 初,賓與金華戴原禮游,冀得 寅旣得原禮之學,復討究內經以下諸 其醫術。 他 日 伺 原禮 原禮

方書,醫大有名。

|寅 厲。 愕然日 坐 句,聞者咋舌。 中使督花鳥於江南,主寅舍,病脹,寅愈之。 風 監,正苦脹,盍與我視之。」旣視,投以藥立愈。 以帝春秋高,勸毋行。不納,果有楡木川之變。 以觀,寅三勝。 濕病,帝大然之,進藥果效,遂授御醫。 寅曰:「是殆有天命耳。」帝不懌,起而視雪。寅復吟唐人詩「長安有貧者,宜瑞不宜多」 永樂初,爲醫學正科。 調調 ·汝死矣,安得生。」太監具以告,因盛稱寅,卽召入便殿,令診脈。 他日,與同官對弈御藥房。帝猝至,兩人斂枰伏地,謝死罪。帝命終之,且 帝喜,命賦詩,立就。帝益喜,賜象牙棋枰幷詞一闋。帝晚年猶欲出塞, 坐累,輸作天壽山。 適遇諸途,驚曰:「盛先生固無恙耶! 予所事太 一日,雪霽,召見。帝語白溝河戰勝狀,氣色甚 會成祖較射西苑,太監往侍。 列侯監工者,見而奇之,令主書算。 成祖遙望見, 寅奏、上脈有 先是有

仁宗在東宮時,妃張氏經期不至者十月,衆醫以姙身賀。 寅獨謂不然,出言病狀。 妃

傅第一百八十七 方伎

列

當寅之被繫也,闔門惶怖曰:「是殆磔死。」旣三日,紅仗前導還邸舍,賞賜甚厚。 益 遙聞之曰:「醫言甚當,有此人何不令早視我。」及疏方,乃破血劑。 甚,命寅再視,疏方如前。 妃令進藥, 而東宮慮墮胎, 械寅以待。 東宮怒,不用。 已而血大下,病旋愈。 數日病

京太醫院皆祀寅。寅弟宏亦精藥論,子孫傳其業。 永,密告寅,寅猶畏禍。及仁宗嗣位,求出爲南京太醫院。 與袁忠徹素爲東宮所惡,旣愈妃疾,而怒猶未解,懼甚。 宣宗立,召還。正統六年卒。 忠徹曉相術,知仁宗壽不 兩

厚賜草澤醫人。 問狀,其人曰:「寅空心入藥房,猝中藥毒。能和解諸藥者,甘草也。」帝問寅,果空腹入,乃 初,寅晨直御醫房,忽昏眩欲死,募人療寅,莫能應。一草澤醫人應之,一服而愈。 帝

北 徹對如之。 曰:「寇大至矣。」時初得安南神礮,寇一騎直前,即以礮擊之,一騎復前,再擊之,寇不動。 ,不見寇,將引還,命仲和占之,言:「今日未申間,寇當從東南來。 皇甫仲和,睢州人。精天文推步學。 比日中不至,復問,二人對如初。 永樂中,成祖北征,仲和與袁忠徹扈從。 帝命械二人,不驗,將誅死。 王師始却,終必勝。」忠 頃之,中官奔告 師至漠

始 沙,兩軍不相見,寇始引去。帝欲卽夜班師,二人曰:「明日寇必降,請待之。」至期果降,帝 帝登高望之日 神其術,授仲和欽天監正 「東南不少却乎?」亟麾大將譚廣等進擊,諸將奮斫馬足,寇少退。 俄疾風揚

曰:「不能也,紫微垣諸星已動矣。」曰:「然則奈何。」曰:「盍先治內。」曰:「命親王監國矣。」 援,寇果退。 寇之薄都城也,城中人皆哭。 仲和曰:「勿憂,雲向南,大將氣至,寇退矣。」明日,楊洪等入 曰:「不如立儲君。」曰:「皇子幼,未易立也。」曰:「恐終不免立。」及車駕北狩,景帝遂卽位。 事率類此。 可速返。」返則方鬭不解。 英宗將北征, 仲和時已老, 學士曹鼐問曰:「駕可止乎。 胡、王兩尚書已率百官諫矣。」 一日出朝,有衞士請占。仲和辭,衞士怒。 或問:「何由知。」曰:「彼問時,適見兩鵲鬭屋上,是以知之。」其占 仲和笑曰:「汝室中妻妾正相鬭

曰:「大吉。四爲初之應,初潛四躍,明年歲在午,其干庚。午,躍候也。 庚,更新也。 龍歲一 同,攜之行塞上。石亨爲參將,頗信之,每事咨焉。 全寅,字景明,安邑人。年十二歲而瞽,乃從師學京房術, 占禍福多奇中。 父清游大 英宗北狩,遣使問還期。筮得乾之初,

其於丁,象大明也。位於南方,火也。 躍 四近五,躍近飛。 了,秋潛秋躍,明年仲秋駕必復。但繇勿用,應在淵,還而復,必失位。然象龍也,數九也**。** 龍在丑,丑曰赤奮若,復在午。午色赤,午奮於丑,若,順也,天順之也。 寅其生,午其王,壬其合也。至歲丁丑,月寅,日午,

合於壬,帝其復辟乎。」已而悉驗 石亨入督京營,挾自隨。及也先逼都城,城中入恟懼,或請筮之,寅曰:「彼驕我盛,戰

必勝。」寇果敗去。明年,也先請遣使迎上皇,廷臣疑其詐。 寅言於亨曰:「彼順天仗義,我

中國反失奉迎禮,寧不貽笑外蕃。」亨乃與于謙決計,上皇果還。

屛 人請筮,寅叱之曰:「是兆大凶,死不足贖。」忠懼而徉狂,事得不竟。 景泰三年,指揮盧忠告變,事連南宮。帝殺中官阮浪,猶窮治不已,外議洶洶。 已而忠果伏誅。 忠一 日

以筮游公卿貴人間,莫不信重之,然無一語及私。 慮寅偕行,乃授錦衣百戶,留京師。 英宗復辟,將官寅,寅固辭。 命賜金錢金卮諸物。 寅見石亭勢盛,每因筮戒之,亨不能用,卒及於禍。 年幾九十乃卒。 其父官指揮僉事,將赴徐州。 寅

吳傑,武進人。 弘治中,以善醫徵至京師,試禮部高等。 故事,高等入御藥房,次入太

醫院,下者遣還。條言於尙書曰:「諸醫被徵,待次都下十餘載,一旦遣還,誠流落可憫。

願辭御藥房,與諸人同入院。」尙書義而許之。

及駕還,漁於清江浦,溺而得疾。至臨淸,急遣使召傑,比至,疾已深,遂扈歸通州。時江彬 厚。帝每行幸,必以傑扈行。帝欲南巡,傑諫曰:「聖躬未安,不宜遠涉。」帝怒,叱左右掖出。 至宣府有不諱,吾輩寧有死所乎!近侍懼,百方勸帝,始還京師。甫還而帝崩,彬伏誅,中 握兵居左右,慮帝晏駕已得禍,力請幸宣府。 傑憂之,語近侍曰:「疾亟矣,僅可還大內。倘 外晏然,傑有力焉。未幾致仕。子希周,進士,戶科給事中,希曾,舉人。 愈,進一官。 自是,每愈帝一疾,輒進一官,積至太醫院使,前後賜彪虎衣、繡春刀及銀幣甚 正德中,武宗得疾,傑一藥而愈,卽擢御醫。 一日,帝射獵還,憊甚,感血疾。服傑藥

未 未時忽作聲,去紫血數升,遂能言,又數劑而愈。帝德紳,加太子太保、禮部尚書,賜賚甚厚。 也。」已而果卒,賜諡恭僖,官其一子,卹典有加。 幾,紳得疾,曰:「吾不起矣。 又有許紳者,京師人。嘉靖初,供事御藥房,受知於世宗,累遷太醫院使,歷加工部尙 二十年,宮婢楊金英等謀逆,以帛縊帝,氣已絕。 曩者宫變,吾自分不效必殺身,因此驚悸,非藥石所能療 明世、醫者官最顯,止紳一人。 紳急調峻藥下之,辰時下藥,

御 史巡撫湖廣,精於醫,所在治疾,無不立效。 其 士大夫以醫名者,有王綸、王肯堂。 綸,字汝言,慈谿人,舉進士。 有本草集要、名醫雜著行於世。 正德中,以右副都 肯堂所著證

治準繩,爲醫家所宗,行履詳父樵傳。

也, 之。 毒散自生耳。」因授雲鍼術,治疾無不效。 凌雲,字漢章,歸安人。 一道人忽曰:「汝欲生之乎。」曰:「然。」道人鍼其左股,立蘇,曰:「此人毒氣內侵,非死 爲諸生, 棄去。 北遊泰山,古廟前遇病人,氣垂絕,雲嗟歎久

時始蘇。」命四人分牽其髮,使勿傾側,乃鍼,果暈絕。 蘇 ,復加補,始出鍼,嘔積痰斗許,病卽 里人病嗽,絕食五日,衆投以補劑,益甚。 除。 雲曰:「此寒濕積也,穴在頂,鍼之必暈絕,逾 家人皆哭,雲言笑自如。 頃之,氣漸

竭,不能制 舌吐如故。 有男子病後舌吐。 雲兄亦知醫,謂雲曰:「此病後近女色太蚤也。 舌者心之苗,腎水 心火,病在陰虛。其穴在右股太陽,是當以陽攻陰。」雲曰:「然。」如其穴針之, 雲曰:「此知瀉而不知補也。」補數劑,舌漸復故

准陽王病風三載,請於朝,召四方名醫,治不效。

雲投以鍼,不三日,行步如故。

列

金華富家婦, 少寡, 得狂疾,至裸形野立。 雲視曰:「是謂喪心。 吾鍼其心, 心正必知

恥。 蔽之帳中,慰以好言釋其愧,可不發。」乃令二人堅持,用涼水噴面,鍼之果愈。

吳江 婦臨產,胎不下者三日,呼號求死。 雲鍼刺其心,鍼出,兒應手下。 主人喜,問故。

曰:「此抱心生也。 手鍼痛則舒。」取兒掌視之,有鍼痕。

十七,卒於家。子孫傳其術,海內稱鍼法者,曰歸安凌氏。 孝宗聞雲名,召至京,命太醫官出銅人,蔽以衣而試之,所刺無不中,乃授御醫。 年七

立去其杖。 啖腦也。」

合殺蟲諸藥爲末,吹鼻中,蟲悉從眼耳口鼻出,卽愈。

有跛人扶雙杖至,

玉鍼之, 有李玉者,官六安衞千戶,善鍼灸。或病頭痛不可忍,雖震雷不聞。 兩京號「神鍼李玉」。 玉診之日:「此蟲

有遲速。此病在表而深,非小劑能愈。」乃熬藥二鍋傾缸內,稍冷,令病者坐其中,以藥澆 **兼善方劑。或病痿,玉察諸醫之方,與治法合而不效,疑之。**

忽悟曰:「藥有新陳,則效

之,踰時汗大出,立愈。

景 下,自是士大夫家有其書。時珍官楚王府奉祠正,子建中,四川蓬溪知縣 未幾,神宗詔修國史,購四方書籍。其子建元以父遺表及是書來獻,天子嘉之,命刊行天 附釋爲目,次以集解詳其出產、形色,又次以氣味、主治附方。 書成,將上之朝,時珍遽卒。 書,日本草綱目。 物 後 而 所 增補合一千五百五十八種,時稱大備。 増亦 混爲一品,時珍病之。 李 時珍,字東壁,蘄州人。 如之,唐蘇恭增一百一十四種,宋劉翰又增一百二十種,至掌禹錫、唐愼微輩,先 增藥三百七十四種,釐爲一十六部,合成五十二卷。 乃窮搜博採,芟煩補闕,歷三十年,閱書八百餘家,藁三易而 好讀醫書,醫家本草,自神農所傳止三百六十五種,梁陶弘 然品類旣煩,名稱多雜,或一物而析 首標正名爲綱,餘各 爲二三,或二 成

析,以本經爲經,別錄爲緯,著本草單方一書,行於世。 謂本草出於神農,朱氏譬之五經,其後又復增補別錄,譬之註疏, 又吳縣張頤、祁門汪機、杞縣李可大、常熟繆希雍皆精通醫術,治病多奇中。 惜硃墨錯互。 乃沈研剖 而希雍常

域之占。 周 述 叉推究 學,字繼志,山陰 五. 緯 細行,爲星道五圖,於是七曜皆有道可求。 人。 讀書好深湛之思,尤邃於曆學,撰中經。 與武進唐順之論曆,取歷 用 中 國之算,測西

列

倳

第

外,圖 法、卦影、禄 代史志之議, 書、皇極、律呂、山經、水志、分野、輿地、算法、太乙、壬遁、演禽、風角、鳥占、兵符、陣書、皇極、律呂、山經、水志、分野、輿地、算法、太乙、壬遁、演禽、風角、鳥占、兵符、陣 命、建除、葬術、五運六氣、海道鍼經,莫不各有成書,凡一千餘卷,統名日 IE. 其訛 舛, 删 其繁蕪。 又撰大統萬年二曆通議,以補歷代之所未及。 自曆 [神]道 以

胡宗憲征倭,招至幕中,亦不能薦,以布衣終。 趙錦 可無虞也。」已而果然。 嘉靖 歸就訪邊事,述學曰:「今歲主有邊兵,應在乾艮。 中,錦衣陸炳訪士於經歷沈鍊,鍊舉述學。 錦將薦諸朝,會仇鸞聞其名欲致之,述學識其必敗,乃還里。 炳禮聘至京,服其英偉,薦之兵部尚書 艮為遼東, 乾則宣、大二鎮, 京師

南昌 嗣 敎 眞 ,正常遣 張 人,賜銀印 正常,字仲紀,漢張道陵四十二世孫 使 上謁 、秩 了 已 視二品。 而 兩入朝。 設寮佐,日 洪武元年入 赞教, 也。 八賀郎 曰 世居貴溪龍虎 「掌書。 位 定為 太祖 制 Щ 日 · 「天有師乎。」乃改授<u>正</u> 元 時賜號 天師。 太祖· 克

劉 淵然,後與淵然不協,相詆訐。 長 子 宇初嗣 建文 時, 坐不 法, 永樂八年卒,弟宇清嗣。 奪印 誥。 成 祖 卽 位 ,復之。 宣德初, 宇初 淵然進號大眞人, 一嘗受道法於長春眞

入朝懇禮部尚書胡濙爲之請,亦加號崇謙守靜。

之。 五 年 入朝, 天順 再傳 七年再乞給道童三百 至 乞給道童四百二十人度牒。 曾 孫 元 吉,年幼,敕其 五十人度牒,禮部尚書姚夔持不 祖 母護持,而贈其父留綱 濙復 (爲請) 許之。 尋欲 爲眞人,封母 得 可,詔許度百五十人。 大眞 八人號, 高氏 爲元君。 濙爲 景泰

年,竟以夤緣殆死,杖百,發肅州軍,尋釋爲庶人。 舊 怒,械元吉至京,會百官廷訊,論死。 易制 靜 冲 制制 虚 虚 守素昭 書。 闡 憲宗 擇其族人授之,有妄稱天師,印行符籙者,罪不貸。時成化五年四月也。 道 立 奪 弘 良家子女,逼取人財 法 祖崇法安恬樂靜玄同 ,元吉復乞加母 妙應大眞人,母慈和 封,改太元 物。 大眞人,母慈惠靜淑太元君,至是加 端惠貞淑 家置 於是刑部尚書陸瑜等請停襲, 君爲 獄 太夫人,以吏 ,前後殺四十餘人,有一家三人者。 太眞君。 然元吉素兇頑 部言不許,乃 去眞人號, 元吉號體玄悟法 至

悟

用

乘 此 初,元吉已賜 元吉坐繫二 輿器服, 事聞 憲宗 淵 命仍 擅 號 默

歐 徒十餘人乘傳詣雲南、四川採取遺經、古器進上方,且以蟒衣玉帶遺鎭守中貴,爲雲南巡撫 頨 陽 重 入朝所經,郵傳供應或後期,常山知縣吳襄等至下按臣治。 族 一所劾 人元慶嗣 ,不問。 ,弘治中卒。 十六年禱雪內庭有驗,賜金冠玉帶、蟒衣銀幣, 子彥頨嗣,嘉靖二年進號大眞人。 **彦頨知天子好神仙,** 易金印,敕稱卿不名。 遣其

京請加三官神封號,中外一體尊奉。 以天下多故,召應京有所祈禱。既至,命賜宴。禮臣言:「天順中制,真人不與宴,但賜筵 國祥爲之。萬曆五年,馮保用事,復國祥故封,仍予金印。國祥傳至應京。崇禎十四年,帝 守臣議,巡撫任士憑等力言宜革,乃去真人號,改授上清觀提點,秩五品,給銅印,以其宗人 今應京奉有優旨,請倣宴法王佛子例,宴於靈濟宫,以内官主席。」從之。明年三月,應 傳子永緒,嘉靖末卒,無子。 吏部主事郭諫臣乘穆宗初政,上章請奪其世封。下江西 。禮官力駁其謬,事得寢。

卒莫廢去云。 張氏自正常以來,無他神異,專恃符籙,祈雨驅鬼,間有小驗。 顧代相傳襲,閱世既久,

真人等。 至,賜號高道,館朝天宫。 人殮,端坐如生。 劉淵然者,贛縣人。幼爲祥符宫道士,頗能呼召風雷。洪武二十六年,太祖聞其名,召 宣德初,進大真人。七年乞歸朝天宫, 淵然有道術,爲人清静自守,故爲累朝所禮。 永樂中,從至北京。仁宗立,賜號長春真人,給二品印誥,與正一 御製山水圖歌賜之。卒年八十二,閱七日

統中,遷左正一,領京師道教事。 其徒有邵以正者,雲南人,早得法於淵然。 景泰時,賜號悟玄養素凝神沖默闡微振法通妙真人。天順 淵然請老,薦之,召爲道籙司左玄義。〔四〕正

三年將行慶成宴。故事,真人列二品班末,至是,帝曰:「殿上宴文武官,真人安得與。」其送

筵席與之,遂爲制。

又有沈道寧者,亦有道術。仁宗初,命爲混元純一沖虚湛寂清静無爲承宣布澤助國佐

民廣大至道高士,階正三品,賜以法服。

即。 化、正德、嘉靖朝,邪妄雜進,恩寵濫加,所由與先朝異矣。 遂通番國諸經,多所譯解。歷事六朝,寵錫冠羣僧,與淵然輩淡泊自甘,不失戒行。 智光,武定人。洪武時,奉命兩使鳥斯藏諸國。 時有浮屠智光者,亦賜號圓融妙慧淨覺弘濟輔國光範衍教灌頂廣善大國師, 永樂時,又使烏斯藏,迎尚師哈立麻, 賜以金 迨成

校勘記

元機啓微 千頃堂書目卷一四、福璜續文獻通考卷一七九作「原機啓微」。

參政趙繼祖伏甲北門爲亂 趙繼祖,原作「趙維祖」, 據本書卷一太祖紀、太祖實録卷一一壬寅

七月丙辰條改。

列 夏原吉 傳 第 一百八十七 原作「夏元吉」。明初人惡書「元」字,往往改「元」爲「原」。今據本書卷一四九夏原吉 校 勘 記 七六五七

(四) 名爲道錄司左玄義 道錄司,本書卷七四職官志、明會典卷二作「道録司」。

傳改從一致。

明史卷三百

列傳第一百八十八

外戚

社奠安,而椒房貴戚亦藉以保福慶逮子孫,所全不已多乎。 后言,賜金帛而已。 后謝曰:「國家爵祿宜與賢士大夫共之,不當私妾家。」且援前世外戚驕佚致禍爲辭。 病民,漢、唐以來所不及。 明太祖立國,家法嚴。 定國之封,文皇后謂非己志,臨終猶勸帝,毋驕畜外家。 而高、文二后賢明,抑遠外氏。太祖訪得高后親族,將授以官。 史臣稱后妃居宮中,不預一髮之政,外戚循理謹度,無敢恃寵以 治謀旣遠, 宗 帝善

國之權,賓客朋黨之勢。 有儒者風。而一二怙恩負乘之徒,所好不過田宅、狗馬、音樂,所狎不過俳優、伎妾,非有軍 惟英宗時,會昌侯孫繼宗以奪門功,參議國是。 mi 在廷諸臣好爲危言激論,汰如壽寧兄弟,庸駑如鄭國泰,已逐影 自茲以下,其賢者類多謹身奉法,謙謙

列

傳第

百

八十

八

外戚

尋擊,抨擊不遺餘力。 故有明一代,外戚最爲孱弱。然而惠安、新樂,舉宗殉國,嗚呼卓矣!

成祖后家詳中山王傳、餘採其行事可紀者,作外戚傳。

吳安 陳公 錢貴 馬公 汪泉 呂本 杭昱 馬全 周能 張麒 子壽 子晁 彧 昇等 王鎭 子源等 胡榮 孫忠 子繼宗 萬貴

邵喜 張巒 夏儒 陳萬言 方銳 陳景行 李偉

鄭承憲 王昇 劉文炳 弟文耀等 張國紀 周奎

王墓在盱眙者,中都守臣按之信。帝乃命中書省卽墓次立廟,設祠祭署,奉祀一人,守墓戶 一百一十家,世世復。帝自製揚王行實,諭翰林學士宋濂文其碑,略曰: 陳公,逸其名,淳皇后父也。洪武二年追封揚王,媼爲王夫人,立祠太廟東。 明年有言

初。 **畫睡,夢一白衣人來曰:「汝愼勿食馬肉,今夜有舟來共載也。」王未之深信,俄又夢如** 興。 者,累石支破釜,煮遺糧以療饑。 至夜將半,夢中髣髴聞櫓聲,有衣紫衣者以杖觸王胯曰:「舟至矣。」王鷲寤, 至元己卯春,世傑與元兵戰,師大潰,士卒多溺死。王幸脫死達岸,與一二同行 王姓陳氏,世維揚人,不知其諱。當宋季,名隸尺籍伍符中,從大將張世傑扈從詳 已而絕糧,同行者聞山有死馬,將共烹食之。 王疲極

在舟上,見舊所事統領官。

洩,徬徨不自安。颶風吹舟,盤旋如轉輪,久不能進,元將大恐。統領知王善巫術,遂 **餱從板隙投之,王掬以食。復與王約,以足撼板,王卽張口從板隙受漿。居數日,事** 白而出之。王仰天叩齒,若指麾鬼神狀,風濤頓息。元將喜,因飲食之。至通州,送之 時統領已降於元將,元將令來附者輒擲棄水中。 統領憐王,藏之艎板下,日取乾

次卽皇太后。晚以季氏長子爲後,年九十九薨,遂葬焉,今墓是已。 王歸維揚,不樂爲軍伍,避去盱眙津里鎮,以巫術行。 王無子,生二女,長適季氏,

神假 之深厚,斷可信矣。是宜慶鍾聖女,誕育皇上,以啓億萬年無疆之基,於乎盛哉 夢寐,挾以升舟,非精誠上通於天,何以致神人之佑至於斯也。 臣濂聞君子之制行,能感於人固難,而能通於神明爲尤難。 今常患難危急之時 舉此推之,則積德

推。 在盱眙。 隸戎麾,獰風蕩海,糧絕阻饑。 錫 臣 爵維揚,地邇帝畿,立廟崇祀,玄冕袞衣。 ·濂旣序其事,復再拜稽首而獻銘曰:皇帝建國,克展孝思。 皇情悅豫,繼以涕洟,即詔禮官,汝往葺治,毋俾蕘豎,跳踉以嬉。 天有顯相,夢來紫衣,挾以登舟,神力所持,易死爲 痛念宅兆,卜之何墟,閭 疏封母族, 惟我揚王, 師來告,今 自親而

列傳

七六六二

月臨 廣孝治,以惇民彝。 生,壽躋期頤。 風 行 :霆馳。 積累深長,未究厥施,乃毓聖女,茂衍皇支。 自流 津里之鎭,王靈所依,於昭萬年,視此銘詩。 | 徂源,功亦有歸,無德弗酬,典禮 可稽。 蘿圖肇開,鳩祚峩巍,日照 聿昭化原,扶植政基,以

馬公,逸其名,高皇后父也,宿州人。 元末殺人,亡命定遠。 與郭子興善, 以季女屬子

興,後歸太祖,即高皇后也。

文以祭。 公及妻鄭媼皆前卒,洪武二年追封徐王,媼爲王夫人,建祠太廟東。 四年命禮部尚書陶凱即宿州坐次立廟,帝自爲 皇后親奉安神主,

無繼 卽塋所立廟,俾有司春秋奉祀。 以報其德。 嗣,立廟京師,歲時致祭。 文曰:「朕惟古者創業之君,必得賢后以爲內助,共定大業。 及天下已安,必追崇外家, 一十五年設祠祭署,奉祀、祀丞各一人。王無後,以外親武忠、武聚爲之,置灑掃戶九 惟外舅、外姑實生賢女,正位中宮。 然稽之古典,於禮未安。 茲擇吉辰, 遣禮官奉安神主於新廟, 靈其昭格, 尚鑒在茲。」 **朕旣追封外舅爲徐王,外姑爲王夫人,以王** 又念人生其土,魂魄必遊故鄉,故

復親祭,以戡爲徐州衞指揮僉事 永樂七年北巡,親謁祠下。 守塚武戡爲建陽衛鎭撫,犯法 ,責而宥之。 十五年,帝

太常司卿。逾二年卒,無子,賜葬鍾山之陰。 務明大體,毋傚俗吏拘繩墨。 不見干雲之臺,由寸土之積,燎原之火,由一爝之微,可不愼哉!本等頓首受命,尋復累遷 被命楊基、答祿與權,諭之曰:「風憲之設,在肅紀綱,清吏治,非專理刑名。 非繭栗,功臣廟壞不修。」詔発官,罰役功臣廟。 洪武五年歷官吏部尚書。 呂本,壽州人,懿文太子次妃父也。 六年改太常司 善雖小,爲之不已,將成全德,過雖小,積之不已,將爲大憝。 卿。 **仕元,爲元帥府都事。** 明年四月,御史臺言:「本奉職不謹,郊壇牲角 已,釋爲北平按察司僉事。 後歸太祖,授中書省令史。 爾等往修厥職, 帝召本及同時

馬全,洪武中爲光祿少卿。 其女,乃惠帝后也。 **燕兵陷都城,全不知所終。**

指 揮使,尋卒。仁宗卽位,追封彭城伯,諡恭靖,後進侯。二子景、昇,並昭皇后兄也 張麒,日永城人。洪武二十年以女爲燕世子妃,授兵馬副指揮。 世子爲太子,進京衞

素恭謹,因訓飭益自斂。正統三年卒。 恕,愼之。」晁頓首謝。 法,否則罪倍常人。汝今富貴,能不忘貧賤,驕逸何自生。 軍,還佐世子守北平。永樂初,累官錦衣衞指揮使。泉嘗有過,成祖戒之曰:「戚畹最當守 累從成祖起兵取大寧,戰鄭村壩,俱有功,授義勇中衞指揮同知。已,援薊州,敗遼東 仁宗立,擢中軍都督府左都督,俄封彭城伯,子孫世襲。洪熙改元, 若奢傲放縱,陵虐下人,必不爾

發,下獄,已,獲釋。 法當斬,有司援議親末減。 長子輔病廢,子瑾嗣。以伯爵封輔,命未下而輔卒。 **瑾從弟**現,天順中,官錦衣衞副千戶。 詔不從,迄如律。 成化十六年,瑾卒,子信嗣。 初, 飲千戶呂宏家, 醉抽刀刺宏死, **累私蓄奄人,瑾匿不舉。** 其後裔嗣封,見

年從北征。 昇,字叔暉。 仁宗卽位, 成祖起兵,以舍人守北平有功,授千戶,歷官府軍衞指揮僉事。 拜後府都督同知。 宣德初, 進左都督掌左府事。 四年二月敕諭昇 永樂十二

預 禄 日 政。 「卿舅氏至親,日理劇務,或以吏欺謾連,不問則廢法,問則傷恩,其罷府事,朝朔望,官 如 舊 一,稱股 大學士楊士奇稱昇賢,宜加 優禮保全之意。」九年北征 委任,終不許。 ,命掌都督府事,留守京師。 正統五年,兄景已前卒,太后念外氏惟昇 英宗立,太皇太后 令勿

一人,封惠安伯,予世襲。明年卒。

獄論 等。 劉 年 提督團營。二年敍奉迎防守功,加太子太傅。 提督團營。三年加太子太保。六年三月充總兵官,回偕都御史馬中錫督京兵討流賊劉六 健 充陝西總兵官,鎮守固原。 死。 等,僉稱偉才。 朝議以偉擁 遇赦獲釋,停祿閒住。 兵自衞,責其玩寇殃民,召還。御史吳堂復劾其罪,兵部請逮偉及中錫,下 命提督神機營,御書敕以賜。 琮卒,弟瑛嗣。 明年五月,孝宗御平臺,出兵部推舉京營大將疏,歷詢大學士 十年請給祿, | 瑛卒,無子,庶兄瓚嗣。 十四年卒,贈太傅,諡康靖 詔給其半。十五年復督神機營。 正德元年令參英國公張懋、保國 瓚卒,子偉嗣。 嘉靖初,兼 弘治十二 一公朱暉

年掌後府事。 子鑭嗣。二十年,言官劾勛戚權豪家置店房、科私稅諸罪,鑭亦預,輸贖還爵。 居三年卒。 子元善嗣。 隆慶四年僉書後府事。 萬曆三十七年卒。

增 入兼管捕營。 子 慶臻嗣。 捕營提督鄭其心訐慶臻侵職,帝怒,詰改敕故。 四十八年掌左府事。 崇禎元年七月命提督京營。 大學士劉鴻訓至遣戍,慶 慶臻私請內閣, 於敕內

列

燔死。 臻以世臣停祿三年。 城、惠安獲存,慶臻卒殉國難。 南渡時、贈太師、惠安侯、諡忠武、合祀旌忠祠。初、世宗嘉靖八年革外戚世爵、惟彭 後復起,掌都督府。十七年,賊陷都城,慶臻召親黨盡散貲財,闔家自

爲皇后,安亦屢進官。宣德三年,后廢,胡氏遂不振。 爲皇太孫妃,擢光祿寺卿,子安爲府軍前衞指揮僉事,專侍太孫,不涖事。後太孫踐阼,妃 **胡樂,濟寧人。洪武中,長女入宮爲女官,授錦衣衞百戶。永樂十五年將册其第三女**

氏廢,貴妃爲皇后,封忠<u>會</u>昌伯。嘗謁告歸里,御製詩賜之,命中官輔行。 遷鴻臚寺序班,選其女入皇太孫宮。宣宗卽位,册貴妃,授忠中軍都督僉事。三年,皇后胡 孫忠,字主敬,鄒平人。初名愚,宣宗改曰忠。 初,以永城主簿督夫營天壽山陵,有勞, 比還,帝后臨幸

正統中,皇后爲皇太后。 忠生日,太后使使賜其家。 時王振專權,祭酒李時勉荷校國

慰勞。

妻董夫人數召入宮,賜賚弗絕。

勉獲 之。 太傅、安國公,改諡恭憲。 學門,忠附奏曰:「臣荷恩厚,願赦李祭酒使爲臣客。 命執家奴戍邊,忠不問。 | 忠家奴貸子錢於濱州民,規利數倍,有司望風奉行,民不堪,訴諸朝,言官交章劾 成化十五年再贈太師、左柱國。 景泰三年卒,年八十五,贈會昌侯,諡康靖。 坐無祭酒,臣不歡。」太后立言之帝,時 子五人:繼宗、顯宗、紹宗、續宗 英宗復辟,加贈

純宗官錦衣衞指揮僉事,早卒。

無掌後軍都督府事。 衣衞指揮使,壻指揮使武忠進都指揮僉事,蒼頭辈授官者十七人。五月,命督五軍營戎務 與弟顯宗率子、壻、家奴四十三人預奪門功,乞加思命。」由是顯宗進都指揮同知,子璉授錦 夫、柱國,身兔二死,子兔一死,世襲侯爵,諸弟官都指揮僉事者,俱改錦衣衞。 揮僉事,尋襲父爵。 繼宗,字光輔,章皇后兄也。 天順改元,以奪門功,進侯, 宣德初,授府軍前衞指揮使,改錦衣衞。 加號奉天翊衞推誠宣力武臣,特進光祿大 景泰初,進都指 復自言:「臣

悉得官,足矣。 左右又有爲紹宗求官者,帝召李賢謂曰:「孫氏一門,長封侯,次皆顯秩,子孫二十餘人 今又請以爲慰太后心,不知初官其子弟時,請於太后,數請始允,且不懌者

革家人、軍伴之授職者七人,餘不問。五年,曹欽平,進太保。 英國公張懋、太平侯張瑾及繼宗、紹宗並侵官地,立私莊。命各首實,懋等具服,乃宥之,典 莊 **首頌太后盛德,因從容言祖宗以來,外戚不典軍政。帝曰:「初內侍言京營軍非皇舅無可** 累日,曰:『何功於國,濫授此秩,物盛必衰,一旦有罪,吾不能庇矣。』太后意固 屬,太后實悔至今。」賢曰:「侯幸淳謹,但後此不得爲故事耳。」帝曰:「然。」已,錦衣逯杲奏 者悉逮問,還其 地於官。 石亨之獲罪也,繼宗爲顯宗、武忠及子孫、家人、軍伴辭職,帝止 尋以疾奏解兵柄,辭太保, 如此。」賢稽

繼宗 景 五年卒,年八十五,贈郯國公,諡榮襄。 **懇辭**,帝 年,兵科給事中章鎰疏言:「繼宗久司兵柄,尸位固寵,亟宜罷退,以全終始。」於是繼宗上疏 泰前,戚 爲首。 憲宗嗣位,命繼宗提督十二團營兼督五軍營,知經筵事,監修英宗實錄。 優詔許 臣 再覈奪門功,惟繼宗侯如故。 無典兵者,帝見石亨、張軏輩以營軍奪門,故使外戚親臣參之,非故 解營務,仍蒞後府事,知經筵,預議 再傳至會孫杲,詳世表中。 乞休,優詔不許。三年八月,實錄成,加太傅。 大政。 復辭,帝不許,免其奏事 朝有大議,必 事也。 承旨。 自 又

前 辟,太后復稱賢妃,降安爲府軍前衞指揮僉事。 亦屢擢都督僉事。 卒 衞 ,授安錦衣衛 指 吳安, 揮同知喜山 丹徒人。 百戶。 、指揮僉事廣林、〔三錦衣衞千戶誠,俱革職原籍閒住。 景泰七年封安安平伯。 父彦名, 有女入侍宣宗於東宮, 生景帝。 景帝嗣位,尊妃爲皇太后,安進本衞指揮使。 信早亡, 敬及其羣從南京錦衣衞指揮僉事 官其弟敬爲南京前軍左都督。 宣德三年册爲賢妃, 屢遷前府 尋命安爲錦衣衞 左都 智、府 督 英宗復 彦名已 一,弟信 軍

指揮使,子孫世襲。

官 正位中宮,擢貴中府都督同知。 至金吾右衞指揮使。貴嗣祖 錢貴,海州人,英宗睿皇后父也。祖整,從成祖起兵,爲燕山護衞副千戶。父通 一職,數從成祖、宣宗北征,屢遷都指揮僉事。 英宗數欲封之,后輒遜謝,故后家獨不獲封 正統七年,后將 一嗣職,

氏,而 幼 母 王氏援憲宗 以父錦衣故秩予優給。 貴卒,長子欽爲錦衣衞指揮使,與弟鍾俱歿於土木。 薄錢氏,故后家又不獲封。 外家王氏例 · 請封。 天順改元,累擢都督同知。 雄卒,子承宗亦屢官錦衣衛都指揮使。 乃封承宗安昌伯,世襲。 成化時,后崩。 欽無子,以鍾遺腹子雄爲後,年 先是, 勛臣莊田租 憲宗優生母 弘治二年,承宗祖 税皆有司代 外家周

列傳

收 ,至是王氏乞自收,始命願自收者聽,而禁管莊者橫肆。 嘉靖五年,承宗卒,四諡樂僖。

厚祿 襲,以錦衣終。 職 封,而軍功參半。 都督張泉封彭城伯,弟昇亦封惠安伯,外戚之封,自此始。循習至今,有一門數貴者,歲縻 世宗以外戚世封非祖制,下廷臣議。八年十月上議曰:「祖宗之制,非軍功不封。 ,終其身。」制曰:「可。」命魏、定、彭城、惠安襲封如故,餘止終本身,著爲令。 ,踰分非法。 子維圻嗣。 尋卒,承宗母請以庶長子維垣嗣,EB詔授錦衣衞指揮使。 其餘外戚恩封,毋得請襲。 臣等謹議:魏、定二公雖係戚里,實佐命元勛,彭城、惠安二伯卽以恩澤 有出特恩一時寵錫者,量授指揮,千、百戶之 已叉請嗣伯爵。 維垣遂不得 洪熙時,

使。 四弟皆奪官還故里。 城 兵馬 汪泉, 郣 並 司 指 擢 世爲金吾左衞指揮使,家京師。 左都 揮, 食祿不視 督,瑛弟亦授錦衣千戶 尋命暎錦衣指揮僉事,子孫世襲 事。 妃正位 一中宮,進泉都指 有差。 正統十年,其子瑛有女將册爲郕 英宗復位,泉仍居金吾舊職,暎錦衣舊職,其 揮 同 知府 軍 衞 帶 俸, 王妃,授瑛 瑛錦 衣 衞指 爲 揮 中

列傳第一百八十八 外戚

妃 其弟敏錦衣百戶。 爲 后。 杭昱,女爲景帝妃,生子見濟。 昱累官錦衣衞指揮使。 英宗復辟,盡奪景帝所授外親官,尤惡杭氏, 昱已前卒, 敏削職還里。 兄聚授錦衣千戶。 景泰三年,帝欲廢英宗子而立己子,乃廢皇后 聚尋卒,賜賻及祭葬。 七年, 后崩,官 汪氏, 册

周能,字廷舉,昌平人。 女爲英宗妃,生憲宗,是爲孝肅皇太后。 英宗復位,授能錦衣

衞千戶,賜賚甚渥。

賜莊 侯,子弟同日授錦衣官者七人,能追贈太傅、寧國公,諡榮靖。 壽以太后弟, 法,侵公家利,有司厭苦之。 無厭,執不許,孝宗竟許之。 田 嘗奉使,道呂梁洪,多挾商艘。 能卒,長子壽嗣職。 [甚多 了<u>其在寶坻</u>者已五百頃,又欲得其餘七百餘頃,詭言以私財相易。 頗恣横。 時方禁勛戚請乞莊田,壽獨冒禁乞通州田六十二頃,日 憲宗踐阼,擢左府都督同知。成化三年封慶雲伯, 十六年加太傅,弟長寧伯彧亦加太保,兄弟並爲侯伯,位三公, 又與建昌侯張延齡爭田,兩家奴相毆,交章 主事謝敬不可、壽與鬨、且劾之、敬坐落職。 孝宗立、壽加太保。 上聞。 贈能慶雲侯。 部劾 十七 不得已與 又數撓鹽 時壽所 《其貪求 年進

前 此未有也。 武宗立,汰傳奉官,壽子姪八人在汰中,壽上章乞留,從之。正德四年卒,贈

宣國公、諡恭和。

劾,停祿三月。 而瑛怙惡如故,又爲主事翁萬達所劾,詔革其廛肆,下家人於法司。 子瑛嗣、封殖過於父。嘉靖中、於河西務設肆邀商貨、虐市民、虧國課、爲巡按御史所 時已革

外戚世爵,瑛卒,遂不得嗣

戚經營私利,彧與壽寧侯張鶴齡至聚衆相關,都下震駭。 叢一 列 過十二人。 彧,太后仲弟也。 司執治以聞。 肆 身,非計之得。 通 憲宗皇帝詔,勛戚之家,不得占據關津陂澤,設肆開廛,侵奪民利,違者許 衢,邀截商貨,都城內外,所在有之。 今勛戚多者以百數,大乖舊制。 皇上踐極,亦惟先帝之法是訓是遵。而勛戚諸臣不能恪守先詔,縱家人 成化時,累官左府都督同知。二十一年封長寧伯,世襲。 觀永樂間榜例,王公僕從二十人,一品不 其間多市井無賴,冒名罔利,利歸羣小,怨 九年九月,尚書屠滽偕 九卿上言 弘治中,外 所在官

戒,擾商賈、奪民利者,聽巡城巡按御史及所在有司執治。仍考永樂間榜例,裁定勳戚 朝廷之威重。伏望綸音戒諭,俾各修舊好。 邇者長寧伯周彧、壽寧侯張鶴齡兩家,以瑣事忿爭,喧傳都邑,失戚里之觀瞻,損 凡有店肆,悉皆停止。更敕都察院揭榜禁

家人,不得濫收。

علاً 科 道 一亦以爲言,帝嘉納之。 武宗立,悉擢彧子塘等六人爲錦衣官。 十八年進太保。 |彧尋卒,傳子塘,孫大經,及會孫世臣,降授錦 | 彧求爲侯,東部言封爵出自朝廷,無請乞者,乃

衣衞指揮同

知

中,召入見。后且喜且泣,欲爵之不可,厚賜遣還。 神來,言后弟今在某所,英宗亦同時夢。 其後,周氏衰落,而慈仁寺莊田久猶存。 先是,孝肅有弟吉祥,兒時出游,去爲僧,家人莫知所在,孝肅亦若忘之。一夕,夢伽藍 旦遣小黄門,以夢中言物色,得之報國寺伽 憲宗立,爲建大慈仁寺,賜莊田數百頃。 藍殿

位中宫,拜中軍都督同知。四年進右都督。鎭爲人厚重淸謹,雖榮寵,不改其素,有長者 稱。 十年六月卒。弘治六年追封阜國公, [1] 諡康穆。 王鎭,字克安,上元人,憲宗純皇后父也。成化初,授金吾左衞指揮使。未幾,后將正 子三人:源,清,濬。

海縣民業。 源,字宗本,后弟也。父卒,授錦衣衞都指揮使。 十六年,給事中王垣等言:「永樂、宣德間,許畿輔八郡民盡力墾荒,永觅其稅, 外戚例有賜田,源家奴怙勢,多侵靜

列

傳

第

加太保。 所以培國本重王畿也。外戚王源賜田,初止二十七頃,乃令其家奴別立四至,占奪民產至 侯。[4]十六年加太保。 悉歸所占於民, 二千二百餘頃。 清,成化十八年授錦衣衛千戶,累官中軍都督同知。 嘉靖十三年卒。 及貧民赴告,御史劉喬徇情曲奏,致源無忌憚,家奴益横。今戶部郎中脹 人多其能改過。十八年擢中軍都督同知。二十年封瑞安伯。 武宗登極,進太傅,增祿至七百石。 弘治十年封崇善伯。 嘉靖三年卒,贈太師,諡榮靖。 弘治六年進 武宗嗣位,

封安仁伯,踰月卒,贈侯。 源子橋、濬子桓,皆嗣伯。 濬,成化十八年授錦衣衞百戶。 濟兄弟三人並貴顯,皆謙慎守禮,在戚里中以賢稱。 嘉靖中幷清子極皆以例降革。 兄淸每遷職,輒以濬代,歷官中軍左都督。 正德二年

萬貴、憲宗萬貴妃父也,歷官錦衣衞指揮使。 貴頗謹飭,每受賜,輒憂形於色曰:「吾起

子唇爲指揮使,與弟通、達等並驕橫。」貴每見諸子屑越賜物,輒戒曰:「官所賜,皆著籍。

福

過災生,未知所終矣。」時貴妃方擅寵,貴

掾史,編尺伍,蒙天子恩,備戚屬,子姓皆得官。

復宣索,汝曹將重得罪。」諸子笑以爲迂。成化十年卒,賻贈祭葬有加。

日

喜進,朝野苦之。 通妻王出入宮掖,大學士萬安附通爲同宗, 婢僕朝夕至王所, 謁起居。妖人李孜省輩皆緣 厭,造奇巧邀利。中官韋興、梁芳等復爲左右,每進一物,輒出內庫償,輦金錢絡釋不絕。 **方四歲,俱授官。** 四年進喜都指揮同知,通指揮使,達指揮僉事。通少貧賤,業賈。旣驟貴,益貪黷無 通死,帝眷萬氏不已,遷喜都督同知,達指揮同知。通庶子方二歲,養子 憲宗崩,言官劾其罪狀。 如如

自請之,帝詰勛。 後,乃以喜兄安之孫杰爲昌化伯。 後,及鷹卒,帝令鷹弟萱嗣。 年卒,無子,族人爭嗣 久不決。 邵喜,昌化人,世宗大母邵太后弟也。 大學士張璁等言:「邵氏子孫已絕,今其爭者皆旁枝,不宜嗣。」 **勛怒,錄邵氏爭襲章奏,計杰實他姓,請覆勘,帝不** 初, 太后入宮時,父林早歿。太后弟四人:宗、安、宜、喜。 **蕙姪錦衣指揮輔、千戶茂言,萱非嫡派,不當襲,** 明年,明倫大典成,命武定侯郭勛頒賜 世宗立,封喜昌化伯,明年卒。子蕙嗣,嘉靖六 聽。 戚畹,弗 時帝必欲 會給 **蕙母爭之**, 事中陸粲論 及 宗、宣無 杰。 爲喜立 議 杰

列

傳第

大 學士桂萼受杰賂,使奴隸冒封爵。 帝怒,下燦獄,而盡華外戚封,杰亦奪襲。

嗣 侯。 張 一巒,敬皇后 十六年,其弟延齡 父也。 亦由建昌伯進爵 弘治四年封壽寧伯。四立皇太子, 侯。 巒 起 諸 生,雖 貴盛,能敬 進爲侯。 禮 卒贈昌國公, 士大夫。 子鶴齡

獄,坐死,幷革鶴齡爵,謫南京錦衣衞指揮同知,太后爲請不得。 改 自是稍斂 子及鶴齡 世忠、主 實,坐奴如 稱皇伯 鶴齡兄弟並驕肆, 事 迹。 日: 母 律。 李夢陽皆以劾延齡幾得罪。 昭聖皇太后矣。 金夫人起更衣,因出遊覽。 正德中,鶴齡進太傅。 敬復 命, 縱家奴奪民田廬, 皇后怒, 帝以太后抑其母蔣太后故,衡張氏。 帝亦佯怒。 世宗入繼,鶴齡以定策功,進封昌國公。 帝獨召鶴齡語,左右莫得聞,遙見鶴齡兔冠首觸 他日,帝遊南宮,鶴齡兄弟入侍。 篡獄囚,數犯法。 已而 召敬曰:「汝言是也。」賜之金。 帝遣侍郎屠勳、 嘉靖十二年,延齡 酒半, 太監 時敬皇后已 皇后、 蕭敬 給事 有罪下 皇太 按得 中吳 地,

五百金。 祖仰 初,正德時,日者曹祖告其子鼎爲延齡奴,與延齡謀不軌。武宗下之獄,將集羣臣廷鞫 藥死。 索之急,遂與天文生董泉子至謀計祖前所首事,脅延齡賄。 時頗以祖暴死疑延齡,而獄無左證,遂解。 指揮司聰者,爲延齡行錢,負其 延齡執聰幽殺之,令

旣貴 ,服食如布 衣時,見者 不知爲外戚也。 十年以壽終,子臣嗣伯。

部 聰子昇焚其屍,而折所負券。 速 延齡及諸 奴雜治 延齡 嘗買沒官第宅,造園 昇噤不敢言,常憤詈至。 池,僭侈 至慮事發, 踰 制 又以私憾殺婢及僧,事幷 乃摭聰前奏上之。 下刑

發覺。 刑部治延齡謀不 ·軌,無驗,而違制殺人皆實,遂論 死

等,而延齡長繫如故。 道,義不可赦。」疏奏,帝頗悟。指揮王佐典其獄,鈎得東山情,奏之。乃械死東山,赦讓、鏸 讓 齡 內帑 巫蠱之禍。 復 自 獄 誣 中 告延齡幷搆讓及遂安伯陳鏸等數十人,冀以悅上意而脫己罪。奏入,下錦衣衞窮治, 「南京赴逮,瘐死,期、雲鶴亦坐誣謫戍。 又明年,東山 ,所告連數十百人。 上 獄四年 |疏言: 「東山扇結奸黨,圖危宮禁。 陛下有帝舜底豫之孝,而東山敢導陛下以暴秦遷母之謀。離間骨肉,背逆不 獄 囚 劉東山發延齡手書訕上,東山 太后崩之五年,延齡斬西市。 明年,奸人班期、于雲鶴又告延齡兄弟挾左道祝詛,辭及太后。 陛下有帝堯旣睦之德,而東山敢爲陛下言漢武 得免成,又陰構奸人劉琦誣延齡盜宮禁 以射父亡命,爲御史陳讓所捕獲, 鶴

夏儒 毅皇后父也。 正德二年以后父封慶陽伯。 爲人長厚,父瑄疾,三年不去左右。 嘉靖八年罷

高。 坊。 帝怒, 明年詔復營第於西安門外,費帑金數十萬。 陳萬言,肅皇后父也,大名人,起家諸生。 逮營繕郎翟璘下獄。言官余瓚等諫,不省。 嘉靖元年授鴻臚卿,改都督同知, 工部尚書趙璜以西安門近大內,治第毋過 尋封萬言泰和伯, 子紹祖授尚 賜第黃華

司丞。

之。 萬言曾不動念,益請莊田。小民一廛一畝,終歲力作,猶不足於食,若又割而畀之貴戚,欲 不得嗣封。 無流亡,不可得也。伏望割恩以義,杜漸以法, 雪,急起大第,徒役疲勞,怨咨載道。 「萬言拔跡儒素,聯婚天室,當躬自檢飭,爲戚里倡,而僭冒陳乞,違越法度。 巡撫劉麟、御史任洛復言不宜奪民地,弗聽。 又明年,萬言乞武清、東安地各千頃爲莊田, 方今災沴相繼,江、淮餓死之人,掘穴掩埋,動以萬計。 一切裁抑,令保延爵祿。」帝竟以八百頃給 七年,皇后崩,萬言亦絀。十四年卒,子 詔戶部勘閒地給之。 給事中張漢卿言: 去歲深冬冱

廢,后由妃册爲皇后,遷銳都指揮使。 子承裕嗣。 方銳,世宗孝烈皇后父也,應天人。后初為九嬪,銳授錦衣正千戶。嘉靖十三年,張后 隆慶元年用主事郭諫臣言,罷襲。 **扈**蹕南巡,道拜左都督。旣封安平伯,尋進封侯。卒,

以退讓。萬曆中卒,太后、帝及中宮、潞王、公主賻贈優厚,人皆樂之。 戶。隆慶元年封固安伯。景行素恭敬,每遇遣祀、册封諸典禮,必齋戒將事。家居,誠諸子 陳景行,穆宗繼后陳皇后父也。先世建昌人,高祖政以軍功世襲百戶,調通州右衞,遂 景行故將門,獨嗜學,弱冠試諸生高等。穆宗居裕邸,選其女爲妃,授景行錦衣千

封。 帝曰:「承恩、孫、文全、子也、不可比。」以都督同知授之。 子昌言、嘉言、善言、名言,皆官錦衣。昌言先景行卒,其子承恩引李文全例,請襲祖

此 見骨相,當位極 李偉,字世奇,漷縣人,神宗生母李太后父也。 |人臣。」|嘉靖中,偉夢空中五色彩輦,旌幢鼓吹導之下寢所,已而生太后。 兒時嬉里中,有羽士過之,驚語 人曰:

列傳

百

避警, 放骫祖宗法。 神宗立,封武淸伯,再進武淸侯。 家入京 以是,偉益小心畏愼,有賢聲。 師 居久之,太后入裕邸,生神宗。 太后能約束其家, 萬曆十一年卒,贈安國公,諡莊簡 偉嘗有過, 隆慶改元,立皇太子,授偉都督同 太后召入宫切责之,不以父 知。

能應。 案,銘誠幸獲免。人之,大學士薛國觀請勒勛戚助軍餉。 懼 后,后曰:「但迎女,秋毫無所取可也。」諸戚畹人人自危。會皇五子疾亟,李太后憑而言。帝 兄國臣 逐 ",悉還李氏產,復武清爵,而皇五子竟殤。或云中人搆乳媼,教皇五子言之也。未幾,國觀 以事誅。 子文全嗣侯,卒,子銘誠嗣。 帝怒,奪國瑞爵,遂悸死,有司復繫其家人。 與爭產,言父遺貲四十萬,願輸以佐軍興。 天啓末, 銘誠頌魏忠賢功德, 帝初不允,至是詔借餉 國瑞女字嘉定伯周奎孫,奎請於莊烈 時銘誠已卒,子國瑞當嗣 建祠 名鴻勛。 如 國臣言,國瑞 莊烈帝定逆 爵,其庶 不

閣 大學士張居正等言「正德時例,世宗悉已釐革,請授棟錦衣衞指揮愈事,俊千戶,如前議。」 臣 請俱授錦衣正千戶。 王偉,神宗顯皇后父也。 帝曰:「正德時,皇親夏助等俱授錦衣指揮使, 萬曆五年授都督。 尋封永年伯。 帝欲加恩偉子棟及其弟俊, 世襲,今何薄

等,不宜授任子。妃家蒙恩如是,何以優后家。」不報。 官至都督同知,卒。 鄭承憲,[10]神宗鄭貴妃父也。 子國泰請襲, 貴妃有寵,鄭氏父子、宗族並驕恣,帝悉不問。 帝命授都指揮使。 給事中張希皐言:「指揮使下都督 承憲累

帝怒,士衡、玉衡皆永戍。 污衊皇貴妃。帝怒。憂危竑議者,不知誰所作,中言侍郎呂坤搆通宮掖,將與國泰等擁戴 位不宜久虚。大學士沈一貫左右於帝,弗聽。 萬曆二十六年,承恩復上疏劾給事中戴士衡、知縣樊玉衡,妄造憂危竑議,離間骨肉, 是時,廷臣疑貴妃謀奪嫡,羣以爲言。國泰不自安,上疏請立太子,其從子承恩亦言儲 而士衡前嘗論坤與承恩相結,玉衡方抗言貴妃沮立太子,疏並留中,故承恩指兩人。 廷臣益忿鄭氏。 久之,皇太子立。 詔奪國泰俸,而斥承恩爲民,然言者終不息。

深等傳。 差,差指貴妃宮監。 四十三年, 國泰官左都督,病死,子養性襲職。 男子張差持梃入東宮, 主事陸大受、給事中何士晉遂直攻國泰。 被擒。言者皆言國泰謀刺皇太子。 天啓初,光祿少卿高攀龍、御史陳必謙追論其 帝以貴妃故,不欲竟事,詳之 主事王之宋鞫

列傳

第

百 八

+

八

外

戚

罪,且言養性結白蓮賊將爲亂。 詔勒養性出京師,隨便居住。 魏忠賢用事,宥還

子國與嗣。 王昇,熹宗生母孝和太后弟也。 父鉞。 崇禎十七年,京師陷,被殺。 天啓元年封昇新城伯。 尋以皇子生,進侯。卒,

應元早卒,帝卽位,封太后弟效祖新樂伯,卽文炳父也。 崇禎八年卒,文炳嗣。 是年,文炳 大母除年七十、賜寶鈔、白金、文綺。帝謂內侍曰:「太夫人年老,猶聰明善飯,使太后在,不 知若何稱壽也。」因愴然泣下。 劉文炳,字淇筠,宛平人。祖應元,娶徐氏,生女,入宮,卽莊烈帝生母孝純皇太后也。 九年進文炳爲新樂侯,其祖、父世贈爵如之。

繼祖,弟文燿、文照俱晉爵有差。 |炳第,敕徐口授,繪像以進,左右咸驁曰:「肖。」帝大喜,命卜日具鹵簿,帝俯伏 入,安奉奉慈殿,朝夕上食如 十三年,宮中奉太后像,或曰未肖。帝不懌,遣司禮監太監王裕民同武英殿中書至文 生。 因追贈應元瀛國公,封徐氏瀛國太夫人,文炳晉少傅,叔 歸 極門,迎

必能 成據三秦,破楡林,將犯京師。 帝遣文炳視鳳陽祖陵,密諭有大事上聞。 馬都尉鞏永固善。 滅賊,後兩人果殉國難。 文 | 炳母杜氏賢, 每謂文炳等曰: 「吾家無功德, 直以太后故, 受此大恩, 當盡忠報天子。」 時天下多故,流賊勢益張,文炳與尼麓等講明忠義,爲守禦計。 文炳謹厚不妄交,獨與宛平太學生申湛然、布衣黃尼麓及駙 文炳知勢不支,慷慨泣下,謂永固曰:「國事至此,我與公受 文炳歸,奏史可法、張國維忠正有方略,宜久任, 及李自

之,以內帑乏,不果行。 十七年正月,帝召文炳、 永固等問國事。 二人請早建藩封,遣泳、定二王之國。 帝是

國恩,當以死

報。

固守崇文門。 踉蹌至,謂文炳曰:「城將陷,君宜自爲計。」文炳母杜氏聞之,卽 太夫人年篤老,不可俱燼,因與文炳計,匿之申湛然家。 八繯,命家僮積薪樓下,隨遣老僕鄭平迎李氏、吳氏二女歸,曰:「吾母 三月初一日,賊警益急,命文武勛戚分守京城。 文炳以繼祖、文燿皆守城、故未有職事。 繼祖守皇城東安門,文燿守永定門,永 十六日,賊攻西直門,勢益急。 命侍婢簡笥滌於樓上,作七 女同死此。」又念瀛國 尼麓

|炳背曰:「太夫人旣得所,我與若妻妹死耳,復何憾。」文炳偕永固謁帝,時外城已陷。 十八 日,帝遣內使密召文炳、永固。 文炳歸白母曰:「有詔召兒,兒不能事母。」母拊文 帝曰:

列

當闔門焚死,以報皇上。」帝曰:「朕志決矣。朕不能守社稷,朕能死社稷。」兩人皆涕泣誓效 「二卿所糾家丁,能巷戰否。」文炳以衆寡不敵對,帝愕然。 ,出馳至崇文門。須臾賊大至,永固射賊,文炳助之;殺數十人,各馳歸第。 永固奏曰:「臣等已積薪第中,

氏見大宅火,亟登樓自焚,妾董氏、李氏亦焚死。初一文燿見外城破,突出至渾河,聞內城 破,復入,見第焚,大哭曰:「文燿未死,以君與母在。 拊 版井旁曰「左都督劉文燿同兄文炳畢命報國處」,亦投井死,闔門死者四十二人。 止曰:「戎服也,不可見皇帝。」湛然脫己幘冠之,遂投井死。繼祖歸,亦投井死。繼祖妻左 不得入,入後園,適湛然、尼麓至,曰:「鞏都尉已焚府第,自刎矣。」文炳曰:「諾。」將投井,忽 照及二女從之,文炳妻王氏亦登樓。 懸孝純皇太后像,母率衆哭拜,各縊死。 ·母背連呼曰:「兒不能死矣,從母命,留侍太夫人。」遂逃去。家人共焚樓。<u>文</u>炳歸,火烈 十九日,文照方侍母飯,家人急入曰:「城陷矣」文照盌脫地,直視母。母遽起登樓,文 今至此,何生爲」。遂覓文炳死所,大書 文照入繯墮,

投觀象臺 蓋 門赴井 是時,惠安伯張慶臻集妻子同焚死。新城侯王國興亦焚死。自己宣城伯衞時春懷鐵券, 下井 死。 中死。 與永固射賊楊光陛者、駙馬都尉子也,被甲馳突左右射,與永固相失,矢盡, 而湛然以匿瀛國爲賊所拷掠,終不言,體糜爛以死。 福王時,諡文炳

忠壯,文燿忠果。

事,以揻后。 國紀,使其黨劉志選、梁夢環先後劾國紀謀占宮婢韋氏,矯中宮旨鬻獄。 張國紀,祥符人,熹宗張皇后父也。 大學士李國僧曰:「君后,猶父母也,安有勸父搆母者。」國紀始放歸故郡,忠賢 天啓初,封太康伯。 魏忠賢與客氏忌皇后,因謀陷 忠賢將從中究其

猶欲掎之,莊烈帝立,乃得免。

崇禎末,以輸餉進爵爲侯,旋死於賊。

奎及田貴妃父弘遇、袁貴妃父祐,宜恪遵法度,爲諸戚臣先。 周奎,蘇州人,莊烈帝周皇后父也。 崇禎三年封嘉定伯,賜第於蘇州之葑門。 帝嘗諭

外戚中,碌碌而已。

此,國事去矣。」奎不得已奏捐萬金,且乞皇后爲助。及自成陷京師,掠其家得金數萬計,人 以是笑奎之愚云。 李自成逼京師,帝遣內侍徐高密諭座倡勛戚輸餉,奎堅謝無有。高憤泣曰:「后父如

校勘記

- 張麒 原作「張騏」, 據本書卷一〇八外戚恩澤侯表、 卷一一三后妃傳及仁宗實錄卷四下永樂
- 二十二年十一月丁酉條改。卷目照改。
- 六年三月充總兵官 (「騏」當作「麒」)及武宗實錄卷七三正德六年三月庚午條改。 三月, 原作 「二月」,據本書卷一八七馬中錫傳、明史稿傳一 七七張騏傳
- 指揮僉事廣林 廣林,原作「林廣」,據明史稿傳一七七吳安傳及英宗實錄卷二七五天順元年二
- / | | 嘉靖五年承宗卒 五年,原作「四年」,據明史稿傳一七七錢貴傳及世宗實錄卷六〇嘉靖五年
- 二五 承宗母請以庶長子維垣嗣 承宗母,世宗實錄卷一〇五嘉靖八年九月壬子條作「承宗妻」。

正

月庚戌條改。

月

庚子條改

ァマ 通州田六十二頃 憲宗實錄卷五三成化四年四月庚寅條、

六十三頃」。

- 錄卷七四弘治六年四月癸丑 弘治六年追封阜國公 弘治六年,原作「弘治五年」,據本書卷一〇八外戚恩澤侯表及孝宗實 一條改。
- 弘治六年進侯 按孝宗實錄卷七〇王源在弘治五年十二月己亥已爲瑞安侯。

記

八九山 弘治四年封壽寧伯 弘治四年,孝宗實錄卷六六弘治五年八月己酉條作「弘治三年」。

鄭承憲 原作「鄭成憲」,據本書卷二一七沈經傳、又卷二三三陳登雲傳及神宗實錄卷二一〇

萬曆十七年四月戊子條改。

王國興亦焚死

王國興、原作「王國典」,據本卷王昇傳及卷一〇八外戚恩澤侯表改。

明皮卷三百一

列傳第一百八十九

列女一

越跌宕可喜之思,故其傳尤遠,而其事尤著。然至性所存,倫常所係,正氣之不至於淪澌, 道,流俗所震駭,胥以至奇至苦爲難能。而文人墨客往往借俶儻非常之行,以發其偉麗激 顯沛,殺身殉義之事。蓋輓近之情,忽庸行而尚奇激,國制所褒,志乘所錄,與夫里巷所稱 戒,不存一操。范氏宗之,亦采才行高秀者,非獨貴節烈也。魏、隋而降,史家乃多取患難 之修,王化之行,具可考見。其變者,行露、柏舟,一二見而已。劉向傳列女,取行事可爲鑒 而斯人之所以異於禽獸,載筆者宜莫之敢忽也。 婦人之行,不出於閨門,故詩載關雎、葛覃、桃夭、芣苩,皆處常履順,貞靜和平,而內行,

明興,著爲規條,巡方督學歲上其事。大者賜祠祀,次亦樹坊表,鳥頭綽楔,照耀井閭, 列 傳第一百八十 九 列 女一 七六八九

七六九〇

乃至 藝顯,要之節烈爲多。 一僻壤下戶之女,亦能以貞白自砥。 嗚呼! 何其盛也。 其著於實錄及郡邑志者,不下萬餘人,雖問 豈非聲教所被,廉恥之分明,故名節重 而 蹈 有以文 義 勇

不可勝計,存其什一,亦足以示勸云。

今掇其尤者,或以年次,或以類從,具著於篇,視前史殆將倍之。

然而姓名湮滅者,尚

敷。

孫義婦 吳氏 月娥 貞女韓氏 畢氏 劉孝婦 梁氏 黄善 石孝女 聰 甄氏 馬氏 姚孝女 湯慧信 諸娥 義姑 蔡孝女 温氏 丁氏 義婢妙聰 招遠 石氏 陳氏 孝女 楊氏 郭氏 徐孝女 盧 張氏等 幼溪女 佳 娘 施氏 高氏 程氏

章銀兒 莊氏 義 汪 一烈婦 | 妾張 唐氏 氏 茅氏 竇妙善 王氏 襲烈婦 招 ·囊猛 易氏 石門丐婦 江氏 鍾氏 淩氏 范氏二女 四節婦 杜氏 賈氏 義 丁美音 宣氏 婦楊氏 胡氏 孫氏 成氏 陳宗球妻史氏 史氏 徐氏 興安二女子 林端娘

王妙

鳳

唐貴梅

張氏

楊泰

奴

張氏

陳氏

秀水張氏

歐陽金貞

月娥 ,西域人,元武昌尹職馬祿丁女也。少聰慧,聽諸兄誦說經史,輒通大義。

湖葛通甫,事上撫下,一秉禮法。

長姒盧率諸婦女,悉受其敎。

長適蕪

死。 諸婦 南、題曰十女墓。娥弟丁鶴年,幼通經史,皆娥口授也。 諸婦女相從投水者九人,方盛暑,屍七日不浮,顏色如生。 女往避之。未幾,寇至,城陷,月娥歎曰:「吾生詩禮家,可失節於賊邪」,抱幼女赴水 太祖渡江之六年,爲漢兵自上游而下,盧曰:「太平有城郭,且嚴兵守,可恃。」使月娥挾 後通甫與盧皆死於寇。 鄉人為巨穴合葬之故居之

踰 姑 湯藥,驅蚊 月而 道 二十錠, 海 劉 卒, 孝婦,新樂韓太初妻。 刺血 蠅不離 命有司還其喪, 殯之舍側。 和藥以 側。 進。 姑體腐,蛆生席間,爲齧 欲還葬舅塚,力不能舉喪,哀號五載。 抵和州,夫卒,劉種蔬給姑食。 旌門閭,復徭役 太初,元時爲知印。 蛆,蛆不 洪武初, ·復生。 越二年, 例徙和州, 太祖聞之,遣中使賜衣一襲、 及姑疾篤,刲肉食之,少甦, 姑患風疾不能 挈家行。 起, 劉事 晝夜奉 姑

同 時甄 列 傅 氏, 第 欒城李大妻,事姑孝。 百 八 + 九 列 女 姑壽九十一卒,甌廬墓三年,旦暮悲號,亦被旌

煥亦罹罪。 娥輾轉其上,幾斃,事乃聞,勘之,僅成一兄而止。娥重傷卒,里人哀之,肖像配曹娥廟。 孝女諸娥,山陰人。父士吉,洪武初爲糧長。有黠而逋赋者,誣士吉於官,論死,二子炳、 娥方八歲,晝夜號哭,與舅陶山長走京師訴冤。 時有令,冤者非臥釘板,勿與勘

謂家人曰:「此輩無禮,必辱我,非死無以全節。」肩輿過陰澤,崖峭水深,躍出赴水,衣厚不 能沈,從容以手斂裙,隨流而沒,年二十八,時稱其處爲夫人潭。 有司按籍取之,監護者見丁色美,借梳掠髮,丁以梳擲地,其人取掠之,持還丁。丁罵不受, 鄭煁妻石氏。煁,浦江鄭泳孫也。洪武初,李文忠薦諸朝,屢遷藏庫提點,坐法死。石 唐方妻,浙新昌丁氏女,名錦孥。洪武中,方爲山東僉事,坐法死,妻子當沒爲官婢。

當遣配,泣曰:「我義門婦也,可辱身以辱門乎!」不食死。

球亦在戍中。 卒戍所,楊與姑撫諸叔成立,以夫從子孔武爲嗣,苦節五十餘年。 楊氏,慈谿人,字同邑鄭子琜。洪武中,子琜父仲徽戍雲南。 楊年甫十六,聞子琢母老弟幼,請於父母,適鄭養姑,以待子琢之返。子琢竟 明制,子成丁者隨遣,子

不省人事,服勤八年弗怠,三人皆楊氏夫族,先後早寡,皆以節聞。 其後,鄭煥妻張氏,嫁未旬日,泰然妻嚴氏生子一蘭,方孩抱,栻妻王氏事夫癎病,狂 萬曆中,知府鄒希賢題

日 鄭氏節門,以比浦江鄭氏義門云

入伍 同 時從軍者莫不驚異。 ,轉戰七年,人莫知其處女也。 貞女韓氏,保寧人。元末明玉珍據蜀,貞女慮見掠,僞爲男子服,混迹民間。 洪武四年嫁爲尹氏婦。成都人以韓貞女稱。 後從玉珍破雲南還,遇其叔父贖歸成都,始改裝而行, 旣而被驅

以聘,判爲夫婦 如失,歸告母求婚。 聰以死自誓。乃呼鄰嫗察之,果處子也。相持痛哭,立爲改裝。明日,英來,知爲女,怏怏 後偕返南京省其姊。姊初不之識,詰知其故,怒詈曰:「男女亂羣,辱我甚矣。」拒不納。善 父死,善聰習其業,變姓名曰張滕。有李英者,亦販香,與爲伴侶者踰年,不知其爲女也。 其後有黃善聰者,南京人。年十三失母,父販香廬、鳳間,令善聰爲男子裝從遊數年。 善聰不從,日:「若歸英,如瓜李何。」鄰里交勸,執益堅。 有司聞之,助

姚孝女,餘姚人,適吳氏。 母出汲,虎銜之去,女追掣虎尾,虎欲前,女掣益力,尾遂脫,

虎負痛躍去。負母還,藥之獲愈,奉其母二十年。

後成化間,武康有蔡孝女,隨母入山採藥。虎攫其母,女折樹枝格鬭三百餘步。虎舍

其母,傷女,血歕丈許,竹葉爲赤,女亦獲全。

雷電擊蟒墮女前,腹裂見父屍。 後招遠有孝女,不知其姓。父採石南山,爲蟒所吞。 女負土掩埋,觸石而死。 女哭之,願見父屍同死。俄頃大

子,擇壻而嫁,毋守死,徒自苦也。」施泣曰:「君尙不知妾乎!願先君死。」「禾固止之,因取「禾 旣殮,哭輒僵仆,積五六日,家人防懈,潛入寢室自經。 盧佳娘,福清李廣妻。婚甫十月,廣暴卒,盧慟絕復甦,見廣口鼻出惡血,悉餂食之。 又有施氏,滁州彭禾妻。 正德元年,不得疾不起,握手訣曰:「疾憊甚,知必死。 後其縣有游政妻倪氏殉夫,亦然 汝無

所嘔血盡吞之,以見志。及禾歿,即自經。

兄,鬻次女爲資,獨抵臨洺,覓舅姑瘞處不得,號泣中野。 恥發狂死。 吳氏 ,路州廩生盧淸妻。 吳聞計,痛絕,哭曰:「吾舅姑委骨於北,良人死,忍令終不返乎」」乃寄幼孤於姊 舅姑歿於臨洺,寄瘞旅次。清授徒自給,後失廩,充掾於汴,憤 忽一丈夫至,則淸所授徒也,爲指

示,收二骸以歸。復冒暑之汴,負夫骨還。 三喪畢舉,忍餓無他志。 學正劉崧言於知州馬

暾,贖其女,厚恤之。年七十五乃卒。

舅姑及夫骨還葬。 氏年三十三,無子女,獨歸里中,忍饑凍,晝夜紡織,積數年,市地城北八里莊,獨之景州,負 後有畢氏,河間鄧節妻。年饑,攜家景州就食,舅姑相繼亡,節亦尋歿,俱藁葬景州。

何也?」母告之故,女大悲憤 日,父脱歸,置吳家。吳兄弟懼連坐,殺置大窖中,母不敢言。及女長,問母曰:「我無父族 石孝女,新昌人。 襁褓時, 父潛坐事籍沒, 繫京獄。 母吳以漏籍獲免, 依兄弟爲生。

死,不欲爲讐人婦也。」號慟數日亦死。 曰:「事非我主,奈何。」女頷而不答。 永樂初,年十六,舅氏主婚配族子。 嫁之日,方禮賓,女自經室中。 有司聞之,治殺潛者罪。 女白母曰:「殺我父者,吳也。 母仰天哭曰:「吾女之 奈何爲父讐婦。」母

利其居,迫使歸 湯慧信,上海人。 家,婦曰:「我鄧家婦,何歸乎?」族知不可奪,貿其居於巨室。 通孝經、列女傳,嫁華亭鄧林。 林卒,婦年二十五,一 女七歲。 婦泣曰:「我收 鄧族

列傳第

百八十

九

列女

夫骨於茲土,與同存亡,奈何棄之。」欲自盡, 巨室義而去之。 婦尋自計曰:「族利我財耳。」

乃出家資,盡畀族人,躬績絍以給。

守此六十年,因巨浸以從汝父,所甘心焉,復何往一日女方相牽未捨,水至,陽竟溺 歲大水,居荒野沮洳中。 其女適人者,操舟來迎,不許。 請暫憩舟中,亦不許,曰:「我 死。

死,以李有娠,恐水冷有所害,遂負之於背。賊退,孟詰弟仲詰求三人井中,以索引嫂妹出, 妻||李謂夫妹曰:「我命婦,與若皆宦門女,義不可辱。」相挈投井中,妙聰亦隨入,見二人俱未 而婢則死矣。 義婢妙聰,保安右衞指揮張孟喆家婢也。 永樂中,調兵操宣府,孟喆在行。北寇入掠,

愈。」女遂請吮,母難之。女悲啼不已,母不得已聽之,吮數日,果愈。 徐孝女,嘉善徐遠女也。年六歲,母患臁瘡。女問母何以得愈,母謾曰:「兒 吮 之 廼

歿,氏以禮殯葬,時年五十矣。泣謂子剛曰:「我父,洪武問舉家客河南虞城。父死,旅葬城 高氏女、武邑人、適諸生陳和。和早卒、高獨持門戶、奉翁姑甚孝。 及宣德時,翁姑並

輞宛然。遠近觀者咸驚異,助之歸,啓母寔同葬。 塚纍纍不能辨。氏以髮繫馬鞍逆行,自朝及夕,至一小塚,鞍重不能前,即開其塚,所識車 在堂、當朝夕侍養也。今大事已畢、欲昇吾父遺骸歸合葬。」剛唯唯,隨母至虞城,抵葬所, 北 母母 以棗木小車輞識之。比還家,母亦死,弟懦不能自振。吾三十年不敢言者,以汝王母

孫義婦,慈谿人。 歸定海黃誼昭,生子潛。未幾夫卒,孫育之成立,求兄女爲配。甫三

年,生二子,湑亦卒。

嗟歎久之,次日卽爲奏請,遣官偕有司相度成之,起自龍山,迄於觀海,永殆潮患。 荒,乞築海塘障之。」義見其孤苦,詰曰:「何爲不嫁。」對曰:「餓死事極小,失節事極大。」義 廟祀之塘上。 時田賦皆令民自輸,孫姑婦相率攜幼子輸賦南京,訴尚書蹇義,言:「縣苦潮患,十年九 慈谿人

十餘 年不通問。 梁氏,大城尹之路妻。 氏事翁姑,艱苦無怨言。夫客死,氏徒步行乞,迎夫喪,往返二千里,迄扶 嫁歲餘, 夫乏食出遊山海關, 賣熟食爲生。 又娶馬氏, 生子二,

列傳第一百八十九 列女一

柩攜後妻二子

以歸,里人歎異。

以與 、婦、馬 **余佈妻馬氏,吳縣人。歸五年,夫死無子,家酷貧。姑欲奪其志,有田二畝半,得粟不** 不爲動。 姑潛納他人聘,一夕鼓吹臨門,趣治妝,馬入臥室自經死,几上食器,糠

 粘 倘 存 。

事,母及二嫂守貞數十年,姑更以義著。鄉人重之,稱爲四忠三節一義之門。 底成立。全嗣職,傳子禧、孫椿,皆奉姑訓惟謹。姑年七十餘卒。 男,名之曰全。姑喜曰:「萬氏有後矣。」乃與諸嫠共守,名閥來聘,皆謝絕之,訓全讀書,迄 月, 姑旦暮拜天哭告曰:「萬氏絕矣, 願天賜一男, 續忠臣後。我矢不嫁, 共撫之。」已果生 武,皆襲世職,戰死,旁無期功之親。繼母曹氏,兩嫂陳氏、吳氏,皆盛年孀居。吳遺腹僅六 義姑萬氏,名義顓,字祖心,鄭人,寧波衞指揮僉事鍾女也。幼貞靜,善讀書。 姑之祖斌及父兄並死王 兩兄文、

五乃嫁,終無子。二弟迎歸,母事之。 酒食款。 其有,日眈眈於旁。 後有陳義姑者,沙縣陳穗女。年十八,父母相繼卒,遺二男,長七歲,次五歲。親族利 叩者告曰:「吾輩夜行滅火,就求燭耳。」自此窺伺者絕意。及二弟畢婚,年四十 姑矢志撫弟,居常置帚數十。族兄弟暮夜叩門,姑燃帚照之,亟啓戶具

|郭奮罵,投百尺巖下,與兒俱碎亂石間,胎及腸胃迸出,狼籍巖下。賊據高瞰之,皆歎曰: 郭氏,大田人。 鄧茂七之亂,鄉人結寨東巖。 寨破,郭褓幼兒走,且有身,爲賊所驅

「眞烈婦也」壓之去。

過,當從一人而終。」二賊爭趨挽,至橋半,女視溪流湍急,拽二賊投水中,俱溺死。 同時有幼溪女,失其姓名。茂七破沙縣,匿草間,爲二賊所獲。 遇溪橋,貞女曰:「扶我

懷孕四月矣,或曰:「得男可延夫嗣,徒死何爲。」答曰:「吾亦知之,倘生女,徒苟活數月耳。」 程氏,揚州胡尚絅妻。尚絅嬰危疾,婦刲腕肉噉之,不能咽而卒。婦號慟不食二日

因復食,彌月果生男。

其餘散家人幷鄰嫗嘗通問者,復自卜曰:「十八、九日皆良,吾當逝。 二日,父母遣幼弟至,婦曰:「是可白吾志。」自是滴水不入口,徐簡匳中簪珥,令辦後事,以 救,以灰和之置 曰:「爾父母家二百里內,若不俟面訣乎。」婦曰:「可急迎之。」日飮米瀋一匙以待。 明 《年殤,卽前語翁姑曰:「媳不能常侍奉,有娣姒在,無悲也。」復絕食,越二日其姑撫之 |牀頭,附吾左腕,以示全歸。」 遂卒。 向曾刲肉救夫,夫不可 逾十有

列

傳第

百 八

妙鳳 乃絕。 取酒、挈瓶不進。 王妙鳳,吳縣人。適吳奎。姑有淫行。 父母欲訟之官,妙鳳曰:「死則死耳,豈有婦訟姑理邪。」逾旬卒。 頻促之,不得已而入。 正統中,奎商於外。 姑所私戲紾其臂。 妙鳳憤,拔刀斫臂不殊,再 姑與所私飲,并欲污之,命

數矣。 惡何。」夜易服,自經後園梅樹下。及旦姑起,且將撻之。至園中乃知其死,尸懸樹三日,顏 百 生。 端 ·勿聽,加箠蹙勿聽,繼以炮烙,終不聽。 乃以不孝訟於官。 通判某受商賂,拷之幾死者 唐貴梅者,貴池人。適同里朱姓。姑與富商私,見貴梅悅之,以金帛賄其姑,誨婦淫者 商冀其改節,復令姑保出之。親黨勸婦首實,婦曰:「若爾,妾之名幸全,如播姑之

前刺其頸,一人刺其脅,又核其陰。 者、最桀黠、羣黨皆聽其指使。於是與姑謀、遣其子入縣爲卒,而巖等日夕縱飲。 明日召諸 婦共坐,不應。 巖怒走出,婦自投於地,哭終夜不絕,氣息僅屬。 其後,嘉靖二十三年,有嘉定張氏者,嫁汪客之子。其姑多與人私,諸惡少中有胡巖 惡 少酣飲。 巖從後攫其梳,婦折梳擲地。 二鼓共縛婦,槌斧交下。 舉尸欲焚之,尸重不可舉,乃火其室。 婦痛苦宛轉曰:「何不以利刃刺我。」一人乃 頃之,巖徑入犯婦。 詰旦,巖與姑恐事洩,繁諸牀足守之。 婦大呼殺人,以杵擊 鄰里救火者蹋門 一日,呼

十九。邑故有烈婦祠,婦死前三日,祠旁人聞空中鼓樂聲,火炎炎從祠柱中出,人以爲貞婦 入,見嚇然死人,驚聞於官。 官逮小女奴及諸惡少鞫之,具得其實,皆以次受刑。 婦死時年

死事之徵云。

膝攣疾,亦愈。 一日薄暮,剖胸取肝一片,昏仆良久。及甦,以衣裹創,手和粥以進,母遂愈。母宿有 楊泰奴,仁和楊得安女。許嫁未行。天順四年,母疫病不愈。泰奴三割胸肉食母,不

下,得膜如絮,以手探之沒腕,取肝二寸許,無少痛,作羹以進姑,病遂瘳。 後有張氏,儀眞周祥妻。姑病,醫百方不效。一方士至其門曰:「人肝可療。」張割左脅

瑄,求陳骨合焉。 以葬。 媒氏置瑄懷。 陳氏,祥符人。 女遂素服以居。亡何,父母謀改聘,女縊死。 汴俗聘女,以金書生年月日界男家,號定婚帖。 二骨朽矣,髮及定婚帖鮮完如故。 字楊瑄,未嫁而瑄卒。 女請死,父母不許,欲往哭,又不許。私剪髮,屬 後五十三年,至正德中,瑄姪永康改葬 葬三年,岐穀、丫瓜產墓 瑄母乃以帖裹其髮,置瑄懷 上。

張氏,秀水人。年十四,受同邑諸生劉伯春聘。 伯春負才名,必欲舉於鄉而後娶。 未

列

傳第

之,終不食,旬日而卒。年二十,舅姑迎柩合葬焉 幾卒,女號泣絕髮,自爲詩祭之。 持服三年,不踰閫,不茹葷。 服闋, 即絕飲食, 父母强諭

乎 ? 止。 易志矣。」遂止。生平獨臥一樓,年六十餘卒。 歸,舟次儀眞,欽仰墜水死。 「事姑畢矣,更何待。」女曰:「我昔殮羅郎時,有一束髮纏其手,誰能掘塚開棺,取髮還我,則 · 「汝未嫁,何得爾。」對曰:「女自分無活理,即如父母言,願終身稱未亡人。」大聲哀號不 願歸羅,以畢所事。」父母從之。 及殮,剪髮繫夫右臂以殉。 又有江夏歐陽金貞者,父梧,授孝經、列女傳。 金貞年甫十四,驚哭欲赴水從之,父母持不許。又欲自縊 抵家,告父母曰:「有婦,以事姑也。 後父知廣元縣,姑病卒,女乃歸寧。 稍長,字羅欽仰,從梧之官柘城。 姑旣失子,可幷令無婦 有諷 他適者,曰: 一,父母 梧艱

美,欲犯之,屢誘不從。乃令黨梁狗同金童入海捕魚,沒水死。越三日不還,莊求之海濱, 流遶餡門,去而復還。土人咸異殯祭之,然莫知鮥殺也,後梁狗漏言,有司並捕考,處以極 屍浮岸側,手足被縛,腫腐莫可辨。莊以衣識之,歸攜女赴水,抱夫屍而沒。 莊氏,海康吳金童妻。成化初,廣西流寇掠鄉邑,莊隨夫避新會,傭劉銘家。銘見莊 翼日,三屍隨

刑。

見,臨以刃。 能殺汝以復讐,忍從汝亂邪。」遂遇害。 江夏九峰山。 明日,聰獨返,攜其婦、女、幼姪入武昌山吳王祠,持利刃脅唐。唐曰:「汝殺吾夫,吾不 唐氏,汝陽陳旺妻,隨其夫以歌舞逐食四方。正德三年秋,旺攜妻及女環兒、姪成兒至 環兒哭且詈,聲振林木,賊亦殺之,瘞糞壤中而去。 有史聰者,亦以傀儡爲業。 財裹以蓆,置荆棘中。 見婦、女皆豔麗,而旺且老,因紿旺至青山,夜殺 明日,徙蓑衣園,賊又迫環 其年冬至,財被酒,成兒潛

出告官,擒於葛店市,伏誅。

寢處小姑牀下,受濕得傴疾,私自幸曰:「我知觅矣。」鞠從子梅爲嗣,敎之。成化初領鄉薦, 陵之若婢,稍不順卽爪其面,姑聞復加箠楚。女口不出怨言,曰:「不逼嫁,爲婢亦甘也。」夜 卒,王年甫十七,矢志不嫁。姑張氏曰:「未成禮而守,無名。」女曰:「入陳氏門,經事君子, 卒昌其家。 何謂無名。」姑乃使其二女從容諷之。婦不答,截髮毀容。姑終欲强之,窘辱萬狀。二小姑 王氏,慈谿人。聘於陳,而夫佳病,其父母娶婦以慰之。及門,卽入侍湯藥。未幾,佳

世昌死,除喪猶縞素。 後有易氏,分宜人,嫁安福王世昌。時世昌已遘疾,奄奄十餘月,易事之,衣不解帶。 姑憐之,謂:「汝猶處子,可終累乎。」跪泣曰:「是何言哉。父母許我

列

王氏,即終身王氏婦矣。」自是獨處一樓,不窺外戶四十餘年。 布囊盛之。 卒後,用所盛囊爲枕,枕之終身。 方世昌疾,所吐痰血,輒手

鍾氏,桐城陶鏞妻。鏞以罪被戍,卒於外。鍾年二十五,子繼甫在抱,負鏞骨四千餘里

歸葬。乃斷髮杜門,年八十二以節終。

繼亦早卒,妻方氏年二十七,子亮甫二歲。其兄憐之,微叩其意,方以死誓。

葬。 **貧不能支,所親勸之嫁,兩人哭曰:「而不知我之爲節婦婦乎」乃共以紡績自給。越二** 景泰中,亮舉鄉試,業於太學,卒。妻王氏年二十八,妾吳氏二十二,皆無子,扶櫬歸

十六年,縣令陳勉以聞,詔旌三代。人稱之曰四節里。

以死報,汝何爲效之?」宣歎曰:「予知盡婦道而已,安論夫之賢不賢。」卒縊死。 田 友人沈思道亦死,其婦孫與宣以死相要,各分尺帛。孫自經,或勸宣曰:「彼與夫相得,故 宣氏,嘉定張樹田妻。夫素狂悖,與宣不睦。夫病,宣晨夕奉事。及死,誓身殉。 時樹

徐氏,慈谿人,定海金傑妻也。 成化中,傑兄以罪逮入京,傑往請代。 瀕行,徐已有身,

君言,妾有死耳,敢忘付託乎。」已果生男,無何兄得還,傑竟瘐死。 傑謂曰:「予去,生死不可知,若生男善撫之,金氏鬼庶得食也。」已而悔曰:「我幾悞汝,吾去 汝父地下,奈金氏何?」强營葬事。 無還理,卽死,善事後人。」徐泣曰:「君以義往,上必義君,君兄弟當同歸,無過苦也。 服闋,父母勸他適,截髮斷指自誓,食澹茹苦六十餘年, 徐撫孤慟曰:「我本欲從 卽如

視子孫再世成立,乃卒。

主母 楊死,守其柩不去。 楊 亦數往來,所贈千計。 ,捧楊袂大慟。 義妾張氏,南京人。松江楊玉山商南京,娶爲妾。逾月以婦妬,遣之歸。張屛居自守, 既免喪,父母强之歸,不從,矢志以歿,終身不見一人。 乃悉出向所贈金珠,具裝,嫁其二女,幷爲二子娶婦,留侍湯藥。踰年 後二十餘年,楊坐役累,罄其產,怏怏失明。 張聞之,直造楊廬,拜

男、三歲女寄食母家。是夜,積麥稾屋中,舉火自焚,抱夫屍死。 里有羨婦色者,欲助以棺。襲覺其意,辭之。旣又强之,襲恐無以自脫,乃以所生六歲 襲烈婦,江陰人。年十七嫁劉玉,家貧,力作養姑。姑亡,相夫營葬。夫又亡,無以爲

又江氏、蒙城王可道妻。 夫貧,負販餬口,死不能斂。 比鄰諸生李雲蟾合錢斂之,卜日

列

第

以葬。 死竈旁矣。 及期,率衆至其家,関然無聲,廚下燈微明,趨視之飲食畢具,蓋以待异棺者,婦已縊 衆驚歎,復合錢幷葬之。

祠以祀。 其竇,共汲井灌田。如是者三十年。自爲塋於屋後,成化中卒,竟合葬焉。族人卽其田立 守節,築高垣,圍田十畝,穿井其中,爲屋三楹以居。當種穫,父啓圭竇率傭以入,餘日則塞 會稽范氏二女,幼好讀書,並通列女傳。長適江,一月寡。次將歸傳,而夫亡。二女同會稽范氏二女,幼好讀書,並通列女傳。長適江,一月寡。次將歸傳,而夫亡。二女同

幣約百金,乃搆室獨居,鬻田自贍,事舅姑,養父母。鄉人名其田爲貞女田。 母曰:「未嫁守節,非禮也。何自苦如此。」美音齧指滴血,籲天自矢。當道交旌之,養以銀 又有丁美音,漵浦丁正明女。幼受夏學程聘,年十八將嫁,學程死,美音誓不再嫁。父

邪· ? 家 人倉卒升屋,成整衣欲上,問:「爾等衣邪。」衆謝不暇。 我獨留死耳。」衆號哭請,不應。厥明,水退,坐死榻上。 成氏,無錫人,定陶教諭繒女,登封訓導尤輔妻也。 成曰:「安有男女裸,而尚可俱生 輔游學靖江,成從焉。 江水夜溢,

後崇禎中,興安大水,漂沒廬舍。有結筏自救者,鄰里多附之。二女子附一朽木,倏沈

不死,冀有善地可存也,今若此,何用生爲」,攜手躍入波中死。 條浮,引筏救之,年皆十六七,問其姓氏不答。 二女見筏上男子有裸者,歎曰:「吾姊妹倚木

焰忽覆其廬,衆莫能救。火光中,遙見銀兒抱其母,宛轉同焚死,時弘治元年三月也。 又火、銀兒出視、衆呼令疾避。 銀兒曰:「母疾不能動,何可獨避。」 亟返入廬,欲扶母出,烈 章銀兒,蘭谿人。幼喪父,獨與母居。邑多火災,室盡燬,結茅以棲母。母方疾,鄰居

呼與偕行。女曰:「我室女,將安之!且俱去,誰扶吾兄者」」賊至,縱火,女力扶其兄避於空 義妹,茅氏,慈谿人。年十四,父母亡,獨與兄嫂居。其兄病痿臥。值倭入縣,嫂出奔,

室,竟被燔灼並死。

治六年九月, 趨於禮義者,鳥可不亟加獎勵。 招囊猛,雲南孟璉長官司土官舍人刁派羅妻也。年二十五,夫死,守節二十八年。弘 雲南都指揮使奏其事。帝曰:「朕以天下爲家,方思勵名敎以變夷俗。其有 招囊猛貞節可嘉,其即令有司顯其門閭,使遠夷益知向化,

矣,爾年尙遠,何以爲活。」婦曰:「恥辱事重,餓死甘之。」乃出簪珥爲舅納妾,果得子,喜曰: 圖,婦痛哭齧脣,噀血灑地,終身不歸寧。 「張氏不絕,亡夫墓門且有寒食矣。」後舅病瘋,姑雙目瞽,婦紡績供養,二十年不衰。 張維妻凌氏,慈谿人。

弘治中,維舉於鄉,卒。

婦年二十五,子四歲亦卒。 舅姑慰之曰:「不幸絕嗣,日計無賴,吾二人景逼 其兄諷之改

言。 生一子。產後,妾死,杜以己女託於族母,而自乳其叔。 寧能以叔後汝乎。]杜曰:「叔後吾翁,異日生二子,卽以一子後我夫,吾志畢矣。」後卒如其 後有杜氏,貴池曹桂妻。年二十四,夫亡,遺腹生女,悲苦無計。 逾年翁喪,勸者曰:「汝辛苦撫孤, 日諷姑爲舅納妾,果

刑。 死。」遂入京陳情,敕法司議,夫妻並得釋。 時楊未笄,謀於父母宗族曰:「彼代兄死爲義士,我顧不能爲義婦邪。願訴於上代夫 義婦楊氏,王世昌妻,臨漳人。弘治中,世昌兄坐事論死。 世昌念兄爲嫡子,請代其

飲,雙蛾適墮杯中死,女指示曰:「物意尙孚我心,母獨不諒人邪!」母知不可奪,翌日製素衣 史氏,杞縣人。 字孔弘業,未嫁而夫卒。欲往殉之,母不許。 女七日不食,母持茗逼之

縞裳,送之孔氏。 及暮,辭舅姑,整衣自經死。 白氣縷縷騰屋上,達旦始消。

耳。」父曰:「壻家貧,無以周身。」曰:「身非所卹。」又曰:「壻家貧,孰爲標名。」曰:「名非所 許字,未納幣也。」對曰:「旣許矣,何幣之問。」父謹防之。 Щ 求。」遂往哭奠畢, 鳴三晝夜。 又有林端娘者,甌寧人,字陳廷策。 自剋死期,理帛自經,三拱而絕。 聞廷策計,寄聲曰:「勿殮,吾將就死。」父曰:「而雖 陳故家靑陽山下,山下人言婦將盡時, 曰:「女奚所不可死, 顧死 夫家 韙

撰祭文,辭甚悲。 氏聞茉莉有毒能殺人,多方求之,家人不知也,日供數百朶。 汪烈婦,晉江諸生楊希閱妻也。年二十三,夫死,無子,欲自經。 夜五鼓,防者稍懈,取所積花煎飲之,天明死。 踰月, 家人爲亡者齋祭,婦自 家人防之謹,不得問

府 吾婢。〕賊意其夫人也,解前所執數人,獨輿妙善出城。 取府印,開後牕投荷池。 事。 竇妙善,京師崇文坊人。 華林賊起,寇瑞,榮出走。 衣鮮衣前曰:「太守統援兵數千,出東門捕爾等,旦夕授首,安得執 年十五,爲工部主事餘姚姜榮妾。 賊入城,執其妻及婢數人,問榮所在。 正德中,榮以瑞州通判攝 時妙善居別室,急

傍,吾將飲。」財如其言,妙善至井傍,跳身以入,賊驚救不得而 异,可仍縱之,易善异者。」 賊又從之。 印處,欲藉汝告之。今當令汝歸,幸語太守,自此前行遇井,卽畢命矣。」呼賊曰:「是人不善 我,何得遽縱。」賊從之。 適所 驅 隸中,有盛豹者父子被掠,其子叩頭乞縱父,賊許之。妙善曰:「是有力,當以异 行數里,妙善視前後無賊,低語豹曰:「我所以留汝者,以太守不知 行至花塢遇井,妙善曰:「吾渴不可忍,可汲水置井 去。

豹 入城告樂取印,引至花塢,覓井,果得妙善屍。 越七年,郡縣上其專,詔建特祠,賜額

貞烈。

者二日。 三人偶相失。 石門丐婦,湖州人,莫詳其姓氏。 伺夫與姑皆不至,聚觀者益衆,婦乃從橋上躍入水中死。 婦有色,市人爭挑之。 與之食不顧,誘之財亦不顧。 正德中,湖大飢,婦隨其夫及姑走崇德石門市乞食。 寓東高橋上, 不復乞食

婦 何 惜一死。」身服斬衰不解。 賈氏,慶雲諸生陳兪妻。正德六年,兵變,值舅病卒,家人挽之避,痛哭曰:「舅尙未斂, 兵至,縱火迫之出,罵不絕口,刃及身無完膚,與舅屍同燼。

吾夫,善視之。」陳曰:「嬸將何如。」給之曰:「取少首飾卽出。」陳去,胡卽纍衣箱塞戶,抱三 作,珂兄珮往救之,曰:「阿姆來,吾乃出。」珮使妻陳往,婦以七歲男自牖付之,屬曰:「幸念 鄞 縣諸生李珂妻胡氏,年十八歸珂。閱七年,珂死,遺男女各一,胡誓不踰閾。 鄰火

歲女端坐火中死。

日 何辛苦爲。」曰:「政爲日短,故釀而奉姑。」將死,告舅曰:「婦有喪,幸毋髹棺。」遂縊 陳宗球妻史氏,南安人。夫死將殉有期矣,尚爲姑釀酒。姑曰:「婦已決死,生存豈多

浮屍於河矣,起之色如生。 佳,盍少猶夷乎。」趨門外良久。諸姒並勸曰:「夜旣半矣,盍就寢。」遂入,及晨覓之,則氏已 轉貿易爲。〕日哽咽垂涕。旣知不可殆,僞爲喜色,舅遂寬之。夜月上,紿諸姒曰:「月色甚 姑,舅待之如奴,勞勩萬狀,略無怨色。 舅以子幼,欲鬻之羅姓者,葉恚曰:「我非貨也,何輾 葉氏,定海人。許聘慈谿翁姓,而父母俱歿,遂育於翁。年十四,翁資產日落,且失其

焉。 未婚,曳以歸,出視求聘者金寶笄飾。 姑媳,恩母子,可以飢寒棄之邪。」乃依從姑以居,蓽舍單淺,外人未嘗識其面。 胡貴 天福年十八,父母繼亡,家甚落。 貞,樂平人。 生時,父母欲不舉,其鄰會媼救之歸,與子

天福同乳,欲俟其長而 貴貞父將奪以姻富家,女曰:「我鞠於會,婦於會,分 女知不免,潛入房縊死。 其兄乘天福 配

孫 何。」女曰:「生死不相離,要當爲父全此身耳。」於是母子共一長繩自束,赴河死 共逃。 孫氏,吳縣衞廷珪妻。隨夫商販,寓潯陽小江口。寧王陷九江,廷珪適他往,所親急邀 孫謂兩女金蓮、玉蓮曰:「我輩異鄉人,汝父不在,逃將安之。今賊已劫鄰家矣,奈

母 兄卽配汝。」及兄去,執不從,竟剖腹而死。 俱,顧吾父年老,惟一弟,幸得全之。」 賊以爲信,縱令置所抱兒,出遂大聲罵賊,投橋下死。 堅守,恃此一兄,殺之則祀殄矣,請以身代。」賊憫然爲納刃。旣而欲汚之,則曰:「請釋吾 江氏,餘干夏璞妻。 後隆慶中,有高明嚴氏,賊掠其境,隨兄出避,遇賊,刃及其兄。 正德間,賊至,抱方晬弟走,不得脫。賊將縛之,曰:「誠願與將軍 女跪泣曰:「父早喪,孀

明史卷三百二

列傳第一百九十

列女一

楊玉英 王烈婦 歐陽氏 王氏 方孝 楊貞婦 許元忱妻胡氏 劉氏二女 女 劉 解孝女 徐氏 倪氏 張蟬雲 許烈婦 氏 孫烈女 蔡烈女 楊氏 馮氏 楊氏 吳氏 李氏 倪氏 郃陽李氏 譚氏 方氏 丁氏 彭氏 沈氏六節婦 項貞女 張氏 葉氏 尤氏 劉氏 陳諫妻李氏 吳節婦 楊氏 李烈婦 潘氏 壽昌李氏 劉氏二孝女 李氏 黄氏 黄烈婦 楊氏 胡氏 孫氏 張氏 徐亞長 玉亭縣君 張 須烈婦 | 烈婦 黄氏 張 戴氏 氏 蔣 蔡氏 烈婦 葉氏 胡氏 邵氏婢 馬氏 鄭氏 范氏

七七一三

列

傳

第

百

九

+

列

女

=

陳節婦 馬氏 謝烈婦 張氏 王氏 戚家婦 金氏 楊氏 王氏

李孝婦 洪氏 倪氏 劉氏

歐陽氏,九江人,彭澤王佳傅妻也。 事姑至孝。夫亡,氏年方十八,撫遺腹子,紡績爲

生。 下,卽引刀斷左小指,以死誓。夫死,布衣長齋。年七十八卒。遺命取斷指入棺中。 父母迫之嫁,乃鍼刺其額,爲誓死守節字,墨湼之,深入膚裏,里人稱爲黑頭節婦。 又徐氏,烏程人。年十六,嫁潘順。未期而夫病篤,顧徐曰:「母老,汝年少,奈何。」徐泣 家人

出其指,所染爪紅色尚存。

狗彘肉不若。」已而遺腹生子,曰大賢。長娶李氏,大賢又夭,姑婦相守至老。卒,取視壁釘 不能。」馮卽投袂起,拔壁上釘齧之,割然有齒痕。 肉,尚韌不腐,齒痕如新。 馮氏,宣城劉慶妻。 年十九,夫亡,誓守節。 其娣姒諷之曰:「守未易言,非齩斷鐵釘者 復抉臂肉,釘著壁上曰:「脫有異志,此卽

處其中,饑則出飲於濠。 方氏,金華軍士袁堅妻。 **外之不復出,則死矣。** 堅嗜酒敗家,卒殯城北濠上。方貧無所依,乃即殯處置棺,寢 郡守劉蒞爲封土祭之。

親,卒於通州。 者十四日,竟死尸傍,年二十餘。 氏守屍,畫夜跪哭。 人。 適神武中衛舍人許伸。 州人爲買棺合葬。 或遺之食,或餽金,或勸以改嫁,俱却不應。 伸家素饒於財,以不 檢,蕩且盡,攜妻投所 水漿不入

口

潘號慟投於河。 族兄者,夜率勢家僕數十人誣以債,椎門入。 有老嫗過之曰:「是可活也。」投之藥, 更甦。 潘氏,海寧人。年十六,歸許釗,生子淮。 適有木浮至,憑以渡,達母家,遂止不歸。 潘負子,冒風雨,踰垣逸。 釗族兄欲不利於孤, 甫期年,釗卒,旣殮,潘自經。 淮年十九,始歸 **嗾潘改**適, 前距大河,追者迫, 潘毁容自矢。 死已兩日矣,

生,獨以淮故耳。 日,賴伯氏玉成。」目准酌酒飲伯,卒爵,北向拜曰:「未亡人,三十年來瀕死者數矣,而顧强 淮 補諸生,娶婦生五子。 今幸成立,且多子,復何憾。」語畢入室。 頃之宴徹,諸宗人同淮入謝,則 潘年五十,宗人聚而祝,族兄者亦至。潘曰:「氏所以得有今

縊死室中矣。

能奪。 楊氏,桐城吳仲淇妻。仲淇卒,家貧,舅欲更嫁之。楊曰:「卽饑死,必與舅姑俱。」舅不 數年,家益貧,舅謀於其父母,將以償債。楊仰天呼曰:「以吾口累舅姑,不孝。 無所

列

傅 第

百九

+

列

女 二

助於貧,不仁。 失節則不義。 吾有死而已。」因咽髮而死。

吾有二心乎? 張烈婦,蕪湖諸生繆釜妻。 有子則守志奉主,妻道也。 年十八,歸釜。 無子則潔身殉夫,婦節也。」乃沐浴更衣,闔戶自 越四年,釜病,屬張善自託。 張泣曰:「夫以

縊。

閱日,而釜乃卒。

歎,尋死。 手訣曰:「及我生而嫁,無受三年苦。」婦梳洗更衣,袖刀前曰:「我先嫁矣。」刎頸死。 又蔡烈婦,松陽葉三妻。 三負薪爲業,蔡小心敬事。三久病,織絍供藥餌。 病篤,執婦

死,迴視鄭,瞪目不瞑。鄭曰:「君得毋疑我乎。」卽自縊於牀楣。」飪少甦,回盼,出泪而絕。 怒,命傾之。 又鄭氏,安陸趙赶妻。性剛烈,閨房中言動不涉非禮。某寡婦更適人,饋以茶餅。 夫戲曰:「若勿罵,幸夫不死耳。」鄭正色曰:「君勿憂,我豈爲此者。」後赶疾將 鄭

歸,夜持酒脯與|李俱至,引婦坐,婦駭走且罵。 自給。 王烈婦,上元人。夫嗜酒廢業,僦居破屋一間,以竹篷隔內外。婦日塞戶,坐門扉績麻 夫與博徒李游。 李悦婦姿,謀亂之。夫被酒,以狂言餂婦,婦奔母家避之。 夫以威挾之,婦堅拒,大被搒笞。婦度不免, 夫逼之

夜攜幼女坐河干,慟哭投河死。 是夜,大風雨,屍不漂沒。 及曙,女尙熟睡草間

避鄰嫗家,泣顧懷中女曰:「而父不才,吾安能靦顏自存,俟汝之成也。」少間,聞闔 覘之,則拔刀刎頸仆地矣。父挈醫來視,取熱雞皮封之,復抓去。 歡,日可得錢治酒。」夫卽以意喻婦,婦叱之,屢加箠撻不從。 叉許烈婦,松江人許初女。 夫飲博不治生。

諸博徒聚謀曰:「若婦少艾,曷不 共 一日,諸惡少以酒肴進。 明旦氣絕,年二十五 戶聲。 我輩 婦走 嫗

歸謂諸婦曰:「此女鐵石心,不可動也。」 始食粥,朝暮一溢米。 吳氏,永豐人,名姞姑。 服除,母憐其少,欲令改適。 年十八,適甯集略。 未一年,夫卒,六日不食。 往視之,同寢食三年,竟不敢出一語。 所親 百方解譬,

量妻。 賊圍 共以死守,違者誅。」章亦集族中婦女誓曰:「男子死鬭,婦人死義,無爲賊辱。」衆竦息聽 屢殲其魁,奪還虜掠。 合,羣婦聚一樓以待。 慈谿沈氏六節婦。章氏,祚妻。周氏,希魯妻。馮氏,信魁妻。 孫氏、琳妻。 所居名沈思橋,近海。族衆二千人,多驍黠善鬭。 賊深讐之。 旣 而賊入,章先出投於河,周與馮從之。 一日,賊大至,沈氏豪誓於衆曰:「無出婦女, 柴氏、惟瑞妻。 柴方爲夫礪刃,即以刃 嘉靖中,倭賊 無輦貨財, 孟氏,弘 入犯,

列傳第

百九

+

列

女

_

斫 贼, 旋自刃。 孟與孫爲賊所得,奪賊刃自刺死。 時宗婦死者三十餘人,而此六人尤烈

舟,匿艙中,黃兀坐其外。 居外,便投水耳。」賊至,黃躍入水中死 黄氏,沙縣王珣妻。 嘉靖中,倭亂,流劫其鄉。 衆婦呼之曰:「不虞賊見乎。」黃曰:「篷窗安坐,恐賊至不得脫,我 鄉之比鄰,皆操舟爲業。 **賊至,衆婦登**

犯之, 方猶豫,張罵不絕口,遂遇害。 賊曰:「吾殺孩嬰。」張引頸曰:「請代孩嬰,存夫嗣。」 賊令牽出殺之。 留之,張厲聲曰:「速賜一死。」 時 不從。 同縣羅舉妻張氏,從夫避亂巖穴間。 至中途,張解髮自縊,賊斷之。 賊曰:「不畏死,吾殺汝妾。」張引頸曰:「請代妾,留撫孩嬰。 投屍於河,數日屍浮如生。 賊至,張與妾及妾子俱爲所獲。 張又解行 纏,賊又覺之,徒跣驅至營。 張先行,了無懼色。 賊見張美,欲 賊魁欲 賊

度不脫,連呼女曰:「省前誨乎。」女領之,即赴井。 脹含笑隨之,並死。 耳,汝謹識之。」銓聞,以爲不祥。婦曰:「使婦與女能如此,祥孰大焉。」未幾,賊陷政和,張 張氏,政和游銓妻。倭寇將至,婦數語其女曰:「婦道惟節是尚,值變之窮,有溺與刃

又葉氏,松溪江華妻,陳氏,葉弟惠勝妻,偕里人避倭長潭。 值歲除,里嫗覓刀爲幼男

潭 薙髮弗得,葉出諸懷中。衆問故,曰:「以備急耳。」及倭圍長潭,執二婦,共繫一 曰:「我二人被縶,縱生還,亦被惡名,死爲愈。」陳唯唯。 中死。 **莱探刀於懷,則已失,各抱幼女跳** 繩。 葉謂陳

家且來贖。答曰:「身可贖,辱可贖哉!我則寧死。」賊聞言,殺其幼女恐之,不爲動。 「併及汝矣。」厲聲曰:「固我願也!」賊殺之。 同 時林壽妻范氏,亦與衆婦匿山塢。 倭搜得衆婦,偕至水南,范獨與抗。 或謂姑順之,

欲强 方縱 歸汝。」女曰:「父母未可知,此時尙論歸耶。」倭尙撫背作款曲狀。女怒,大罵。時黃昏,倭 火 視繫中,先取其姊。 死。 火,女卽赴火死。 犯之,女紿曰:「吾固願從,俟姊骨燼乃可,否則不忍也。」倭喜負薪益火,火熾,女又赴 劉氏二女,興化人。嘉靖四十一年與里中婦同爲倭所掠,繫路傍神祠中。 時同死者四十七人,二女爲最。 姊厲聲曰:「我名家女也,肯汚賊乎。」倭笑慰之曰:「若從我,當詢父母 已復侵其妹,妹又大罵。 倭露刃脅之,不爲動,曰:「欲殺,即殺。」倭 倭飲酣,遍

孫烈女,五 河人。 性貞靜, 不苟嬉笑。 母朱卒,繼母李攜前夫子鄭州兒來。 州見恃母

列傳第

門,旣躡其後殺之也。 李往取之,歸則戶扃甚嚴。從母舒氏 曲 臂得脫。 欲私女, 撫慰。 嘗以手挑之, 忿批其頰。 乃以臂痕示字,使戒戢之。 女奔訴於姊,觸地慟哭曰:「母不幸,父又他出,賊子敢辱我,必刃之而後死。」姊 州兒不悛,給李曰:「兒採薪,臂力不勝,置遺束於路。」 亦趨至,曰:「初聞如小犢悲鳴,繼又響震如 日,女方治麪,州兒從後摟之。女揪髮覓刃,州兒齧其 蓋州兒誑母出,調女。 女陽諾而使之閉 雷,必有

從。 官怪問故。 挾以刃,女徒手搏之,受傷十餘處,罵不絕,宛轉死竈下。 又蔡烈女,上元人。 贼曰:「女拘我至此。」遂抵罪。 少孤,與祖母居。 一日,祖母出,有逐僕爲僧者來乞食,挑之,不 賊遁去,官行驗, 忽來首伏。

曰:「吾少嫠也,豈可與叔萬里同歸哉 陳諫妻李氏,番禺人。 諫,嘉靖十一年進士。 」遂不食死。 爲太平推官,兩月卒,其弟扶櫬歸。

逮繫宣府獄。 胡氏,會稽人。 總督楊順逢嚴嵩意,必欲置二子死,搒掠數百,令夜分具二子病狀。 字同里沈袠。 將嫁,而泰遘父鍊難,二兄袞、褒杖死塞上,褒與兄襄並 會順爲

給 室中,即同產非時不見。 事 中吳時來所刻,就檻車去,襄等乃得釋。 踰六月,褒卒,胡哀哭不絕聲,盡出奩具治喪事。 晚染疾,家人將迎醫,告其父曰:「寡婦之手豈可令他人視。」不 自是病嘔血, 有他諷者,斷髮剺面絕之。 扶父喪歸,比服闋始婚,胡年已 終日

藥而卒,年五十一。

以襄子嗣。

五年。 婦。」守乃過婦問之,一言而決。 呼女蔡本澄婦耳,何又云吳耶。」卽往父家,使絕婚。 戴父與約日「遼左天末,五年不歸,吾女當改嫁矣。」至期,父語淸如約。 戴氏,莆田人,名清。 時莆又有歐茂仁妻胡氏,守節嚴苦,內外重之。 本澄歸,生一子,未晬,父子相繼亡。 歸蔡本澄,年甫十四。居二年,本澄以世籍戍遼東,買妾代婦行。 清哀毀幾絕。父潛受吳氏聘, 郡有獄久不斷,人曰:「太守可問胡寡 吳訟之官,令守節,表曰寡婦淸之門。 泣不從,獨居十有 清聞之曰:「人

未果,而元忱疫死。氏殯之許氏廬,苫臥柩傍,夜擁一刀臥。 斷左手三指,流血淋漓,某驚遁。 胡氏,鄞許元忱妻。 元忱爲徐祝師養子,習巫祝事。胡鄙之,勸夫改業,且勸歸許宗。 族婦尊行抱持之,大慟,因立應後者,令子之。 里某求氏爲偶,氏毁面 氏服喪三 截鬢髮,

列

傳

年,不浣不櫛。 畢葬,乃爲子娶婦。 夫有弟少流移於外,復爲返之,許氏賴以復起。

死。」氏啓門應曰:「然吾資已盡,奈何。請復待一日。」乃紉履一雙往畀之,曰:「得此足償 歸,跪告族黨曰:「煩舉二棺入地。」閉戶將自縊,鄰婦欲生之,排闥曰:「爾尙有所逋, 李氏,郃陽安尚起妻。 尚起商河南,病亡。 氏聞計,盡變產完夫債,且置 棺以待夫櫬 何遽

矣。」歸家,遂縊死

姑老臥病,齒毁弗能食。 卒,哀毁骨立,年七十五終。 吳節婦,無爲周凝貞妻。 婦絕其兒乳以乳姑,冬月臥擁姑背以煖之,宛轉牀席者三年。 凝貞卒,婦年二十四,毁容誓死,不更適,傭女工以奉孀姑。 姑

粒。 姑老不忍去側,竟不歸寧。閱三十年,姑卒,葬畢,哀號夫墓曰:「妾今得相從地下矣。」遂絕 家人問遺言。曰:「姑服在身、殮以布素。」遂瞑。 又楊氏,清苑劉壽昌妻。年十九,夫卒,誓死殉。念姑病無依,乃不死。母家來迎,以

徐亞長,東莞徐添男女。添男爲徐姓僕,生亞長四歲而死。 母以亞長還其主,去而別

薙草豆田 適。比長,貞靜寡言笑,居羣婢中,凛然有難犯之色。 中,進旺跡而迫之,力拒獲免,因哭曰:「聞郎君讀書,有寡婦手爲人所引,斧斷其 家童進旺欲私之,不可。 亞長奉主命

手,況我尙女也,何以生爲!遂投江死。

鹵。 誦 日所授書,悉能記憶,久之遂能文。歸土進數年,土進病察死。 其父數偵知,奔救免。不食者十二日,父啓其齒飲之藥,復不死。 蔣烈婦,丹陽姜士進妻。幼穎悟,喜讀書。弟文止方就外傳,夜歸,輒以餅餌啖之,令 婦屑金和酒飲之,并飲鹽

花出泥淖無所染,令亡者知予心耳。」於是日纂輯不懈。書將成,防者稍不戒,則濡首缸中 諾,家人備之益謹。一日,婦命於繐帳前掘坎埋大缸貯水,笑謂家人:「吾將種白蓮於此,此 部尚書寶,士進從父也,知婦嗜讀書,多置古圖史於其寢所,令續劉向列女傳。 婦許

嫁,而淑眞不慊其夫,雖能文,大節虧矣。」其幼時志操已如此 於朝,榜其門曰文章貞節。初,其兄見女能文,以李易安、朱淑眞比之,輒嚬蹙曰:「易安更 爲文脫稿卽毀,所存烈女傳及哭夫文四篇、夢夫賦一篇,皆文止竊而得之者。 御史聞

母啓之,得詩云:「崑山一片玉,既售與卞和。 於是竊入寢室,自經死,目不瞑。時中聞計,具禮往祭,以手掩之,遂瞑。 受他聘。 楊玉英,建寧人。 玉英聞之,囑其婢曰:「吾篋有佩囊、布鞵諸物,異日以遺官官人。」婢弗悟,諾之。 涉獵書史,善吟咏。年十八,許字官時中。 和足苦被刖、玉堅不可磨。 時中有非意之獄,父母改 婢出所遺物,付父 若再付他人,其如

又張蟬雲,蒲城人,許字兪檜。萬曆中,檜被誣繫獄。 母不可,曰:「汝未嫁,何爲若此。」女方食,卽以盌擲地,恚不語。 女聞可賄脫,謀諸母,欲貨妝奩 入暮自縊 死。

平生何!

不敢復以聘告。 遣媒白姑。 陳襄妻倪氏。 婦煎沸湯自濱其面,左目爆出,又以烟煤塗傷處,遂成獰惡狀。 歷二十年,姑壽七十餘卒,婦哀慟不食死 襄爲鄞諸生,早卒。婦年三十,無子,家貧,力女紅養姑。 媒過之,驚走, 有慕其姿者,

章埋我,亟還丁氏棺,地下欲見王枚<u>皐也。」</u>遂死。 彭察知,六日不食。 彭氏,安丘人。 幼字王枚皐。 道平悔而止,心敬女節烈,後聞其疾革不起,贈以棺。 未嫁,枚阜卒,誓不再適。 濰縣丁道平密囑其父欲娶之。 彭語父曰:「可束

門不與相見,母慚去。後怕疾篤,黃誓不獨生。一日,姑扶怕起坐,黃熟視曰:「嗟乎!病至 此,吾無望矣。」走竈下,碎食器刺喉不殊,以廚刀自刎死,年二十一。 逾六十矣。 犁不輟。」其第四、第六女聞之惻然,誓不嫁,著短衣代父耕作。 及父母相繼卒,無力營葬, ilī ° 潛許田家。女聞,中夜開篋,取李幣,挑燈製衣,衣之,縊死。 二女卽屋爲丘,不離親側。隆慶四年,督學副使楊俊民、知府史桂芳詣其舍請見,二女年皆 邵氏, 黃氏,江寧陳伯妻。年十八,歸伯。父死,母欲改節,氏苦諫不從。一日,母來省,女閉 <u>劉氏二孝女,汝陽人。父玉生七女,家貧力田。嘗至隴上,歎曰:「生女不生男,使我扶</u> 田家亦具奠賻,舉酒方酹,柩前承灌瓦盆劃然而碎,起高丈餘,遶檐如蝶墜。觀者震色。 列 傳 丹陽大俠邵方家婢也。 百 九 + 列 女 方子儀, 令婢視之。 故相徐階、高拱並家居,方以策干 知府謝詔臨其喪,鄰里弔者如

需弟稍長,然後殉。寄語翁,且勿爲郎置槨。」遂盡去鉛華,教弟讀書,親正句讀。

越一年,梅

又劉氏、潁州劉梅女、許聘李之本。之本殁、女泣血不食、語父曰:「兒爲李郎服三年,

階 ,

階不用,

即走謁拱,

爲營復相,

名傾中外。 萬曆初,拱罷,張居正屬巡撫張佳胤捕殺方,

幷逮儀。 儀甫三歲,捕者以日暮未發,閉方所居宅,守之。

之祀在君矣。此子生,婢死無憾。」應座匿儀去,晨謁推官。 方坐燈下,抱儀泣曰:「安得沈郎來,屬以此子。」應奎倉卒前,婢立以儀授之,頓首曰:「邵氏 官與應奎善,固邀飲,夜分乃罷。 方女夫武進沈應奎,義烈士,負氣有力,時爲諸生,念儀死,邵氏絕,將往救之。 武進距方居五十里,應奎踰城出,夜半抵方家,踰牆 而府推 入,婢

笑曰 ·· 「冤哉!應座夜飲於余,晨又謁余也。」會有爲方解者,事乃寢,婢撫其子以老。 旦日 ,捕者失儀,繫婢毒掠,終無言。 或言於守曰:「必應座匿之。」室所善推官在坐,大

守。 家有巖壁,穴牆居之,垂橐以通飲食,如是者二十六年。 楊貞婦,潼關衛人,字郭恒。萬曆初,客遊湖南,久不歸。 恒歸,乃成 父議納他聘,女不可,斷髮自 禮。

又有倪氏,歸安人,許聘陳敏。 **敏從征,傳爲已死,踰五十載始歸。** 倪守志不嫁,至是

成婚,年六十一矣。

楊氏,寧國饒鼎妻。 鼎以單衣溺死湖中,楊招魂葬之,課二子成立,冬不衣袷。

女。氏年方少,撫姪長,絕無怨悔。 妾初舉女,後尙有期,孤亡則斬叔之嗣,且負嬸矣。」遂棄女乳姪。 月,投繯死。 丁氏,五河王序禮妻。 時丁氏適生女,泣謂序禮曰:「叔不幸客死,嬸復殉,棄孤 序禮弟序爵客外,爲賊所殺,其妻郭氏懷孕未卽殉。 未幾,序禮亦死,竟無子 不養,責在君與妾也。 及生子越

裂額,趨臥棺中死。 能久也。」婦聞之,夜取石灰手挼目,血出立枯。 殤,慟曰:「可以從夫矣。」痛夫未葬,卽營窀穸。 尤氏,崑山貢生鏞女。 嫁諸生趙一鳳,早死,將殉之,顧二子方襁褓,爲彊食。 置棺自隨。夫葬畢,卽自縊,或解之,乃觸石 惡少年豔其色,訾其目曰:「彼盼美而流,鳥 二子復

言:「已知汝輩計必出此也。」衆大慚而去,然後瞑。 其資, 必以惡語傾前妻子, 預戒家人置己棺中, 勿封殮。 李氏,王寵麟繼妻。 **竈麟仕知府卒,氏年二十餘,哭泣不食,經四十日疾革。** 衆果蝟集, 譟孤殺母。 知族 氏從棺中 人利

列傳

卻之。 死。 「奔喪而輿,可乎。」入夜,徒步往,挾納采雙金雀以見舅姑。拜畢,奠柩側,遂不離次,期必 吳家故貧,所治棺,取具而已。好事者助以美檟,孫視之曰:「木以美逾吾夫,非禮矣。」 孫氏,甌寧人。 以槥櫝來,乃許。屆期縊死,書衣帶中云:「男毋附尸,女毋啓衣。」 幼解經史,字吳廷桂。 廷桂死,孫欲奔喪,家人止不得,父爲命輿。

赴水死。經三日,屍浮,傍父櫬,同泊南岸。 渡揚子江,中流舟覆,櫬浮。 方孝女,莆田人。父瀾,官儀制郎中,卒京師。女年十四,無他兄弟,與叔父扶櫬歸。 女時居別舟,皇遽呼救,風濤洶怒,人莫敢前。 女仰天大哭,遂

武至,泅而得之,母女皆死。女手挽母甚堅,兄救母,久之復甦。 「母已生,妹可慰矣。」乃解。 又有解孝女,寧陵人。年十四,同母浣衣。母誤溺水,女四顧無人,號泣投水。俄兄紹 女手仍不解,兄哭撫之曰:

拔出,血濺如注。 李氏,東鄉何璇妻。 姑覺、呼家人救、則已死矣。 璇客死。 李有殊色,父迫之嫁。 遂以簪入耳中,手自拳之至沒,復 日驩、今爲周郎死矣。」遂自縊。兩家父母從其志、竟合葬焉。 紉其下裳。檢衣物當勞諸婢者,名標之,列諸牀上。大書於几曰:「上告父母,兒不得奉一 入視,女留母坐,色甚溫,母釋然去。夜伺諸婢熟睡,獨起以素絲約髮,衣內外悉易以縞,而 及母極孝。 一劍許人,猶不忍負,況身乎。」及訃聞,父母秘其事,然傳吳江人來,女已喩。 一日,謂乳媼曰:「未嫁而夫亡,當奈何。」曰:「未成婦,改字無害。」女正容曰:「昔賢以 項貞女,秀水人。國子生道亨女,字吳江周應祁。精女工,解琴瑟,通列女傳,事祖母 年十九,聞周病瘵,即持齋、燃香燈禮佛,默有所祝,侍女輩竊聽,微聞以身代 祖母屬其母

趨上樓,勸之避,婦曰:「此正我授命時也。」抱夫木主待焚。須臾四面皆燼,小樓獨存。 接面。舅亡,家落,忍饑紡績以養姑。未幾,姑亦亡,鄰火大起,夜半達旦,延百餘家。鄰婦 父母救止。乃赴1翁家,哀告舅姑乞立嗣,復乞一小樓,設夫位,坐臥於旁,奠食相對,非姑不 李氏,壽昌人。年十三,受翁應兆聘。應兆暴卒,女盡取備嫁衣飾焚之,以身赴火,爲

玉亭縣君 列 傅 第 ,伊府宗室典柄女。年二十四,適楊仞。 百 ル 7-列 女二 不兩月仞卒,號慟不食。 或勸以舅

所感。 績三日,不得一飱,母子相持慟哭。 夜分夢神語曰:「汝節行上聞於天,當有以相助。」 晨興, 掘輒得錢。 姑年老,且有遺孕,乃忍死襄事。及生男,家日落。萬曆二十一年,河南大饑,宗祿久缺,紡 母子述所夢皆符,頗怪之。其子曰:「取屋後土作坯,易粟。」其日掘土,得錢數百。 一日,舍傍 地陷,得石炭一窖,取以供爨。 延兩月餘,官俸亦至,人以爲苦節 自是,每

無可歸,假寓一學舍,官贍之以老。 翁又陰納沈氏聘,其姑誘與俱出,令女奴抱持納沈舟。 與飲食,百計挫之,志益厲。 雨晝晦,疾雷擊舟,欲覆者數四。 馬節婦,年十六,歸平湖諸生劉濂。十七而寡。 嘗閉門自經,或救之,則繫絕而墜於地死矣。 沈懼,乃旋舟還之。事聞於縣,縣令婦別居。時父兄盡歿, 翁家甚貧,利其再適,必欲奪其志。 婦投河不得,疾呼天救我。 急解之,漸蘇。 須臾風 不

之,不饘粥數日矣。 年,嶺南大饑,民多鬻妻子。 王氏,東莞葉其瑞妻。 其瑞泣語之故,且示之金,婦笑而許之。及舟發寶潭,躍入潭中死。 其瑞貧,操舟往來鄰境,一月一歸。 其瑞將鬻婦博羅民家,券成,載其人俱來。 婦紡績易食。 入門見氏羸甚,問 萬曆二十四 兩

岸觀者如堵,皆謂水迅,屍流無所底。其瑞至,從上流哭數聲,屍忽湧出,去所投處,已逆流

數十步矣。

性 亦疫死,楊一慟幾絕。 劉氏 ,博平吳進學妻。 姑議嫁之,楊曰:「我何以不如姒。」遂縊 楊氏,進性妻。 進學疫死,旣葬,劉夜匍匐縊於墓所。 死。 未幾,進

縊 令拜姑,微示付託意,竊自喜曰:「吾今可以遂志矣。」一日,媒氏至,復勸改適,氏愈**憤,中**夜 曰「吾久不樂生,特念姑與兒耳。」哽咽流涕不止,二人不敢復言。及子七歲,遣就塾師,先 死。 譚氏,南海方存業妻。生子三月,夫亡,悲號欲殉。 母及姑交止之,且諷 改適。 氏垂涕

嫗育其子,三月,知子安乳嫗,遂不食死。 又張氏,臨清林與岐妻。 夫亡,欲自縊,舅姑慰之曰:「爾死,如遺孤何。」氏以衣物倩乳

者,謀娶之,賄夫族某使餌其姑,未卽從。 烈婦,餘姚吳江妻。年二十,夫與舅俱卒,家酷貧,婦紡績養姑,已恒凍餒。 某乃陰與黃及父家約,詭稱其母暴病,肩輿來迎。 有黃某

列

傳

姑 爲姑 婦 以 倉卒升與,既及門,非父家也。 、數對。 老無依耳。 曰:「亟懷之去。 姑旣許,復何言。 姑在,我卽從人,殊赧顏也。」衆喜,促姑行,爲具湯。 姑亦尋至,布几席,速使成禮。 然妾自夫歿未嘗解帶,今願一 洗沐。」又問:「聘財幾何?」 婦佯曰:「所以不欲嫁者, 湯至,久

不出,關戶視之,則縊死矣。

與姑 者,欲姑一面耳,今復何求。」遂剜喉以絕。 有以償聘金,不聽,相持至夜深,引刀自刎未殞。 相依。 其後,崇禎十五年,餘姚又有黃烈婦者,金一龍妻。 夫早歿,黃截指自誓,立從子爲嗣, 熊氏子欲娶之,母黨利其財,給令還家,間道送於熊。 郡邑聞之,斃熊氏子獄中。 其姑聞之,急趨視,黃曰:「婦所以未卽死 黃知勢不可挽,願搜括所

自苦若此『婦度終不免,自經死。 返於姑,姑懼如母。投姊,姊益不敢留,婦泣而歸。鄰人勸之曰:「若卽死,誰旌若節者,何 且利吾夫之死而妻我,不猶殺我夫耶!市兒乃糾黨聚謀,將掠之。婦驚奔母,母懼不敢留。 須烈婦,吳縣人。夫李死,市兒悅其色,爭欲娶之。婦泣曰:「吾方送一夫,旋迎一夫。

陳節婦,安陸人。適字姓,早寡,孑然一身,歸父家守志,坐臥小樓,足不下樓者三十

矣,起坐曰:「始我何言,而令若輩至此。」家人驚怖而下,目乃瞑。 臨終,謂其婢曰:「吾死,愼勿以男子舁我。」家人忽其言,令男子登樓轝之,氣絕踰時

寄居其上,以十指給養,不下梯者數十年。 以服土氣耳。」年六十五卒。 馬氏,山陰劉晉嘯妻。萬曆中,晉嘯客死,馬年二十許,家無立錐。 常用瓦盆貯新土,以足附之。 伯氏有樓, 鄰婦問故,曰:「吾 逐與母

血流滿衣,尙未絕,見諸人入,亟以左手從斷處探喉出之,右手引刀一割,乃瞑。 婦佯諾。 能起,婦誓不改適。 謝烈婦,名玉華,番禺曹世興妻。 及期、駕輿欲行、別諸姒、多作訣語、徐入室閉戶、以刀自斷其頸。家人亟穴板入, 曹族之老嘉之,議分祭田以贈。 世興爲馮氏塾師,甫成婚,卽負笈往。亡何病歸,不 或謂婦年方盛, 當俟襄事 畢, **令歸寧**,

奪斧,抑而 張氏,桐城李棟妻。 棟死無子,張自經於牀。 母救之,奮身起,引斧斫左臂者三。 家人 坐之蓐間,張瞶悶不語。家人稍退,張遽揜身出戶投於水。水方氷,以首觸穴

邑又有烈婦王氏,高文學妻。 傅 第 百 九 + 列 女二 文學死,父道美來弔,謂王曰:「無過哀。 事有三等,在汝

也。」王卽鍵戶,絕粒不食,越七日而死。 自爲之。」王輟泣問之,父曰:「其一從夫地下爲烈,次則氷霜以事翁姑爲節,三則恒人事

又有戚家婦者,寶應人。甫合卺,而夫暴歿。婦哭之哀,投門外汪中死。 後人名其死

所爲戚家汪云。

令金急走。 金氏,通渭劉大俊妻。年十九,夫病風痹,金扶浴溫泉。 又應山諸生王芳妻楊氏。芳醉墜塘中,氏赴水救之。夫入水益深,氏追深處偕死 金號泣堅持不肯舍,並溺死。 屍流數十里而出,手猶挽夫不釋云。 暴風雨,山水陡發,夫不能動,

繼亡,王獨撫二幼孤,鬻手食之,並成立。 病且憊,王奉事無少怠。居八年卒,嗣其從子。更出簪珥佐舅買妾,更得子。 何日。」父曰:「初許時固佳兒,今乃病。」女曰:「旣許而病,命也,違命不祥。」竟歸之。 王氏,山陰沈伯燮妻。 議婚數年,伯燮病厲,手攣髮禿,父母有他意。 女問:「沈郎病始 踰年,舅姑相 伯燮

李孝婦,臨武人,名中姑,適江西桂廷鳳。 姑鄧 患痰疾, 將不起, 婦涕泣憂悼。 聞有言

其孝。

乳肉可療者,心識之。一日,煮藥,爇香禱竈神,自割一乳,昏仆於地,氣已絕。 至,出視,見血流滿地,大驚呼救,傾駭城市,邑長佐皆詣其廬,命亟治。俄有僧踵門曰:「以 廷鳳呼藥不

室中蘄艾傅之,卽愈。」如其言,果甦,比求僧不復見矣。乃取乳和藥奉姑,姑竟獲全。

起視之,乳血猶淋漓也。 之,獲愈,餘肉投池中,不令人知。數日後,羣鴨自水中銜出,鳴噪迴翔,小童獲以告姑。 又洪氏,懷寧章崇雅妻。崇雅早卒,洪守志十年。 其夫兄崇古亦早亡, 姒朱氏誓死靡他, 妯娌相守五十年云。 姑許,疾不能起,洪剜乳肉爲羹而飲 姑

患疽垂斃,躬爲吮治,不愈,乃夜焚香告天,割左臂肉以進,姑啖之愈。遠近稱孝婦。 倪氏,興化陸鰲妻。 性純孝,舅早世,憫姑老,朝夕侍寢處,與夫暌異者十五年。

側。 前,將闔棺,取所奠置棺中曰:「婦不獲復事我姑,以此肉伴姑側,猶身事姑也。」鄕人莫不稱 煮糜以進, 及病劇,舉刀刲臂,侍婢驚持之。 劉氏,張能信妻,太僕卿憲寵女,工部尚書九德婦也。 則姑已不能食,乃大悔恨曰:「醫給我,使姑未鑒我心。」復刲肉寸許, 舅聞,囑醫言病不宜近腥膩, 性至孝, 姑病十年, 侍湯 力止 之。 踰日,竟刲 慟哭奠簀 藥不離 肉

明史卷三百三

列傳第一百九十

列女二

劉烈女 陳氏 宋氏 徐貞女 石氏 唐 何 王 氏 烈 氏 、妻陳氏 王氏等 趙氏 劉 雞澤二李氏 李氏陳氏 孝女 劉氏 上海某氏 劉氏 郭氏 倪氏 余氏 崔 蘄水李氏 唐氏 氏 王氏 姚氏 姜氏 谷氏 高陵李氏 虞 顏氏 韓氏 鳳娘 六安女 朱氏 徐氏女 白氏 婢阿來 盧 邵氏 林貞女 氏 高烈婦 烈婦柴氏 李氏 萬氏 石氏女 于氏 定州李氏 江氏 王貞女 蕭氏 王氏五烈婦 于氏 謝氏 周 楊氏 楊氏 氏 臺氏 莊 倪美玉 胡敬妻姚氏 王氏 仲氏女 明倫 氏 張氏 胡 堂女 馮氏 荆媧 氏

列女三

七七三七

列

傳

第

百

九

+

呂氏 江 熊 田 氏 都程氏六烈 上四烈婦 曲 和 丘 氏 州 周邵氏 、王氏 乾氏 江都張 黄氏 方氏 王氏 氏 洗馬畈婦 吳之瑞妻張氏 陸氏 子道弘妻 蘭氏等 張秉純妻劉氏 向氏 于氏 韓鼎允妻劉氏 雷氏 項淑美 商 陶氏 州邵氏 王氏

甬

夏氏

焉。 張德明臨視,立祠城東祀之。 靜,投池中死,衣上下縫紉不見寸體。 父子及媒妁數人,毆之府門,有司莫能制。 女父子仁不受,夜趣施异女歸。 徐貞女,宣城人。少字施之濟。 一泰恚甚,脅有司攝施婦,欲庭奪以歸,先使人捽之濟 年十五,里豪湯一泰豔之,倚從子祭酒賓尹,强委禽 觀者皆泣下,共异古廟,盛夏鬱蒸,蠅不敢近。 徐氏被攝,候理,次城東旅舍,愳不免。 夜伺人 郡守

外之不復至,劉 上,人多憐而周之。 劉氏,京師人。有松江人戍邊者,詐稱無妻,娶劉。 抵松訪之,夫拒不納。 劉置一棺,夜臥棺中數十年。 劉哭曰:「良人棄我,我將安歸。」乃翦髮爲尼,行乞市 鄰火起,劉入棺,呼曰:「乞與闔棺,以畢 旣而遇赦歸,紿劉曰:「吾暫歸省。」

不能終視若輩,惟望若輩爲上流人爾。」越數日,無疾而逝。 日事紡績,非丙夜不休。 余氏,黄岡宋蒙妾。 **壼政嚴肅,親屬莫敢窺其門。踰二十年,忽謂子女曰:「吾命將盡,** 蒙妻劉,舉子女各一人,余無所出。 及蒙卒、劉他適、妾辛勤育之。

父母曰:「兄弟未嘗同妻,即姊妹可知。」父執不聽,女絕口不言,自經死。 虞鳳娘,義烏人。其姊嫁徐明輝而卒,明輝聞鳳娘賢,懇其父欲聘爲繼室。 女知,泣謂

忽,以好歸,疇與主之。姑俟喪除。」女大悲咤曰 一是欲緩之,覬奪吾志也。」遂不食,積七 飾而櫝之以歸陳,忍自昧哉」固請於父,欲赴陳喪,父爲達其意。陳父答曰:「以凶歸,所不 日,嘔血死。 卒。女蓬首削脂澤,稱疾臥牀,哭無聲而神傷。或謂未成婦,何自苦。答曰:「予名氏、歲月 林貞女,侯官人。父舜道,官參政。女幼許長樂副都御史陳省子長源,旣納幣,長源

列

體以療吾疾,豈不勝有子耶!流涕久之。 狀。 及病劇,女入候牀前,出視藥竈,往來再三,若有所爲。羣婢窺之而莫得其迹,姑旣進藥則 睡,覺而 累新婦。」女聞姑稱新婦,泪簸簸下,遂留執婦道不去。早晚跪奠柩前,視姑眠食外,輒自屛 庭內待之。女旣至,拜柩而不哭,斂容見舅姑,有心焉之意。姑含淚曰:「兒不幸早亡,奈何 一室,雖至戚遣女奴候視,皆謝絕,曰:「吾義不見門以外人。」後姑病,女服勤,晝夜不懈 姑怪起視,已斷一指煮藥中矣。 去飾,白衣至父母前,不言亦不泣,若促駕行者。父母有難色,使嫗告其舅姑,舅姑掃 王貞女,崑山人,太僕卿宇之孫,諸生述之女,字侍郞顧章志孫同吉。未幾,同吉卒。 病立間,呼女曰:「向飲我者何藥?乃速愈如是。」欲執其手勞之,女縮手有難進之 姑歎曰:「吾以天奪吾子,常憂老無所倚。 人皆稱貞孝女云。 今婦不惜支

矣。 絕矣。 姒曰 臥不食。 二,以 汝必 倪美玉,年十八歸董緒。 當以吾屋爲小宗祠,置祀田 居數日,沐浴整衣曰「亡夫召我矣。」舉手別父母親屬而逝,年二十二。 此累姆。」及夫叔父自外郡至,泣拜致夫命,叔父如其言。 以 此意告我叔父而行之。」緒卒,倪立 緒居喪過毁得疾,謂妻曰:「吾無兄弟,又無子。 數畝,小宗人遞主之,春秋享祀,吾父母獲與焉,吾無憾 一從子爲後。 治喪畢,攜其女及田二十畝 事竣,婦出拜謝,即入室 吾死,父母祀 、囑其

之, 出 潛製殮具,夫旣死,舅姑不以告,不闔棺,露置水濱,以俗忌惡疾也。 傅魂於二曰:「若以筆污我,我先殺汝。」二立死。 指逋錢爲聘物,訟之官。 妹至棺所,抱屍浴之,斂以衣衾,闔棺設祭。 冤所致。有司遂杖殺|阿官及從子。 察之,知其誣也,伏屍大慟。 可活矣,我當訴帝求直耳。」卽自縊。 .閨閣,見隸人林立,而夫以身近己,慚發頹,推茂遠之。 從龍望見,以|谷意不屬|茂也,立改 將訟官。 谷氏,餘姚史茂妻。父以茂有文學,贅之於家。 上海某氏,旣嫁,夫患瘋癩,舅姑謀奪以妻少子。婦覺,密告其夫,夫泣遣之歸寧。 劉烈女, 張之從子倡言
割女海淫、
,縛人取財。
、人多信之。 錢塘人。 少字吳嘉諫。 知縣馬從龍察其誣,杖遣之。 女目忽開,流血淚數行,若對泣者。 盛暑待驗,暴日下無屍氣。 鄰富兒張阿官屢窺之,一夕緣梯入。 祭畢,與妹訣,以巾幕面,投水死。 時江濤震吼,岸土裂崩數十丈,人以爲女 數日,鄰人宋思徵責於父,見氏美,遂 及俗下階,茂將扶以行。 女呼告父曰:「賊污我名,不 張延訟師丁二執前說,女 嘉諫初惑人言,不哭。 婦聞,盂飯瀹雞,偕幼 七七四 女呼父母共執 谷故未嘗

婦

列 傳

百 九 +

列 女 =

判歸 十餘人, 思 環相勸慰, 思卽 率 衆擁輿中而去,谷母隨之至思舍。 不可解,乘間縊死。 從龍聞之大驚,捕思, 谷呼號求速死,斷髮屬母遺茂。 思亡去。 茂感妻義, 思族婦 終身

不娶。

子以延夫嗣。」氏泣曰:「非不念良人無後,但心痛不能須臾緩耳。」七日不食而 白氏,淸澗惠道昌妻。年十八,夫亡。 懷娠六月,欲以死殉。 衆諭之曰:「胡不少待,舉 死

其易者。」 高烈婦,博平諸生賈垓妻。 執姑手泣曰:「婦不能奉事舅姑, 反遺孤孫爲累。 域卒,氏自計曰:「死節易,守節難。 然婦殉夫爲得正, 況當兵亂之際,吾寧爲 勿過痛 也。

逐縊。

縊死。 於夫髮,自縮其一,撫任頸哽咽曰:「妾必不負君。」納指任口中,令齧爲信。任歿三日, 于氏,潁州鄧任妻。 任病,家貧,藥餌不給,氏罄嫁笥救之。閱六月病革,氏聘簪二,綰

州 又有臺氏,諸生張雲鵬妻。 夫病、氏單衣蔬食、禱天願代、割臂爲糜以進。 夫病危,

許 頓足曰:「遲矣,郞得毋疑我。」母偶出櫛沐,扃戶縊死。 以身殉,訂期三日。夫付紅悅爲訣,氏號泣受之。越三日,結所授悅就縊,侍婢救不死,恨 何物奴、敗我事!令我負三日約。」自是、水漿不入口、舉聲一號、熱血迸流。 至七日,

甚哀 姑槌門痛哭疾呼,終不顧而死。 泣止之,不可,乃焚香告柩前,顧家 地下,不得復事舅姑,幸强飯自愛。 (,比三日不哭,盥櫛拜舅姑堂下,家人怪之,從容答曰: 「婦不幸失所天,無子,將從死者 胡氏,諸城人,遂平知縣麗明孫女也。 人曰:「洗含汝等親之,不可近男子。」遂入戶自經,母與 他日叔有子,爲亡人立嗣,歲時奠麥飯足矣。」姑及其母 年十七,歸諸生李敬中,生一女而夫卒。 初哭踊

息漸微,强起語父曰:「翁姑未葬,夫亦露殯,奈何。」父許任其事,氏就枕叩 王氏,淄川成象妻。 夫死,痛哭三日,唇焦齒黑。 父不忍,予之水,謝勿飲。 頭而 瞑,年十七。 又三日,氣

劉孝女,京師人。父蘭卒,矢志不嫁,以養其母。 **崇禎元年,年四十六矣,母病歿,女遂**

絕粒殉之。

縊,家人力持不得遂。 崔氏,香河王錫田妻。 兵及門,衆俱奔,氏倉皇縊於戶後,恐賊見其貌,或解之也 崇禎二年,城破,氏與衆訣曰:「我義不受辱。」涕泣乳其女,將自

與飲食,怒不受,以盌擊賊,罵曰:「吾忍死四十九年,今啜賊食耶!」遂遇害。 之走,曰:「未亡人棄先夫室何往。」語未已,賊露刃入。 高陵李氏,鎭撫劉光燦妻。夫歿,勵志苦守。 崇禎四年,賊陷高陵。 即取刀自刺,流血淋漓。 年七十九,其家掖 賊壯其烈,

口 齧肉棄之曰:「賊污吾手。」繼扳其肱,又以口齧肉棄之曰:「賊污吾肱。」賊捨之去,氏罵不 烈婦柴氏,夏縣孫貞妻。崇禎四年,夫婦避賊山中。賊搜山,見氏悅之,執其手。氏以

絕聲,還殺之。

誑己,支解之。事平,永命偵賊所在,擊斬之,以其首祭墓。 明、李九成等據登州反,縱兵淫掠。一小校將辱之,氏給之去,即投繯死。明日,賊至,怒其 周氏,新城王永命妻,登州都督遇吉兄女也。幼通孝經、列女傳。 崇禎五年,叛將耿仲

曰:「兒豈向患難中求活。」時有麻索在牀頭,叔以手振之曰:「欲決計於此乎。」氏首肯,從容 時蓬萊浦延禧妻王氏,年二十,守節撫孤。 九成叛,城陷,叔允章至其家,問所向。 答

就縊

求死。 兄妹皆旌。 起鳳馳赴賊營請贖。 「我去,汝卽 荆媧,陝西淳化人,姓高氏。 賊悅其色,割髮裂衣以恐之。 死。」賊令勸妹從己,且欲留爲書記。 賊索二馬, 起鳳傾貲得一馬, 兄起鳳,邑諸生。 |媧益罵不已`賊乃殺之`年甫十六。 起鳳大罵不從,被殺。 予之。 崇禎五年,流賊掠繼母秦氏及荆媧去, 賊止還其母。 巡按吳甡 百計脅荆媧,大罵 起鳳與妹訣曰: 上其事,

罵,俱被害。 古槐,母女抱樹立,罵曰三吾母子死白日下,豈受污暗室中。」大罵不行。 陳丹餘妻宋氏。丹餘爲鄖陽諸生。 崇禎六年,賊至被掠,幷執其女,迫令入空室。前有 賊斷其手,益大

黄日芳妾李氏 列 陳氏。 日芳知霍丘縣,崇禎八年,齎計簿入郡。流賊突至, 圍城。

相謂曰 藏天澗死。 :「主君未還,城必不守,我兩人獨有一死耳。」密縫內外衣甚固,城陷,南望再拜,攜 越三日,日芳至,號哭澗側。 兩屍應聲浮出,顏色如生,手尙相援。

求死。 蘄水 賊怒,刺之,創編體,未嘗有懼色,賊斷其頸死。 李氏,諸生何之旦妻。流賊至蘄,執而逼之去,不從,則衆挾之。 李罵益厲、齧賊

從婢阿來抱李幼女,守哭。賊奪女將殺之,不與,伏地以身庇之。刺數十創,婢、女俱死。

圖 遂負母投於塘。 城 [存宗祀,何泣焉。]長子承舜泣曰:「兒讀書,惟識忠孝字耳,願爲厲鬼殺賊,何忍母獨死。」 ·慟哭孀姑前,命諸婦曰:「我等女子也,誓必死節。」諸子環泣,急麾之曰:「汝輩男子,當 流賊陷 萬氏,和州儒士姚守中妻,泉州知府慶女孫也。 和州,王氏 諸婦女孫相隨死者十數人,僅存子希舜,求其屍,共聚塘坳,無一 一時五烈婦。王用賓妻尹氏,用賢妻杜氏,用聘妻魯氏,用極妻戴氏, 生六子,皆有室。 崇禎八年,流賊陷其 相離者。

泣曰: 「亟死亟死,毋污賊刃。」結繯,繯斷,適用賢所佩劍挂壁上,杜趨拔之,爭磨以剄,次 叉王氏良器 女,劉臺妻也。五人同匿城西別墅,誓偕死。及賊登陴,呼聲震 地。 五人相持

第死。

就 執,多方迫之不得。 州又有女,失其姓,與諸婦共匿明倫堂後。 四婦勸之,泣曰:「我處女也,可同男子去耶。」以頭搶地。 其四人已爲賊執,用帛牽之。 獨此女不肯 賊搴其足

而曳之,女大罵。賊怒,一手搴足,以刀從下劈之,體裂爲四。

再。 收其屍,子呱呱懷中,兩手猶堅抱如故。 至,陳抱子避樓上。 最後以索縛之,行數里,陳力斷所繫索, 陳氏,涇陽王生妻。 賊燒樓,陳從樓簷跳下,不死。 有子方晬,生疾將死,以遺孩屬陳。 幷鞍墜焉。 賊視其色麗,挾之馬上,陳躍身墜 賊知不可奪, 乃殺之。 陳曰:「吾當生死以之。」流賊 賊退,家人 一地者

夫在外,或未死,尚可期也。」竟棄男,負叔而走。 逃,力罷,不能俱全。 城,得無恙。 足創難行,令李速去。 雞澤二李氏。 一嫁曲周郭某。 一同邑田蘊璽妻。 李曰:「良人兄弟俱死,當存此子以留 或教之舍叔而 遭亂,舉家走匿。 抱男,李曰:「翁姑死矣,叔豈再得乎!子雖難捨,然吾 遇亂, 蘊壓兄弟被殺。 翁姑旋被殺,李攜幼男及夫弟方七歲者共 田氏後。」遂棄已女,抱其子赴 李抱女同姒王抱男而逃。

官兵剿汝,醢爲脯,吾當食之。」以簪自剔一目示賊曰:「吾廢人也,速殺爲幸。」賊怒殺之。 宋德成妻姜氏,臨淸人。德成知贊皇縣,寇入署,姜投井。 賊出之,逼令食,罵曰:「待

歎曰:「眞烈女。」 我髮。」被以錦衣,又擲之曰:「毋污吾身。」强擁諸馬上,復投地大罵請死。 六安女,失其姓。 崇禎中,流賊入境,見其美,將犯之。 以帕蒙其頭,輒壞之,曰:「毋污 賊怒刃之,旣而

罵賊。賊使數人牽之不解,斮其兩手,罵如初。又斷其足,愈罵不絕,痛仆地佯死。 遇雨則燥,暘則濕。 其衣,女以口齧賊指,斷其三,含血升許噴賊,乃瞑。賊擁薪焚之,厥後所焚地,血痕耿耿, 石氏女,失其邑里,隨父守仁寓五河。崇禎十年,流賊突至,執欲污之。女抱槐樹厲聲 村人駭異,掘去之,色亦入土三尺許。 賊就褫

指,復拾斷指擲卒面,卒磔殺之。 又當塗舉人吳昌祚妻謝氏,爲亂卒所掠。謝以手抱樹,大罵不止。卒怒,斷其附樹之

周彦敬妻莊氏。 彦敬,棲霞知縣。 氏讀書知大義,

亂起,鄉人悉竄山穴中。 莊以男女

無別, 有難色。 彦敬强之曰:「不入,且見殺。」莊曰:「無禮不如死, 君疑我難死乎」即引刀

自裁。彥敬處其義,終身不復娶。

明早可於此地尋我。」凝禧遂逃,次早果得屍於分手處。 急,登岸奔魏家砦。 梁凝禧妻馮氏。 夫婦要同死,氏訣凝禧曰:「同死固甘 凝禧,隨州諸生。 崇禎十年,聞賊警,夫婦買舟避難。 ,但君尙無子,老母在堂,幸速逃**,** 行至西河 · , 賊追

從,大罵死。 以生不貞,棄夫之難不義。 曰:「我榮榮一婦人,靡因而至。 行山谷間。 唐烈妻陳氏。 **砦人曰:「非唐氏嫗乎?** 烈,孝感諸生。 失貞與義,何以爲人!吾其行也。」卒不入。已,賊至,逼去不 諸君雖憐而生我,我何面目安茲土耶!夫存亡未知,依人 崇禎十年,從夫避難山砦。 事迫矣,可急入保。」陳問夫與子至未,曰:「未也。」陳泣 賊突至,夫與子俱奔散,陳獨

京。 劉孑身出避,倉皇無所之,見男婦雜走登舟,慨然曰:「吾儕婦人,保姆不在,義不出帷, 又劉氏,懷寧人,應天府丞顏素之孫婦也。崇禎末,亂兵焚掠江市。其舅與夫先在南

列傳第一百九十一 列女三

敢亂羣乎!」遂投江死。

以身代夫,不許。 唐氏,廣濟潘龍躍妻。 女巽跪泣,乞以身代父,不許。 崇禎十三年避賊靈果山。 唐知夫不免,投於塘,女從之。 賊至,加刃龍躍頸,索錢。 唐跪泣,乞 賊愴然釋

其夫。

及顏方受刃,妾會又奔號曰:「此我主母,無所出,願殺我以全其命。」卒感其義,兩釋之。 又顏氏,長樂諸生黃應運妻。 城陷,兵至其家,欲殺應運生母詹氏,顏泣訴,願身代。

當從。」及夫死,時溽暑,氏求親戚斂錢以葬曰:「我當死,但酷熱無衣棺, 進姑,幷貽妯娌,語人曰:「我可死矣。」 夜半自縊 之秋爽耳。」聞者咍之。 潁州盧氏,王翰妻。 及秋、盡糶其新穀、置粗布衣、餘買酒蔬祀夫墓。 家貧,春織終歲。 崇禎十四年大饑,夫患疫。 氏語夫曰:「君死,我 恐更爲親戚累,遲 歸至家,市棃數十

贼,殺賊而斃,不失爲義烈鬼。」於是執梃而前,賊先入者三,出不意,悉爲所踣。 于氏,汝州張鐸妻。 崇禎十四年, 賊破城, 氏謂兩婢曰: 「吾輩今日必死, 曷若先出擊 羣賊怒,攢

刺之,皆死。

持 利刃遮門,詈曰 蕭氏,萬安賴南叔妻。 : 「昔寧化曾氏婦,立砦殺賊。 夫早喪, 無子,遺一女。 汝謂我刃不利邪! 寇大起,築室與女共居。 犯我必殺汝。」賊怒,縱 盗突至,率女

火焚之,二人咸燼。

屍,兩手猶抱石不脫。

女子運石。 又楊氏,安定舉人張國紘妾。 楊先倡,城中女子從之,須臾四城皆徧。 崇禎十六年, 賊賀錦攻城急。 及城陷,楊死譙樓旁。 國紘與守者議,丁壯登陴, 事定,家人獲其

往。 賊大肆淫掠,見女美,執之。 **贼露刃迫之曰:「身往何如頭往。」笑曰:「頭往善。」遂被害。** 仲氏女,湖州人,隨父賈漢陽。 女剺面披髮,大罵。 崇禎中,漢陽陷,從羣婦將出城,賊守門者止之。 賊具馬,命二賊挾之上,連墜傷額,終不肯 有頃,

牽臂引裾,雖觅污辱,何以爲人一,竟忿恚不食死。 及賊退,家人咸喜,何泣曰:「平昔謁拜伯叔,猶赭顏汗發。 鄭抱義妻何氏。 抱義,臨武諸生。 崇禎末,氏爲賊所執,乃垢面蓬髮給以病疫,賊懼釋 今匿身不固,以面目對賊,

戶自經,家人解之,投井,復爲家人所阻,怒曰:「賊至不死,非節也,死不以時,非義也。」賊 氏語家人曰:「州爲兵衝,未易保也。 湯祖契妻趙氏。 祖契,睢州諸生。 脫變起,有死耳。」及城破,屬祖契負其母以逃,而己闔 氏知書,有志節。 <u>崇禎十五年,賊陷太康,將抵</u>睢

至,環刃相向,牽之出,厲聲訶賊,遂遇害。

六日,願從死,相對縊。 蕭來鳳妻倪氏。 又有宋愈亨、深澤舉人、寇至投井死。妻王氏曰:「夫旣如此,吾敢相負。」媳韓生男甫 來鳳,商城貢生,慷慨有大節。賊逼受職,不屈死,倪自經從之。

死, 辱。」賊怒殺之。 我豈獨生。」卽投井。 邵氏, 賊知不可强, 乃刃之。 鄒縣張一桂妻,同妾李氏遇賊。欲迫李行,邵罵曰:「亡夫以妾託我,豈令受賊 李知不免,紿曰:「我有簪珥埋後園井旁。」 賊隨|李發之,至則曰:「主母爲我 賊下井扶之,摔披髮破面罵不已,扭其衣欲令併死井底,叫聲若

宗胤芳妻江氏,魯山人。子麟祥,進士。 流賊之亂,江與麟祥妻袁氏率孫女、孫婦九人

四, 趣母決計。 曹復彬妻楊氏。 次女倩紅,年十二,請更衣死。 復彬,江都諸生。 城破, 楊止之,復彬執 復彬創仆地, 楊匿破屋中。 不 可,乃爲 三繯,次第而 長女蒨文, 縊。

縊 女其上,俱令就縊。 死。 梁以樟妻張氏,大興人。 家人舉火,諸屍俱 謂子燮曰:「汝父城守, 燼。 以樟知商丘縣。 命不可 崇禎十五年,流賊圍商丘,急積薪樓下,集婢 知,宗祀惟汝是賴。」屬乳媼匿民家。

自

年, 間,姑媳牽挽不釋手。 賊圍甘州,石預戒家人積薪室中。及城陷,攜汪及一孫女縱火自焚。 鄭完我母石氏,甘州衞人。 女距三尺許,覆以甕,啓視色如生。 完我, 南陽府同知,旣之官,妻王氏奉石家居。 寇退, 出屍 崇禎十六 灰燼

垣。 郭氏 賊怒,詰其不跪,瞪目厲聲曰:「我跪亦死,不跪亦死,**已安排不活矣。」**賊加數刃,迄死 長治宋體道妻。 崇禎十五年,任國琦作亂,同居諸婦皆羅跪,呼郭不出,獨匿垝

Ξ

罵不絕口。

顧反絕父祀乎!」叱之去,德堅泣弗忍,氏推之墜層厓下。須臾賊至,叱曰:「出金可免。」氏 鬭死,德堅負氏逃。 氏曰:「事急矣,汝書生焉能負我遠行,倘賊追及,卽俱死,汝不能全母, 撫之。越二十六年,至崇禎末,流賊掠桐城。兄孫林奉母避潛山,氏偕行。 曰:「我流離遠道,安得有金。」 賊令解衣驗之,罵曰:「何物賊奴,敢作此語!」 賊怒,刃交 姚氏,桐城人,湘潭知縣之騏女,諸生吳道震妻。年十九,夫亡,以子德堅在襁褓,忍死 賊奄至,孫林格

卽哭呼曰:「父母安在乎,吾伴嫂死矣!」一躍而入。 賊破城。除方懷孕,奔井邊,謂凉曰:「吾姙在懷,并口狹,可推而納之。」原曰:「唯。」納畢, 朱氏,無爲人,徐畢璋妻。年十七,歸璋。璋有妹名京,年十五,未字。 崇禎十五年,流

中,留|李與二子居其母家。生控馬將發,|李哭拜馬前,指庭中井訣曰:「若有變,即潔身此 李氏,定州人,廣平教授元薦女,歸同里郝生。崇禎十六年,州被兵。生將奉親避山

屍,顏色如生。 中,以衣袂爲識,旁有白線一行者,卽我也。」比城破,藏二子他所,入井死。 兵退,生出其

而死,辱矣。」遂攜二女僮投水死。 曰:「賊入黃,從未殺人,何畏也。」」姚曰:「我非畏殺,畏其不殺耳。」聞賊將入湖,歎曰:「賊至 胡敬妻姚氏。敬,孝咸貢生。 流賊陷孝感,姚乘舟避難南湖,欷歔不已。 鄰舟婦解之

前 年,李自成率殘卒南奔,婦隻身竄 婦於家。 事乎!己,蓋臣自江西歸,遇賊被殺。 熊氏、武昌李蓋臣妻、大名知縣正南女。 崇禎十六年,武昌陷,婦匿林藪中,爲賊所得,奪刀自刎。 Щ 谷。 婦慟三日,自縊死 有胡姓者,欲爲子娶之。 蓋臣父周華,官赣州知府,蓋臣從父之任,留 婦曰:「吾頸可斷,汝不聞 賊去,鄰嫗救活之。 明

有間 幸。」 乎? 賊注油滿甕,漬其衣,語同類曰:「此婦倔彊,將爇之。」丘哂曰:「若謂死溺、 丘氏,孝感劉應景妻。 官兵 旦夕至,若求 **崇禎末,爲賊所執,逼從,不可。** 如我,得哉 !」賊怒,束於木焚之,火熾,罵不絕口 賊曰:「刃汝。」丘曰:「得 死焚、死刃 死爲

傅第一百九十一 列女三

列

老矣,豈復出門求活。行吾四十年前之志,可也。」投後園池中死。 是斷葷,日不再食。崇禎十六年,聞賊陷德安,將及孝感。從子高騫將扶避山砦,氏曰:「吾 同邑乾氏,年十七,歸高文煥。文煥卒,無子,拔刀自裁。母及姑救之,越三日復甦。自

賊令挺然取婦爲質,黃攜十歲兒匿靑山砦。 曰:「何爲以賊物污首」」久之,賊敗,挺然走死襄陽,黃耕織以撫其子,鄕人義之。 已而破砦,焚已居以窮黃,黃匿愈深,竟不可得。 邑又有黃氏,張挺然妻。崇禎末,賊帥白旺陷德安,授挺然偽掌旅。黃泣止之,不聽。 挺然誘以利,劫以兵,且使親戚招之,皆不應。 挺然寄兒金簪,兒以綰髮,黃怒,拔棄之

蘄 水洗馬畈某氏,爲賊所執,不從。 賊刃其腹,一手抱嬰兒, 一手捧腹,使氣不卽盡以

待夫。夫至,付兒,放手而斃。

П ° 賊指衆曰:「若非汝父母,卽舅姑兄弟,必盡殺,而後及汝。」氏曰:「我義不辱,與家人何 向氏,黃陂人。年十八,歸王旦士。 未久,賊陷黃陂,被執。 賊持刀迫之,氏罵不絕

與

|奪刃自刎。

賊怒,立磔之。

賊怒,磔之,投於水。

登樓,謂妾曰:「汝平日不飲,今當共醉。」妾欣然引滿。長庚且飲且歌,夜半偏題四壁,拔刀 示妾曰:「可以行乎。」對曰:「請先之。」奪刀自刎。 「汝年長,且有子,當逃。」召雷及所生女曰:「汝年少,當從吾死。」雷曰:「妾志也。」長庚攜酒 劉長庚妾雷氏。 長庚爲同州諸生。 賊陷潼關,將及州,長庚拜家廟, 長庚乃解所繫條,縊於梁。 召妻及二子曰: 女方七歲,橫

刀於壁,以頸就之而死。

州陷 斷 舌寸磔之。 ,賊驅使執爨,罵曰:「吾大家女,嫁大臣子,肯爲狗賊作飯耶!」賊怒,斫其足,罵益厲, 邵氏,商州人,布政使可立女,侍郎雒南薛國用子匡倫妻也。 流賊將至,避之母家。 商

其體甚固。 曰:「婦人義當如是。」崇禎末,寇陷鄰郡,呂謂夫曰:「賊焰方張,不如早爲之所。」取 關 陳諫妻呂氏。 俄寇至,俾縫衣,呂投剪破賊面,罵曰:賊敢辱我鍼黹乎 陳諫,雲夢諸生。族有安氏者,殉其夫關坤,呂每談及,輒感慨欷歔 ! 手可斷,衣不可縫。」 魚網結

七七五八

邵氏 ,曲周李純盛妻。 寇至,姑姊妹俱避地洞中。 邵爲寇所得,問洞所在。 紿之行,寇

喜隨之,徑往井傍,投井死。洞中五十餘人俱獲免。

姑撫子。閱二十年,賊陷都城,泣拜其姑曰:「留長孫奉事祖母,婦死已決。」 遂攜幼子投 王氏,宛平劉應龍妻。年十六,嫁應龍。家貧,以女紅養舅姑。 應龍父子相繼亡,王事

罵,撞石死。 曰:「此吾家塾師、 吳之瑞妻張氏。 攜其子在此。吾醜之,若遣去,則惟命。」夫與二子去已遠,張乃厲聲唾 之瑞,宿松諸生。 福王時,城陷,軍士欲污之。 張恐禍及夫與子,給

剖棺 柩,女非所惜也。」賊喜投炬,攜女去。 ,劉抱棺號哭,賊釋之。 韓鼎允妻劉氏。 鼎允為懷寧諸生。 一女年十三,賊欲縱火,而數盼其女。 劉送女,目門外池示之,女即投池死。 福王時,城潰。 舅姑雙柩殯於堂,劉守不去。 劉給之曰:「苟不驚先 賊怒,刃劉,劉 賊欲

爲不絕口死。

女側、乃死。腳與胡亦同死。適林者,投井死。適字者、遭掠、給卒至井旁、大罵投井死。 破,女理髮更衣,再拜別其母,遂縊死。 劉氏、鄒氏、胡氏。而煜節之妹曰程娥,未字。 江 都程氏六烈。程煜節者,江都諸生也。 劉有女甫一歲,啼甚慘。劉乳之,復以糕餌一器置 城被圍,與劉約俱死,各以大帶置袖中。 其祖姑有適林者,其姑有適害者,其叔母 城 日

節爲大。兒其善圖,吾不能顧矣。」遂赴水死 張氏,江都史著馨妻。年二十六,夫亡。及城陷,撫其子泣曰:「嚮也撫孤爲難,今也全 時稱一門六烈。

死。 吳,生女曰睿,方八歲,適在外家,從死於井。 皆未嫁。 妻董氏。 王氏、丁氏投舍後汪中死。古氏亦五十四,守節三十年,頭盡白,投井死。 董氏之娣,有祖 又蘭氏,孫道升繼妻。其前妻女曰四, 蘭所生女曰七,皆嫁古氏。 江都之圍,諸婦女各手一刃一繩自隨。 其弟道乾、道新並先卒。 母曰陳氏,方寄居,與董氏同處,亦自縊死。 道乾妻王氏,子天麟妻丁氏,道新妻古氏,其從弟子啓先 董氏以帶繫門樞,縊死。 城破,巽先縊死。 蘭時五十四,引繩自縊 四與七同縊於牀死 次日存,孫女日巽, 存病足,力疾投井 有女嫁於

列傳

第

七七六〇

同時有張廷鉉者,妻薛氏,城破自縊死。 廷鉉之妹日五,遇卒鞭撻使從己,大呼曰:「殺

即殺,何鞭爲」遂殺死。

氏一勺水不入口,閱十有六日,肌骨銷鑠,命子扶至柩前祭拜,痛哭而絕。 張秉純妻劉氏。 康純,和州諸生。家故貧,氏操井白,處之怡然。國亡, 康純絕粒死。

乎。」曰:「不從。」卒怒,裂其手而下,且剜其胸,寸磔死。 陶母奔護,亦被殺。 我則完,否則裂。」陶曰:「義不以身辱,速盡爲惠。」兵不忍殺,稍創其指,血流竟手,曰:「從 陶氏,當塗孫士毅妻,守節十年。 南都覆,爲卒所掠,縛其手介刃於兩指之間,曰:「從

小橋,馬不能渡。田紿卒牽衣行,覩中流急湍,曳二卒赴水,並溺死。 田氏,儀眞李鐵匠妻,姿甚美。高傑步卒掠江上,執犯之,田以死拒。 挾馬上,至城南

氏 以子付母曰:「賊勢洶洶,我少婦,即苟免,何面目回夫家。 王氏,和州諸生張侶顏妻。南都不守,劉良佐部卒肆掠。 此張氏一綫,善撫之。」言訖, 氏同母匿朝陽洞,卒攻洞急,

挺身跳洞外,洞高數十仞,亂石巉巖若鋒刃,碎身死焉。

隙,避吳中。方挈子女追尋,得之。已而吳中亦亂,方知不免,乃密紉上下服,抱女赴水死。 食糠籺。客過,潔茗治饌,取諸簪珥,與秉鐙遊者,未嘗知其貧也。秉鐙與阮大鍼同里,有 方氏,桐城錢秉鐙妻。避寇寓南都。歲祲,饘粥不給,以女紅易米食其夫,己與婢僕雜

亟入,道弘妻繼之,並溺死。 妻,亡其姓,持二女倉卒欲赴井。 長女曰:「若使母先投,必戀念吾二女,不如先之。」乃挽妹 陸氏,嘉定黃應爵妻。少喪夫,家貧,紡績自給踰三十年。甫歿,嘉定城破。子道弘

不忍,怒曰:「君不自殺,欲留爲亂兵污耶」」潹慟哭從之。 于氏,丹陽荆潹妻。潹父大澈爲亂兵所殺。 于聞變,知不免,謂||潹曰:「請先殺妾。」||潹

無寧字。 項淑美,淳安人,適方希文。希文好蓄書。 希文避山 間,載書以往。 會幼子病疹,希文出延醫,淑美與一嫗一婢處。 杭州不守,大帥方國安潰兵掠江滸,數百里 是夕,亂

列

傳

高 死 兵突至,縱火肆掠。 與身等,坐其中。須臾火迫,書盡焚,遂死。賊退,希文歸,則餘燼旋而成堆,若護其骨 、火不辱。」時嫗已先去,見火熾復入,呼曰:「火至,奈何弗出。」|淑美不應,急取書堆左右, 一慟,灰卽散,乃收骨瘞先兆。 婢挽淑美衣,欲與俱出,正色叱曰:「出則死於兵,不出死於火,等死耳,

下,遂被焚,骸骨俱燼,惟心獨存。夫歸,捧之長號,未頃卽化。 先是,有慈谿王氏,歸同里方姓。甫逾月,火起,延及其屋。夫適他出,氏堅坐小樓不

之縊,遣丐婦四人至獻宸家,防其妻朱氏甚嚴。朱不得問,陽爲歡笑以接之,且時時 宸,俱坐死。 之徒自苦也。 暑,流汗沾衣,乃坐而搖扇,謂其人曰:「余且一涼。」旣復取悅結之而盡。 縊 一而卒。文琦妻沈氏亦自縊。

夏繼妻陸氏結帨於梁,引頸就縊,身肥重,帨絕墮地。 角上四烈婦。 |張紉筬聯其首,棺殮畢,即盛服題絕命詩,徧拜族戚。 吞腦子不死,以佩 數日,防者稍懈,因謂之曰:「我將一浴,汝儕可暫屏。」丐婦聽之,闔戶自盡 錢塘張氏,鄞縣舉人楊文瓚妻。 國變後,文瓚與兄文琦,友華夏、屠獻 有司聞楊、華三婦 誚三婦 時炎

時稱「角上四烈婦」。

中大亂,死者載道,屍爲烏犬所食,血肉狼籍,夏屍棄十餘日,獨無犯者。 還,夏復歸府,則已薙爲尼矣。天波感其義,俾佐內政。及天波從亡緬甸,夏遂自經。 |焦謂姑曰:「吾輩皆命婦,可陷賊手乎」。舉火自焚死。夏歸其母家,獲免。後天波自永昌 夏氏,黔國公沐天波侍女也。沙定州之亂,天波出走,母陳、妻焦亦避外舍。 懼賊迫, 時城

